





Ex Bibliotheca
majori Coll. Rom.
Societ. Jesu

12

10

6

29

73

e

53

54 3. 116





3

DE EPILEPSIA, SEV COMITALI MORBO,

Lectionum Bononiensium libri tres;

IN QVIB. PRAETER MAGNI ILLIVS MORBI
Theoriam, hoc est Definitionem, eiusq; probatio-
nem, Differentias, Causas, & Signa,

VETERVM QVOQVE LOCA EXPLANATA,
*Neotericorum errores detecti, multaq; demum iuxta
Medicorum, Philosophorumq; mentem baud
iniucunde disputata reperiuntur.*



AVCTORE
VINCENTIO ALSARIO A CRUCE
Medico Physico Genuense.

CVM PRIVILEGIO.



Venetijs, Apud Danielem Zanettum M. DC. III.

Superiorum permisso.



AMPLISSIMO
VIRO

A LOYSIO GEORGIO
SENATORI VENETO,

Vincentius Alfarius à Cruce. S. P. D.



AMPLI ex causa fa-
ctum, Senator Illustris-
sime, ut prae sens opus hoc,
primam in re medica
ingenii nostri saturam,
in literatorum homi-
num iudicia tuo sub
egregio nomine efferri voluerim. Altera qui-
dem est, ne mihi tanquam suscepti beneficij
a 2 imme-

immemori turpis illa, omnibusq; detestanda
ingrati hominis nota unquam delenda inura-
tur. Temporibus enim, quibus nescio qua in
constantis fortuna (quam tamen, Deo auspi-
ce, superavi) vicissitudo tranquillum rerum
mearum statum perturbavit, quantis, quibusq;
officijs mihi, existimationiq; mea praesto exti-
teris, felix rei euentus satis superq; testa-
tur. Altera autem causa est, ut ex praecla-
rissimi tui nominis fulgore libro splendor ali-
quis affulgeat. Per magna namq; tua est in-
clyta hac in Vrbe auctoritas, quam tibi inge-
nij tui praestantia, rectaq; magnarum rerum
publice tibi ex Ser.^{mi} Senatus consulto manda-
tarum administratione peperisti, cuius pari-
ter iudicij solertiam, in dicendo eloquentiam
admirantur Veneti omnes, emulantur mul-
ti, perquam verò pauci assequuntur.
Vnde mirum videri cuiquam non debet, si vel
inuitos in tuam sententiam descendere cogis.
Hoc est enim facundissimi ingenij tui opus ad-
mirandum, e quo profecto, non secus ac olim
ex Romano illo Catone, probatissima senten-
tia,

tiæ, & rata veluti theoremata iugiter pro-
manant. Quæ cum ita sint, nostrum hunc
fœtum, quamvis rudem, utpote quem ado-
lescens peperit, tibi ipsi consecrari æquum
certè fuit. Reliquum modò est, ut ea, quæ in
omnes, & in me præcipue uti soles, humani-
tate, leuidente munus hilariter suscipias. Ad
te siquidem, Vir sapientissime, veluti alte-
rum Mæcenatem confugimus unà ego, & li-
ber, ut amborum decus, & præsidium sis, &
quem proxime elapsis annis ab omni iniuria
incolumem seruasti, eundem in posterum ab
inuidorum venenatis aculeis antidoti vice
præserues. Ita enim cum tibi, tum vero etiam
perspicacis ingenij viro Balthasari Drachio
Quintio tui obseruantissimo, per quem pri-
mum ad tuam gratiam aditus mihi patefa-
ctus est, tantum me debere profitebor, quan-
tum persolvere vix posse crediderim. Vale.



OCCASIO CONSCRIBENDI DE EPILEPSIA.



QVAENAM potissimum causa
me post Hippocratem, aliosq. tam
veteres, quam recentiores Medi-
cos ad scribendum de Epilepsia
impulerit, si nosse cupis, o Lector
candide, en eam tibi paucis expono. Cum mi-
hi non multis ab hinc annis à Bononiensi Se-
nato, in florentissima illa, & à nemine satis
cominendata Academia, materiam aliquam
medicam legendi onus impositum fuisset, a-
nimum illico ad particulares affectus appuli,
ex quibus epilepticus horribilis, & sui magni-
tudine admirabilis obuiam sese nostræ menti
obtulit, cuius historiam superiori è loco per Le-
ctiones explanandam sumpsi, cum ratione ip-
siusmet

siusmet ægritudinis, de qua scribi nunquam sa-
 tis, superq. potest, tùm quòd ab ea agendi
 multarum rerum ad eam medicinæ partem,
 quam physicam hodie vocant, attinentium an-
 sam mihi offerri videbam. Quas quidem Le-
 ctiones in dies singulos (quantum fieri per me
 potuit) auctas, ac elaboratas in lucem tandem
 naturali nescio quo impulsu, vt etiam amico-
 rum quibusdam obsequendi gratia, prodire
 permisi; quas, obsecrò, quantulæcunque sint,
 æqui boniq. consule, vsque dùm aliæ, in qui-
 bus huius præter naturam affectus Therapia
 continetur, vnà quoque exeant. Interim autem
 ignorandum tibi non est, nuper mihi amici cu-
 iusdam literis nunciatum esse has ipsas Lectio-
 nes, quæ nunc ex typis Venetis in vulgus emit-
 tuntur, Francofurti etiam hoc tempore ex-
 cudi. Quo nuntio multum sane tristatus sum.
 nam si in apertum prodibunt, cum rudem
 tantummodo quandam susceptæ prouinciæ
 imaginem præseferant, multis vndiq. sca-
 teant mendis, & erroribus oportet. Præ-
 terquam quod ijsdem, quæcunque de signis
 omnibus præsentis affectionis tam copiosè in
 libro tertio differuntur, omninò deerunt. Qua-
 re, si me amas, quæ hic apud nos impressæ sunt,
 Lectiones amplectitor, in quibus multò plu-
 ra,

ra, eaq. multò magis (quantum mihi tamen per
ætatem quæ florens est concessum fuit) ad læ-
uorem redacta inuenies, alibi verò excussas,
vtpote mutilas, & quæ vltimam manum haud
quaquam expertæ sunt, negligito.





AVCTORVM QVI HOC
IN OPERE CITANTVR
ELENCHVS.

MEDICORVM.

Actuarius.	Gulielmus Plantius.
Actius.	Gulielmus Rhodolecius.
Alexander Trallianus.	
Altomarius.	Hali abbas.
Andreas Vesalius.	Herophilus.
Arctæus.	Hieronymus Cardanus.
Archangelus.	Hierony. Capivaccius.
Arnaldus Columbus.	Hierony. Fracastorius.
Auenzoar.	Hierony. Mercurialis.
Auicenna.	Hierony. Montuus.
	Hippocrates.
Cælius Aurelianus.	
Cornelius Celsus.	Iacobus Hollerius.
	Io. Argenterius.
Damascenus.	Ioannes Fernelius.
Dioscorides.	Ioannes Manardus.
Duretus.	Ioannes Riolanus.
Franciscus Valeriola.	Leonardus Iachinus.
Franciscus Vallesius.	
	Marcellus Virgilius.
Galenus.	Matthæus de Craddis.
	b Mat-

Matthæus Curcius.
Mesue.

Q. Serenus.

Nicolaus Leoniceus.

Rabi Moses.

Oribasius.

Soranus.

Paulus Aegineta.
Pereda.

Thomas Erastus confu-
tatus.

Petrus Forestus.
Philoteus.

Vidius Iunior.

PHILOSOPHORVM.

Albertus Magnus.

Ioannes Grammaticus.

Alcmæon.

Iulius C. Scaliger.

Alexand. Aphrodyseus.

Aristoteles.

Lucretius.

Auerroes.

Marfilus Ficinus.

Bernardinus Crippa.

Bessarion Cardinalis.

Picus Mirandulanus.

Conimbricenfis Col-
legium.

Plato.

Simplicius.

Democritus.

D. Thomas.

Themistius.

Empedocles.

Zenon.

Heraclitus.

Hermolaus Barbar.

Alie-

ALIORVM.

Alexan. ab Alexandro.

Apuleius.

Athenęus.

Aulus Gellius.

Cęlius Rhodiginus.

Diog. Laertius.

Ecclesiasticus.

Herodotus.

Hęfychius.

Homerus.

Julianus.

D. Marcus.

Picrius Valerianus.

Plautus.

Plinius.

Plutarchus.

Suetonius.

Suidas.

Strabo.

Venuleius.

Virgilius.

Volaterranus.



CAPITA LECTIIONVM
DE EPILEPSIA
LIBRI PRIMI.



DEFINITIO quid nominis. Lect. I.
Definitio quid rei. Lect. II.
In legitima epilepsia veram semper
conuulsionem fieri probatur, contra
Capiuaccij sententiam, aliorumque
obiectiones. Lect. III.

Vt in epilepsia per essentiam legitima conuulsio, mo-
tusque conuulsiuus, ita in eadem per consensum
motus solum conuulsiuus reperitur. qua in re no-
tatur Altomarius. Lect. IIII.

Ex cerebri ventriculorum, nempe medij, aut postre-
mi occlusionem, epilepsiam fieri ostenditur, contra
Hollerium, ac Rondetium. Lect. V.

An motrix facultas ad motum epilepticum edendum
concurrat, vt perperam sentit Mercurialis.
Lect. VI.

Qua ratione dicatur cerebrum tam promptè aduer-
sus rem insensam insurgere, cum ex sui natura in-
sensibile serè sit. Vbi Fernelij quædam opinio reij-
citur.

10 **citur. Lect. VII.**
Vtrum cerebro non affecto epilepsia aliquando fiat,
obstructis solum carotidibus arterijs, venisque iu-
gularibus. **Lect. VIII.**

Quamobrem epileptici non modò ingruente mor-
bo, sensum, & motum, rationem, & memoriam
amittant, sed & ab eo liberi tanquam fatui, inme-
moresq; videantur. **Lect. IX.**

Obiectionum aduersus antea actam lectionem dilu-
tio. **Lect. X.**

De differentijs epilepsie, & modis omnibus, quibus
non solum cerebrum, sed vnaqueque pars ab al-
tera per consensum afficitur. **Lect. XI.**

LIBRI SECVNDI.

AN in Deum referenda sit causa epilepsie, ut quo-
rundam fuit opinio. **Lect. XII.**

An Luna statuenda sit epilepsie causa. **Lect. XIII.**

De proximis epilepsie causis: ubi notatur Vallesius,
Rondeletius, Hollerius, ac Riolaus. **Lect. XIII.**

Lect. XIII.

Auctorum magni nominis de causa proxima epile-
psie sententia refertur, & confutatur. **Lect. XV.**

Aristotelis opinio de somni, ac epilepsie causa ex-
penditur. **Lect. XVI.**

Epilepsiam & in acutorum, & chronicorum morbo-
rum seriem cooptari posse ostenditur. **Lect. XVII.**

Dubitationum contra habitam lectionem solutio.

Lect. XVIII.

De causis epilepsie per consensum. **Lect. XIX.**

De præparantibus epilepsie causis internis.

Lect. XX.

Dubi-

Dubitationes omnes ex antehabita Lectione insurgentes persoluntur. Lect. XXI.

LIBRI TERTII

Quam nec essetia sit ea pathologia pars, quæ de signis morborum pertractat, summoctice dicta.

Lect. XXII.

De signis imminentom epilepsiam per essentiam prædicentibus, eorumq; caussis omnibus. Vbi Rondelii opinio de causa ephialte rejicitur.

Lect. XXIII.

Enarrantur cætera signa impendentis epilepsie per essentiam, in antecedenti lectione omissa.

Lect. XXIV.

Uter humor pituitosus ne, an melancholicus epilepsiam gignerit, quibus notis deprehendatur.

Lect. XXV.

De signis epilepsie à ventriculo, cæterisq; corporis partibus progenite. Lect. XXVI.

De signis epilepticorum, quæ pathognomonica dicuntur. Et an oris spuma peculiaris sit epilepsie nota, cum Paulo, ac Altonasio. Vbi Erasius reprehenditur. Lect. XXVII.

De laesa respiratione epilepticorum, & quamobrem sensus omnes hoc in affectu amittantur, probabilius causa affertur, quàm factum sit in superioribus. Erasii error. Et quam doctè Lucretius Pathognomonica epilepsie signa descripsit, cum suis caussis. Lect. XXVIII.

Quæ symptomata circa finem epilepsie, & ea iam finita cernantur. An in paralyse hic morbus desinat, & quò materia illius causa tradatur. Vbi Fernelij,

nelij, & Mercurialis errores deteguntur.

Lect. XXIX.

De Prognostico epilepticorum. Lect. XXX.

An soli homines, inter animantes, epilepsia laborant, ut sentire videtur Arist. & cui ingenio praepollentes viri maximè omnium epileptici eundant. Lect. XXXI.

Quamobrem epilepsia hereditario quodam iure in filios, & quod mirum magis est, in nepotes, parentibus illæsis, ex quibus descendat.

Lect. XXXII.


FINIS.



Errata in hunc modum corrigito.

pag. 6. b. similaret. lege similare. ibid. item. f. in pag. 6. a. differant. f. differant
 scribatur. pag. 11. b. molitum. l. volutatum. pag. 16. b. adest. l. affert. l. valet. l. er
 pag. 18. b. animam hanc rationalem. l. animaleum hanc virtutem. pag. 21. a. caus-
 fa. l. causa. ibid. b. alterat. l. alteret. pag. 23. b. difficile. l. difficile. pag. 25. a. re-
 peritur. l. reperitur. pag. 29. a. alteri. l. altere. pag. 32. a. moderato. l. moderato
 pag. 41. viti. l. ita. pag. 45. a. vitique. l. semper. pag. 49. a. vehementes. l. vehemen-
 tes. pag. 51. b. sympathiam. l. sympathiam. ibid. l. macho. l. macho. l. ibid.
 quorum dum. l. quorundam. pag. 53. a. infam. eodemque. Delectantur
 pag. 58. b. affmat. l. affmat. pag. 62. a. Equis. l. Equis. l. Equis. l. Equis. l. Equis.
 pag. 64. a. Equis. l. Equis. l. Equis. l. Equis. l. Equis. l. Equis. l. Equis. l. Equis. l. Equis. l. Equis.
 pag. 74. a. vulneribus. l. vulneribus. pag. 75. a. profliteretur. l. pro-
 flitentes. q. pag. 76. a. Seortum. l. Seortum. ibid. b. scellatam. l. scellatam.
 pag. 80. a. senili. l. senili. ibid. de vene contra. l. de vene sect. contra. pag. 84.
 a. signa. l. signa. b. contradicet. l. contradicet.

Errata hæc ego currenti calamo notaui, plura qui inueniet excusabit.



LECTIONVM DE EPILEPSIA

LIBER PRIMVS.



Definitio quid nominis. Lect. I.



N omni, quæ à ratione suscipitur, de re aliqua institutione (Bononienses Viri præclari, vosque alij Iuuenes ornatissimi) ab ipsa quæsitæ rei substantia exordidandum esse, vt statim intelligatur quid

fit id, de quo disputatur, sapienter præcepit Plato. Natura enim comparatum esse videtur, vt vnumquodque tunc scire putemus, quando eius, de qua agitur, materici essentiam ab initio cognoscimus: Quæ quoniam, Philosopho affirmante, nulla abs re magis, quam ex definitione comprehendi potest, quippe quæ oratio est, referente Galeno, id, quo de loquimur, breuissime explicans, idcirco ego priusquam ad epileptici affectus historiam enarrandam aggrediar, eiusdemmet essentiam in prioribus Lectionibus per definitionem patèfaciendam suscepi. Sed quoniam duplicem statuere Logici definitionem, quarum alteram, quam nominalem vocant, alteri, quæ essentialis appellatur, præmittere consueuerunt, id propterea Logicorum con-

In Rhod.

6. Topic. 1.
de 3.

In Medie.
Defin.

1. poster. 1.

Lectio[n]um de Epilepsia

suetudinem secutus, Lectio[n]es nostras à nominali epilepsia definitione inchoare decreui. Verum antea res-
 sellenda omnino est hoc in loco medicorum quorun-
 dam obiectio, ne dicam inscitia, qui nominum consi-
 derationem haud proficuant nobis esse contendunt,
 qua in re Galenum ipsum ducem se habere iactant.
 Nam ex sententia Platonis sapientia, ac doctrina abun-
 dantiores ad senectutem eos peruenire scribit, qui no-
 mina negligentes rebus essentialibus sese addicunt.
 Quibus ego responsum veluti nominum cognitionem
 esse medicis perquam necessariam, nedum utilem, at-
 que proficuum. Siquidem, Aristotele teste, qui no-
 minum vires ignorant, & se ipsos saepenumero, & al-
 ios quoque fallunt. Vnde à Galeno proditum legi-
 tur, Occupatio circa nomina est inuitis nobis necessa-
 ria. Quod verò Galenus ipse eos medicos redarguit,
 qui nomina curant, intelligendum de his est, qui licet
 de nominibus gerendo, totam vitam inutiliter conte-
 runt, qui propterea ad artis finem peruenire nunquam
 possunt, de quibus alibi sermonem fecit. Quercenda
 enim eatenus nomina sunt, quatenus in rerum nos
 perducunt agnitionem. Quare non est, quod me ve-
 strum quispiam arguat, dum in multiplici epileptica
 ægritudinis nomenclatura paulisper immoror. Ita
 siquidem spero fore, ut morbo illo in quid nominis co-
 gnito, eundem in quid rei cognoscere facilius valea-
 mus. Inter ægritudines ergo Galenus, & cum sequen-
 tus Auicenna tradunt alias denominari à locis in qui-
 bus fiunt, ut arthritus ab articulorum vitio, & pleuritis
 à laterum compunctione; alias à symptomatibus, ut
 epilepsia, & à neruorum resolutione paralytis; alias à
 lesa actione, ut si ablatè sincopis, ac apoplexia fortis, ut
 lypothymia si diminuet, ut tremor, & singulus si de-
 praua-

4. De visu
par. 13.

Alenc. lib. 1.

1. de differ.
puls.

De differ.
sympt. 1.

2. Met. 2.
2. primi 1.

prauate, alias ab exente mutato nomen sortiri, ut sanguinis spiritum; alias à qualitate mutata, ut icteritia; alias ab exteriorum similitudine, ut polypus, acelephantiasis, alias demum nominari scribunt ab ipsa, ex qua pendunt, materia, ut melancholia, & cholera, ut visum tamen est à Chido medicis à solabile, seu cholera affectum cholericum fieri existimantibus. Omnes morbos igitur, qui humano corpori accidunt, ab aliquo dictorum modorum nomen desumere oportet, si Galeno, & Auicennæ credimus; quanquam non me lateat morbum aliquem multis, ac varijs nominibus appellari posse, quæ non ita apte iam expositis modis adaptari possint, quod sane epilepsiæ nomenclaturæ contingere video; Sed hæc leuiora omittamus. Appellatur ergo hunc affectum communiter Græci omnes epilepsiam, Hippocrates sacrum, magnum, & puerilem morbum, necnon etiam herculeum, Lucretius primum morbum, Apuleius diuinum, Celsus maiorem, Auicenna matrem puerorum, Coelius lunarem, Aristoteles ecstasim puerilem, Plinius fonticum, Plautus qui inspuitur, Marcellus caducum, latini omnes comitalem. Quorum nominum causam diligenter examinare oportet. Epilepsia dicitur ægrotudo hæc à symptomate: hoc etenim nomen haud aliud significare videtur, quam motus, & sensus correptionem, quod est symptoma sic dictum *ἀπὸ τοῦ ἐν ἀμφανιδῶν* quia scilicet multi è veteribus crederent epilepticos ab aliquo Dæmone corripì, qua correptione deinceps quaterentur. Sed hæc ratio mihi non probatur, qui certo scio affectionis huiusce causam naturalem esse, nec à Dæmone aliquo inuehi, ut multis adhuc hodie persuasum est. Vnde vnâ cum Alexandro Tralliano, & e recentioribus Manardo, Montuo, atque alijs non paucis epi-

Lectionum de Epilepsia

Iepſiæ nomen ductum puto ab ἐπι supra, & λήπεις læſio, ſiue, vt cenſet Aurelianus, ſupra captio, quod videlicet capitis ſenſum, ac mentem ſimul apprehendat. Hoc enim morbi genere affecti rerum omnium obliuiſcuntur, ſenſusq; illorum detinentur, vt neque audire, aut videre, aut intelligere priuſus, aut rei alicuius meminiffe poſſint. Sacer verò morbus quamobrem, vocetur ab Hippocrate non vna fuit medicorum ſententia. Fuere enim, qui exiſtimarint ita quidem dici hoc malum, quòd ob iram quandam Deorum hominibus immiſſum fuerit, veluti & alia permulta, quorum cauſam in diuinam iram referebant. Quam ſententiam confirmans Celfus tradit, vel auctore Homero diſci poſſe morbos ad iram Deorum immortalium reſectos eſſe. Alij verò ſacrum hunc affectum dictum aſſeuerant, id eſt magnum, Græcorum conſuetudine, quibus ieron non modò ſacrum, verumetiam magnum, & grande ſignificat, ſic enim ſacrum mare dictum, ſacra domus, & ſacra nox à Tragico Poeta apud Aurelianũ, ſic denique medici os ſacrum ob magnitudinem appellant. & hæc ipſa de cauſa Hippocrates magnũ morbum vocauit epilepſiam dicens à quartana correptos magno morbo non laborare; & Celfus maiorem eiſdem paſſionis magnitudinis gratia. Ariſtoteles verò innuit morbum epilepticum ſacrum à priſcis iccirco nuncupatum, quod eo Hercules, qui inter ſacra numina ab ethnicis colebatur, laborauit. At ego dicerem hanc denominationem ſumpſiſſe potius à loco in quo fit, à capite nimirum. Nam & ſi à ventriculo, alijsq; partibus aliquando, vt audietis inferius, hic affectus per conſenſum in caput procedat, capitis tamen morbus eſt, docente hoc Galeno, vbi habet quòd licet caput per alterius partis conſenſum afficiatur, affectio nihilomi-

Lib. 1.

Lib. i. c. 4.

6. epid. 9.

ſect. probl.
30. probl.

3. de loc. aff.
c. 3.

c. A

nihilomi-

nihilominus adscribenda capiti est. sed hac ratione, &
 apoplexia, & alij cōsimiles cerebri affectus sacri nun-
 cupari posse videntur, cum & hi in capite fiant. Ca-
 put enim partis animæ sacrum templum est, quod
 veteres propterea summo cultu prosequiebantur, ac a-
 dorabant, ut notat Aristoteles, qui eadem de causa a-
 libi dixit sternutamentum ynum esse ex omnium spiri-
 tum generibus sanctum, atque sacrum. Ideo Athe-
 næus, quod sacrum, ait existimaretur caput, vel ex hac
 re manifestum esse arbitror, quod per ipsum iurabant,
 ac sternutationibus ab eo factis tanquam sacris genua
 flectebant. Nec immerito sanè tanto cultu veteres ca-
 put ipsum venerabantur. Est enim precipuum huma-
 ni corporis membrum, & rationis sedes, à Platone pro-
 pterea diuinissimum appellatum. Sic etiam diuinum
 morbum vocat epilepsiam Apuleius, eo quia diuinam
 hoc est rationalem animæ partem, quæ residet in capi-
 te, violet, cuius sententiæ fuit Alexander Trallianus: to-
 to verò, ut inquiunt, coelo aberrant, qui diuinum id-
 circo dictum cogitant, quod naturam, causamq; diui-
 nam habeat, cum tamen ex eadem illa materia fiat, quæ
 & reliqui morbi possident, ut abundè inferius demon-
 strabitur. Puerilis Hippocrati, alijsque dicitur hic
 morbus, ut etiam Lucretio primus morbus, quod pue-
 rilem, & primam ætatem maxime occupet. Hinc Ari-
 stoteles quærens quamobrem inter animantes homini
 potissimum oculi deprauentur, ita loquitur. An quod
 homo, vel solus, vel maxime morbo capitur comitiali:
 in puerili ætate? Cōmuniter enim hæc passio frequens
 est in pueris, eosq; adhuc paruulos, ut ait Paulus, infe-
 stat, verum eo tempore magis, quo dentium ortus ap-
 pareret. In summa adeo familiaris est hæc affectio pue-
 ris, ut ipsis vel in utero adhuc existentibus, nedum in

ichori

lucem

Sed. probl.
 33. prob. 9.

Li. 3. de Co-
 gnis sophis-
 rum.

1a Timæo.

Lege Gal. 6.
 eplid. com. 1.

Lectionum de Epilepsia

6. epid. 4.

lucem editis fa-pissime oboritur, eosq; prius non relin-
quat, quàm humidiorē illam, ac imbecilliorē æta-
tem sicciōri, ac validiori permutarint. Herculeum ve-
rò morbum cum Hippocrates, cum alij quoque epilep-
siam vocant, aut quia affectum hunc passus Hercules
fuerit, aut quia, ut ille inuictus, ita hic nulla medicorū
ope superetur, ubi ætatem acquisierit, aliusq; suas ra-
dices egerit, quod quidem videtur magis cum Galeni
sententia conuenire. Refert. n. à quibusdam herculei
nomen inditum iccirco fuisse comitiali morbo, ut eius
magnitudinem significarent, non propterea quod cum
passus Hercules fuit. E veterum tamen monumentis
constat Herculem hoc morbi genere fuisse vexatum,
ab eodemq; ut nonnullis placet, coturnicis ope libe-
ratum, vnde versus.

Fortem Coturnix sospitauit Herculem.

a. in 9.

Cur verò ab Auicenna mater puerorum epilepsia dica-
tur, fateor equidem vnā cum Leonardo lachino me
ignorare, nisi forte pro matre non ercam innuere nobis
voluerit. Lunarem præterea morbum epilepsiam cum
Celsio ceteri medici appellant; vel quia lunæ circum
actionem insequatur, vel quia huic affectui maxime
omnium obnoxij fiant, qui lunæ coniunctione, siue in-
terlunio concipiuntur, aut eduntur, Vnde Serenus.

Dubia per tempora luna

Concepit talis sæpe ruina profudit.

Seft. prob.
30. pro. 1.

.36. c. 19.

Verū de lunæ facultate in epileptico progignēdo mor-
bo diffuse agetur in sequētibus. Ecstasis dicitur hæc pas-
sio ab Aristotele, quod in ea non secus ac in ipsa ecstasi
mentis alienatio fiat. Plinius fontici nomine comple-
xus est comitalem morbum. Nani de gagate lapide scri-
bens ita loquitur. Deprehendit fontici morbum. Fontici
morbi

Lectionum de Epilepsia

est subiti species morbi, cui nomen ab illo est

Quod fieri nobis suffragia iusta recusat

Sape etenim membris atro languore caducis

Concilium populi labes horrenda diremit.

*Mercellus
apud Lae-
tium epile-
psiam vocat
epinionem,
cuius, rei
causam af-
fert Mercu-
rii Patris.
Prae. de e-
pilepsia.*

Hæc omnia sunt, Prudentissimi Viri, quæ circa variam multiplicemq; morbi comitialis nomenclationem examinanda sese mihi obtulere. Quamobrem ut ad ipsius naturam me ipsum quamprimum accingam, nominibus hic finem impono.

Definitio quid rei. Lect. II.

DE singulis epilepsie nominibus, Auditores, vberius fortasse quam oportuit, in superiori lectione sermonem feci, nunc operepretium est, ut ad eiusdem affectionis essentialem definitionem conuertatur oratio. Quamobrem hoc ego pacto illam definirem. Epilepsia est symptoma, in quo princeps functio aufertur, sensus, motusque arbitrarius amittuntur, cum omnium partium deprauata motione non continua, ex cerebri ventriculorum occlusionē. Declaro. Hanc ipsam affectionem in symptomatum genus esse cooptandam, nemo erit qui libere non fateatur. Nam quidquid est læsioni actionibus, illud Galeno symptoma dicitur. Vnde epilepsia, in qua actiones hæ, quæ à voluntatis iussu dependent, tantopere afficiuntur, iufemeritò symptoma nuncupata est. Præterea si ea vocantur symptomata, quæ morbos veluti umbra corpus insequuntur, ut habetur apud eundem Galenum, & epilepsia morbum in via, videlicet occlusionem ventriculorum cerebri sequitur, hac etiam causa symptoma non temerè vocabitur. Qua tamen in re sciendum à vobis est me parum curare, an quis præsens pathema vel symptoma, vel affectionem, vel morbum, vel deni-

*It. Met. &
ipse sympt.
causa.*

*De diff. sym-
ptom.*

denique quomodo voluerit nuncupauerit. Talia enim à sophistis peraguntur, quæ ne minimum quidem utilitatis ad curandi rationem afferunt, sed logicæ tantum quæstiones sunt, quæ nihil ad medicinæ opera conducunt, quemadmodum nos probè docuit Galenus. Definiant ergo mirari qui in lectionum progressu epilepsiâ à modo vno, modo altero nomine appellari audient. Esto igitur symptoma præsens ægritudo, cuius subiectum, siue partem in qua sit, cerebrum esse manifeste constat ex principum facultatum, & sensuum etiam exteriorum læsione, quorum omnium cum fons, & origo cerebrum sit, veluti pro supposito axiomate habetur apud omnes medicos, & in comitiali inuassione ob lædantur, propterea non immerito statutum est cerebrum partem esse, in qua huiusmodi passio generatur. Nulla enim, auctore Galeno, actio læditur, nisi pars, quæ illam efficit, vna etiam lædatur. Nec obstat, quòd aliquando à ventriculo, alijsq; partibus eam provenire dicimus; semper enim in epileptico casu, à quacunque parte ortum habeat, cerebrum necessario affici oportet: alioqui sæva illa, & horribilia symptomata, quæ in comitialibus quotidie cernuntur, nunquam profecto fierent. Hactenus de genere, & subiecto epilepsiæ. Superest modo, vt reliquas definitionis partes expendam. Principem animæ functionem, nimirum rationem, atque memoriâ auferri dictum est, ad differentiâ spasmi, siue conuulsionis, qua correpti talem noxam non incurrunt. quod verò in epileptico symptomate nobis illæ animæ facultates amittantur, ex eo satis superq; arguitur, quòd ne consequi possunt, quæ antea fuerint dicta. Siquidem, vt Galenus ait, cum memoriæ viribus ratio pariter afficitur. Additum est cum amissione arbitrarij, seu voluntarij motus, quoniam hic motus

B fit

Lectionum de Epilepsia

fit quidem musculis ad propria capita reuulsis, qualis etiam ipsis præter naturam motus est: sed animali ciente, ac impellente virtute, quæ quoniã in epileptico morbo affectis, præ ventriculorum occlusionẽ interceptitur, quominus in motus instrumenta deferri possit, necesse omnino est, vt motus amittatur voluntarius. Quã rem probõ etiam tali ratione. In epilepsia amittitur sensus, ergò multò magis & motus. Nam ad patiendum minor multò, quàm ad agendum virtus postulatur. sensus enim vt passio; motus verò vt actio se habet. Quòd si legeritis vos sensu deperdito, aliquando motum seruati, id non efficit, vt maiori facultate influente motus non egeat. Si quidem illud euenit duplici de causa, aut obstructis nervis, qui ad cutim texendam veniunt, & non ijs pariter obstructis, qui musculos peruadunt, aut epte ipsa stupefacta, stuporeq; profundiores musculos non pertingente, ita vt cum dicitur seruari motum amisso sensu, intelligendum sit non de vna præcipua, signataq; parte, sed membro aliquo, vt brachio; crure, quæ varijs constant partibus. Alioqui enim nunquam videas brachij, aut cruris aliquem musculum moueri, qui idem non sentiat. Verum ne à re nostra discedam, quòd animalem virtutem ad motum epilepticum edendum influere contendunt, secus rem diiudicant, nimirum sensus omnes hoc in morbo deperdi, non quidem ob defectum spirituum animalium: sed quia iidem spiritus perturbantur ita, & agitantur, vt rerum species recipere ne queant, quorum hominum sententia mihi certe non probatur. Nam si spiritus quòquo pacto influerent, licet agitati, atque commoti, sensus in epilepsia deprauatè saltim operarentur, non potius abolerentur. Quòd enim sensus hoc in symptomate omnino amittantur clarius est, quàm vt demonstrari debeat.

Nam

Nam qui eo concidunt, neque audiunt, neque vident, neque in summa villo sensu quidquam percipiunt. Deprauatam autem, & vitiosum motum epilepticos comitari sensus ipse demonstrat, licet in aliquibus maior, in alijs minor pro vario modo generationis epilepsiae, varijsq; eiusdem causis conspiciatur. Datur, n. leuior, immo spuria comitialis affectio, in qua nec semper functio princeps, nec sensus, motusq; voluntarius auferuntur, & in qua demum vniuersalis partium conuulsio, iactatioq; non apparet. Ego verò de legitime facta potissimum definitionem intelligi velim, quam tū alia, tum deprauata motio, tam cerebri, quam etiam vniuersi ferè corporis, insequitur. Per talem quē motionem non modo conuulsionem proprie dictam, sed etiam, conuulsivū motum accipere oportet. Vterque enim motus à legitima, verèque epilepsia vix seungi videtur: quæ causa fuit, vt Galenus, & post eum Paulus & Helias epilepsiam esse conuulsionem asseruerint. Vbi per conuulsionem non solum conuulsionem ipsam, verum quoque conuulsivū motum intelligunt, quamvis Capiuaccius autemet Galenum quasi aliud agentem hanc ægritudinem conuulsionem appellasse; & Pereda per conuulsionem motum conuulsivum tantummodo exponit. Conuulsionem enim in epilepticis membrorum in propriam radicem contractio, motum conuulsivum eorundē concussio, iactatiove propallat. Quòd verò non continua sit comitialis conuulsio inde fit, vt ab alijs conuulsionum generibus discrepet, nimirum emprosthotono, opisthotono, atque tetano, id est neruorum rigore, in quibus perpetuo, non interpollate conuulsionē fieri contingit; à quibus etiā non hoc solum nomine differens est, sed mentis etiam sensuūq; oblatione. Tandē dixi ex cerebri ventricu-

D. de loc. aff.

7. lib. 3. c. 13.

1. Theor.

D. de mor. 1.

lib. 1. c. 1.

Ad Pascha-

lij met. cur.

Shol. cap. de

Epilep.

Lectio de Epilepsia

lorum occlusionem, ut ostenderem cerebri ventres hoc in symptomate duplici modo obstructionem pati, uno quidem propriè, altero verò impropiè. Propriè dicam ventres obstrui, quando crassus pituitæ succus, aut melancholicus in iisdem ventribus retinetur. Impropiè quando non substantia aliqua crassa illos obrurat, sed qualitas quædam alteratis per continuitatem partibus afficit. Quare falluntur, qui omnem epilepsiam ab obstructione gigni contendunt, nisi forsitan obstructionis vocabulum lato modo accipiant. Occluduntur enim semper in omni genere epilepsie cerebri ventriculi, sed obstruuntur, si materia crassa sit, conuiuent verò, si qualitas, aut materia aliqua existat, quæ licet mole minima, facultate tamen maxima prædita sit, pro qua expellenda contrahantur in sese, atque conuiueant, ex qua re membris facultate animali destitutis comitiales in terram misere prolabuntur: ex quibus pariter manifeste constat cerebrum hoc in morbo non ut simillaret, sed ut instrumentale oblati, quemadmodum ex Hippocrate nos ipsos docuit Galenus scribens, quod crassi humores, qui in cerebri substantia abundant, interdum ei ut instrumentali, interdum ut simili partem nocent. Cum enim meatus obruantur, ut instrumentali, cum verò temperamentum alteratur, ut simili.

6. epi. cir. fi.
3. de locaff.

In legitima Epilepsia veram semper conuulsionem fieri probatur, contra Capiuaccij sententiam, aliorumq; obiectiones. Lect. III.

ADuersus ea, quæ superius de comitiali conuulsione in medium protuli acerrime stare videtur Vir nostri æui celeberrimus Hieronymus Capiuaccius, quia ab epilepsia legitimam conuulsionem omnino ferè excludit. Quare ego qui in omni, quæ spuria non sit, epileptica inuasionem semper conuulsionem adesse arbitror, meam de hac re sententiam rationibus, ac auctoritatibus comprobare, aliter uerò statuentium pro viribus refellere cogor. Inuehit igitur in Altomarium Capiuaccius, quòd ex Galeno, Pauloq; scripsit epilepsiam conuulsionem esse, nulla, ut ait, ratione, sed nuda solum Galeni auctoritate superficialitè intellecta confusus. Hinc ipse conatur probare hoc in affectu legitimam conuulsionem non reperiri, tali potissimum ratione. Omnis conuulsio, aut inanitione fit, aut repletionem, sed epileptica conuulsio, nec inanitione fit, nec repletionem, ergo conuulsio non est, de legitima loquendo. Ego infra nūc omnis vera conuulsio ex inanitione tantum, aut repletionem proueniat, & ad quam speciem epileptica sit referenda sermonem habebo, in præsentem uerò illud solum affirmabo minorem propositionem ex ea parte reiiciendam esse, quæ comitalem conuulsionem repletionem fieri negat. Quòd enim ex inanitione prouenire non possit, & nos cum eo convenimus, cum epilepsiam tam generatior, quam discussio velox, subitanea sit, quod in corporum dyscrasia

Lib. præf.
c. 15.

Lectio num de Epilepsia

fia contingere nullo modo potest. Dyscrasia enim cū
 sensim generetur, & non tota simul, morbum, qui con-
 festim fiat, procreare nequit. Quod autem conuulsio
 e repletionē hoc in morbo non sit, ad hunc modum
 ostendit: conuulsio e repletionē est motus prauus, cu-
 ius causa est solum morbifica materia, non facultas. At
 in epilepsia, etiam per essentiam, facultas concurrat,
 qua de causa Galenus tradit cerebrum in epileptico
 motu se ipsum quatere, vt noxia expellat; & alibi feret
 in epilepsia conuulsionem esse motū cerebri vitiosum.
 Vnde patet, ait, concurrere facultatem expultricem cere-
 bri; Ergo. Ad hæc aliud in medium argumentum ad-
 fert, quo legitima conuulsio ab hoc affectu excluditur
 nam, inquit, conuulsio epileptica pertinet ad cerebrū,
 at secundum Galenum, conuulsio legitima fit vel in as-
 nitis, vel repletis corporibus nervosis, à quibus motus
 voluntarius perficitur, vnde consequens est cum cereb-
 rum nec sit nervosum, nec motum voluntarium per-
 ficiat, ob id conuulsionis legitimæ subiectum esse non
 posse. Hæc sunt argumenta, hæc rationes quibus inni-
 titur vir vnde quaque doctissimus ad ostendendum in
 epilepsia legitimam non fieri conuulsionem. Quarta
 men omnia soluere difficile, arbitror, non erit, si quæ
 superius à me in definitione præmissa sunt memoriae
 mandentur, nimirum in omni verò legitima epilepsia
 semper conuulsioq, & motus conuulsivum repē-
 ri; illamq; ex membrorum contractione, hunc verò ex
 eorundem concussionē, & rationesq; cognoscere. Qui
 quidem conuulsivus motus ab irritata facultate, illa
 quæ leditur, & irritatur, propter hæc hominē, & produci-
 tur, quemadmodum conuulsio solus morbi opus sit;
 videlicet conuulsioq, & motus conuulsivus non est opus
 Galeno auctore. Quibus etiam habentibus prioribus
 piuaccij

3. d. loc. aff.
 7.
 1. de sympt.
 caus. vit.

5. aphor.
 com. 1.

1. de sympt.
 caus. 1.

piuaccij ratio corrumpit. Nam ad id quod obijcit, hoc in affectu etiam per essentiam, haud esse legitimam conuulsionem, eo quia legitima conuulsionis e repletione causata est solum materia morbifica absque facultate, in epilepsia vero facultatem concurrere, respondetur, affectum hunc si legitime fiat (quod accidit cum cerebri ventres a materia crassa ut pituitosa, aut meancholica obstruuntur, quae vera epilepsiae generatio ceteris frequentior est) una secum tam conuulsionem, quam motum conuulsium habere. Illam membra radicem versus contracta nobis aperte ostendunt, cuius origo, & causa pendet non ab irritata facultate, sed ab eadem illa humidiori materia neruorum exortus irrigante, & consequenter a morbifica solum materia, ob quam nerui secundum eorum latitudinem augentur, secundum longitudinem vero imminuuntur. Hic autem ex concussione cunctarum partium motu patet fit, qui generatur ex cerebri multifariam motione, dum eiusdem membri insita e pellens virtus ad rem insensam a se longe propellendam insurgit. Quamobrem in omni, quae ueritalis existat, epileptica exacerbatione, non modo facultas motum conuulsium, sed etiam materia morbifica conuulsionem e repletionem legitimam produciens reperitur; quod apertissime confessus est Galenus, nec tandem Capivaccius ipse negat. Non eo tamen insicias, in alijs epilepsiae speciebus legitimam conuulsionem haudquaquam fieri, sed tantummodo concussus motum a cerebri uirtute, dum rem paruae quidem molis, sed praeuae qualitatis expellere nititur, manifeste productum. Verum huius generis comitiales casus haud omnino legitime factos esse dixero. Quantum uero spectat ad aliam uiri celeberrimi rationem, quae censet idcirco in epilepsia legitimam non esse conuulsionem,

saphor. 70.

Lectionum de Epilepsia

sionem, quòd illa ad cerebrum pertinet, cū tamen legitima conuulsio fiat, uel inanitis, uel repletis neruosis corporibus, quibus motus perficitur uoluntarius, responderē ego epilepsiam non fieri nisi neruorū principio secundum uentres oblato, sed quoniā nerui etiā ab eadem illa causa afficiuntur, à qua cerebrum primò læditur, iure aliquis dicet, neque hoc nomine legitimam conuulsionem ab epilepsia excludi oportere, cū epileptica pariter conuulsio ad neruos pertineat, nā ab eadem humida irrigantur materia, a qua ipsorum obstruitur principium. Quam quidem rem sic prorsus se habere, ac ego protuli clarissimè docet Auicenna, qui causam, ni fallor, tam conuulsionis, quàm motus conuulsui eorum, qui comitialiter prolabuntur, inquirens ad hunc modum loquitur. Spasmi autem descendentes ad membra, quibus associatur epilepsia causa est, quoniam materia, quæ peruenit ad cerebrum, aut nocumentum quod ipsum comitatur, comitatur neruos etiam. Quare est ipsorum dispositio, dispositio eius, & illud est propter tres causas, quia scilicet nerui sequuntur substantiam cerebri, & læduntur ab eo, quo ipsum læditur, & eorum repletio ex humore expulso ad ipsos in principio ipsorum, quare augmentatur eorum latitudo, & abbreviatur eorū longitudo. Posset præterea quispiam ad nostram definitionem impugnandā illud etiam obijcere, omni definitioni illud potissimū necessarium esse, ut definitia sint definito essentialia, sed deprauatus ille motus non est de epilepsia essentia, nam haud semper in ea perdurat, ergo in eius definitione minime inseri debuit, quia si motus ille non adest, tunc neque epilepsia, quod à veritate abest. Præterea Celsus de comitialibus per hæc uerba scripsit: modo cum distensione membrorum, aut neruorū prolabitur

Fen 1. ter.
tiac. 6. c. 8.

Lib. 1. c. 13.

fabitur aliquis, modò sine illa. Quæ verba epilepticos interdum absque conuulsione prolabi innuere videntur. Ideò multò minus in epilepsiæ definitione introcludi debuit. Dubitationi obuiam irem hoc pacto, verum quidem esse, quòd hoc in symptomate deprauata illa motio perpetua non est, at tamen tam conuulsione, quàm & motum conuulsium in epilepsiæ essentia comprehendimus; quoniam absque his verè comitialis affectio non gignitur. Quare Galenus ob tales motus epilepsiam ab apoplexia differre non vno in loco scripsit. Si enim, inquit, non modò totum corpus conuellitur, sed principes quoque functiones detinentur hoc symptoma comitialis morbus appellatur, veluti apoplexia, qua simul, & totum corpus resoluitur, & principes occupantur functiones. Quò et mentis aciem Galenus direxit, cum apoplexiam alto somno, epilepsiam vigiliæ comparauit. Celsi verò auctoritati in oppositum allatæ satisfacere dicens, eius verba hoc sensu accipienda esse, vt de non legitimè facta epilepsia intelligenda sint. Nam & ego supra non semper in comitialibus motus illos fieri affirmavi, sed solum in his, qui talem morbum legitimè incurrunt, de quibus sermo non fit à Cornelio, aliter rem sensui contrariā traderet. Vt hic verò, ita etiam intelligendus Auicenna cum scripsit. Multoties fit epilepsia absque spasmo sensato. Sed hæc dicta sint satis pro lectione hodierna, reliqua ad hanc rem spectantia in subsequenti prosequar.

De sympt.
differ. 3. de
symp. causis.
2. lib. & c.
idem habet.

Lib. 2. de
symp. causis.
c. 3.

In ead. epi-
lept. ca. 1.

Lectio de Epilepsia

Vi in epilepsia per essentiam legitima conuulsio, motusq; conuulsivus, ita in eadem per consensum motus solum conuulsivus reperitur. Qua in re notatur Altomarius. Lect. IIII.

QUOD in legitime facta epilepsia, Ornatiss. Adolescentes, legitima etiam adsit conuulsio iam satis superq; probavi. Sed quoniam varietates sunt conuulsionis species iuxta Neotericoꝝ sententiam, qui conuulsivum motum vnà cum ipsa conuulsione confundunt, diligenter indagandum est, sub qua nam recensenda sit comitialis, & an ea vera conuulsio sit, quæ cerebro à subiectis partibus im-
6. aphor. 39. partitur. Omnis igitur conuulsio ex Hippocrate, aut inanitione fit, aut repletione, veluti singultus. Inanitione conuulsio fit omnibus nervosis corporibus, quæ sunt nervi, ligamenta, muscoli, tendones, violentius exsiccat. Repletionem iisdem nervosis partibus nimio, ac superfluo humore imbutis, ut exemplo fidium multis in locis scriptum reliquit Galenus; quibus addunt aliam conuulsionem, quæ neque inanitione fit, neque repletionem, sed per consensum à re aliqua facultatem irritante, cuius mentionem facit ipse Galenus dicens. nam plerumque conuulsio, vel ex repletionem nervosarum partium incidit (qua ratione eos, quos magna phlegmone premit, adoritur) vel ex mordenti, ac tenui humore, qui nervosa corpora rodat, vel ex ingenti frigore, quod tale quippiã quale gelu efficit. Hanc
lib. 1. sen. 2. ferunt eã esse conuulsionem, quam Avicenna sub nomine spasmi non proportionati ad materiam significa-

re vo-

re voluit, dum sic loquitur. Et quandoq; fit spasmius, qui ad materiam non proportionatur, eueniens causa rei nocentis, à qua nerui fugiunt, & congregantur ad expellendum ipsam. Quæ cum ita sint diligenter quæ-
runt cuius speciei sit comitialis conuulsio. Clarum est ex superius prælibatis, si de essentiali epilepsia loqua-
mur, non ad illam conuulsionis speciem referendâ esse, quæ ex inanitione ortum habet, quoniam hæc prorsus ab epilepsia excluditur, cum nec subito fieri, nec subi-
to solui possit; neque enim cerebrum, aut eius mem-
brana tenuior ad tantam ariditatem tam breui tempo-
re reperuenire potest, vt corio similis euadat. Id propte-
rea Galenus epilepsia, ac apoplexia subitanæ essetâ
generationem, quam discursionē scribit, quod in cor-
porum dyscrasia contingere nullo modo potest: Quam
Galenī sententiam in hunc syllogismum aliqui dedu-
cunt. Conuulsio, quæ cito fit, & cito desinit, ex inani-
tione prouenire nequit; sed epileptica conuulsio cito
fit, & cito etiam desinit, ergo non est ex inanitione.
Statuunt igitur, & recte cum Galeno, ac Auicenna ip-
so, conuulsionē, quæ associatur epilepsia, fieri ex reple-
tione, quod tamen de legitima epilepsia intelligendū
est. Quæ nanque in alijs huius morbi generibus fit de-
prauata motio, improprie conuulsio vocatur. Est. n.
potius conuulsiuus motus, qui ex re aliqua nocente,
ad materiam, vt inquiunt Arabes, non proportionata;
ortū habet. neque enim eo tempore cerebri ventriculi
ab aliqua materia obstruuntur, neque vlla neruorum
repletio percipitur. Siquidem cerebro in comitali
hoc motu non secus accidit, ac ventriculo à re quapiā
præter naturam, & prauæ qualitatis ceu ferruginea bilis
molestato euenire solet. tunc etenim singultū patitur
expellente natura id, quod alienum à se est. Ita igitur

2. de caus.
lympt. vii.

et aliq.

Lectionum de Epilepsia

cerebrum epilepsiam incurrit cum aliquid à parte primùm affecta ad ipsum fertur, quod licet mole minima, facultate tamen maxima præditum existit. Pro quo quidem expellendo mox cerebrum insurgit, se ipsum multifariam mouendo, veluti contrà pugnans, vnde patet in epilepsia consortij lege facta motum fieri à materia non offarciente ventres, sed ad rei nocuæ expulsionem virtutem irritante. Erit ergo motus conuulsivus, non conuulsio propriè dicta. Desinat hinc mirari Altomarius, quòd Hippocrates exarauit, conuulsionē fieri tantum, vel inanitione, vel repletione, nulla de huiusmodi caussa mentione facta. Quò respexit etiam Galenus, dum in conuulsione tertiam causam se haud inuenisse fatetur. licet in non multò ante adducto loco conuulsione mentionem fecerit, quæ ab humore rodente, ac mordicante gignitur. Cuius contradictionis solutio ex eo forsitan pèdet, quòd ipse Galenus vnà cum Hippocrate censet conuulsionem, quæ verè sit conuulsio, repletione tantum, aut inanitione fieri, conuulsionem autem alia ex caussa ortam talem propriè non esse, sed motum quendam potius conuulsioni persimilem, conuulsium nempè, vt de singultu prodidit idem Galenus, qui singultus naturam exponens ad hunc modum scribit. Præstiterit fortasse non conuulsionem appellare, sed motum quendam, qui sit in eodem cum vomitu genere, sed eo fortior, ac vehementior. Erit ergò in epilepsia, quæ per essentiam sit, conuulsio, verè, & legitimè talis, nimirum e repletione, in ea verò, quæ per consensum, non propriè conuulsio, sed motus conuulsivus tantum à re prauæ qualitatis excitatus. Quod si quærat aliquis qua ratione in legitima epilepsia conuulsionem ex plenitudine fieri accidat, respondetur hanc ipsam inde fieri, quòd ab eodem

9. catatop. 1.

12. Met.

aphor. 39.

eadem illo humore, qui comitialibus in cerebro continetur, neruorum exortus irrigantur, ex qua re fit neruorum, membrorumque contractio, quæ conuulsio dicitur. Quam rem ita se habere, ut ego retuli, præter Auicennam, docuit nos quoque Galenus dum scripsit. s. epid. vlt.
Causa autem epilepsiæ crassus, & frigidus est succus, congregatus quidem in ventriculis cerebri, comprehendens verò & explantationes videlicet neruorum, & maximè primum principium spinalis medullæ. Quare idem Galenus legitimam ex plenitudine conuulsionem in hoc affectionis genere reperiri clarè admodum demonstrat hisce verbis. Quæ propter euacuationem s. aphor. 70. fit conuulsio acutissima est, ac perniciosissima, quæ verò ob neruosarum partium repletionem, qualis epileptica est, neque acutissima, neque perinde periculosa. Hactenus de conuulsione, motuque conuulsio epilepticorum.

Ex cerebri ventriculorum, nempe medij, aut postremi, occlusionẽ epilepsiam fieri ostenditur, contra Hollerium, ac Rondeletium.

Lect. V.

IN epilepsia, cuiuscunque sit speciei, cerebri ventres occludi oportere tam manifestum est ex Hippocratis, Galenique principiis, quam quod manifestissimum. In Epidemijs enim ab Hippocrate, passim verò a Galeno, qui de omnibus prolixè admodum ratiocinatus est, memoriæ traditum legitur, cerebrum in comitiali morbo, non prout similis pars, sed ut instrumentum

mentaria magnam hanc noxam pati. Hoc idem est, ac si dicerent cerebrum secundum ventres affectū esse, non autem secundum eius temperamentum, ut eidem in melancholico morbo contingit. Tunc enim temperamentū totius corporis cerebri immutatur, ut in epilepsia parstantū illius membri insigniter afficitur. Nā

4. de loc. aff.

2.

& corpus eius parū quodammodo lēdi Galenus affirmat. Si quispiam verò quærat vnde nam eliciatur cerebrum secundum ventriculos affici, respondetur ab actionum potissimum motricum, sensibilemque læsione, quæ cum à ventriculis cerebri profiscantur, ventriculos affectos esse demonstrant. Hinc ideo Galenus inter earum, ait, ac apoplexiam morbus comitialis medius est. Verū in caro, & epilepsia ventres magis, & cerebri corpus minus: in apoplexia verò corpus magis affici solet. In quibus autem cerebri ventriculis hæc læsio fiat nos apertè docuit idem Galenus, qui tradit crassum pituitæ succum, aut melancholicum comitialem morbum efficere, vbi in ventriculorum meatibus retineantur, siue is medius sit, siue postremus. Quare ex his Galeni verbis medius, aut postremus ventriculus afficitur. Quam rem pariter probare possum si dicam: crasso humore impediēte spiritum animale in cerebri ventribus contentum, quominus in alias partes expandi possit, epilepsia fieri Galenus affirmat, qui spiritus animalis, quo anima pro instrumento vtitur cū in sensibilibus actionibus, tum in his, quæ à consilio, & voluntate prodeunt, obeundis, in cerebri ventriculis medio, maximeque postremo, eodem referente Galeno, continetur, iure igitur asseri à nobis potest aliquem ex iam dictis ventriculis affectionem pati, non alios. Illud quidem verum est cerebri anteriores ventres hoc in affectu non parū lædi, vnde Galenus; in

2. de sympt. caus. vii.

3. de loc. aff.

7.

8. de usu par.

10.

sopore

sopore anterior pars magis, in apoplexia, & epilepsia ^{4. de loc. aff.}
 viraque afficitur. Quorum verborum vi Capiuaccius
 perp. transiit autumat, quod tanti medici pace dictum sit,
 Galenū cum scribit cerebri ventres in comitiali mor-
 bo affectionem pati, non min⁹ anteriores, quā me-
 dium atque postremum intelligere. Quam sententiam
 ea fortasse de causa secutus est, vt ostenderet Aui-
 cennam hac in reā Galeno ipso non dissentire, dū obstru-
 ctione anteriorum ventriculorum tale symptoma fieri
 censet. Cui opinioni adhæret quoque Ioannes Riola-
 nus vir emunctæ naris, cuius quidem iudicium quan-
 ti sit faciendū satis demonstrant eiusdem ad Fernelij
 libros Physio'ogicos, & de Abd. Rer. Caus. Commen-
 taria. Quid dicam de Hollerio, ac Rondeletio de lite-
 raria, & medica imprimis Republica benemeritis, qui
 in alia prorsus omnia euntes, ab obstructione ven-
 triculorum epilepsiam fieri negant? Ab vtroque e-
 nim illorum memoriæ proditum legitur, epilepsiam
 non gigni obstructione spirituum transitum impedi-
 ente, quoniam, aiunt, si sic foret, motū in vniuersum pro-
 hiberi oporteret, aut saltim fieri minorem, quantitate
 spirituum, qui transeunt ad mouendas inferiores par-
 tes non sufficiente, cum tamen vehementius, quā an-
 tea, membra omnia moueantur. Ita vt hæc sit amborū
 argutio: Si fieret epilepsia obstructione ventriculorū,
 motus vel omnino cessaret, vel saltim minor fieret, sed
 sic est quod tantum abest vt cesset, aut minor sit, vt po-
 tius vehementior fiat, ergo obstructione ventriculorū
 epilepsia non fit. Pro solutione huiusce objectionis a-
 nimaduertendum est verum quidem esse de Galeni
 mente, in epilepsia haud integram fieri obstructionē,
 quoniam si sic esset, conuulsio non fieret, vt nec in ca-
 ro, & apoplexia ipsa, quemadmodum nos probe Aui-
 cenna

li. i. de mor.
 Inter. c. de
 epil. i. Schol.
 in met. cur.
 morbos c.
 proprio.

Lectionum de Epilepsia

cenna docuit, sed nihilominus hoc in symptomate animale virtutem ad motum efficiendum non influere, eamq; si aliquod ex parte influat, tantam non esse, quam motum aliquem edere valeat, cum in ea prorsus amittatur sensus, qui multò minori facultate perficitur. Quod verò obijciunt Hollerius, ac Rondelerius de vehementiori motu, qui in epilepticis apparet, non ne sciunt motum illum, non ex influente virtute animali, sed à musculis præter naturam contractis, produci? dum scilicet nervi, qui in musculos inferuntur, motum suimet principij, quod in epilepsia, ad id quod noxiū est expellendū, multifariam mouetur, insequi coguntur? locum uerò Galeni, quem afferunt ad probandū si aliqua fiat in epileptico morbo obstructio, eam esse in meatibus, qui in anterioribus cerebri uentriculis pituitam ad glandulam huic rei dicatam expurgant, non bene intellexerunt, quod eorum pace dictum uelim. Nam licet Galenus tradat comparatum à natura esse, ut per decliues cerebri meatus, tum per palatum in os, tum per corpus narium, orificijs magnis, atque perspicuis pituitosa, cerebri excrementa excernantur, ne animal frequenter epilepsia, apoplexiaq; corripatur, licet, inquam, hæc tradat Galenus, non propterea dicendum absque uentriculorum occlusionē epilepsia fieri, nam ijs meatibus obstructis comitalem morbum gigni uult, quatenus dum cerebri excrementa per ductus, ac meatus illos non expurgantur, medio, aut postremo uentriculo impartiantur, & hoc pacto epilepsia pariunt. Alioqui enim per se nunquam hoc symptoma produceret, quoniā et si talis detur obstructio à pituita in ipsis decerata, non propterea spiritus animalis ad principium spinalis medullæ transitus intercipitur, ut fieri constat occlusionē medij, aut postremi, quam statim

4. de uisgar.

tim sequitur epilepsia. Sed quoniam ex hac re non le-
uissimè dubitatio, de illa in sequenti lectione age-
tur.

*An motrix facultas ad motum epilepticum
edendum concurrat, ut perperam
sentit Mercurialis.*

Leet. VI.

AB his, quæ in superiori lectione contrà Hol-
lerium, ac Rondelerium, de motu epilepti-
corum, eo nimirum tempore, quo humi pro-
strati huc, illucq; membra iactant, disserui, non contē-
nenda quæstio insurgit, an scilicet motrix etiam uirtus
unà cum expultrice ad motum epilepticum efficiendū
concurrat, id quod in controuersia positum esse adin-
uenio, cum alij non parū conferre, alij contra nihil
ad hunc motum edendum facere contendant. Vtrinam
tamen sententiæ adharendum sit, ego liberè pronun-
ciabo, sed imprimis utriusque partis fundamenta, & ra-
tiones percipere oportet. Quamobrem qui affirma-
tiuam partem tuentur, ac motricem facultatem ad epi-
lepticum motum efficiendum concurrere assueverant,
hac potissimum ratione utuntur, quod scilicet, ueluti
lectum est apud Galenum, musculi non mouentur nisi
à uoluntaria facultate moueantur. Hæc instrumenta
enim ad id sunt à natura constituta, ut secundū uolun-
tatis imperium corpora nostra moueant. Vnde cum
in epilepsia musculi omnes moueantur, & eo sanè pæ-
cto, quo ab ipsa uoluntate mouentur, rationi consenta-

*Mier. Mercur.
li. de Morb.
puer. c. de
epil.*

*Li. de motu
muscul.*

Lectioꝝum de Epilepsia

neum est, ut si mouentur eo modo, quo uidelicet corpora naturaliter moueri solent, à nulla alia facultate, quam à mouente id ipsum fiat. Præterea confirmant

aphor. 45. hanc suam sententiam alia Galeni auctoritate, qui ponens differentiam apoplexiam inter, ac epilepsiam, scribit in eo affectiones conuenire, quod eundem locum affectu, eandemq; materiam utraque simul passio obtinet, differre uero tantum, quoniam in apoplexia perfecta est actionum facultas deperdita, in epilepsia motus deprauatus scilicet facultatis. id enim, inquit, uult phrasis Galeni, & sic ab interprete translatus est, quasi uelit dicere, differre apoplexiam ab epilepsia, quia in illa facultas nihil operatur, in hac deprauatè mouet. Ex altera uerò parte sunt quamplures Galeni auctoritates, quibus concludi posse uidetur ad motum epilepticum edendum nil omnino motricem conferre. Primum igitur docens discrepantiam inter apoplexiam, ac epilepsiam uersantem tradit in apoplexia motum definire prorsus, in epilepsia motum quidem seruari, sed

6. aphor. 39. præter uoluntatem. Ponens uerò differentiam inter motum uoluntarium, & conuulsionem, scribit motum uoluntarium eo sanè pacto fieri, quo fit conuulsionis motus, sed uoluntarium à facultate eiente, conuulsionem autem sine facultate eiente fieri. Id ipsum similiter sentire uidetur idem Galenus cum alibi, tum præsertim dum conuulsionem solius morbi opus esse scribit, qui sententiæ adhærent Auicenna, & Auerroes, innuentes hi omnes huiusmodi conuulsionis motus à nulla alia ui effici posse, præterquam ab expultrice facultate naturali. Controuersiam hanc cupiens conciliare Hieronymus Mercurialis inter medicos nostri æui primarius duplicem dari conuulsionem tradit, aliam cum motu manifesto, aliam cum motu non manifesto; cum motu

manifesto

(1)

mani-

11. 9. de tota

aff. 674. 2b.

2b.

2. de sympt.

causs. 1.

3. coll. 41.

aphor. 45.

11.

manifesto epilepsia fit, quando scilicet principium motus est affectum; sine motu euidenti cum pars aliqua contrahitur insensibiliter ob tumorem aliquem, aut inflammationem in musculis obortam. Quæ verò cum motu manifesto fit epilepsia est, in qua dum membra iactantur, putat Vir doctissimus, vna cum virtute expultrice omnino etiam operari facultatem motricem. Ego autem cum Galipso; bonaque Medicorum parte ad motum epilepticum edendum nihil motricem conferre arbitror, ob occlusionem ventriculorum, e quibus actiones tam sensibilis, quam motrix in alia corporis membra delabuntur. Nec arduum profecto erit rationes, auctoritatesque in contrarium allatas enucleare. Imprimis enim quod afferunt ex Gal. musculos à natura constitutos esse, ut secundum voluntatis iussa corpus, membraque moveant, id non præstat, quominus muscoli mouere vnquam possint, nisi animali ciente virtute, cum & in febrium rigoribus membra interdum violenter moveantur, concutianturque; dum pro insita facultate ad acrioris humoris expulsionem insurgunt, nulla ad hoc faciendum delapsa e cerebro virtute mouente. Gal. verò cum dicit musculos non nisi à facultate voluntaria moueri, de motu intelligit, qui secundum naturæ limites fit, naturali nempe; ad eum enim edendum necessario vis animalis requiritur, cuius est motus gratia vniuersum corpus musculis natura cinxit. Hæc ratio igitur, ni mauelis auctoritatem vocare, nequaquam in epilepticis virtutem animalem, motricemve ad illorum motum efficiendum necessario adesse oportere demonstrat. Siquidem epilepticorum motus non voluntatis iussu, sed præter naturam omnino est, dum in musculi cetera impari, quibus alligantur, motum insequuntur; nec obstat, quod Vir Clariss.

Lectiōnum de Epilepsia

addit in epilepsia muscoli mouētur eo pacto, quo à voluntate moueri solent, cōsentaneum ergo est à nulla alia facultate moueri, quàm à mouente, nam huic (ita vocant) instantiæ integrè satisfecit Galenus, qui musculos in conuulsione eodē motu moueri, quo etiam naturaliter mouentur, scriptum reliquit; iisdem nempe musculis ad propria capita reuulsis, sed nō propterea asserendum est ad motum conuulsionis animalē facultatem influere, vt in motu musculorū secundum naturam accidit. Hic enim absque animali ciente, ac impellente virtute fieri non potest; conuulsio autem motus est inuoluntarius. Quantum ad aliam Galeni auctoritatem ex Aphorismorū commentarijs deproptam, ego equidem nō video, quidquid sit de versione interpretis, cur per eam à mea sententia decedere debeam. non enim probari ex ea potest Galenum ad epilepticum motum efficiendum motricem virtutem vnā cum expultrice concurrere voluisse. quandoquidē tradit apoplexiam, & epilepsiam in eo conuenire, quòd eundem locū affectum, & eundem humorē habēt mali auctorē, in eo vtrō differre, quòd apoplexia fit propter virtutis ad neruos adfluentis plenā, cōsummatamq; priuationē, epilepsia ob motum vitiosum, atq; peruersum. nec addendum est eiusdem facultatis, quasi dicere vel t in epilepsia motricem virtutem mouere quidem membra cū expultrice, sed d. prauatē, quemadmodum in apoplexia, abolitē. non enī puto, id voluit Galenus, si eius verba à germano sensu nō distorqueantur. nā vult quòd hi affectus in eo adinuicem discrepent, quòd apopletici omni prorsus motu, tam voluntario, quàm qui prater naturam fit destituantur, ob omnimodā scilicet ventriculorum obstructionem, cuius gratia fit, vt virtus insit cerebrī,

cerebri, quippe quæ materie multitudinem affatim obruitur, contra insurgere nequeat, epileptici verò licet voluntario motu priuentur, vitioso tamen, ac peruerso motu cientur, quod in eis integra non est ventriculorū obstructio, sed, ut aiunt Moderniores, semi-obstructio. Vnde aliquo pacto virtus expultrix contra rem insensam insurgere potest, quam dum expellere conatur cerebrum multifariam mouet, cuius membri motum vitiosum nerui primum, dein muscoli, tandem membra omnia inuite sequuntur. Sic ergo ab expultrice sola facultate, absque villo mouentis adminiculo, motus epilepticus editur. Sed ut hæc melius intelligantur, diluenda quoque est obiectio, quæ ab aliquo ingenioso hac in re obijci posset, nimirum iuxta quā partem cerebrum rem noxiam adoriatur, cum ex sui natura sensu propè carere dicatur. Hic itaque sit huic lectioni finis, & ad hanc dubitationem persoluedam descendamus.

Qua ratione dicatur cerebrum tam promptè aduersus rem insensam insurgere, cum ex sui natura insensibile ferè sit. Vbi Fernelij quædam opinio rejicitur. Lect. VII.

VEstrum aliquis fortasse mirabitur, quomodo à Gal. & à me sæpius traditum sit cerebrum in comitiali morbo aduersus rem noxiam tam promptè insurgere, cum ex sui natura pars illa sensus expers esse feratur. Quandoquidè verisimile non sit membrum aliquod rei alicuius expulsionem moliri, quæ ei amica, vel inimica sit vix scire valet. Huius generis esse

Lectionum de Epilepsia

1. de part.
anim. 10.

1. de symp.
caus.

1. de plenit.
9.

1. de sympt.
caus.

In met. cur.
morbo ab
initio.

esse cerebrum probare facile possum. Imprimis namq;
de cerebro differens Arist. scribit illud non aliter ac
excrementum aliud quoduis sensu carere. Post quē Ga-
len. cerebrum non ut sit sentiendi instrumentum, sed ut
sensum instrumentis vim sentiendi præstet à natura in-
stitutum prodidit. Hisce auctoritatibus. ratio quoq; fauet.
nam quæ sentire pars debet, inter humidum, & siccum quid
symmetrum habeat oportet. utriusq; .n. qualitates u-
perantia sensus imminuitur, sed humida potissimum.
unde humida intemperies non nisi ex accidenti dolore
inferre creditur. humoris etenim copia vim sentiendi
hebetat, quæ contra in sicco, quod limites non transcen-
scendat, acutior euadit. Cerebrum verò per quā hu-
midum esse ab eiusdem mollicie, & copiosa, qua undiq;
scaturit, humiditate deprehenditur, immo Aristoteles
omnium nostri corporis partium humidissimum sta-
tuit. Hac ergo ratione etiam probabile fit cerebrum
sensu tactu omnino carere. contra tamen quispiam
objiciet quod vulgo dici solet, nemo dat, quæ non ha-
bet; quomodo igitur cerebrum cum sit sensus expers
sentiendi principium medicis erit? Pertriturum est enim
apud Logicos, illud esse magis tale, per quod unum-
quodque tale. Præterea non ne Galenus literis exa-
rauit cerebrum, & spinalem medullam inter ea censerit,
quæ sensum obtinent? Insuper cerebrum mouetur, er-
go etiam sentit. Hoc enim pater ex Galeno, ubi patet
nullam partem carere sensu, quæ mouetur. Cerebrum
verò sentire hac nota Rondeletius, alijq; demonstrat
quod quibus inflicum vulnus est in capite, ij frigoris
iniuriam sentiunt, licet obtusius propter partis humi-
ditatem. Fernel. Ciceronianæ potius in dicendo ele-
gantix, quam Galeni doctrinæ imitator, ratus consen-
taneum non esse cerebrum id alijs dare, quod ipsum met
non

non habet, motus dumtaxat, non item sensus auctorem cerebrum facit. Atqui cerebrum mouetur quidem, sed non sentit, meninges vero exquisitissime sentiunt, nequaquam inouentur. Itaque concludit cerebrum per se omnino esse motus, non sensus, piam, & duram matrem sensus, non motus. Sed si petam ego à Fernelio cerebrum quo motu cietur, naturali profecto respondebit, verum in eadem versamur difficultate, quo patet cerebrum det quæ non habet. motus enim quem alijs partibus communicat animalis est, non naturalis; igitur velit nolit concedet cerebrum dare cæteris id quo ipsum caret. Quare Galenum sequutus tam motus, quam sensus initiū a cerebri substantia manare dicam; Quod quidem ipse Galenus confirmat manifesto argumento, quo Ferneliana sententia vndiq; conuellitur, nimirum: In neruis duplex substantia consideratur: duplex tunica, & interior medulla: Tunicas accipiunt à tunicis cerebri, medullam à medulla: Atqui si membranas tantum incideris intacta medulla, pars in quam neruus inseritur nihilominus sentiet, atque mouebitur. Si verò medullam discindas utroq; mox priuabitur. Ergo cerebrum erit vtriusque efficiens causa. nam habitus priuatione dignoscitur. Ardua res est causam adinuenire cur cerebrum det ea, quæ non habet, quod in Sol. pariter mirantur, qui non calidus calfacit, & in core, ad quam acuitur gladius, cum sit exors ipsa secandi. Quare hanc ipsam difficultatem pro nunc alijs disutiendam relinquo. Sat est mihi cerebrū sensu per se omnino carere, quanquam ab eo sensifica vis in alia corporis membra dimanet. Nec obstat cerebrū mouetur, ergo sentit, nam hac de causa cor etiam, pulmo, aliaq; viscera, quæ motu cietur naturali per se sentirent, inculpandaq; foret natura, quæ in eadem viscera

7. de Plac.
Hip. & Plac.

-dup.

fecera

Lectionum de Epilepsia

scera per neruulos sentiendi uim defert. Galenus uero cum scribit partem, quæ mouetur, sentire, de motu illo intelligit, qui à cerebro per delatoria instrumenta ceteris partibus communicatur, qui cum ex maiori spiritu copia fiat, quàm sensus, necessario sensum includit. Maior enim vis includit minorem. Tandem si tristis aliqua sensatio in cerebri corpore ab aliquibus persentitur, hoc ego fieri dicam merito non medullaris substantiæ cerebri, quæ sensu omnino caret, sed venularum, arteriarumq; quibus circumtexitur. Verum ad epilepsiam reuertamur. Cum cerebri nomine aliquando sola medulla designetur, aliquando vnà cū medulla partes coniunctæ, ut puta venæ, arteriæ, nerui, & duplex tunica tenuis, & crassa, sciendum à uobis est illud eatenus statutum esse epilepsiæ subiectū, quatenus est suis partibus conuestitum: Quarum quidem partium gratia sit, ut cerebrum exactū habeat sensum ad amica amplectenda, inimica expellenda; Quamobrem inquirendū modò est, quanam sit ea cerebri pars, ratione cuius motum epilepticum gigni contingat. Id quod à nemine adhuc, quod ipse uiderim, fuit explanatum. Vidius iunior uir sanè doctissimus huic, puto ego, difficultati satisfacere cupiens, causam ob quam cerebrum hoc in affectu ad expulsionem rei nocentis tam validè mouetur, aut in meninges, aut in exortus neruorum referendam esse cogitat. Ego uero in neutram partem non in meninges, quoniam si de meningibus simpliciter illud intelligit, sequeretur in omni phrenitide, pseudodelirio, & capitis etiam dolore comitalem calum adesse, sed consequens est falsum, ergo & antecedens non in neruorum exortus, quia licet principia neruorum irriterentur vnà cum cerebro ipso, non propterea dicendum cerebrum epilepsiam pati,

In sua præc.
med. cap. de
epil.

quo-

quoniam à nervis irritatis in consensum trahatur. nam secus se res habet: fit enim hæc pulsio dum cerebri facultas ad rem insensam expellendam mouetur, quem motum insequuntur nervi etiam, quippe qui à cerebro, spinali mediante medulla, nascuntur, nec non & alia subiecta membra omnia, quemadmodum Galenus, omnesq; medici affirmant. quibus de causis tanti viri iudiciū hæc in re mihi nullo modo probatur. Si quis ergo dixerit irritamentum hoc secundum cerebri substantiam fieri, multo magis absurda loquetur, quod nulum, vel exilium, obtusumq; habet sensum, præterquā quod in letargo, & apoplexia semper epilepsia adesse; Illud etiam mihi non arridet, si quispiam secundū ventriculos irritamentū in cerebro fieri contendet. Quandoquidē ventriculi dupliciter à nobis considerari possunt, aut secundum cavitatem, aut secundum parietes. Si primo modo considerantur, non video quam vim expellendi habeat illorum cavitās, si secundo modo, cū ventriculorum parietes eiusdem sint cum cerebro substantiæ, eos quoque sensus expertes esse dicere par est. Quid igitur hæc in dubitatione statuendum? Ad Anatomicos, qui tactu rem dijudicant, contugere oportet; inter quos Archangelus, & Columbus tradunt cerebri ventriculos membrana quadam tenui ex tenuiori meninge oriunda subcingi, quæ quidem sensu admodum exquisito prædita est. Quam rem Moderniores Anatomici ab ipso medicinæ fonte hausisse videntur, à Galeno scilicet. Hic enim de tenui meninge loquens ita scribit: quo fit, ut non modò cerebrum complectatur, verum etiam in profundum eius sese insinuet, ipsum in omnes partes pervadens, eorumq; contexens, ac quoquo versus sese extendens usque ad internā ventriculorum capacitatem. Quapropter membranula illa à re

Lib. anat.
tom lect. II.
8...7.

De v'supar.
c. 8.
Dicat quic-
quid velit
Vesalius,
cuius sensu
tiam, ut in
alijs oibus,
quibus Gal.
impugnare

E præter

Lectionum de Epilepsia

ausus est,
ita in hoc
docte admo-
dū refellit
Petrus Fo-
liatus i suis
lect. Anato-
micis.

7. de Flacit.
63.

præter naturam irritata ad expellendum quod noxā af-
fert, cerebrum concussium motum pati cogitur, ve-
luti etiam sternutationem, si anteriorum ventriculorū
membranz illud ipsum eueniat. Neque id mirum vi-
deri cuiquam debet, quoniam eadem membrana com-
munis est cum omni membrana omnium neruorum,
Vnde Galenus, omnium, inquit, neruorum qui in cor-
pore sunt principium est cerebrum, neruiq; à cerebro
cerebrumq; operientibus membranis oriuntur, & per
interiorem partem, quæ à cerebro exit, sensus, & mo-
tus membris omnibus animalis suppeditatur. Mem-
branula igitur aliqua ex causa contracta, contrahun-
tur etiam nerui, & muscoli ipsi, vt fiat vniuersalis om-
nium partium concussio, quam quotidie in comitiali
morbo affectis obseruamus. Sic ergo intelligendus est
Galenus cum dicit epilepsiam fieri, quando insita cere-
bri virtus ad rem intensam expellendam insurgit.

*Vtrum cerebro non affecto epilepsia aliquan-
do fiat, obstructis solum carotidibus ar-
terijs, venisq; iugularibus. Lect. VIII.*

IN epilepsia, quomodocunque fiat, semper, & ne-
cessario cerebrum affici oportere, ita vt proprium,
ac adequatum epilepsiz subiectum cerebrum exi-
stat, ea videlicet ratione qua in superioribus lectioni-
bus à me demonstratum fuit, medicorum schola om-
nis vnanimiter affirmat. Vtrum verò etiam cerebro
non affecto, & solummodo ab obstructione soporaliū
arteriarum, venarumq; iugularium interdū fieri queat,
in dubium, seu quæstionem reuocari posse videtur. Si
quidem

quidem non modò Aristoteles, & cum eo vniuersa Peripateticorum secta, qui ob prohibitum à corde ad cerebrum spirituum influxum eam perpetuo fieri volunt, verum etiam inter medicos Hippocrates hanc ipsam opinionem amplexus fuisse dicitur. Immo probabilibus quibusdam rationibus ostendi potest Galenū quoque ab illarum partium obstructione ortam epilepsiam concedere; Quā quidem opinionem si veram esse quisquā contendat, statendum omninò est, quā de generationis huiusce ægritudinis modo passim Galenus disse-ruit, fictitia esse, prorsusquē à veritate aliena. Quæ tamen cum auctorem similiter Hippocratē habeant, nec non firmissimis rationibus, ac ferè sensu ipso tanquam basi aliqua fulciantur à nobis vt oracula sunt æstiman- da. Sed agè ad rem hanc pro viribus enodandam ac- cedo, vt inde in posterum mihi, si vltius vitam pro- trahere liceat, aut alijs ingeniosioribus meliorem ex- cogitandi solutionem aditus pateat. Quantum igitur ad Peripateticos attinet, si peteres ab his, quānam præ- cipuè ea sit pars in qua epilepsia fit, nullam aliam pro- fectò esse responderent, quā cor; vnde motus, & sen- sus principium cæteris partibus emanare contendunt, cuius propterea membri tam somnum, quàm epilep- siam, qui similes admodum, & cognati sunt affectus, passionibus esse arbitrantur. Quæ tamen in re decepti sunt Peripatetici, si Medicorum præcepta insequi vo- lumus, quibus sanè in huiusmodi saltim materia cre- dendum magis est, quàm philosophis, vt vberius infra, cū Aristotelis opinio de somni, ac epilepsiæ causa ex- pendetur, patefaciam. Verum huic rei illud facessere negotium videtur, quòd Hippocrates, qui ex cerebri 6.epid.8. meatu obstructione affectum comitiale fieri aperte docuit, ex iugularium venarum interceptione id mor-

Lectionum de Epilepsia

de nar.
vic. a. u. rex.
27. & 27.
Idem senti-
re videtur
auctor li. de
fit. quem
Hipp. esse
multo vo-
lunt.

bi genus accidere alibi scripsit. Quæ opinio cum Per-
patericorum sententia in rosalium conuenit, quod epi-
lepsiam quandoq; fieri vult cerebro nequaquam affe-
cto. Causam etenim querens vnde fit, quod quis su-
bito, ac de repente mutus euadat, nimirum in repenti-
nas cunctarum functionum resolutiones incurrat, ita
enim sepe mutos auctor ille appellat, non eos tantum,
quibus vox ipsa oblaeditur, in venarum (vtrasque in-
gulares intelligit) interceptiones retulit, quæ quidem tunc fiunt, cum, eodem paulò inferius re-
ferente, ab humorum influentium multitudine opplen-
tur veng illæ, quarum venarum interceptiones spirituum
quoque interceptio insequitur, cum liber ijs per venas
transeundi non pateat aditus. Quare cum sanguis, præ
occlusionem ex humorum fluxionibus orta, in venis consti-
terit, atque vnà cum eo spiritus, infrigidationes, in-
quit, oriuntur, vertigines, aphonix, capitis grauitas,
& conuulsionēs, si iam ad cor, vel hepar, vel in venam
fluxiones peruenerint. Hinc epilepsix, & paraplexix,
si continentes locos fluxiones inuaserint, atque à spiri-
tibus exire nequeuntibus exaruerint. Eundem epilep-
sice generationis modum admittere visus est Galenus,
qui dum Hippocratis sententiam enarrat, cum igitur,
ait, supramodò oppletæ fuerint venæ, premi virtutem,
grauariq; est necesse, atque in extinctionis periculum
agi nativam caliditatem, quæ ob multitudinem, co-
piantiq; suffocationi quippiam simile patitur. Oriun-
tur siquidem epilepsix, & apoplexix, & syncope car-
diacæ, nempe vno communi Aphonix, idest vocis cæ-
rentiæ symptomate symptomata huiusmodi significa-
uit. Qui etiam paulò post ad hunc modum loquitur,
eum sanguis constiterit, atque cum eo spiritus, infrigi-
dationes fiunt, vertigines, aphonix, capitis granitates,
& con-

In comm.

& conuulsiones, quibus succedunt epilepsia, ac paralyxi cum in locos oppletas venas continentes defierint fluxiones: locos dixit corporis partes, quas auctor ante scripsit, cor, hepar, & venam, quæ prædicta coniungit viscera. Venam inquam postea à medicis cauiam appellatam, quod venarum omnium, quæ per corpus animalium disseminantur, latissima sit. Præterea quod Galenus hanc epilepsie generationem concedat, probatur tali pacto: apoplexia fit aliquando ex affatim obstructis venis iugularibus, catotidibusq; arterijs, ergo etiam in epilepsia. Quandoquidem eiusdem Galeni sententia apoplexia, & epilepsia in eo inuicem conueniunt, quod non solum eundem humorem habent mali auctorem, sed etiam quoniam in eadē corporis parte communiter fiunt. Modò apoplexiam non tantum ex ventriculorum cerebri, verum & iugularium venarum, arteriarumq; omnimoda obstructione gigni posse in confesso est apud omnes. Illa etenim fit cum facultas, spiritusq; animalis à cerebro ad neruos deferri prohibetur, unde illico sensus, motusq; priuantur. Hæc vero dum cordis influxus in cerebrum intercipitur, oppletis videlicet, atque obstructis cum arterijs, tum venis, per quas vitalis spiritus ad cerebrum defertur, suntq; iugulares ab Arabibus Giudez nuncupate. De apoplexia utroque modo genita locutus est Auicenna dicens. Quæ vero est absque apostemate, (& hæc ut plurimum accidit) aut est in ipso cerebro, aut in vicinitate ipsius; & illa quidem quæ est in vicinitate, aut est in meatibus spiritus ex cerebro, aut in meatibus spiritus ad cerebrum. Nec mirò post addit. Illa quæ est in meatibus spiritus ad cerebrum fit cum oppilantur arteriæ, & venæ ex vehementia repletionis, ac multitudine sanguinis, & spiritus non habet transitum. Quæ omnia,

liber. trac. 5.
c. 12.

omnia vt melius intelligantur; animaduertendum est spiritum animale[m] vocatum, qui in cerebri cavitatibus, veluti in fonte quodam continetur, vnde etiam ad sensum, motumq[ue], præstandum omnibus corporis partibus subministratur, cum substantia admodum tenui, ac propè aerea sit, quolibet momento dispergi, atque diffusi, nisi continuâ iugemq[ue] habeat generationē. Quare cū hic spiritus ex eo, qui per arterias à corde a[scendit], tanquam ex materia continuo efficiatur, iure merito dici potest ex repentina vasorum iugularium, per quæ influxus à corde ad cerebrum defertur, obstructione apoplexiam interdum fieri. Illis enim occlusis animalis spiritus consumitur, cū materia, vnde generatur, eidem fuerit intercepta. Epilepsia tamē hoc eodem modo, vti equidem reor, effici nunquā potest, quoniam in ea ventriculorū cerebri occlusionem fieri oportet. Siquidem id morbi genus tunc quidem gignitur, cum insita cerebri excretrix facultas aduersus rem noxiam pugnat, in qua pugna cerebrum, vt fortius ad rem insensam à se propellendā insurgat, in seipsum contrahitur, ex cuius quidem membri contractione fit ventriculorum occlusio, & consequenter sensus, motusq[ue] voluntarij, vt principum similiter functionū animalium abolitio; Quanquam non me later occlusionē illam fieri plerunque ex materia aliqua crassa, viscidaq[ue], qualis pituitosus est, melancholicusq[ue] humor, affatim partes illas cerebri occupāte, quæ vulgo semiobstructio dicitur. Vnde necessariò asserendū est epilepsiam nulla alia in parte, quā in cerebro, seu cerebri ventribus fieri vnquam posse. Quam quidem epileptici morbi generationem primus omnium cognouit Hippocrates dum scripsit: melancholici magna ex parte epileptici fiunt, & e[con]trā epileptici plerunque melancholici;

apld. 1.

cholici: atque horum utrumvis magis accidit, prout uel in hanc, uel in illam partem morbus repit. Si enim in corpus epileptici, si uerò in mentem melancholici efficiuntur? Quid ergo respondendum eiusdem summi Viri auctoritati in contrarium prolata? quam Galenus etiam comprobare uidetur? An liber ille Hippocrat. non est? & Galenus scribit id, quod auctor ille instituit? An quòd eam fieri uult uenis à caua hepatis prodeuntibus primùm ab humorum copia repletis, aut constipatis, qui postea per utrasque iugulares uenas, itemq; arterias ad caput deducuntur, & ad uenas, arteriasq; *napotidas* regurgitant; ab his ad cerebri uentres medium, aut postremum affluunt, à quibus infra cerebri uirtus ad rei nocentis expulsionem promouetur? An uerò magis ex illorum uasorum repletione epilepsia fit, quoniã ex prohibito (non integrè tamen) innati caloris, nempe spiritus à corde influxu, cerebri humiditates, quas calor ille si non penitus euincit, saltem compescit, augentur, quæ uentriculis communicatæ affectionem pariunt? Galenus autem cùm scribit eundem locum affectum in epilepsia, ac apoplexia reperiri, de nullo alio loco. intelligit, quàm de cerebro, quod membrum utriusque pathematis subiectum perpetuò esse contendit. Ex his ergò patet magno in errore illos uersari, qui epilepsiam aliquando fieri posse autumant cerebro non affecto. neque enim pro illorù sententia stant supra enumeratæ rationes, dicat quicquid uelit Thomas Erastus cum Peripateticis.

2. aphor. 45.

Vide Gal. i.
de sympt.
caus. c. 9.Lib. 4. disp.
in Paracel-
sum.

Quam

Lectio de Epilepsia

Quamobrem epileptici non modò ingruente morbo sensum, & motum, rationem & memoriam amittant, sed etiam ab eoliberi tanquam fatui, immemoresq; videantur. Lect. IX.

In probl. ab
in. tio.

QUAM arduum, quàm difficile sit rerum omnium rationem proferre aperit nobis indicavit Alexander Aphrodisæus olim in Peripateticorum schola primarius, dum non modò medicæ artis auctores, sed etiam philosophiæ procures haud omnium, quæ in natura sunt, sed quorundam duntaxat rationem ab elementis petiisse scribit. Neque enim cuncta naturalium rerum effecta ad primarum qualitatuum facultatem reduci posse cogitat, unde temere quidam ocellas, ut vocant, proprietates insensitivæ aphyum appellant. Sed hæc de rebus his, quarum abdita prorsus delitescentesq; causæ habentur, intelligi debent, In rebus uerò non adeò abditis, atque obscuris, earum causas, quantum hominis est, palam facere unusquisque debet. Quapropter cum superius à me statutum sit sensus una cum motu (voluntarium intelligo) nec non rationem una cum memoriæ potentia in epileptico affectu deperdi, consentaneum modò est non in effectuum causas præfacere. Sciendū igitur à nobis est triplex esse genus vitæ humanæ corpus regentium, quarum alia in corde, alia in hepate, alia in cerebro sedem habet, ita ut unicuique ipsarum pro sede princeps membrum fuerit attributū, quāvis Aristoteles omnes in corde collocaverit. Has autem Plato tres esse animas non uerè dixit, quæ in corde irasci-

irascibilem, quæ in hepate concupiscibilem, quæ in cerebro rationalem distinctè appellans. Quanquā Mar-
comm. ad 4.
de Rep.
 silius Ficinus ab Aristotelicis hoc imponi Platoni as-
 met, quòd in homine tres animas ut locis, ità substan-
 tijs differentes posuerit; Vnde nobis conuenit cum Ga-
 leno qui non animas, sed animæ potentias, & rectè fa-
 nè uocauit. quid enim prohibet unam esse animā plu-
 ribus ornatam potentijs? quas idem Galenus sub no-
 mine uitalis, naturalis, & animalis primus omniū exco-
 gitauit. Animalis igitur facultas (de hac enim agere,
 quantum ad rem nostram facit, institui) in cerebri cor-
 pore tanquam in arce, ac propria, & peculiari sede in-
 fedit, quemadmodum medici omnes, Galeno auspice,
 fatentur. Hanc uerò in duplicem partiuntur sentien-
 tem uidelicet, atque mouentem. Prior gemina rur-
 sus est, exterior vna, altera interior, illa ut genus in quin-
 que species distribuitur, uisum, auditum, gustum, ta-
 ctum, ac odoratum (licet Aristoteli sensus tactus non
1. de anima.
9.
 unus sit, sed plures) hæc uerò in quinque potentias prin-
 cipum, ac rectorum nomine insignitas diuiditur ab
 Aristotelicis, sensum communem, phantasiā, ratio-
 nem, memoriā, reminiscētiā; quam tamen Gale-
 nus in tres tantum partitus est, imaginationem, ratio-
 nem, atque memoriā. Internæ exterior tanquā mi-
 nistra inseruit; unde omnes externi sensus eidem cir-
 cumiecti ut satellites, & excubitores proxime assident,
 in quos neruorum propagines dispersæ sunt, quibus a-
 nima suas vires effundat. E sensibus uerò externarum
 rerum imagines hauriæ in internā animā confluunt,
 quas primū princeps ille sensus, quem comunē ap-
 pellant, excipit, earumq; differentias discernit, atque
 diiudicat. Vnde Aristoteles sensum hunc centro cir-
1. de anima.
 culi comparat. nā ueluti lineæ à circumferentia ad cen-
 F trum,

Lectionum de Epilepsia

trum, sic etiam in communem sensum vndiq; conueniunt exteriorū quinque sensuum obiecta; circa quæ exercent sese varijs officijs alia enumerata potentia; prout vnicuique vestrum ex philosophorum libris notum esse scio. Hæc de sentiente animali virtute; tam scilicet interna, quàm externa. Mouens autem est; qua animal, & animalis partes mouentur. sed cum haud vnæ sint motionū species ab animali virtute mouente pendentes; de illa solum, ad quam progressiua refertur, sermonem habebo; sub qua contractio, & alia huius generis motiones continentur. Huius autem causa gemina est, philosopho teste, nimirum imaginatio, & appetitus, quibus obediunt nerui mirabili ligdere naturæ, qui à spiritu impelluntur. Quare motus voluntarius tunc sanè fit, cum appetitus excitato spiritu nerui impellit, qui deinceps musculos cient, musculi verò tendines, hi verò ad se membra trahunt, vsquequo progrediatur eò, quò ipsa imaginatio ducit. Quæ cum ita sint, illud modo ignorandum non est animam hanc rationalem in cerebro contentam ad prædicta omnia præstanda, seu vt clarius dicā, ad operationes omnes animales vocatas edendas, spiritu animali primario eius instrumento tanquam causa media vt, qui spiritus ex vitali per ceruicis arterias in rete admirabile sublato, primum elaboratur, deinde in cerebro eius vingenita, vel in anterioribus ventriculis in animalem conuertitur, quo ita confecto, ac elaborato referti sunt medius, atque postremus cerebri sinus, unde tanquam è fonte per neruorum ductus, & in sensu instrumenta; & in motores musculos dimanat, siue per eiusdē spiritus substantiam, siue instar luminis id ipsum fiat. Cū ergò superius à me demonstratum sit in omni epilepsie generationis modo utique occludi (aliquando enim obstruun-

3. de anima.
Auer. videtur phantasia id vnde initium motus, & Fernel. principium motus non pendere ab appetitu memoria rix mandauit.

vide Gal. ad lib. 1. de facult. nat. & lib. 6. de usu par. vt etiā c. 5. lib. de usu respir. & 9. de usu par. 4. licet Columbus censet in trochis sphenoidis congregari ac rē quē inspiramus, ex quo cerebri spiri-

obstruuntur à materia crassa, aliquando uerò conuiuent
præ qualitate praua ad ipsos per consensum transmissa)
cerebri uentriculos sedes animalium spirituum, à qui-
bus tanquam à proximo instrumento emanant animæ
actiones omnes, necesse omnino est, ut exitum spiri-
tibus minime habentibus, hoc morbi genere decedentes
motu, sensibusq; priuentur, nec non etiam rationis,
memoriæq; amissionem incurrant. Verum quoniam
epileptici, & hi præsertim, qui per essentiam hoc morbi
genus patiuntur, non solum morbo ingruente, sed & ab
eo liberi immemores, ac veluti amentes, nec non ad
omnes alias animales actiones obeundas inepiores ap-
parent, quæret hic vestrum quispiam ex qua nam caus-
sa id ipsum enascatur. Clarum est ex Galeni sententia
nullam ferè actionem ladi posse, nisi pars, quæ ipsam
facit, vnà quoque afficiatur. Nos igitur cum partem
in comitiali morbo præcipuè oblatam cerebrum lta-
tuamus, animales facultates, quæ ab eo emanant, latio-
nem simul pati dicere cogimur. Inter morbos autem,
à quibus principes animæ vires affici magnopere solèt,
frigida imprimis, & humida cerebri intemperies exi-
stis, vnde Hippocrates: obliuiosi fiunt, dum cerebrum
perfrigeratur. Cui subscribens Aræteus, rationem, ait
eò vsque morbus conturbat, ac deiecit, ut prorsus de-
nique infatuentur. Atque horum omnium causa est
cum humiditate frigiditas. Ferunt enim vel ab vtero
epileptici cerebrum imbecille, in quo ob alteratricis
facultatis frustrationem pituitosi excrementi copia in
dies adaugetur, à qua, ut etiam ab humore melancoli-
co in his, qui vitio talis humoris epileptici fiunt, tota
eius substantia in frigidatur. Cerebro autem frigefa-
cto animales functiones omnes obtorpescunt, nam, ut
ex Aristotele constat, anima, & corpus mutuo com-

tum gignat
animale ad
sensu & mo-
tu, atque ad
oēs anima-
les functio-
nes compa-
ratum.
Influat ne-
vis motrix
à cerebro
per nervos
vestrore spi-
ritu. An per
modū irra-
diationis
quæstio est
problemati-
ca, de qua
vtrinq; ad-
ducuntur ve-
rissimiles ra-
tiones.
Id. de loc. aff.

2.

In lib. de Sa-
cro Mor.
Lib. I. c. 4.

Cur tamē
melancholi
ceteris di-
cuntur esse
ingeniosius
res.

De Physiog.
29.

Lectionum de Epilepsia

Y. & acc. Me
dici. 85.

patiuntur, vt animæ habitus alteratus alterat vñd corporis formam, & e contra. Hinc animi passiões, ut mē or, ira, & consimilia corpus afficiunt, imò à naturali statu auertunt; iuxta quam sententiā dictū fuit à Damasceno, corporis temperaturam animi affectibus semper coherere. Ita etiam corporis pathemata animam, seu animæ potentias magnopere lædunt, atque conturbant, ut cū in febre, phrenitide, & huius generis similibus, tūm præcipuè in epilepsia correptis facillimè conspicitur, in quibus non modò sensus ullus reperitur, qui non ferietur, & à sui muneris functione non cesset; uerū etiam princeps animi pars ratio, atque memoria deperditur. Quòd autem animales functiones omnes à frigore lædantur haud uno in loco testatur ipse Galenus. torpent etenim frigore animi, & corporis actiones, quas excitat moderata caliditas. Id quod ex medicamentorum natura planè discere licet, quippè frigida stuporē, soporemq; calida uerò uigilias, & uarias motiones inducunt. Vnde à Galeno dictum reperitur, frigus nulli functioni ex usu esse; qui pariter de memoria loquens, cū uel perijt, inquit, uel omninò grauiter læsa est memoria, frigida tūc intemperies est. sed præter obliuionem fatuitas etiam ex refrigeratione creatur. Quocirca mirum uideri cuiquam non debet, si ualdè senes, & fatui sint, & immemores, substantia cerebri illorum frigefacta, ueluti & infantes nimia humiditate abundantes. quapropter iure dictum legitur ab Aristotele, puerorum animam nihil à brutorum anima differre. Quæ in re audiendus etiam est Herodotus, qui ad hunc modum loquitur: Auge scēte corpore mens quoque simul capit incrementum, atque eo senescente consenescit. Dū enim infantes sumus ratio ueluti obruta, & ebria ha-

s. de sympt.
causs. c. 3.
s. de loc. aff.

s. de hist.
anim. c. 1.

1a Thalia.

more

more multo operari non potest. Humiditas etenim quoque non parum officit memoriae, rationique sensui omni, & motui, ea quidem de causa, qua Hippocrates 3. aphor. 1. dixit austrum auditum hebetare, caliginem visui obducere, caput grauare, & corpori tarditatem conciliare. Humefactio enim principio neruorum facultates animales, sensusque omnes vna cum motu voluntario torpere necesse est. Quam quidem humiditatem pueri ex semine copiosam obtinent, ob quam non ad motum solummodo, verum etiam ad scientiarum acquisitionem minus apti redduntur. Et hoc est quod voluit Aristoteles cum prodidit scientiae acquisitionem nullam a principio esse, quo circa subdit infantes, nec discere possunt, nec sensibus perinde diiudicare, atque alij seniores, cum multa in eis perturbatio sit, & motus. Quam rem ut optime intelligatis sciendum a vobis est in tenella adhuc aetate ob humoris copiam vberiorum internorum sensuum organa perenni motu agitari, atque diffuere. unde fit ut rerum imagines, quae per externos sensus in internos illabuntur, in officinis adseruari nequeant, ut neque in cera liquefacta & quas exprimit sigillum; ea propter ipsius rationis lumen eo tempore minimè elucet, sed quasi nebula obtectum est. unde tunc addiscere non valemus, sed cum humiditate illa paulatim, ac medioeriter consumpta hausta simulachra permanent, & suo rite munere fungitur imaginatio. Intellectus enim operationem ab ipsa imaginatione pendere docuit nos Aristoteles. Applaudunt huic sententiae Hippocrates, atque Galenus, ille quidem cum alibi, tum ubi refert insanienti necesse esse pra humiditate cerebrum, in quo animae sunt opera, moueri, ubi videlicet humidius, quam pro natura fuerit, tandiuque hominem sapere, quandiu eiusdemmet cerebrum

7. Phys. 1.

Hinc illud philosophi:
Odi pueros
præcoci ingenio.

1. de anima.
8.
In de Sacro
Morbo, ac
de infania.

Lectionum de Epilepsia

1. epid.

brum quieuerit. Hic verò cūtradit cerebrum siccum ad suas actiones expeditissimum esse, meliusq; se habere ad imaginationem, ratiocinationem, memoriam, visum, auditum, aliosq; sensus. Ex quibus omnibus non difficile est elicere quā ob causā epileptici, non modò ingruente morbo, sensum, & motum, rationem, ac memoriam amittant, sed & ab eo liberi, omniq; tēpore, immemores, ac veluti amentes appareant; Verū quia ex iam allatis aliquot haud negligendæ dubitationes oriuntur, earundem solutiones in futura lectione vobis ante oculos ponere constitui.

Obiectionum aduersus antea actam lectionem dilutio. Lect. X.

VT omnem dubitandi ansam pro viribus abscondam, Auditores; quod proprium quædamque materiam pertractantium iudicatur, obiectiones, quæ aduersus ea, quæ in præterita lectione allata fuere, ab ingenioso aliquo obijci possent, soluere in præsentī conabor. Dubitatur igitur in primis vtrū vera sit Galeni opinio, in epilepsia rationē, atque memoriā deperdi. Siquidē Oribasius de differētia, quæ inter epilepsiam, melancholiam, & insaniam versatur, differens hæc verba profert. Epilepsia in imaginatione, melancholia in ratione, insania in memoria est. Idē sentire visus est Actuarius vbi sensus communis affectionem esse epilepsiam voluit. Ambigitur quinetiam circa ipsammet memoriā, nā ex superius enūratis Peripateticorum sententiā, quæ censent memoriæ sedem non in cerebro contineri, sed in corde, & in proprio, & peculiari loco approbare visum.

3. aphor.
com. 24.

Li. 1. c. 13. de
ast. & operat.
anim.
spiritus.

In Arist. de
mem. & re-
min.

sumus. Quandoquidem si, veluti nos supra affirmavi-
mus, & Bernardinus Crippa philosophus aui sui clarif-
sinus astruebat, propter vel frigoris, vel humoris abun-
dantiam, homines omni propemodum memoria care-
re videntur, qui convenire potest, ut in cerebro, quod
& frigidissimum, ac humidissimum est omnium, quæ
in animalibus sunt, atque contrarium propriæ sedis animæ,
quæ est calidissima, ipsius memoriæ vis collocetur?
Idem asseri posse videtur de ceteris animæ potentiis,
quas à frigido, & humido tantopere lædi affirmavi.
Dubitatur insuper circa ea, quæ de frigore, & calore
protulimus, si vera nimirum sunt, veluti vera esse tam
medici, quam philosophi omnes concedunt, cur timi-
di vocantur Syri, Mauri, Arabes, & Indi, qui feruidis
in locis habitant, fortes contra Galli, Scythæ, Thra-
ces, Germani, atque Britanni, qui gelidas regiones in-
colunt? Præterea ex Galeno dictum à nobis est frigus
nulli functioni ex usu esse, cum tamen oppositam sen-
tentiam habeat Aristoteles, qui inter elementorum qua-
litates frigus post calorem maximè actiuum esse dixit.
Vnde non secus, ac ipsum calorem ad suas potissimū
prestare actiones frigus apparet, ut sunt finire, muta-
re, humectare, exsiccare, tanquam homogenea, quam
etherogenea congregare. Demum ex eodem Galeno
probatum est memoria, & ratione valere eos magis,
quorum cerebrum humiditate minus seateat, ideo sen-
es, quorum cerebrum siccum est, ut universa iridem
illorum temperies, memoria, ratioq; ceteris antesta-
re deberent, cum nihilominus alia omnia nos ipsa doceat
experientia. Hæ sunt primariæ dubitationes, quæ ex
iam habita lectione necessario enasci videntur, quas
nunc retrogrado, præposteroq; ordine usus enucleare
aggredior. Sententia fuit Heracliti, qui ante Galenū
vixit,

4. meteor., i.

Lectionum de Epilepsia

vixit, temperamento sicciore alijs esse prudentiores;
 ex quo illud: spiritus siccus anima ingeniosissima.
 Quantum verò attinet ad senes, clarum est esse frigi-
 dos, & siccos; nam idcirco Aristoteles, referente Ga-
 leno, senium marcescenti stirpi adsimilat, quippe stir-
 pes nouellæ dum sunt, molles humidæq; cernuntur, se-
 nescientes assiduè magis siccescere videntur, ad postre-
 mū aridæ prorsus redduntur, idq; ip sis mors est. Vnde
 iure merito senium nil aliud esse, quàm viam ad interit-
 um profert, eò quia in frigido, & sicco consistit. Quā
 rem confirmat idem Galenus, vbi quærens causam,
 quamobrem scriptum sit ab Hippocrate, senectutem vi-
 gilijs infestari tradit, illud contingere non modò quia
 senectus ipsa sollicita, & anxia existit, sed propter ni-
 miam etiam corporis siccitatem, ob quam glaucomata
 senibus prouenire scribit, immodicè nempe instrumen-
 tis visui interuentibus exsiccatis, neque enim contra
 sunt senum aurium, & oculorum humiditates, destil-
 lationes, vertigines, ac alij frigidi, & humidi affectus
 à quibus senes ipsi tentantur, quoniam, etsi multa hu-
 midorum, & pituitosorum recrementorū copia in his
 coadueruetur, id tamen per accidens fit, ob alteratricis
 facultatis frustrationem. Quoad enim propriam, ac
 innatam substantiam frigidæ, ac siccæ sunt temperiei.
 Quò respiciens Ioannes Grammaticus senium frigoris,
 & sicci vjctoria fieri tradidit. Senes igitur sunt tem-
 peramento sicci, & nihilominus obliuiosi, ac aliquan-
 do fatui, & propè delirantes. Pro solutione difficulta-
 tis asserendum est, illud in senibus contingere non ob
 eorum siccitatem, ratione cuius homines ad animales
 actiones edendas paratissimi redduntur, sed frigidita-
 tem, quæ omnibus palam munijs animi aduersatur. Vel
 dicendum quemadmodum pueri ob nimiam humidi-
 tatem,

1. de gener.
 & corrupt.
 tex. 4.

ratem, ac defectum congruentis duritiei, parum & memoria, & ratione valent, ita ipsos ob immodicam organorum inarescentiam, defectumq; competentis humididi, obliuiosos, ac amentes euadere. Quam rem docuit nōs Aristoteles, vbi tradit pueros; & valdè senes obliuiosos esse propter motum, quod illi in accretione, hi verò in decretionē multa versentur. In senibus etenim quasi in ruinosis ædificijs, depictæ rerum imagines exolescunt. Ita etiam Galenus ob siccitatem deperdi memoriam refert, vt cuidam sui æui contigit, qui ob nimias vîgilias, nimiamq; in literarum studijs assiduitatem organo exsiccato memoriam penè amiserat. Atque hic obsecro vnum notate; non temerè vulgo iactatum esse sapientes multos delirare. nam, vel Hippocrate auctore, à nimijs uigilijs desipientia aliquando prouenit, idq; tùm nimix siccitatis, quam pariunt uigiliæ, ratione, tùm quia per longas uigilias biliosior sanguis redditur. Licet autem memoriæ abolitio sit excedentis humididi soboles, ueluti eiusdem perfectio siccici congruentis, tamen utriusque qualitatis, imò & aliarum qualitatum exuperantia memoriam labefactat. Silentio uerò non inuoluam Auerroem autumare senibus obliuionem ob accidentalem eorum humiditatem, quemadmodum pueris ob naturalem accidere. Quæ opinio mihi non improbanda uidetur, quanquam secus Aristoteles, à quo in præsentī non discedo, senū obliuionem in defectum humididi natiui referens, cuius idonea commistio memoriæ organum attemperat; atque hæc omnia quantum ad primam dubitationem. Quantum uerò ad secundam, uerissimum est, quod à Galeno dictum reperitur frigus nulli functioni ex usu esse, at hoc non impedit, quominus frigus actiones, quas philosophus recenset, efficiat. Galenus enim de

In de memor. & reminisc.

3. de loc. aff.

7. aphor. 18.

In cōm. ad li. de mem. & reminisc.

3. de sympt. caus. c. 3.

4. meteor. 1.

G his

Lectionum de Epilepsia

his actionibus loquitur, quæ aguntur facultatibus, quibus humanum corpus regitur, & gubernatur, quarum quidem actionum non est per se efficiens frigus; quare & Auicenna frigus in actionibus uirtutum essentialiter non ingredi dicebat. Hactenus de secunda obiectione. Venio ad tertiam, quæ est si frigus segnitiei, calor uero uiuacitatis, & roboris causa existit, cur timidi dicuntur populi in calidis Regionibus degentes, fortes e contra, & uiuidiores, qui frigida loca incolunt? pro cuius dilutione forsitan respondendum, pauoris, ac timiditatis causam geminam esse, sanguinis uidelicet frigiditatem, atque crassitiem; id quod Vates ille notauit hoc senario,

Frigidus Arcadibus coit in præcordia sanguis.
Scaliger addit sanguinis paucitatem; quandoquidem eos reddit animosiores sanguinis copia, qui in frigidis

habitant Regionibus, at istorum, ait, sanguis ut multus, ita dilutus est, quippè post primæ impetum æstuationis deferuescit; pertinacissimè nimirum pugnant Mauri, & Indi: An qui degunt in celo calido imbelles, & effeminati sunt, quia ut apud nos fit per caniculares æstus; innatus calor perpetuo Solis ardore in habitum dissoluitur, qui uerò terram gelidam inhabitant feroces sunt, ac animosi, quia frigore ambientis, calor in præcordia coactus illis animum, & robur addit? Ab hoc problemate expeditus conseruamus ad penultimam dubitationem; quæ circa sedem memoriæ versatur. Compertissima res est apud omnes medicos memoriā in cerebro sedem propriam habere, eamq; non in parte aliqua determinata, ut fuit Arabū, & aliorum quorundam opinio, sed in tota cerebri substantia vnā cum alijs facultatibus. Sic enim passim Galenus de animalium uirtutum sede sentire videtur. quanquam ad Galeni

leni mentem non desint, qui rem hanc aliter defendunt; inter quos est Curtius Marinellus vir certè in medica facultate singularis. Argumento verò Crippæ hoc ego pacto respondeo. Quòd cerebrum sit omnium nostri corporis partium frigidissimū fuit Aristotelis sententia pluribus in locis. Attamen philosophus (alioqui rem sensui contrariam attulit) cerebri substantiam secundū innatam eius complexionem, venis omnibus, arterijsq; seclusis consideravit, non prout actu existit in viuente. tantum enim abest vt cerebrum in viuente sit frigidissimum, vt Galenus scripserit cerebrum aere calido etiam æstate media calidius esse, idq; tū ob continuum motum, tū ob multitudinem venarum, arteriarumq; in membranis cerebri inuoluentibus existentium. Ided medici etiam æstate media cerebrum rebus calidis fouent, ne ab aere infrigidetur. Et alibi Galenus cerebrum calidum, & humidum vocat; Qui etiam scripsit cerebrum inspiratione indigere vt infrigidetur. Quapropter iure merito Auicenna de cordis, hepatis, ac cerebri temperatura loquens tradit cerebrum esse quidem frigidum, sed in comparatione ad alia duo principalia viscera cor nempe, & iecur, quæ sunt calidissima. In summa viuente animali nulla pars in eo est, quæ calorem non proferat. Unde patet quā magno versentur in errore Moderniores quidam aliàs non indocti, qui de calculo confabulantes à frigore ipsius vesicæ lapidem gigni posse autumant; dum scilicet in crassam materiam agit, eam congregando, vt fieri in externis videmus. Quā opinionem falsam, & à vero alienam esse demonstrat Hippocrates dum scilicet, si in acutis morbis vrinarum interceptiones ex vesicæ refrigeratione contingant, pessimum, & lethale signum esse perscribit, vt pote discus-

In lib. de morb. nobiliorē animā obidentib.

s. de hist. anim. 16.
2. de præt. anim. 7. & in lib. de somno, & vigilia.

1. de vfu par. 2.

1. med. de libuit.
De odorar. i struma. 6.
Fen 1. pr. Ca non.

Inter alios Valle. 6. epi.

1. Pror. rex. 16.

Lectionum de Epilepsia

in lib. de
renū affect.

fo, euaporatoq; ab eo, qui præter naturam est, naturalif
vesicæ calore. Atqui hunc in errorē lapsi non essent,
si ea legissent, quæ Galenus nobis tradita ad hunc mo-
dum reliquit. Verum in nobis lapidem frigus non pa-
rit; neque enim fieri potest, ut viuo corpori tantum tri-
gus accidat, quo concrefcere valeat in homine lapis,
quemadmodum fieri in externis videmus. Quod ve-
rò, & ad cerebrum reuertor, idem Crippa de cerebri
humiditate obijciebat, quam dicit tantam esse, ut me-
moriā in illo membro contineri impossibile sit, cen-
seo ego esse falsum. nam cerebrum humidum quidem
est, quod eius mollicies potissimum indicat, non tamē,
si de temperato loquamur, humidissimum. Iniuria er-
gò hac ratione cerebrum ipsius memoriæ, aliarumque
animalium virtutum sede, ac domicilio priuant Peri-
patetici. Postrema dubitatio erat nūm verè dictum sit
a Galeno in epilepsia rationem, atque memoriā amit-
ti, cum & Oribasius, & Actuarius aliter sentire videan-
tur. Pro solutione respondendum in epilepsia, iuxta
Galeni mentem, rationem, atque memoriā præcipuè
offendi, quòd verò etiam imaginatio, communisq; sen-
sus afficiantur, ut Actuarius, & Oribasius arbitrantur,
hoc sanè haud negat Galenus, quanquam proprias sen-
sus communis affectiones veterum, ac vigiliam, non
autem apoplexiam, aut epilepsiam statuerit. Verum
hactenus ista.

De sympt.
quælibet.

*De differentijs epilepsiae, & modis omnibus;
quibus non solum cerebrum, sed unaqua-
que pars ab altera per consensum affici-
tur. Lect. XI.*

DE differentijs epilepsiae, quot, & quæ sint, nec non membris omnibus, quibus per consensum tam graui symptomate cerebrū corripitur, vobis hodie mane clarissimi adolescentes verba sum facturus. In quouis igitur nostri corporis affectu, quanti referat à medico non ignorari affectionis modum, nūm scilicet pars affecta primariò, & per se, an per consensum morbo laboret, vnicuique in arte medica etiam ruditer versato pro comperto esse puto. Quæ res ijs potissimum curæ esse debet, qui in praxi ipsa versantur, vt, cuius parti medicamenta conueniant, ad vnguem calleant, ne dum quis affectu aliquo per sympathiam laborat, eundem tractu temporis per idio- pathiam perpeti cogatur, & ad aras vsque patientem concomitetur. Affectio enim per consensum orta si in propriam transeat, non nisi difficulter admodum vinci potest, quod neutiquam accidit morbo adhuc aliunde pendentis, qui fixas adhuc, & permanentes causas non habeat, cui quidem occurrere arduum non est, nimirum quoniam vbi quis, Galeno auctore, per consensum afficitur, ipsaq; affectio in fieri habeat esse, deletis ^{3. de loc. aff.} causis illam efficientibus, ipsa quoque simul deletur. Si verò consentientes partes permanentē iam habuerint dispositionem, quamuis quiescat causa efficiens, ipsa tamen persistet affectio. Vnde à Sereno iure proditum legitur.

Cura magis prodest venturis obuia morbis.

Quam-

Lectionum de Epilepsia

Quamobrem cum haud vni sint modi generationis epilepsiae, quot, quique sint nunc statim palam facio. Eiusmodi enim distinctio non parui erit in curatione momenti. Siquidem cum in cerebro ob aliquam aliam partem hac affectio gignitur, eam maxime, & imprimis curare oportet, cerebrum verò ita præparare, ut non tam facile afficiatur. Tribus ergo continetur differentiis epilepsia, aut consistente in cerebro per essentiali affectu, id quod plurimis epilepticorum contingit, aut à ventriculo ad cerebrum consortij lege quadam adscendente, aut, quod raro accidit, cum à parte aliqua, cui forte fortuna euenit, incipit affectio, quæ deinceps, agro ipso sentiente, in cerebrum repit. Quibus tamen epilepsiae differentiis commune illud est, ut quo quomodo oriatur affectio, cerebrum semper necessario patiatur, vel primario affectu, vel secundo, quæ admodum in morbo melancholia dicto fieri cernitur. Hic enim pariter vel ex proprio cerebri pathemate generatur, vel ex ventriculo, aliave parte affectus materiam cerebro communicante, qualis melancholia hypochondriaca nuncupatur, quæ stomacho consentiente fieri solet, ob inflammata circa ipsum ventrem hypochondria, quæ modò auram quandam maligniorem, modò substantiæ humoris partem ad cerebrum sursum transmittunt. Ita igitur comitialis affectio non solum proprio cerebri vitio, sed etiam ipsius ventriculi, & aliarum etiam corporis partium consortio producitur, Galeno auctore, cui Paulus, Aetius, alijque omnes antiqui medici subscribunt, licet non defuerint inter iuniores qui contra senserint. Eleuantur enim, inquit Galenus, interdum ab aliqua corporis parte halitus quidam spiritus, qui cerebrum ita petunt, ut eos, dum sese attollunt, vel agri persentire idonei sint. Verum iam

tempus

3. de loc. aff.
5.

tempus postulat, ut quænam sint corporis partes, quarum consensu comitialis passio cerebro communicatur, clarum, apertumq; fiat. Illas igitur partim Galenus, & partim alij in re medica per celebres, nempe inter Græcos Paulus, inter Arabes verò Avicenna nos docuerunt. Galenus enim puerum se vidisse refert, qui convulsione epileptica ex cruris consortio laborabat, qui puer eidem Galeno referebat à crure initiū sumere affectionem, mox illinc per femur, lumbos, & latera ad ceruicem recta serpere, donec ad caput perveniret, quod tū primum tangebatur, puer haudquaquam sibi constabat, qui propterea, interrogantibus medicis, quibuscum ad curationem Galenus conuenerat, quale esset id, quod ferebatur in caput, nihil habuit quod responderet, ætatis verò suæ decimum tertium annum agebat. Sed præter hunc tradit idem Galenus alium se adolescentem cognovisse mentis compotem hoc ipso morbi genere laborantem, qui quod fieret non modò sentire, sed etiam alteri narrare poterat: à quo dicebatur ueluti auram quandam frigidam esse id, quod sursum adscendebat. Tale quidpiam se uidisse scribit Alexander Trallianus. Paulus uerò Aegineta tū à crure, tū à manus digitis contagionem posse nasci affirmat, nec non (quod etiam notat Avicenna) ab utero, ut cuidam sui æui mulieri, tempore quo erat grauida, contigit, quæ mulier à partu edito hoc symptoma passæ non est. Fernellius inter neotericos magni nominis auctor, Non paucas, inquit, mulieres noui, quæ quoties utero gèstant, crebrò epilepsia corruunt, expeditæ uerò nunquam. Ex coli etiam dolore epilepticos fieri casus uoluit idem Paulus, ut similiter ex alijs interaneis ob lumbricos ea occupantes. Præterea à liene, præcordijsq; spondylibus, ac humerali osse, ut etiam à testibus,

1. de loc. aff.

Lib. 1. c. 15.

Lib. 3. c. 13.

Lib. 3. sen. 1.

c. 8.

de par. mor.

Sc sympt. li.

5. c. 3.

Lib. 4. c. 57

Lectionum de Epilepsia

Lib. 3. tex. 5
c. 8.

Art. med.
c. 50.

1. de sympt.
causs. 7.

bus, semine ob diuturnam moram in ipsis corrupto, & ad uenenatam qualitatem redacto, affectionem hanc nonnunquam produci tradit Auicenna. Vbi demum à toto corpore etiam fieri posse per hæc uerba refert. Illud autem quod nocet cum uapore malæ substantiæ, & qualitatæ est in toto corpore etiam; ita ut sit in digito pedis, & manus. Quibus uerbis Auicenna non à uentriculo solum, præcordijsq;, aut alijs internis corporis partibus, sed etiam à partibus externis, in quibus totius corporis habitudo deprehenditur, uapores prauos in cerebrum conscendere, ibiq; epilepsiam parere nobis aperte significat. Si quis uerò petat à me, quænam sint hæ corporis partes exteriores, in quibus totius corporis habitus comprehenditur, respondebo musculos esse toti corpori adiacentes. ita enim rem se habere docet Galenus in hunc planè modum. Totius uerò corporis habitus in illis maximè dicitur partibus, quæ primæ oculis subiiciuntur. sunt uerò hæ musculi, qui omnia ambiunt. Quod Auicenna igitur de toto corpore protulit, de partibus extrinsecis nempe musculis uniuersam corporis molem ambientibus intelligi debet. Omnibus uerò consortij lege factis epileptici morbi inuasionibus, quæ stomachi sit consensu, frequentior esse solet: cuius quidem quatuor enumerantur causæ à Galeno, quæ si unà confluant, maximum inde fieri symptoma necesse est. nimirum si affectus, qui uentriculum afficit, uehemens existat, si sensus eius maximè sit acer, si arteriarum, neruorumq; genus imbecillum, & si denique cerebrum ipsum, uel cor fuerit infirmum. Hactenus patet quænam sint partes, quarum consortio, & conspiratione cerebrum in epileptico motu afficitur, nunc uerò ostendamus quo modo cerebrum huiusmodi partibus consentiat; ut illarum consortio in adeomagnam

gnam ægritudinem incurrat. Antè omnia igitur confi-
derandum à nobis est quot modis fiat partium ad ioui-
cem conspiratio, & vna pars alteri compatiatur. Tri-
plici ergò ratione fit ille consensus, aut vicinia, aut fa-
miliaritate vel generis, vel operis, aut vasorum com-
muniõne. Auicenna verò sex modis fieri consortia tra-
dit propter continuitatem, viam, vicinitatem, opera-
tionem, famulatam, aut intermedium partis ad partem.
Propter viciniam, vesicæ, & recto intestino vterus co-
patitur, vicissiniq; illa vtero, vnde tenesmi, strangurie,
& vrinæ suppressiones per consensum. Sic ad recti in-
testini, ac vteri inflammationem accedit stranguria,
Hippocrate auctore, vicinix scilicet ratione compati-
te vesica. Generis societate condolet neruosum ner-
uoso, venosum venoso, arteriosum arterioso. Operis
verò, condolent mamma vtero, thoraxq; partibus ge-
nitalibus. Propter communionem vasorum ventricu-
lus cordi per aortam, & venam cauam consentit, inde
syncope stomachica. alijs etiã modis ab Auicenna po-
sitis pars altera alteri compatiatur, vt continuitate, ac in-
termedio partis ad partem; sic enim ventriculus inte-
stinis, & gulæ condolet, cerebrum verò vtero, per spi-
ritum cui alligatur, compatiatur, inde occipitis dolor in
mulieribus frequentissimus. Conspirant etiam partes
per intermedios spiritus, & humorum confluxum, vt ad
hanc partium conspirationem, condolentiamve respi-
ciens Hippocrates meritò scripserit: Confluxio vna,
conspiratio vna, consentientia omnia. de qua symp-
thia abundè loquitur Hieronymus Fracastorius. Ve-
rum ad rem nostram. Si quis ergò quærat à me vnde
sit quod cerebrum, & ventriculus mutuo sibi compa-
tiuntur, vt alter alterius condoleat calamitati, respon-
debo id prouenire ob neruorum à sexta cerebri propa-
gine

Sabinus apud Gal. a. epid. com. 2.

Fen. 1. pri. mi.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

1. apud Gal. a. epid. com. 2.

Lectionum de Epilepsia

Lib. 5. de vi-
ta par. 19.
Idem tamē
3. de loc. aff.
9. nō in oī-
bus, equē o-
xacti sensus
os ventricu-
li reperiri af-
firmat, imō
quosdam ip-
sum penē in-
sensibile obti-
nere ex eo
probat, qđ
eructāt, vel
euomūt qđ-
dam vsque
ad os vitio-
sa qualitate
infecta, vt
ne odor qui
eē à nobis
sustinet qđ-
at, cum ipsi
interea ni-
hil seē mot-
us sentiāt.
5. de loc. aff.
6. ac de tuē.
sanit. li. 6. c.
pen.
Vide Gal. 6.
de loc. aff.

6. epid. com.
1. sect. 2.

gine ad os ventriculi descendentium magnitudinem, per quos etiam os ventriculi sensus exactior, quā vlti-
le alia particula accedit. Qua propterea in parte Ga-
lenus tactus sensum maximē vigere perscripsit. Sto-
macho igitur facile cerebrū compatitur neruorū com-
munionē. Exemplum verō patientis epilepsiam per
huiusmodi consensum proponit haud vno in loco Ga-
lenus, nimirum cuiusdam grammatici, qui quoties vel
nimis vehementer doceret, aut cogitaret, aut in ediam
sustineret, aut irasceret, comitiali symptomate cor-
ripiebatur, nempe oris ventriculi vitio. Sic ego alium
nouī grammaticum (ita enim libet mihi appellare vi-
rum in humanioribus, vti vocant, literis perquā ver-
satum) qui si forte fortuna irascitur, aut longius in ediam
tolerat leuibus quibusdam comitialibus accessionibus
cum modica circa os spuma collabitur. Ab vteri con-
sensu epilepsia fit mulieribus præsertim vtero gerenti-
bus, in quibus multa putria vnā cum fetu coercentur,
ob ipsius vteri cum cerebro, per spinalem medullam
cui vterus alligatur, copulam: inde mulieribus nil mag-
is frequens occipitis dolore, inde etiam conuulsio-
nes, quas vtero consentiens cerebrum sæpē producit,
quæ quidem in viduis maxime, atque virginibus elu-
cescunt, quæ sanantur vtero ipso sanato. Quod si al-
licui vestrum non probatur, dicamus epilepsiam fieri
ab vtero vasorum communionē, de qua Galenus ubi
causas indagat, ob quas si sunt mulieribus in incipite do-
lores. Ex coli autem dolore qui fit casus epilepticus ac-
ceptus referri debet, vel nervulo à sexta cerebri propa-
gine ad illud transmissio, vel continuitati illius intestini
cū vetriculo, à quo per neruorū communionem cere-
bro noxa impartitur, sic intelligi oportet de alijs inte-
stinis, quoties ab eis vel ob vermes, vel ob aliam causam

fam

ſam comitiale ſymptoma cerebro communicari aſſeritur . Habent enim inteſtina communem cum uentriculo tunicam , ratione cuius etiã fit, ut ijs leuem quandam, ac rudem concoquendi facultatem inſeſſe medici omnes aſſerunt . Quæ à crure uerò, aut pedum, manuumve digitis incipit affectio , quæ ſurtim per cecos ductus in cerebrum progreditur, per quandam ueluti partium continuitatem illam ipſam fieri Galenus aſſeruit . Quæ à teſtibus, uaforum communione, ſi Hippocrati credimus, ſed aliter docet anatomes, ideo dicendum fieri potius ob quandam partium continuitatem, ut quæ à ſpondylibus, aut humerali oſſe, ob uici-
niam ſub qua tamen continuitas comprehenditur . Quod ſi aliqua alia corporis pars primùm affecta erit, ratione cuius cerebro affectio communicetur, aliquo ex iam oſtenſis modo illi ipſi condoleat cerebrum neceſſe eſt . Hucusque de natura, ac differentijs epileptici affectus copioſe peregi . nunc uerò tempus poſtulat, ut de eiufdem affectionis cauſis efficientibus orationem exordiar .

FINIS LIBRI PRIMI.



LECTIONVM DE EPILEPSIA LIBER SECVNDVS.



*An in Deum referenda sit causa epilepsia,
ut quorundam fuit opinio.*

Lect. XII.

DE causis modò epilepsie agendum est, in quibus quidem sigillatim examinandis si diutius immorabor, vnusquisque uestrum, Ornatissimi Auditores, mirari desinat, quando nulla in re magis laboratur à medicis, quàm in morborum causis dignoscendis, utpote quæ convenientem curationem, assertore Galeno, ostendunt. Siquidem cum nihil eorum, quæ in corpore nostro sunt, factæ sunt, absque causa sit, eodem Galeno pluribus in locis auctore, utique morbus nunquàm ex corpore profligabitur, nisi causa, ex qua pendet, auferatur. Doctè idè dixit Herophilus oportere medicum, quæ, qualis, & quanta sit morbi causa ante cognoscere, quàm de aliquo remedio cogitet. Quis enim morbus curabitur unquam, nisi causa remota?

Hæc

f. ad Glauc.
c. 4.

4. de Placit.
Hip. & Plat.
c. 4. & 5.
1. met. med.

7.

Lectionum de Epilepsia

In li. de ame Hæc autē remoueri non potest, nisi dignoscatur. Quare merito scriptum reliquit Hippocrates: Medicus qui suffecerit ad cognoscendum, idem suffecerit ad sanandum. Priusquam tamen ad internas efficientes huius affectus causas, me ipsum accingam, uniuersaliores palam facere decreui, in quibus tādū progrediar, quādiū summa huius morbi causa deprehendatur. Summam uoco 1. phys. tex. 39. Aristotelem securus, quāp̄oxime affectū attingit, seu immediatam. Reliqua enim tria causarum genera, quæ Aristoteles instituit, naturali relinquam, effectricesq; tantum, quæ solæ ad curationis modum dignoscendum satis esse creduntur, omni studio percurram. Nam & Leonicens testatur esse Galeni consuetudinem per causam simpliciter, efficientē tantummodo intelligere. Illud quidem verum est huiusmodi causas materiales etiam esse posse. nam vt sunt subiectæ qualitibus deferendis, materiales, vt impediunt naturales effectiones, efficientes erunt. Eas veteres in coniunctas, & antecedentes partiti sunt. Quod si Galenorum causas omnes expendere aliquis obijciat, dicatur id ipsum efficere solam in medicinæ theoria, seu contemplatione, vix autem in therapeutica, vt fecit Auctor libelli de renum affectibus, Per medicinæ verò theoriam illud in hoc loco intelligi velim, quod alio nomine physiologia vocatur, quæ humani corporis naturam ex professo exponit, in qua genera quatuor causarum expenduntur. Ad rem. Imprimis igitur diluendum à nobis est, an in Deum reijcienda sit epilepsiæ causa, vt ab eo semper tale genus morbi hominibus immitatur. Fucere enim, vel Hippocratis tempestate (si modò illius est liber, qui de sacro morbo inscribitur) qui epileptici morbi fruietiam, magnitudinemq; qua ceterorum morborum naturam longè superare

perare

perare videtur, animo menteq; volentes, ad iram Dei ita illum referebant, vt non medicinalibus auxilijs, sed expiationibus curari posse autumarent. Quæ opinio, eodem Hippocrate auctore, non aliunde quàm ex ignoratione naturalis epilepsie causæ ortum habuit, quæ tamen etiamnum hodie verisimilis vulgo videtur, eo quòd morbus multitudine, & vehementia symptomatum mirabilis sit, & ab alijs longè diuersus; cuius affectus origo, inquit Areteus cum mirabilis, & præter hominum opinionem sit, flagitiosis hominibus à Luna immitti nonnullorum opinio fuit. Verum qui à Luna ori i talem affectionem putant, alia se ratione tuentur; ob quam etiam ad rei naturam multò magis accedunt. Non modò autem ægritudinem hanc, sed alias etiã ab irato Deo nobis obscurè viuentibus inferri quidã existimant, licet eas potissimum quæ latentì qualitate, à totaq; vt i vocant, substantia corpora nostra corrumpunt, quorum sententiæ fauet Auicenna dum scribit, epidemiã à Deo propter peccata immitti, & Celsus auctoritate Homeri, à quo disci posse refert morbos tum ad irã Deorum immortalium relatos esse, & ab iisdem opem posci solitam. Insuper ex sacris literis, quarum auctoritas nobis instar omnium esse debet, passim deprehenditur morbos ab Omnipotenti Deo hominibus immitti. Vnde in libro Paralipom. legitur Ioram Regem, quòd populum à Deo lege auertit, fratresq; suos occidit, Deo ipso ita volente, correptum esse alui languore insanabili, quo tandem ad tabem, interitumq; deductus est, quãplures alij in adductis literis recensentur, quibus à Deo immisse sunt ægritudines, quos ego breuitatis ergo prætermitto. Iure igitur Ecclesiasticus; qui delinquit in conspectu eius, qui fecit eum, incidet in manus medici. Non est in ciuitate malum, cecinit

Lib. i. c. 4.

Li. ii. metaph. ab initio.
Lib. i. c. i.

2. c. 11.

Cap. 38.

Pro-

Iſa. 44.

1. prog. 7.

Loco citato

7. m. 11. mcdca.

Propheta, quod non fecerit Dominus. Quamobrem ex peccatis, Deo ita permittente, morbi nascuntur, vt & alix omnes miserix. Spectant huc verba illa: Ego Dominus formans lucem, & creans tenebras, faciens pacem, & creans malum. Dominus noster; ei, quem sanauerat, dixit, Noli amplius peccare; ne deterius tibi aliquid contingat. Ad hanc ipsam in morbis occultam causam respexisse Hippocratem nonnulli arbitrantur, dum sic scriptum reliquit. Et si quid in morbis diuinum habetur, illius discere prouidentiam medicum oportet. Vbi per diuinum haud eam aeris conditionem, quæ ex calido, frigido, humido, sicco modum excedentibus prouenit, sicuti Galenus enarrat, sed aliquid aliud illa aeris conditione longe, lateque præstantius innuere Hippocratem affirmant, nimirum proprietatem quandam morbosam hominibus ignotam, penitus, soliusq; Dei arcane menti reseruatâ, quæ ab eodem ad scelera humana infringenda susceperit. Deus ergo morborum causa. An ab eo solum erit petenda subleuatio medicorum auxilijs neglectis? Quotidie tamen uideamus egrotantes multos iam iam morituros mirabilis artis suffragio ab Orci faucibus eripi, ac uitali spiritu donari. Præterea Ecclesiasticus ipse testatur medicum creatum esse ab Altissimo, hortaturq; egrotantes in infirmitatibus dare locum medico, quoniam eius opera sunt necessaria. Apud quem pariter, non secus ac præcepit Galenus, lectum est. Si coactus fueris in edendo multum, surge, & euome, & non adducet corpori tuo infirmitatem. Quibus uerbis significat Deum uelle à morbo hominem liberari per hanc nobilissimam artem, quâ in humanæ salutis custodiam, ac reparationem creauit. Quid igitur statuendum est hac in re? Pro indubitato habetur apud omnes Deum esse pri-

primariam causſam, à qua cœteræ pendent, nihilq; hæc
 in mundi machina fieri, aut moueri citra primi mo-
 uentis voluntatē. Etenim Dei nutu gubernantur om-
 nia; eumq; propterea ſingularū rerū effectorem vnuf-
 quiſque, cui ſana mens ſit, agnoſcit, ac proſitetur. Sic
 enim entia omnia, nihil aliud eſſe, quàm Dei ſcientiā
 dicebat Themiftius, cui & Auerroes aſſentitur. Ita pa-
 riter de Deo ſentire Hippocratem aſſeuerabo, dum
 cūctarū rerum humanarum cauſſam ad Deum referen-
 dam monet, nec non cū dixit, A medicis vniuerſa
 Deo attribuenda. Verum ſecundas cauſſas produxit,
 quas etiam ita diſpoſuit, vt proprios motus agere per-
 mittat, quibus ſimiliter vt ipſum manifeſte apparet,
 quoties aut in vindictam, aut ſalutem morbos immit-
 tit. Sic enim Tobiam hirundinis ſtercore excæcauit,
 cui paulò poſt viſum reſtituit, præſcripto ex felle piſcis
 collyrio, quem piſcem illum fuiſſe nonnulli arbitran-
 tur quem callyoninum Græci appellant, de quo Gale-
 nus, & Plinius verba fecerunt. Quare medicus, qui
 ut medicus vltra elementa non quærit, à ſecundis cauſ-
 ſis tantummodo ægritudinum originem petit, non ne-
 gans quandoq; Deū ad ſcelera humana puniendā mor-
 bos inferre, ita tamen vt abſque naturali cauſſa illud nō
 efficiat: qui medicus propterea circa proximam na-
 turalem cauſſam potiſſimum uerſatur, qua ablata, mor-
 bi etiam e medio tolluntur. Vnde Auicenna de melan-
 cholia pertractans in apertum quædam aſſert, quæ hic
 libenter appono, quoniam ad rem noſtram omnino fa-
 ciunt contra eos, qui à Dæmone comitalem morbum
 ſuſcitari contendunt, vt fruſtra medici laborent circa
 naturalem eius cauſſam. Quibuſdam, ait, medicorum
 viſum eſt quod melancholia contingat à Dæmonio, ſed
 nos non curamus cum phyſicam docemus, ſi illud con-
 tingat

1. de anima.

De nat. mu-
lieb. per ini-
tia.
In li. de mo-
derat.

Tob. c. 3. &
11.

10. de ſimpl.
med. 12. lib.
22. c. 17.

28. c. 17.

Sen i. tract.
4. c. 18.

Lectionum de Epilepsia

tingat à Dæmonio, aut non contingat, postquam dicimus quod si contingat à Dæmonio tunc contingit, ita ut conuerterat complexionem in cholera nigram, & sit causa eius propinqua cholera nigra, deinde sit causa illius Dæmonium, aut non Dæmonium. Morbi igitur omnes, mea sententia, nedum melancholicus, aut epilepticus, quoties humanum corpus, vel iubente Deo, inuadunt, naturalem causam habent unde gignantur, qui aliter statuunt e medicorum numero sunt dispungendi. Nam præterquam quod artem medicam nobis à Deo traditam e medio tollunt, in eo etiam videntur versari errore, cuius Moysen Galenus ut physicus insinuat. de pilorum enim generatione, immo rerum omnium natura ille, ut diuinus homo potius, quàm physicus discurrens in Deum semper causam referebat. cuius vitij maiori cum ratione Epicurum quoque idem Galenus reprehendit, qui omnia in materiam reijciebat, secundis causis posthabitis, in quibus ea quæ fiunt suas habere rationes nemini dubium esse potest. Non deerunt fortasse, qui contendant eatenus morborum causam Deum vocari, quatenus vñ cum causis secundis, ut ad quamlibet actionem præstandam, ita ad morbos gignendos actu concurrat, quemadmodum vnanimiter asserunt Theologi, vnde quorundam philosophorum dogma emanauit, secundas causas non agere, nisi actu concurrente primas, proprietate ac simpliciter causas non esse, sed instrumenta primæ causæ dumtaxat, veluti arbitrati sunt Platonici, quorum sententiam videre est apud Simplicium, & Cardinalem Bessarionem contra Platonum calumniatores. Verum ita philosophantium opinioni minime adquiescunt Peripatetici asserentes Deum suis legibus descripsisse naturam, ut externo ducere non indigeat, qui propterea naturalium effectuum

yr. de vfu
par. 14.

3. phyl. tex.
29. lib. 6. c. 3.

3. phyl. 4. c.
8. 1. 1.

Aut causam dici Deum noluerunt, & secundas causas proprie, & absolute tales appellant, quia licet à prima causa dependant, ex quo Platonicis causarum nomen eis non absolute concedendū visum est, in suo nihilominus genere perfectam obtinent (sic vocant) causalitatem. Quare ab his ægritudinū non tam origo, quàm medela à medico est indaganda; illud quidem obliuisci non debet, arti nostræ vsque adeo fidentium non esse, vt tota spes salutis in ea posita sit. quem admodum enim Deus in morbis inferendis causis vitur secundis, & pro eorundem curatione ad medica instrumenta descendere non grauat, ita & nos vnà cū ægrotantibus ipsis à Deo semper, & ante omnia opem poscere debemus, eo magis quia, vt Mesue scripsit, solus Deus languores sanat. Sic enim Gal. votum vouit Aesculapio, à quo seruatum se mortali apostemate laborantem fatetur. Et Plin. multifariā ab oraculis medicinam peti solitam suo tempore refert. Ita etiā Strabo aduersa affectos valetudine in Epidaurici Aesculapij templo pernoctare solitos affirmat. Alioquinæque medicus, neque æger optatum finem consequentur, exemploq; sint nobis Ezechias, & Asa Reges, quorum prior, Deo ita iubente, sanatus est ab Isaiā admoto ex caricibus cataplasmate, de quo fit mentio lib. Regū ad hunc modum: dixitq; Isaias, afferte massam ficorū, quā cum tulissent, & posuissent super vlcus eius, curatus est: Posterior autē ex ingenti podagræ dolore, à quo prius circa triennium excruciatu fuerat, vitam cum morte mutauit, quia, vt legitur libro Paralip. neque in infirmitate sua quesitum Deum, sed magis in medicorū arte confidit. Hippocrates tamen cū dixit: Si quid in morbis diuinum habetur illius discere prouidentiam medicū oportet, vix adduci possum, vt credam illū di-

• In prolog. lib. 1. de lib. propri.

In prolog. lib. 1. de lib. propri.

lib. 19. c. 1. lib. 8.

4. c. 1. 0.

1. c. 16.

Lectionum de Epilepsia

Si tamē Hip-
pocr. est li-
ber ille.

Cap. 9.

uini voce quidquā aliud ab illa aeris conditione, cuius ab eodem multis in locis fit mentio, significare, vt nos recte admonet Galenus, dicant quicquid velint Marnardus, Fernelius, Valeriola, alijq; moderniores auctores, quorum accerrimum iudicium vt non contemno, ita nec Galeni sententiæ antepono. Hanc ipsam opinionem eo libentius amplector, quo video Hippocratem nullibi ægrotationum causam in Deum refundere. Immo in eo, quem de sacro morbo scripsit, commentario quamplura leguntur ad eorum sententiam conuellendam, qui in Deum morborum causam reijciunt. Vbi etiam illos summopere increpat, qui diuinum idcirco morbum epilepsiam vocant, quod in se diuinitatem habere cogitant, cum tamen nulla in re diuinior alijs existat, sed naturam habeat, quā etiam ceteri morbi, & causam, vnde alij similiter gignuntur. qui certe si diuinior esset alijs morbis, omnibus indifferenter illum contingere, neque discrimen inter biliosos & pituitosos fieri oporteret. pituitosis enim natura oboritur, biliosis verò nequaquam. Nos tamen, si morborum originem non solum vt physici, sed etiam vt Christiani pie consideramus, haud semel Deū morbos immittere ad humana delicta castiganda affirmabimus; quo sensu dici potest epilepsiam, quæ adeo horribilis ægritudo ab omnibus tenetur, interdum Omnipotentis Dei exandescencia homines aggredi, vt illi fortasse contigit, cuius fit mentio apud D. Marcum hisce verbis: Et attulerunt eum, & cum vidisset eum, statim spiritus conturbauit illum, & elisus in terram volutabatur spumans. In terram enim elidit, ac volutari, & fieri spumam circa os, certissimas esse epileptici morbi notas vel ruditer in arte versato luce clarius constat. ex quibus omnibus elicere vnusquisque potest, quā magno

gno sint in errore ij, qui epilepsia, ceterorumq; similiū morborum causam ad Deum ita reierendam contendunt, vt causis naturalibus posthabitis, in Deum semper reijcienda sit, neglectis pariter medicorum presentaneis auxilijs, ad quæ necessitate cogente, coniugendum esse Deus ipse præcepit. Tandē hac de re statuendum omnino est, quod ab Hippocrate pronūciatū legitur. Nam somniorum coniectores falli dicens, eo quod omnia ad Deos referebant, quorū tamen institutum damnare volebat, ne contra pietatem faceret, vt nec etiam probare, ne ars, quam ibi proficitur, superuacanea haberetur, in apertum hæc verba profert. Oportet Dijs inuocatis, nos quoq; operæ aliquid in medium afferre.

In Ecclef.

In li. de insomnijs.

An Luna statuenda sit epilepsia causa.

Leet. XIII.

Qui epileptici affectus causam ad Lunam referunt, ingenio præpollentes Viri, ad rei naturam multò magis accedere mihi videntur, quàm qui in Dæmonem reijciunt. Permagna enim vis est Lunæ hoc in morbo gignendo, vt plerisque alijs etiam, qui illius motum insequuntur. Tanta siquidem est super celestium corporum in hæc inferiora vis, atque facultas, vt quælibet illorū immutatio nos ipsos non parum afficiat. Quam rem significare voluit Aristoteles dicens, Mundum hunc inferiorum superioribus lationibus contiguum esse, vt inde omnis virtus eius gubernetur. cuius quidem contiguitatis rationem afferens D. Thomas tradit corpora celestia inferioribus contigua esse oportuisse, quia impossi-

In meteor.

In eomm.

possibile est locum esse vacuum, necnon quia nisi se
tangerent huiuscemodi corpora, superiorum vis infer-
rioribus non communicaretur. Oportet enim quòd a-
gens corporale tangat passum, & motum ab ipso. Ho-
rum verò corporum ad inuicem connexio sit per aerem
nos ambientem, qui à supercælestibus corporibus alte-
ratus nos quoque alterat, immutatq; , veluti ex tempo-
rum vicissitudine, varia diuersaq; locorum natura, &
demum ex varia hominum forma, temperie, morumq;
dissimilitudine pro varietate climatum, aspectuūve
cæli cuius constare facile potest. Quis est enim adeò
mentis expertus, qui continentē in suam crasim conten-
tuū immutare quotidie non obseruet? multi nanque
motus, vel auctore philosopho, in hominibus fiunt à
continenti, hoc est ab acre, & cælo: Quam rem optimè
vidit Hippocrates in de aere, aquis, & locis, vbi etiam
hæc profert verba. Deprehendes ut plurimum homi-
num formas, & mores sequi naturam regionis. Quo
alludens Iulius Maternus, Quædam gentes, ait, à cælo
ita formata sunt; quare etiam hinc factum fuisse quidā
volunt, ut apud Scythas vnus tantum philosophus eua-
serit, nempe Anacharsis, Athenis contra plurimi. At-
tica enim Regio, affirmante Platone, ob aeris tempe-
riæ prudentissimæ ingenia, omniq; virtutū genere præ-
cæteris excellentia procreat. Tals est enim spiritus
vocatus animalis, qualis qui nos ambit aer; nam eius
generatio ab aere quoque pendet, qui spiritus pro eras-
siori, vel tenuiori aeris qualitate, ita segnior, aut ve-
getior ad animæ opera præstanda euadit, exemploque
sint nobis duæ temporis contrariæ conditiones, austra-
lis nempe, & borealis, in vna quarum animantes hebe-
tiores, in altera acutiores ad quasuis eum animi, tum
corporis actiones obeundas efficiuntur. Sic ergo In-
genij

1. phys.

Lib. & c.
astronom. i.

In Timæo
ab initio.

genij præstantia multò magis antecellūt hi, qui in tenui
degūt cœlo, ut Athenienses, quā qui in impuro, ut Bœo-
tij. Vnde Galenus: Scimus, inquit, Thebis crassum ut
in tota Bœotia, Athenis tenuē celum fuisse. ideo inge-
nio acuto Atticos, crassò Thebanos fuisse commemo-
rant. Hinc Pindarus cūh' ueller suam Pœsin ornare
laudibus, quod eam calumniā tegre ferret infligi The-
banis de ingenij tarditate, ac proinde Bœotij Sues di-
cerentur, ita loquitur, Bœotium ultasimus suem. Sed
hæc pauca obiter, ad Eudam reuertor. Quæ quidem
inter cœlestia corpora maxime omnium (excepto So-
le) in terrenis rebus afficiendis, ac permutandis princi-
patum obtinet, tribus præcipue de causis à Ptolomæo
relatis, prima est propter uiciniam, secunda quia in Lu-
na uirtutes omnes mouentium superiorum continen-
tur, tertia demum quia ex lumine à Sole accepto quasi
Sol alter efficitur. Quarum quidem causarum, quæ
postremo loco adducitur probabilior mihi uide-
tur. Lumine enim potissimum agit in nostra corpora,
quod à Sole ipso accipit, unde Luna ab Aristotele mi-
nor Sol appellatur. Immo idem censet Lunam calfa-
cere, & siccare, ut ipsum Solem, eo ultra minus, quo re-
percussum lumen rectè debilius esse par est. Hinc me-
rito luminis fit, ut Luna humiditatibus præesse dicatur,
quæ quidem augentur, & minuuntur, prout augetur,
& imminuitur Lunæ lumen. Quare Auicenna, ange-
tur, inquit, cerebrum augescēte Luna, decrescit de-
crescēte, flumina quodque, & maria quæ alternè fluūt,
ac reflūunt, crescēte lumine Lunæ intumescunt, de-
tumesunt decrescēte. Qui de agricultura scripserūt
unanimiter omnes agricultoribus præcipiunt, ut arbo-
res decrescēte Luna putent, quod eo tempore minus
humiditate scatēant, quæ etiā caussa ligna tunc incisa
minus

6. epid. com.

4. de gener.
anim, c. ult.

Lib. 1. fen 4.
c. 21. Gal. 3.
de dieb. de-
cret. & Ae-
tius ferm. 1.
c. 10.

Lectionum de Epilepsia

In praxot.

4. de gener.
anim. lib. 2.
c. 41.

minus sentire cariem testantur. Conchyilia pariter ad Lunæ lumenuariari tradit Mirandulanus, ipsaq; do cet experientia. Nam per Lunæ coniunctiones, & humor, & calor perexiguus in illis esse fertur, quæ augeri, & pinguescere tunc sane incipiunt, cum Luna circa quadraturas versatur, post quod tempus magis etiam augentur vsque ad Lunæ plenitudinem. Quam rem pariter fatetur Aristoteles, & cum eo Plinius qui ad hunc modum loquitur: Iam quidē lunari potestate ostrearum, conchyliarumq; & concharum omnium corpora augeri, ac rursus minui. A elurorum similiter oculi ampliores fiunt augescēte Luna, vt Gellius refert, apud quem Lucillius

*Luna alit Ostrea, & implet echinos
Muribus fibras, & pecudi addit.*

Itaque constat humorem omnem cū Luna moueri, nimirum illa augescēte augeri, decrescēte verò deficere: sed hoc intelligendum est de omni humore utili, ac alimentali, quem semper auget Lunæ lumen. moderatum enim calorem rebus afferens, nutritionem fouet, alimentisq; replet, id quod efficit cū lumine lucet; tempore uerò interlunij cum luce prorsus caret imminuuntur quidem utiles, sed inutiles procreantur succi, humiditasq; excrementitia tunc magis redundat, ob defectū caloris, unde muliebria decedentibus mensibus potissimum apparent. Notum est enim ui luminis, quod à Sole accipit, Lunam calfacere, rerumq; omnium calorem fouere. Lumine quidem non per se: sed ex accidenti, quatenus uidelicet luminis comes est ignis, ob analogiā. Ex quibus facile est intelligere unde sit, quod qui epileptico affectui sunt obnoxij interlunij tempore ferè semper à morbo aggrediuntur, & fortasse etiam ratio elici potest, quamobrem interlunio concepti, editiue

riæ comitiales euadant, si modò vera est nonnullorū
de huiusmodi re sententia. Quandoquidem Luna
tempore quo lumine exita, atq; orba est, quod alij in-
ter lunij, alij silentis Lunæ appellant, calore cuncta pri-
uat, quem alijs temporibus ad res omnes fouendas, &
nutriendas per lunæ immittit, ideo frigida augeatur,
fiuq; in nobis crudiores humores, quibz sūt pituitosi
frigidi, & humidī, à quibus etiam ledi se tunc sentiunt,
qui rheumatibus obnoxij esse solent. quæ in te sane pri-
mas ipse sero, adeo imbecille cerebrū à primordijs for-
tius sum. Sic ergo comitali morbo ab humore pitui-
toso additi, in Lunæ cū Sole cōiunctione quæ sepe ac-
cessione tēantur, frigida illa, exotemōcia q; humidita-
te in cerebro adausta, ac in eiusdē ventriculos elapsa.
Quod verò eodē tēpore vel in utero cōcepti, vel in lu-
cē editi talē agitudinē, reliqui vitæ tempore parian-
tur, vt Serenus medicus his verbis testatur reliquit.

Ipse deus memorat dubia per tempora Lunæ

Conceptum, talis quem sepe ruina profudit.

nō in prauā aliquā, & occultā Lunæ facultatē referōdū
puto, sed in eādē potius causā, nempe luminis Lunæ
priuationē, cuius gratia sit, vt tūc quiniā, quæ sub Lunā
iacent, maximis afficiantur alterationibus, veluti quæ
per id tempus sūt frequentes, magna q; mutationes, &
crebri qui sentiuntur ventorum flatus, vehementesq;
pelagi tempestates apertissime ostendunt. Ex Aristote-
le modò constat varias temporum mutationes, ob di-
uerfos ventorum flatus, ad immutandam in detegens
rationem conceptus vim maximā habere, vt enī va-
ria mensum, nedum annorum tempora, quæ quidem
ad animantiū generationem immutandam insignem
facultatem possidere, ex eo manifestū esse tradit, quod
non parum refert, an Luna crescente, aut decrescēte

de gener. anim.

de gener. anim.

de gener. anim.

K con-

Lectio de Epilepsia

conceptio fiat. Quare non est à ratione alienū in interlunio, quo tempore tam varia, tamq; naturæ nostræ inimica temporis conditio incrudescit, infantis vel in vtero concepti, vel recens editi cū mēbra alia, tum caput imprimis debilius reddi, quod postea vitæ cursu præ imbecillitate excrementitios humores tū congerat, tum ēt aliunde à fortioribus membris transmissos facile recipiat, qui cerebri ventribus communicati epilepsiam pariunt. Hæc de interlunio satis probabilia mihi videntur, ad plenilunium conuertatur oratio. Si quidem hoc tempore etiam epileptici insultus exacerbantur, multiq; morbis è fluxione laborant, veluti nos ipsa docet experientia. Contra tamen (si licet sensum ratione impugnare) nō vulgaris ratio stare videtur: nam si Luna à lumine vim habet calefaciendi, profectò quò plus luminis, eò plus etiā caloris in inferiora refunder, quod Aristoteles pariter affirmat, plenilunij noctes tepidiores esse scribens, calor autem humiditates absument potius, quàm adauget, ergo in plenilunio, quo tempore vberiorē ex se lucē Luna refundit, nulli videntur gigni posse frigidi, & humidi affectus, hæcūm epilepticus. Respondendum Lunam per lumen quidem calefaciendi, & siccandi vim habere, quare eo diminuto, & aut omnino ablato merito augentur humiditates, defectu scilicet ignis, vt in interlunio contingit. Verū hoc non impedit quominus eadem etiā plena humiditas passiones augeat, nō quòd frigida & humida, vt perperam quidā volunt, quæ Lunæ naturam frigidam, & humidam esse censent, veluti Saturnum frigidum, & siccum, Martem calidum, & siccum, ac Ionem calidum, & humidum, sed quòd Lunæ luminis, vt potē reflexi, tepidus sit calor, vnde plenilunij noctes tepidiores, talis autē calor humores plus funde-

4 de partib.
anim. c. 5.

de partib.
anim. c. 5.

fundere, ciereq; solet, quā absumere, atque ita humores auget, ac mouet, vt tepidum balneum, & verni temporis calor concretam humiditatem eliquare solent. & in hoc differt Lunæ calor à Solis calore, quod hic calidior cum sit non plus fundat, quā absumat, atque resoluat. Quam rem Plinius de Luna differens his verbis explicauit: ideo mollior, & imperfecta vi soluere tantū humorem, atque etiam augere, quem Solis radij absumant. Quò respiciēs Hermolaus Barbarus, quid quod, ait, idem alitrum diuersas vires habet, & repugnantes propemodum? Luna enim, & lumine calefacit, vt in plenilunio experimur: tunc enim calor est auctior, & humectat maxime atque refrigerat. Quamobrem hoc etiam Lunæ aspectu comitiales à morbo aggredi non est rationi dissonum, eliquatis à tepido Lunæ calore cerebri humiditatibus. Illud quidem prætereundū nullo modo est, cū duplici ab humore per essentiam, vereq; talis epilepsia oriatur pituitoso nimirum, aut melancholico, plenilunij tempore eos potissimum cadere, quorū morbus ab ipsa melancholia pendet, in interlunio verò eos, quibus ex pituita contingit affectio; sic & in feminis melancholico sanguine refertis purgationes in plenilunio magis irritantur, ac fluit, in pituitosis verò quibus sanguis crudior est, in interlunio; ratioq; affertur quoniā pituitosi humores frigidi adeo sunt, vt nisi magno calore, qualis Lunæ non est, nō fundantur, frigore verò intenso magnopere augeātur, melancholici autē cū adeo frigidi non sint, quippe qui per calorem tales euadunt, vel moderator calore funduntur, & eliquantur, frigore autē non augentur sed compescuntur potius, atque sedantur, vnde fit vt qui huiusmodi humoribus abundant deterius habeant in plenilunio, qui verò illiusmodi in interlunio. Persepe tamen accidit vt hoc

Lib. 2. c. 9.

In compen.
natur. sciēt.
lib. 2. 1.

Lectionum de Epilepsia

ſce Lunæ aſpectus epilepsia non expectet, vt nec menſium exitura, quam multis ter in menſe citari comper-
tum eſt, pro ſuperflui ſanguinis copia, & qualitatis ra-
tione irritata facultate expultrice naturali, nam & epi-
leptica inuaſio pro copia pituitoſi, atriue humoris in ce-
rebro ex praua victus ratione redundantis, nullo ordi-
ne iam expoſita Lunæ tempora inſequentis frequenter
apparet: Ita vt demum qui hanc Lunæ facultatem in
comitiali morbo promouendo inter externas, & pro-
catarticas cauſas hunc affectum præcipuè excitantes
connumerant ſummopere cōmendē, contra verò non
parum reprehēdam, qui epilepsiam, quoquo tempore,
& modo ſit, Lunæ ſyderi acceptam perpetuo referunt.
Atque hic imponatur præſenti lectioni terminus.

*De proximis epilepsia cauſis. Vbi notan-
tur Valleſius, Rondeletius, Hollerius,
ac Riolanus. Leſt. XIII.*

1. met. med.

HActenus explicite ſunt cauſæ vniuerſaliores
epileptice ægritudinis, nunc verò ad eiſdē
proximiores accedendum eſt, e quibus vere
eliciuntur curandi iudicationes. Vniuſcuiuſque igitur
affectiōis duplex eſſe cauſarum diſcrimen ſtatuit ipſe
Galenus, quorum alterum eſt cauſarū quæ in anima-
lis corpore reperiuntur, internas vocant, quarum etiā
duplicē conſtituūt differentiam, aliæ enim efficiētes,
aliæ præparantes dicuntur. Alterum verò eſt cauſarū
quæ forinſecus adueniunt, externæ appellantur, ac pro-
catartice, quæ quidem in ordine cauſas vniuerſaliores
paulo

pauloante allatas statim insequi debuissent, sed inferius
 ubi de curatione huius affectus agetur, sermonem de
 illismet facere opportunius visum est. Nunc enim ad
 internas efficietes orationem conuertam, quibus di-
 ligenter expensis, atque examinatis, de preparantibus
 differere difficile non erit. Cū duæ verò sint efficien-
 tes, immediatæq; epilepsiæ causæ, quarum altera pri-
 mario fieri in cerebro solet, altera confortij lege quadā
 vel à stomacho, vel ab alia corporis parte nascitur, ab
 ea nunc exordiar, quæ cerebrum efficiendo per essen-
 tiam morbum gignit. Statuo igitur vnā cum Galeno,
 Paulo Aegineta, bonaq; medicorum parte efficiensem
 epilepsiæ causam nullam aliam esse, quàm frigidū, cras-
 sum, ac omnino viscidum humorem cerebri ventricu-
 los medium, maximeq; postremū affatim, ac de repen-
 te obstruentem, ut spiritui animali, quo minus expandi
 possit, aditus intercludatur. Obstructio enim, Gale-
 no auctore, ex lentis, crassisq; excrementis oritur, cū
 confertim aliquò ruunt. Quemadmodū nanque Auer-
 roes haud fieri epilepsiam posse probat, nisi à vapore,
 quia cito fit, & cito etiam desinit, sic vice uersa Galenus
 tradit eam necessatio fieri ab humore frigido, & crasso,
 quia cito fit, & cito quoque soluitur. quæ de re infra v-
 berius, cū Auerrois opinio examinabitur. Quoniā ve-
 rò crassi, viscidique humores in duplici sunt differentia;
 pituitosi nempe, & melancholici, ideo recte dictū est
 à Galeno, quod ut crassus pituitæ succus, ita & is, qui a-
 træ bilis naturam possidet, epilepticū morbum solet ef-
 ficere, ubi in meatibus ventriculorum cerebri retine-
 tur, siue is medius sit, siue postremus. Quare idē au-
 ctor affectionem hanc cū apoplexia conferens, inquit:
 Epilepsia proxima quodāmodo est morbo, quem apo-
 plexiam vocant, cum idem locus in utroque patiatur,
 idemq;

3. de sanir.
tuen. c. 10.

3. coll. c. 40.

3. de loc. aff.
c. 5.

2. aphor. 45.

ib. 11.

Lectionum de Epilepsia

idemq; humor in causa sit: frigidus enim & crassus est humor ambobus. Constat igitur epilepsia per essentiam ortæ efficientes causas pituita imprimis esse, ac melancholiam, eo quia sua crassitie, & viscositate obstruendo, replendoq; ventriculos cerebri spiritibus viam intercludunt, quominus in omnia corporis membra deferantur. Quæ tamen ventriculorum obstructio sic intelligenda est, ut non ex toto ventres illi oppleantur, sed maiori ex parte. aliter enim apoplexia potius quam epilepsia fieret, veluti superius in prioribus lectionibus demonstravi. Nunquid autem ex sanguinis etiam, ac bilis ad cerebri sinus affluxu fieri possit epilepsia, quemadmodum sentire videtur Auic. dubitatur à plurimis, quod morbum hunc efficientes humores frigidos esse, & crassos necesse sit. A sanguine tamen sincero extra venas effuso gigni aliquando posse epilepticam passionem, præter Auicennam scriptum quoque reliquit Hippocrates, neque id puto negaret Galenus. Sed hoc fieri non nisi raro crediderim, quoniam sanguis non ita frequenter e venis egreditur, & si egreditur ac in cerebri ventres transmittitur grauiora potius symptomata inuehit, nimirum omnimodam sensuum, motusq; priuationem, animales spiritus omnino corrumpes. Sanguis enim statim ac venas egreditur non amplius in sui natura permanet. Insuper sanguis absque pituita, huius flaua, aut atra bile fluens tenuis est. talia autem obstructionem parere apta non sunt. Quod vero etiam bilis ipsa per se hunc affectum producere queat vix adduci possum ut cum Auicenna censeam. Nam præterquam quod huic sententiæ repugnat Hippocrates ipse, qui biliosis epilepsiam nunquam contingere scribit, quamplures etiam afferri possunt rationes, quibus talem ægritudinē ab humore bilioso sincero haud fieri

i. terr. trac. 5
c. 8.

A. Præter. 11.

. 11.

6 aphor.
com. 10.

In li. de fac.
mor. ;

fieri posse constat. Imprimis enim bilis nec frigida est
 nec crassa, sed calida, sicca, & tenuis, vt videre est ap-
 ud Galenum pluribus in locis. Calidi verò proprium
 est, quæ eiusdem sunt generis coniungere, quæ diuersa
 disiungere, & segregare, apud Aristotelem non vno in
 loco. Quare si ad cerebrum perueniret bilis, tolleretur
 potius quæ ipsi cerebro aduersa essent, quàm vt eadem
 augetur, ab eo nempe alienos humores segregando, &
 quia etiam calidum crassa extenuat, concoquit, discuti-
 tit, atque dissoluit, Galeno asseruante. Insuper si cere-
 brum petit huius generis humor affectus ab epileptico
 omnino diuersos producit, vt sunt deliria, phrenitidis
 que, cerebri meningis sua tenuitate, ac mordacitate
 vellicando. Cum enim huiusmodi humor partiū sit
 maxime tenuium, fieri haud posse videtur, vt partes ce-
 rebri laxiores ita affatim occupet, vt epilepsiam pariat,
 nam ratione suæ tenuitatis obstructioni resistit, quàm
 quidem ex crassis, lentisq; humoribus, aut exeremen-
 tis oriri ex Galeno supra ostendimus, quæ vero tenuia
 sunt & calida, tantum abest vt obstruant, vt potius refe-
 rent, atque deobstruant. Quin etiam bilis ex sua pro-
 prietate habet, vt in membra molliora non impinga-
 tur, quod ex Galeno patet. Demum ex iâ relatis abun-
 de constat epilepsiam fieri ab humoribus cerebri ven-
 triculos obstruentibus, quod præstare non potest bilis
 ratione siccitatis suæ, quia, ex mente Philosophi, humi-
 ditas est, quæ crassitudinem efficit. Sed bilis potentia
 non est humida, quàmuis secundum speciem humida
 appareat, propter quod iure proditum legitur à Gale-
 no: sola bilis nullū plenitudinis inseparabile sympto-
 ma, vt neque tumorem, & grauitatem efficere potest.
 Ex quibus manifeste patet quàm vehemēter lapsi sint
 Rondelcius, Hollerius, & cum his alij pariter, vt Rio-
 lanus

i. de resp. o.
 de mor. cau.
 c. 6.
 2. de gen. &
 corr. c. 2. &
 4. meteor.

5. aph. com.
 22.

4. de præn.
 expul. c. 9.

1. de gener.
 & corr. c. 2.

de dif. mor.
 2.
 in de plenit.
 c. 11.

Fallitur etiam
Vallel. qui 7
epid. com-
scribitur
epilepsia
omni
humore
bile
humor
gigni nullo
modo possit
ut nec etiam
epilepsia.

Janus medicus Parisiensis, penes quem forsitan religio
fuit à viris Gallis dissentire. Hi etenim omnes cere-
bri obstructionem quæ epilepsie causa est, à tenui et
humore fieri contendunt. Non ergo à bile sincera co-
mitialis aggritudo fit, licet ab Avicenna ad idum sit, ab
terminibus, quibus constat, humores illam progi-
gni. Nisi forsitan pro Avicenna dicatur, non simplici-
ter eius verba accipienda esse, sed fieri symptoma hoc
ex cunctis nostri corporis humoribus, non propriè, &
singulis per se, verum potius omnibus inuicem com-
mixtis, & bilem profecto cæterorum humorum esse
velut vehiculum, quo tam in cerebrum, quam in omnes
alias corporis partes promptius, atque celerius dedu-
cantur, medicorum ambigit nemo.

*Auctorum magni nominis de causa proxima
epilepsie sententia refertur,
& confutatur.*

Leç. XV.

QUæ nam sit proxima efficiensq; essentialis epile-
psie causa non inulto ante à me ostensum est,
dum ex mente Hippocratis, & Avicennæ sanguinem
non nisi raro, plerumque autem, iuxta Galeni, Pauli-
dogmata, frigidus, crassus, viscidusq; humores, pitui-
tolum nempe, ac melancholicum, ubi spirituum meatus
in cerebri ventriculis offendiunt, comitalem insulam pro
creare affirmavi. Verum contra hæc sententia acerrime Bar-
amplissimorum virorum auctoritas, de causis immediate
epilepsia producentibus, aliter ac fecerit Galenus dis-
sentientium. Hi yctò sunt Aristoteles, de quo inferius,

etiam

eius

eius commentator Auerroes, Auctor libri de flatibus, ac demum Fernelius, qui omnes in eo potissimum dissentire mihi videntur à Galeno, quòd quam ipsi afferunt causam, eam semper, & perpetuo epilepsiam parere volūt, ut vna, eadēq; perpetuo huius morbi causa de illorum sententia statuenda sit. Quæ opinio, utpote quæ tū Galeno, tū cæteris omnibus medicis repugnat, omnino est improbanda. Quare, ut ab Auerrois exordium sumam, putat physicus egregius epilepsie causam esse, uti vocant, vërositatem fumosam, cui pro materia sint frigidi, & humidi humores, id quod de epilepsia tam per essentiam, quàm per consensum genita intelligit. Sed Auerrois verba, ex quibus eius rationes eliciantur huc afferre oportet. habentur autem ad hunc sanè modum. & illud quod significat nobis quod non fit propter humiditatem nervi, nec propter ipsius infusionem, est propter subitam ipsius dissolutionem, & de necessitate est, quod humor faciens hæc sit subtilis, & quod paroxysmus eius cito transit sicut fit in ægri tudinibus acutis. sed quia videmus pro maiori parte, quod qui patiuntur hanc ægri tudinem sunt frigidi, & humidi sicut pueri, aut frigidi, & sicci sicut senes, & vniuersaliter quia hæc accidentia apparent super frigidos pro maiori parte significat quod causa ægri tudinis est humor grossus. sed contradicit nobis hoc quod humor grossus non cito dissolvitur, siue discurret per striatos meatus, siue per latos, sicut dicit Galenus, quia dissolutio non est aliud quam dominatio nature super humorem, ipsum decoquendo, ut retineat quod est conueniens nutrimento, & aliud expellat, & hoc non fit in humore grosso, nec in eo quod est grossus nisi longo tempore, sicut testatur experientia in ægri tudinibus, & nos videmus quod cito dissolvitur hic humor. & ob

Auctores a quorū opin. resciuntur, sunt: Arist. Auer. Auct. li. de flat. & Fernelius.

Li. j. coll. c. 41.

L hoc

Lectionum de Epilepsia

hoc dicendum est quod hæc ægritudo non sit nisi propter fumum qui generatur in ipso cerebro, vel in alio membro quod ipsum ei transmittit. Sicut dicit Galenus de iuvene illo qui sentiebat quod quasi quidam fumus factus adscenderet ab vno membro ad cerebrum. & quando perueniebat illuc cadebat epilepticus. & hoc accidens sufficiens est ad probandum, quod causa huius ægritudinis est ventositas fumosa, sed ista fumositas necessario comunicat humoribus frigidis, & humidis; & isti humores sunt isti vento vti materia, & propterea curatur hæc ægritudo euacuando illos humores. Hæc tenus Auerroes. Herodotus vero, seu quisquis ille fuerit libri de flatibus auctor, nã Hippocratem non esse hæc potissimum causa adducor vt credam, ab aere nos ambiente morbum hunc perpetuo fieri scripsit, dũ aer scilicet plurimus per omne corpus vniuerso sanguinẽ fuerit permixtus, tunc enim, ait, multæ sunt oppilationes multifariam per venas omnes, cumq; in crassiores, & pleniores sanguine venas aer prodierit progressusq; diutius maneat, sanguinis cursum prohibet, atque aliqui idem loco consistit, alio lentius penetrat, alicubi adhuc tardius. qua sanẽ inæqualitate transitus sanguinis per corpus facta omnigenæ inæqualitates per omne corpus contingunt. omne enim corpus vnde quaque contrahitur, ac turbatur, nimirum corpore partes suas ad tumultum, & conturbationem sanguinis subministrante, continguntq; ex sanguinis peruersione totius omnino corporis subuersiones. Eo enim quo corripuntur à morbo tempore, neque sentiunt quidpiam, neque audiunt quæ dicuntur, neque vident quæ fiunt neque vllos aliquos dolores percipiunt. Sic nanque aer conturbatus sanguinem turbauit, ac conspurcauit. Hæc ille. Postremo Ioannes Fernelius venenatã qualita-

litate, quæ totius substantiæ inimicitia cerebrū acriter feriat semper epileptici affectus causam esse experimentis quibusdam ostendere nititur. Inquit enim de causa epilepsiæ loquens. Non alia profecto videtur, quam eius quæ per consensum. Vt enim aliquando obseruauimus è summo capitis vertice in quo sub pericranio vitiatus, venenatusq; humor cohercebatur, vaporem manifesto sensu intro subire, qui epilepsiam concitaret, hancq; postea caustico medicamento persanata. ita proculdubio existimari debet intus, vel circū meninges, uel circū cerebri substantiā vitiū cōtineri veneni æmulū, cuius ex interuallis impetu facto epilepsia suscitetur. Aperto epileptici philosophi, qui decesserat, capite, qui vehementissimo, eoq; serè perpetuo dolore vix digitum lato circa sinciput torquebatur, deprehendimus crassio rem meningem ea sede caluæ ossi adhærescere pauculo humore putri interiecto. In altero cerebri substantia humorem fetidissimum, eumq; exigūū continere; Vtriusque tamen ventriculos, & meatus omnis humoris omnisq; obstructionis expertes. Multos ipse (scio) vidisti inde epilepticos euasisse, quod in curāda lue venerea dū vnguentis ex hydrargyro illinerentur, non nihil in aurem, & in cerebrum penetrasset, His ne quæso dicas cerebri ventriculos humore multo impleri, & obstrui? Minime quidem, sed ipsum corrupti hydrargyri pernicie lacefsiri. Talem igitur, & in omnia epilepsia causam existimato, atque si quid aliquando putridi humoris inesse deprehenditur, non ex ea ipsa putredine, sed ex venenata, quam concepit, qualitate, hoc mali suscitari. Itaque quocunque corporis in loco is fuerit, venenatus illhinc vapor in cerebrum sublatus id ipsum, meningesq; totius substantiæ inimicitia acriter ferit. Effertur autem ex interual-

Lectionum de Epilepsia

lis haud secus atque in febribus intermittentibus & in
rabie, & in alijs plerisque morbis, quorum est stata re-
cursio. Cerebrum proprii veneni offensione interdū
ab omni mentis sensuumq; functione prorsus vacat, uti
& cor in syncope, interdum se ipsum vniuersumq; cor-
pus quatiens adnuitur offensionem excutere, non ali-
ter quam cor palpitans. Hucusq; Fernellius. Superest
modò summorum virorum rationes expendere, & ve-
ræ ne sint, an non diligenter inquirere. Animadu-
erendum igitur est epilepsie causam, quā ipsi afferunt,
esse quidem veram, at non simpliciter, & vsquequaque,
ut epilepsia cuiuscunq; speciei existat, ab vna eademq;
caussa proueniat. Non simpliciter autem dixi, propter
auctorem lib. de flatibus. nullo etenim modo, ut ab eo
nunc exordiar, aerem per se morbum hunc producere
posse crediderim. Si quidem cum tres epilepsie differe-
rentiæ tradantur, quarum alia est à cerebro existente
in ipso affectione, alia à stomacho propter vapores in
caput adscendentes, alia demum à parte aliqua corpo-
ris propter auram maligniorē, veneniq; æmulam sur-
sum ad cerebrum per partium continuitatem elatam, ab
aere ambiēti nulla ex relatis epilepsie speciebus pro-
creari potest. Non ea quæ primogenio affectu in cere-
bro nascitur, quoniam tam epilepsie obnoxios, quā
alios indifferēter huiusmodi affectio corripere, om-
nesq; eodem morbo animantes, nedum homines tor-
querentur, quando cunctis animalibus aerem inspiran-
tibus, eodemq; viuētib; sanguis ab aere venas in-
gresso conspurcatur. Nec sanē obstat quod aiūt ae-
rem eatenus huius morbi causam esse, quatenus in ve-
nas sanguine pleniores ingressus ibi diutius manserit,
quoniam ad diem multi plurimo sanguine abundātes
reperiuntur, quorum venas aer ingreditur, qui tamen
epile-

epileptici nunquam cadunt. Præterea quòd ambiens
 aer nullâ ex alijs epilepsiæ speciebus progignere queat,
 vnicuique patet. nam ea quæ consortij lege quadam à
 ventriculo procedit, à vaporibus ex illa parte in cere-
 brum delatis, quæ uerò ab alia corporis parte fit, à spi-
 ritu quodam ueneficam qualitatem adepto per quandâ
 partium continuitatem eodem cerebro communicato,
 non ab aere nos ipsos ambiente generatur. Quod si
 unâ cum auctore libri de flatibus uelimus aerem aliquê
 habere locum in epileptico producendo morbo, dica-
 mus aerem id ipsum non simpliciter efficere, sed quate-
 nus imbecilliori capiti extrinsecus occurrendo modò
 frigidos, & humidos humores pro sui qualitate adau-
 get, modò eosdem in cerebro contentos colliquat, ea-
 dem nempe ratione qua, ut nos pulchre docet Aphro-
 disæus, Sol his, qui caput habent pituita plenum, somnũ
 conciliat, humore videlicet fuso, quo deinde cerebri
 sinus replentur. Quod autem ad Auerroem spectat,
 profecto eius ratio nihil aduersus Galeni sententiam
 concludit, ut mirer moderniores quosdam magni no-
 minis tantopere illius viri auctoritatem hac in re com-
 mendasse. tota enim vis argumenti ab eo allati in hoc
 posita est, quòd morbi à crassis, frigidis, lentisq; humo-
 ribus, qualis pituitosi sunt, ac melancholici epilepsiam
 de Galeni mente producentes, diuturni longiq; tempo-
 ris creantur, à quibus propterea comitiales insultum,
 cuius velox est discussio, fieri non posse censet, verum
 potius à vaporibus genitis ab ea materia frigida, & cras-
 sa, quæ obstruere ex se non posset. Cui tamen ego pro
 Galeno responsum velim rem multo aliter se habere ac
 ipse existimat; Constat enim idcirco epilepticam ac-
 cessionem citò fieri, & citò etiam decedere, quòd à
 crassis, uiscidisq; humoribus cerebri ventres obstruan-
 tibus.

Rödeletius
 tamen vide-
 tur concede-
 re epilepsiã
 ab aere in
 met. cur.
 morb.

Probl. 1.
 prob. 14.

Lectionum de Epilepsia

tibus gignitur. qui tamen breui temporis curriculo à valida cerebri concussione excernuntur. Tunc enim magnum natura conatum molitur, materiamq; infensam à se longe nititur excutere. Siquidem hoc in symptomate, utpote à quo præceps mors imminet, natura preparationi non incumbit, ut prius concoquat, deinde secernat, tandem impetum ad excretionem faciat, ut eidem mos est alijs in morbis, quorū salubris speratur eventus, qui quidem à frigida, crassa, viscidaq; materia in venis stabulante producuntur: In his enim excretionem ante coctionem nunquam prodest; sed quam celerissime potest ad rei nocentis expulsionem impetum facit. A vapore autem generatur illa comitialis morbi species, quæ à ventriculo ipsi cerebro communicatur. igitur non omnis epilepsia erit à vapore, quemadmodum putat Auerroes. Accedo tandem ad ipsum Fernelium, qui omnem epilepsiam venenatam esse contendit, sed experimenta, quibus clarissimus vir suam de hac re sententiam fulcire conatur, nil aliud efficere mihi videntur, quàm illam epilepsiam speciem, quæ à parte aliqua enascitur, confirmare. Cuius morbi tamen duæ aliæ traduntur differentiæ, quarum altera ab ipso cerebro à materia in eo viscere contenta, altera verò à stomacho propter halitus sursum adscendentes originem ducit. Nam quod affert vitiatum venenatumq; humorem sub pericranio coactum adinuenisse, ex quo vapor intro subiret, epilepsiamq; concitaret, quis est adeo lippis oculis, qui non videat hoc pacto genitam epilepsiam ad illam differentiam esse reducendam, quæ à parte aliqua corporis ortū habet? fieri enim potest ut in capite humor quidā putrefactus, ac vitiosus, vel ex se, ut in alijs etiam nostri corporis partibus sæpissime contingit, vel casu, percussioneve aliqua coadceruetur, qui epilepsiam accer-

accerfat, ueluti de exemplis ac obferuationibus à Fernelio allatis dicendum omnino eft. Addit etiã ad fuã confirmandã opinionem multos inde euafiffe epilepticos, quòd in curanda lue uenerea, dum unguento ex hydrargyro illinirentur, nonnihil in aurem, & cerebrum penetrauit, cuius quidem hydrargyri perniciẽ cerebrum lacefitur, & in epilepticam acceffionem incurrit, unde conftat, inquit, abfque ulla uentriculorũ cerebri obftructione epilepfiam gigni. Nos quoque qui Galeni partes tuemur non negamus fi aliquid unguenti ex hydrargyro parati in cerebrum per aurẽ, aut aliquam aliam partem intret, poffe epilepfiam uenenata fua qualitate concitare, fed non fine cerebri uentriculorũ, præ infefte re uitãda, conniuentia, dicat quid uelit Fernelius, cui neq; hac ipfa ratione una tantũ epilepfie cauffa ftatuenda erat. nam & hæc ad illã differentiam, quæ fit per confenfum, referenda eft. Abfit igitur ut hæc omnem epilepfiam uenenatam effe confirmet, ueluti perperã autumat ipfe Fernelius. Quare hisce omnibus ad hunc modum folutis, non uideo cur per ea à medicorũ Principe Galeno decedere debeamus, qui cuncta ufque adeo doctẽ, & exactẽ rimatus eft, ut qui contra loquuntur, & fi rectẽ fentiant, tamen propter audaciam à cẽtu medicorum excludi debeant.

Amplectenda
pofius
Fern. opin.
quã idẽ li. 5.
c. 3. de par
fympt. affert.
Magis. n. cõ
gruit cũ Gal.
mente. Nam
cedit tres
dari huius
morbì diffe
rentias, in
quibus præ
ter cauffas
manifefas
uenenatẽ,
& cerebri
fubftantiæ
grauiter in
fenfa quali
tas reperia
tur.

Aristo-

Lectionum de Epilepsia

Aristotelis opinio de somni, ac epilepsia causa sa expenditur. Lect. XVI.

Anli. & som.
& vig.

Dictum est superius Aristotelem quoque epileptici morbi causam unam tantummodo esse significare, cum scilicet putauit eandem esse epilepsie causam, quam etiam de somno tradidit, vapores sursum in caput elatos, qui ab ingesto alimento euaporant, dum ab altrice facultate, quae somni tempore ob caloris ad interna regressum summopere uiget, alimentum concoquitur. Qua in re philosophum imitari uoluisse uidetur Auerroes. Hanc autem epilepsie causam ab Aristotele traditam, si quis uelique in omni genere epilepsie ueram esse contendet, magno in errore profecto uersabitur. Alioqui enim temere à Galeno, alijsq; summis medicis, quibus hac in re fidendum magis est, quam philosopho, tres epileptici morbi species literis consignatae fuissent. Quod si aliquando ab huiusmodi uaporibus hoc symptoma fieri contigerit, ad illam epilepsie differentiam referendum erit, quae consortij lege quadam à stomacho prouenit. Ita ut si summi Viri uerba superficialiter intendantur, iure proditum sit ab Auicenna. & uidit Aristoteles uentum grossum retentum in transitibus spiritus esse unam causam epilepsie. Sed rem diligentius examinare, ac Aristotelis sententiam de somni, ac epilepsie causa exactius expendere oportet. Ille ergo cogitat somnum fieri à uaporibus uel caloris in ingesti alimenti elaboratione genitis, & ad cerebrum elatis, ibiq; in humorem conuersis ab ipsius cerebri frigidityte, quod membrum tactu (ut ipse autumat) frigidum sentitur, ea prius ratione, qua pluuiam ex uapore sursum uel Solis attracto in aere

Gen. li. rer.
trac. 5. c. 9.

aere frigido fieri cōstat, qui humōr grauis factus deorsum pellitur, ac per venas descendens calorem versus cor repellit, illud ipsum refrigerans. Vnde per antiphrasim somnus, inquit, oboritur. Ab hac eadem causa, & hoc eodem pacto fieri epilepsiam innuere videtur, dum eam similem somno esse tradit, & propterea in somno magis, quā in vigilia patientes adoriri, vt & pueros potius, quā senes, quod scilicet in puerili aetate vniuersum ferē alimentum in summas partes effertur. Verū iuxta medicorum placita multifariam hac in re deceptus est Philosophus. Si quidem falsum est, quod ab alimenti euaporatione vtrique & somnus, & epilepsia producantur, quemadmodum ipse existimare videtur. Quantum enim ad somnum attinet, si Hippocr. & Galeni praecepta insequi volumus, somnū atq; vigiliam, non nisi pro caloris intus, forisve motione fieri putandum est, indeq; somni causā, non in alimenti euaporationem, sed in caloris, spirituumq; reuocationem reiiciendam, quod bona medicorum pars tenet, vt qui calor, spiritusq; in vigilijs defatigatus, ac ferē consumptus est, in somno reficiatur, atque instauratur. Ita enim censent non modō Galenus, Auicennaque, sed etiam Auerroes, ad quorum quidem opinionem corroborandam quamplures afferuntur rationes ab his, qui data opera hanc materiam explicandam susceperunt, quamuis, vt ingenuē fatear, quod animo sentio, vapores etiam ab alimentorum coctione eleuatos somnum conciliare posse crediderim, veluti ab ita sentientibus adducta argumenta, quibus & ipsa fauet experientia, diffuse ostendunt. cum qua sententia cōgruit etiam Galenus. Idcirco summa cum ratione dictum est à Hieronymo Fracastorio, somnum ab vtraque causa originē habere, aut ab euaporatione multa gra-

Vnde Gal.
philosophū
hoc in loco
claudicasse
testatur.
1. de sympt.
causs. c. 8.

Ita etiā Cardanus vocauit somnū sanguinis & spiritū quē te, qua in re non tā pestimē secessit, quā putauit Scaliger de subit. exerc. 314.
1. de sympt. caus. c. ult.
2. de caus. puls. 9. 13. trac. 41.
2. Coll. c. 26.

In li. de plenit. 1. & aphor. 1. c. 1.
2. de intell.

M uante

Lectionum de Epilepsia

uante, & opplente sedem animæ, aut fatigatis membris, atque spiritibus. Quantū verò ad epilepsiam spectat, in superioribus lectionibus satis superq; probatum fuit, à vapore crasso cerebro à ventriculo communicato, eā sæpe produci, at non perpetuo vapor epilepsiam parit, vt quocunque tempore inuadit, à vapore semper gignatur; quando aliæ duæ traduntur magni morbi differentia, quæ à vapore non producuntur. Insuper nec ea, qua philosophus censet, ratione, vapor epilepsiam progignit. Illud enim percipere vix possum, vapores qui somnum, & epilepsiam sunt conciliaturi, in humorem prius verti oportere. nā fieri haud posse arbitror, vt huiusmodi vapores in humorem à cerebro commutentur, eo modo, quo pluuiam in media aeris regione ex vaporibus fieri existimatur. Quandoquidē aeris illa regio actu frigida esse perhibetur, ceri brum verò perperam ab Arist. actu frigidissimum esse proditur, vt tale etiam tangentibus appareat. Si quidem veluti supra, vbi etiam tueri philosophum conati sumus, ex Galeno, immo sensu ipso, quem ob rationem dimittere imbecillitas est intellectus, eiusdem philosophi sententia, abunde ostensum fuit, nullum in cerebro viuents animantis frigus exuperat, quinimo actu calidum per sentitur. fieri ego non potest, vt vaporem sua frigiditate denset, ac in humorem conuertat, eadem illa ratione, qua pluuiam gigni affirmat: Quod si Aristoteli concedatur vapores ab alimentis in cerebrū elatos inibi condensari, vt in vase sit, quod vulgo alambicum vocant, in cuius cuspide halitus coit, & in aquam vertitur, cū tamen pars illa actu calida sentiatur, non propterea dicendum est somnum, epilepsiamq; ex alterius partis, quàm cerebri meatuum, per quos animales spiritus in sensuum domicilia effunduntur, obstructione creari.

Quæ

Quæ quidem obstructio si sit mediocris, ac ex vaporibus è succo vtili elatis ortum ducens, somnum, si verò nimium pertinax, magnaq; , ac ex succo vltra modum crasso excitata, sensuum ligationem præter naturam, ac minime salutarem, vt epilepsiam, apoplexiamq; infert, pro maiori, minorive crassorum vaporum copia. Non miror autem Aristotelem de loco, in quo hæc fiunt, secus ac medici fecerint, sentire, quippe qui primum sensorium, cuius vinculum ab eodem somnus dicitur, in corde residere, contra communem medicorum omnium sententiam, qui ab experientia ipsa edocti illud in cerebro collocant, constanter affirmet. Ex quo varie posito fundamento oritur; profectò de loco somni, epilepsiæq; controuersia, quam conciliari nunquã posse putauerim, sed nemo est, qui hac saltim in re medicorum sententiam Aristotelicæ non anteponat. nam si ita se res habet, ac philosophus ipse cogitat, cur, obsecro, remedia ad somnum conciliandũ capiti, non cordi adhibentur? Quare meritò Galenus Archigenem reprehendit, quòd vt à Peripateticorum sententia non discederet cor commune, & primum sensorium appellabat; principe tamen male affecto capiti non cordi prospiciebat. Quod verò tandem philosophorũ princeps ad patefaciendam similitudinem somnum inter, ac epilepsiam versantẽ; scribit noctu magis, quàm interdiu patientes adfligere id mali genus, adeò quotidianæ experientiæ repugnat, ut in eam sententiam uenerim, illum non de epilepsia propriè sumpta loqui, sed alio affectu potius nostro adeò simili, ut incipiens epilepsia appellari possit. Hic autem à Græcis ephialtes, à Latinis incubo dicitur, quo malo correpti inuadisse ab aliquo, & magno pondere opprimi, & suffocari imaginantur. De cuius quidem symptomatis essentia,

Multi tamẽ
è inniorib.
Arist. sniam
descendentes
his, & alijs.
rationib. nõ
modo à Ga
leno, sed &
ab Argen
tio allatis
viriq; satisf
cere conan
tur, inter
quos egre
giè admo
dũ se gessit
doctus vir
& argutus
vir Fabius
Vlmo in cõ
men. de sã
no & infom
niji.

Lectionum de Epilepsia

Apud Aetiū
lib. 3. c. 12.

Holler. &
Kondel.

Fernelius.

& causis, ut etiam affecta sede in eodem; tot reperio-
sententias, quorū hi sunt, qui de illo scripserunt. Possi-
donius enim à vaporibus crassis cerebri uentriculos
obstruentibus, ideoq; spiritus animales per neruos fer-
ri prohibentibus originem ducere putabat. à qua sen-
tentia haud procul abesse uidentur Paulus, & Aetius.
sed horum uirorum auctoritati iuniores medici mini-
me adquiescentes, inter eos alij in uenarum thoracis
plenitudinem huius affectus causam inde referendam
existimant, quod thorax totius mali origo uideatur, gra-
uiusq; coëteris laboret, alij potius acceptam referunt
hanc ipsam affectionem crassiori pituita aut melanco-
licæ circum præcordia coactæ, qua præ crapula, & uen-
triculi cruditate turgescente, diaphragma, pulmonesq;
premanitur: crasso autem uapore illihinc in fauces, & ce-
rebrum elato uox supprimatur, mens cum sensibus ob-
turbetur, visusq; tritibus confundatur. Alij demum hi-
sce omnibus neglectis longe diuersa de hoc sympto-
mate pronunciant. Quidquid tamen ea de re sit, illud
certe constat incubum in limine somni semper insruire,
quo tempore calor in intima reuocatus à subiecta
materia vapores ualentius educit, nec non etiam in co-
respirationem obladi, id quod nulla alia ex causa eue-
nit, quàm ex spirituum animalium inopia, præ qua tho-
racis musculi libere eleuari, dilatariq; minime possunt,
unde in grauitatis noxam, & suffocationis periculum
thorax incurrit. Ex his ergo factum est, ut putauerim
ego Aristotelem de incubone uerba facere, non de e-
pilepsia. Ille enim re uera noctu magis, ut ipse scribit,
quàm interdium fieri solet, non epileptica passio. Insu-
per alludens, arbitror, ad læsam respirationem incubone
pressi tradit multum ferri spiritum sursum, qui descen-
dendo rursus uenas tumefaciat, indeq; meatum coar-
ctari

etari quo ipsa fit respiratio. Verum aliquis obijcet philosophum epilepsiam, non incubum nominare. Sciendum à vobis est similitudines vel sapientissimos viros fallere. Unde verisimile fit Aristotelem quoque deceptum fuisse hac in re propter amborum symptomatum affinitatem. merpini enim me legisse apud Galenum ephialtam esse veluti quandam in somno epilepsiam, cum eadem perpetuantur incubone affecti, dum quiescunt, quæ comitiali morbo correpti dum vigilant, Aetio, & Paulo testibus. & hæc ea sunt quibus ipse adducor vicescens Aristotelem, quidquid dicat de generationis modo, & affecta sede, non de epilepsia, sed in incubone affectu illi admodum simili in iam a lato loco sermonem fecisse; à qua sententia ego ante non discendam, quam quis probabiliorẽ excogitauerit.

In de vfu re
f. p. 1.

Epilepsiam, & in acutorum, & chronicorum morborum seriem cooptari posse ostenditur. Lect. XVII.

QUoniam à frigido, crassoq; humore, qualis pituitosus est, ac melancholicus, epilepsiam plerunque fieri non multò ante statuiamus, iure aliquis veltrum inter chronicas, non autem cum Galeno inter celes, & acutas agnoscit hanc ipsam recensendam fore existimabit. Quandoquidem crassos, frigidosq; humores diuturni temporis morbos, & qui non nisi longo temporis curriculo tollantur, ut e contra tenues, calidosq; breves, & qui sua tempora celeriter permeant, affectus producere constant omnes affirmant. Vbi etenim præ sui tenuitate leui

s. aphor.
con. 3.

Lectio[n]um de Epilepsia

te leui negotio, ac breui euincuntur, ita illi prae sui crassitie, atque lentore partibus patientibus, quam tenacissime adherent, qui propterea ad hoc, ut concoqui, aut discuti omnino possint, multum temporis exposcunt. Hinc singulis morbis celeritatem aestas, tarditatem hyems addit: nam bilis tenuior, calidamque in aestu, pituita crassior, frigidaque in gelu abundat. Iuxta quam sententiam dictum est ab Hippocrate: Aestiuæ quartanæ breues, autumnales longæ, & maxime quæ hyemem attingunt. Ex his ergo aliquis fortasse concludet epilepsiam in diutinarum passionum seriem cooptari debere, sed rectius, qui eade causa potius, quia nonnullis, vel ab ipsa infantia incipit, quos ad ultimum usque vitæ diem per interualla tamen distorquet, quam propterea diutinam passionem vocauit Hippocrates, & Galenus longos inter morbos connumerari voluit, Celsusque non modò longa usque ad mortis diem, sed & vitæ haud periculosam esse scribit. Ego tamen inter celeres etiam, & acutos morbos epilepticum adhibendum fore crediderim, ut paulo inferius ratione, ac auctoritate fretus demonstrabo. Interim enim, ut rem clarius explicem, de morborum acutorum natura quædam pauca sunt prælibanda. Acutos igitur morbos appellamus, quicunque, præterquam quod celeriter mouentur, ac ad proprium terminum properant, statim etiam coniunctam magnitudinem habent. Quorum quidem acutorum morborum plures differentia traduntur à Galeno, unde eos diuidens tradit quosdam acutos esse, quosdam peracutos, hosque rursus in exactè peracutos, quibus quarta dies fatalis est terminus, & peracutos non exactè, qui ad septimum usque diem proferuntur idem subdidit. præterea inter acutos tradit alios esse exactè acutos, qui quatuordecim diebus iudicantur, alios non exactè,

2. aphor. 5

In li. de fac.
mor. 6. aph.
77. li. 3. c. 21.

3. de dieb.
decret. 12.

412

exac̃tè, qui vsque ad vigesimū producuntur. Alij quoque morbi sunt, qui nondum chronici, sed neque acuti nisi ex decidentia vocantur, qui vel quadragesimum diem attingere possunt. Quod si harum differentiarum exempla optatis vobis ea pluribus in locis suppeditat Hippocrates, qui exac̃tè peracutorum mentionem facit hisce verbis, Vbi morbus peracutus est, statim extremos habet labores. non exac̃tè uerò peracutorum cum dixit, forbitionem dare oportet, neque multam, neque crassam, sed post septimam, uel nonam si validus sit. De exac̃tè autem acutis sermo ab eodem fit adhuc modum. Acuti morbi in quatuordecim diebus iudicantur. Acutorum non exac̃tè meminit dicens, Itaque primus impetus hunc in modum finitur, secundus uerò ad septimum producitur, tertius ad undecimum, quartus ad decimum quartum, quintus ad decimum quintum, sextus ad vigesimum. Eorū tandem morborum, qui ex reciduatione, aut decidentia acuti appellantur, mentionem per hæc verba facit: spirationis facilitatem existimari oportet per quā magnam vim habere ad salutem in omni morbo acuto, qui cū febre infestet, & quadragesimo die iudicetur. Verū non modo tēporis præfixione, sed & motus celeritate acuti morbi diffiniendi sunt, quemadmodū nos docet Galenus, ubi laudibus Archigenem extollit, quod non solis nudis temporibus, sed motu & natura magis acutum, aut peracutum morbum vocauit. Quo circa non ex tempore tantum, sed ex motu etiam morbos hosce præfiri iubet Galenus, quod similiter proditum legitur ab eodem auctore. Nam qui breui tempore terminatur morbus, non autem uelociter mouetur, ut febris ephemera Græci dicta, hunc brachycronion, idest breuis temporis morbum, non acutum uocant

1. aphor. 7.

1. de Regim
acut. 44.

2. aphor. 27.

3. prog. tex.
3.1. prog. tex.
25.1. de dieb.
decret. 12.3. de dieb.
decret. circa
finem.

Lectionum de Epilepsia

cant, cui contrarius est, qui polichronios dicitur, quæ
 diuturni temporis morbum Latini appellant. Acutus
 uerò morbus licet omnino breui tempore terminetur,
 non habet tamen ratione acuti nomen suscipit, sed pro-
 pter motus eius celeritatem. Ideo Galenus, acutos, ait,
 morbos dicimus, quicunque propria tempora usque
 in finem uelociter pertranseunt. sed, ut superius dice-
 bam acuti morbi non modò uigoris celeritate, sed &
 magnitudine describuntur, dicente Galenò acutos mor-
 bos magnos esse, & ad suum uigorem celerrime festi-
 nare. At hic aliquis dicet, ergò mitis morbus magni-
 tudinem habebit, quod à ueritate alienum uidetur.
 Nam Galenus mitem morbum inter acutos enumerat.
 Scitote aliquando hoc esse uerissimum, quod in praxi
 ipsa sepiissime apparet, ut qui paruus esse morbus uide-
 tur, magnus existat, qualitate occulta potius, quàm uir-
 manifesto patientes affligens, ut propterea dictum sit à
 Galenò, febriū quieti haud esse sidentium, quoniā par-
 uæ, ac debiles febres interdum ualde malignæ sunt.
 quomobrem non undequaque uera est mitis morbi de-
 finitio à Galenò tradita, nempe mitis morbus est, qui
 nequaquam hominem tollit, siue exitiosus efficitur.
 Plerumque tamen acuti morbi magnitudinem præsese-
 runt, ut in epilepsia ipsa contingit, quæ quidem passio
 meritò inter acutas connumeratur. nam & celerem
 habet motum, & unâ etiam coniunctam habet magni-
 tudinem. Quod uerò celerrime iudicetur, ex eo con-
 stare potest, quod Auicenna principium, quod in om-
 ni agitudine inuenitur, in epilepsia non aliter, ac in
 synocho febre & apoplexia occultari tradidit. Quan-
 doquidem dum primum incipit horum affectuū acces-
 sio, ita statim augmentum subit, ut iam in statu esse ui-
 deatur. At secus rem se habere, ac Auicenna scribit,
 qui-

6. epid. sect.
 1. com. 29.

2. aphor. 13.

1. de crisi b.

In medicin.
 definit.

1. 4. trac. 1.
 c. 3.

quispiam contendet, quoniam Galenus epilepticum ^{i. de crisi.} morbum longi temporis principium habere testatur ^{6. 4.} his verbis. Febris enim ardens, & pleuritis, & pneumonia brevis temporis initium habent, epilepsia verò, & ischiades, & arthritidis, & nephritis longi temporis. Si Auicenna de particulari epilepsia principio, nimirum accessionis initio verba faceret, non autem de vniuersali totius morbi, quemadmodum Galenus, facilis res esset ambos ad inuicem conciliare, veluti non difficile est ostendere eundem Galenum sibi ipsi contrarium non esse, qui licet epilepsiam longi temporis initium habere dixerit, eam tamen inter acutos morbos enumerat, quorum proprium est tempora quam celerime permeare: nam illhic de vniuersali, hic verò de particulari loquitur principio; quod quidem epilepsia, ut quiuis alius affectus, habet, sed latens, & occultum adeò statim subit incrementum. Verum quia Auicenna quoque de vniuersali morbi principio sermonem facit, respondendum forsitan est, quòd quamuis tale principium intelligat, & re uera illud habeat comitialis affectio, nihil tamen habere non videtur. Si quidem per accessiones incipit, quæ modò vehemens, modò mites, ac blandæ apparent, prout melius, deteriusve circa viuendi normam se gesserit æger. Inde enim fit, ut præsentis egritudinis tempora metiri, & rectè percipere non possimus. Aliquando enim incrementum suscipere, aliquando in statu esse, aliquando denique decrementum præferre videtur, nullumque aliud epileptici morbi tempus præter principium comprehendendi potest, idque non alia profectò ratione, quam ea, qua primæ accessionis initium denotare scripsit Auicenna. Quod autem epilepsia, ut alij acuti morbi, magna sit affectio ignorat nemo, cui quosnā morbos

N magnos

Lectionum de Epilepsia

met 6. &
alibi.

epid. 6.

magnos Galenus appellet conspicuum fuerit. Trifaria enim affectum magnum esse scribit; nimirum, aut propter obesse partis præstantiam, aut propter affectus magnitudinem, aut demum quia cacoethes. Quibus omnibus magnus morbus vocari debet epilepsia, nam cacoethes est, ut propterea inter medicos non defuerint, qui à prava semper, & maligna qualitate illum fieri autumant. Et Auenzoar sanè pessimum, ac horribilem humorem esse, qui hoc pathema efficit memoriæ mandavit. Præterea est reuera magna affectio, ut indicant accidentia illam concomitantia, quæ vel timorem ingentem aspicientibus afferunt. In summa quis adeò vehemens, & potens est affectus, qui huic in magnitudine fasces non submittat? Vnde non immerito Galenus epilepsiae Herculei nomen à quibusdam inditum iccirco putat, ut eius magnitudinem significarent. Tandem magnus morbus dici meretur epilepsia ob affectus partis excellentiam; in quouis enim genere epilepsiae utriusque cerebrum, præstantissima nostri corporis pars, ac diuinissimum rationalis animæ domiciliū afficitur. Cōcludendum igitur est epilepsiam tum chronicam, tum etiam acutam passionem posse vocari. Chronicam quidem, non dicam, materiei, ex qua plerumque fit, ratione, sed potius quoniam quibusdam ab ipsa infantia incipit, quos ad vltimum usque finem insequitur, acutam vero, quoniam accessio eius propria tempora quam celerissime percurrit, quoniamque simul coniunctam magnitudinem habet, magna inuehendo symptomata. Et quia non leues afferri possunt rationes, quibus in acutorum morborum catalogum epilepsiam haud referri debere videatur, quænam illæ sint, & quomodo intelligendæ in futura lectione breuibus patefaciam.

¹¹²
Dubi-

*Dubitationum contra habitam lectionem
solusio. Lect. XVIII.*

IN proximè habita lectione, Auditores, epilepsiam non modò longum diutinumue, sed etiam acutū celeremq; morbū appellari posse plenè, arbitror, à me probatum fuit. sed vt adhuc plenius opinionem meam confirmem, obiectiones, quæ contrà insurgunt epilepsiam acutum morbū esse negantes, hac in lectione quàm breuissimè soluam. Primū igitur illud obstare nostræ sententiæ videtur, quod de ratione acutorum morborum est, vt sint cum febre continua, quemadmodum fatetur Hippocrates, vbi tradit acutorū morborum necessariò febres esse continuas, sed epilepsia semper est absque febre, ergo inter acutos morbos reponenda non est. Id quod similiter comprobari potest ex Galeno, qui scribit acutum morbum magnitudine quadam intelligi, & febris assiduitate, quodq; minime tale repertum fuerit, & si quatuordecim diebus, aut his etiam citius terminetur, non eodem vocabulo censerī. Rursus contrà facit, quod acuti morbi ex sui natura periculosi sunt, & præ cæteris lethales, vt habetur apud Hippocratem, atque Galenum. At epilepsia, vt Celsus testatur, non est vitæ periculosa. Igitur in acutorum morborum numerum cooptanda non est. Demum dubitari potest ad hunc modum: epilepsia est symptoma, ergo neque acutus, neque chronicus morbus dici debet. Hæ sunt tres haud omnino contemnendæ obiectiones, quibus aliquis in eam sententiam descendere facile posset, vt epilepsiam ab acutorum serie dispungendā fore cēferet, id quod assertioni à me superius allatæ prorsus aduersari videtur. Verū

i. de Regim.
acut. 8.
Quidq; ta
men cum fe
bre suscita
tur. vide A
nic. fen. 1. 3.
trac 1 c 8.
Prædic. cō. 34

1. epid. tex. 3
2. de dieb.
decret. li. 9.
c. 23.

Lectionum de Epilepsia

nihilominus in oppositum concludere, nunc primū ordine mutato paucis ostendo. Futilis semper, & inanis habita est de nomine dissertio, perspecta rei substantia, ut propterea etiā nūm aliqua nostri corporis affectio symptoma sit, an morbus, diutius perquirere superuacaneum sit. Quare ego ea tantum referens, quæ ad rem facere videntur, dico Hippocratem, atque Galenum voluisse epilepsiam esse symptoma, quæ tamen aliquando morbus, & ægrotudo vocatur, ut ab Auicenna, Celso, alijsq; non paucis. Id quod scire haud inconueniens esse, ut non est infrequens, morbū sub generali symptomatis denominatione comprehendī. Est enim morbus ad quendam modum symptoma, & in hoc certe ambo conueniunt, ut sint præter naturā, & in formis omnibus, quæ à naturali statu sunt immutata, consistant. Quin certò scimus veteres medicos sub morbi nomine non solum morbos ipsos, sed causas etiam, & symptomata intellexisse. Ideo Philoteus in explanatione illius aphorismi, ubi legitur: inspicere itaque oportet tempus, & regionem, & ætatem, & morbos, in quibus conueniat, aut non; scribit Hippocratem veteri consuetudine morbi nomine intelligere causas, accidentia, & morbos. Hanc rem illud potissimū roborat, quod quos affectus vno in loco Galenus sub nomine morbi appellat, eisdem alibi sub nomine symptomatis designat. nam quodam in loco cephalæā, qui est diuturnus capitis dolor difficulterq; solubilis, symptoma, alibi verò cerebri morbum vocauit. Vnde nec mihi vnde quaque probatur Alexandri Tralliani opinio cephalæam morbum, cephalalgiam symptoma esse dicentis. Vtraque enim passio, licet hæc recentior, illa verò antiquior sit, utroq; nomine iure comprehendī potest. Rectè igitur epilepsia & symptoma, & morbus

sect. prim.

De sympt.
causs.

1. de loc. aff.

2.

bus dicitur. cuius assertionis alia quoque afferri potest ratio. Nam si epilepsiam prout fit ex cerebri ventriculorū occlusionē cōsideremus, profectō erit morbus in via, quod si prout in ea ablata est principalis cerebri facultas, inter symptomata generis noxæ functionum animalium reponenda omnino erit. Ex quibus epilepsiam meritō morbū dici abunde patet. Veniamus ergo ad aliam, quæ magis vrget, difficultatē; pro cuius solutione animaduertendum est, acutos morbos plerumque cum animalis internecione finiri, vt hac de causa Hipp. medicum, qui in acutis excellat, summo opere commender; dicatque in hunc sanē modum: Maxime verō laudauerim medicū, qui in acutis morbis, qui plurimos homines occidūt, præ alijs insigniter ad meliorem partem excellat. Sed hoc non est simpliciter intelligendum de acutis omnibus, verū de absolute, ac exactē talibus, quos Hippocrates acutissimos, maximos, grauissimosque appellat. Notum est enim tertianam febrim inter acutas ægritudines à quibusdam non temerē connumerari, quæ tamen periculo vacat; exactē ergo peracuti, non autem simpliciter tales mortem plerumque hominibus inferunt, qui fiunt parte aliqua principe phlegmone affecta, quales præcipuē sunt pleuritis, peripneumonia, & angina, quorum morborū continuas esse febres Hippocrates censet. Epilepsia autem, licet sine febre inuadat, nihilotamen aliquando adeō grauis, & vehemens est, vt suis percrebris accessionibus, ac eorū, quæ in ea fiunt, magnitudine statim hominem iugulet, vt habetur apud Aeginetam. Quo in loco similiter tradit plerisque longam esse solere, quæ si pubertate, vel menstruorū initio, vel puerperio soluta non fuerit, vel si post hoc tempus remanserit sepe vsque ad mortis diem prorogatur, nisi

De regim
acut. à prin
cipio.

1. epid.

Lib. 3. c. 13.

Lectionum de Epilepsia

In li. de fac.
mor.

2. aph. com.
19.

5. aphor. 31.

1. aph. com.
7.

nisi congruā medici curationem fuerit affecuta. De hac epilepsia intelligendus est Celsus dūm vitæ haud periculosa[m] esse scribit, cum tamen sæpe epilepsia patientes, & pueros præsertim, vt nos admonet Hippocrates, interficere soleat, vt hac de causa non raro sit maxime lethalis. Qua ratione Galenus acutum, Auicenna peracutū morbū epilepticū vocauit. Postrema dubitatio soluitur respondendo. nō semper acutos morbos à Galeno dici, qui cum febre assidua infestant, sed & qui febre poenitus carent, cuius rei causa inde, arbitror, emanauit, quod ille modò Archigenem, modò Hippocratem hac in re sequutus est. Nam vt ex eiusdē Galeni verbis elicitur, acutos morbos eos esse dicebat Archigenes, qui periculum breui temporis mora afferunt, Hippocrates verò, qui febre non destituuntur. Ideo idem auctor tradit febres cōtinuas acutos morbos aliquādo concomitari, aliquando autē, sed raro, eosdem morbos sine febribus reperiri, qualis apoplexia, ac, addo ego, epilepsia. Quamobrem Galenus in comment. illius Aphorismi: mulierem grauidam morbo quoqiā acuto corripere perniciosum, siue, inquit, absque febre alius quispiam morbus acutus fuerit, qualis epilepsia, apoplexia, conuulsio, tetanus morbi tūm magnitudini, tūm vehementiæ par grauida esse non poterit. Contra obijciat aliquis, Galenus ipse sēper febres acutos morbos comitari fatetur. Pro responsione dicatur idē quod supra, non esse cuiuslibet acuti morbi, vt sit cum febre, iuxta Hippocratis, & Galeni sententiam, sed eorum tantūmodo, qui absolute tales existunt, qui & febris assiduitate, & symptomatum magnitudine discernuntur, de quibus, & Hippocrates, & Galenus intelligendi sunt, quoties eos cum periculo, & febre cōtinua patientes aggredi affirmant. Præterquam quod Hippocratis

pocratis auctoritati responderi etiam potest uerbum illud *draxi* græcam, quod latinè necessariò sonat, haud eam præferre enunciationem, quæ, quòd impossibile sit rem secus se habere, omninò ostendat, ut nos aperte docet Galenus in comm. illius Aphorismi: si omentum exciderit necessariò computrescit: Sed quòd, ut plurimum, & magna ex parte, ita contingere solet. Quo sensu, non solum hoc in loco, sed & ubi febres necessariò acutos morbos comitari tradebat, alijsque in locis, co usus est vocabulo. Quibus omnibus dubitationibus ad hunc modum solutis, epilepsiam in acutorum morborum numerum rectè fuisse cooptatam cuius apertum esse reor.

6.aph. 58.

1. de regim.
acut.

De causis epilepsie per consensum.

Lect. XIX.

DE causis epilepticam passionem per essentiam producentibus, longa satis, atque proluxa paulò supra habita est oratio, & si perfectiorem eiusdem morbi causarum scientiam tradere velim, eas quoque causas, quæ ab aliqua corporis parte enascentes cerebrum usque pertingunt, prosequi opus est. Quamobrem hæ sunt dux tantummodo, vapor, & qualitas, de quibus agendum à nobis est in præfenti, sed ab ea, quæ frequentior esse consuevit, exordium. Hæc autem vapor, seu vaporosa quædam substantia existit, quæ multiplici, varioque modo affectionem progignit. Nam aliquando quantitate cerebri ventriculos obstruente, aliquando verò manifesta qualitate, aliquando demum occulta, eaq; venefica cerebrum vellicante. Copia, seu quantitate vaporum per

Lectionum de Epilepsia

per symphatiam præsertim à stimacho affectus hic generatur, dum calor imbecillus, tùm ipsius ventriculi, tùm & aliquando aliorum circumiacentium membrorum, inter quæ ita se ventriculus habet, veluti lebes inter ignes (cū habeat iecur à dextris, lienem à sinistris, postica parte venam cauam, & musculos dorsales, antica verò omentum. Quarum circumiectarum partium calore adiutus exactius alimenta concoquit) in materiam in eo ventre contentam debilius agit, quam ut eā integre conficiat; Idque uel quoniā calor simpliciter imbecillus est, uel ut ad materiam refertur. Inde enim vapores multi cerebrum petunt, qui sua multitudine, & (quod nonnullis placet) crassitie illius membri uentres obstruendo morbum pariunt. Non desunt tamen qui constanter affirmant epilepsiam nunquam fieri ab obstructione à uaporibus crassis orta, & certè qua nā crassitie uapor impedire possit transitum spirituum ego quoque non uideo. Multitudine ergo potius occludendo, aut aliqua alia qualitate afficiendo cerebri uentres uapor epilepsiam per consensum progignet. Qualitate autem manifesta euaporatio à subiectis partibus eleuata symptoma hoc producit, si uel frigidior sit, uel etiam, ut quibusdam probatur: calidior, acriorque; frigidior, ut si à sanguine frigidiori pituitoso scilicet, ac melancholico, calidior acriorque simul, ut si à sanguine calidiori, eoque biliosiori initium habuerit. Non enim huiusce uaporosæ substantiæ materia alimenta solū in quorum dum uentriculo egrè cōfecta statuenda sunt, uerum etiam humores, præcipue tamen pituitosus, ac melancholicus. Quod si quærat aliquis, qua ratione frigida uaporis qualitas epilepsiam per consensum producere queat, respondendum id nulla alia de causa fieri, nisi quatenus in contrariam qualitatem calidam cerebro

cerebro insitā, eodemque, ut alijs cunctis nostri corporis partibus amicam ualde eū hostis agit, unde expultrix cerebri facultas ad eam expellendam insurgit, à quo similiter frigidiori uapore leuem illam conuulsionem, quæ saltus ab Auicenna uocatur, sepe fieri experimur; nec dissimili sanè ratione Galenus à gelidæ ^{9. met.} aquæ potu conuulsionem prouenire scripsit. Epilepsiā ab huiusmodi causā ortam patiebatur iuuenis ille Galeni, cuius morbi origo à crure incipiebat. Erat autem id quod sursum ferebatur ad caput ueluti aura quædā frigida, quam ad cerebrum adscendere æger ipse persentiebat. Vnde medici uniuerso imprimis corpore euacuato medicamen ex thapsia, aut sinapi parti adhibuerunt, ligato interim membro, supra eam uidelicet partem, quæ primaria affectione affecta erat, quo pacto accessiōnem reuerti prohibuerunt. Mordax autem, calidāq; uaporosa substantia comitialē insultū gignere potest, partes illas uentriculorum cerebri mordiendo, ut expultrix facultas ab ea suscitetur. Venefica demum, & occulta qualitate prædita hæc materia halitiosa epilepsiæ causā censetur, ueluti si in aliqua corporis parte, præcipue uerò in uentriculo, utero, ac intestinis superfuitatum, quæ putrescere aptæ sunt, receptaculis, excrementum aliquod putredinem adquirat, ex qua cerebro uenenosa substantia communiatur, contra quam eiusdem cerebri facultas insurgat. Epilepsiam huius generis incurrūt sepe mulieres, quibus præcipue menstruæ purgationes fuerint suppressæ. tunc enim ab utero prauī, immo uenenati halitus sursum in caput efferuntur, qui agritudinem hanc parere sunt apti. Huius generis epilepsiam sepe etiam pueri ob lactis in uentriculo corruptelam pati videntur, ut etiam ob lumbricos, dū teter vapor ex illis, uel emor-

P

tuis,

Lectionum de Epilepsia

Lib. 4. c. 57.

4. de morb.
3. aph. com.
16. in epist.
medic. II. 3.
epist.

Lib. de loc.
aff. 3. c. 7.

tuis, putrescentibusque, vel uiuentibus quidem, sed materiam vitiosam, putrefactamque, ex qua & ipsi orri sunt, compouentibus, cerebrum adscendit; quo sensu intelligendus est, ab itror, Aegineta, dum ex intestinis ob vermes illa occupantes comitiales accessiones fieri prodidit; in quibus quidem intestinis talia procreantur animalia, ob super fluentes humores in ipsis moram trahentes, & potissimum ob materiam pituitosam, crudam, atque crassam, quæ dum non est apta in substantiam aliti conuerti, nec etiam tantæ est putredinis, ut ex tota substantia putrescere possit, natura, quæ nititur in melius, calidi innati ope adiuta illam disponit, ut vitæ spiritum accipiat, & sic procreati vermes viuunt, mouentur, nutriuntur, & augentur. qua de re legendi sunt Hippocrates, Galenus, atque Manardus. Hactenus de prima causa epilepsiæ per consensum. Ad aliâ modò causam accedamus; Hæc autem pura quædam qualitas est, omnis substantiæ, & quantitatis expers, de qua scriptum est ab Auicenna, ad cerebrum eleuari qualitatem puram sine substantia. Cumque duplex sit hæc qualitas, venefica una, dolorifica altera, de hac ipsa prius breuiter loquar. Hæc fit igitur dum biliosus humor è corpore uentriculi os petit supernum, in quo leuem continui solutionem acri, erodentiq; qualitate inducens euadit causa doloris, qui cerebrum alteratis per neruorum communiatem partibus in consensum trahit. De qua quidem epilepsiæ per consensum causa locutus est Galenus, dū refert sibi ipsi per huiusmodi consensum uidenti aliquando laborantem sine uehementi conuulsione concidere, simul atq; per interualla breuib; quibusdam motibus quateretur, probabile visum fuisse, quemadmodum singultum fieri cernimus affecto uentriculo, ita hanc quoq; affectionem

nē euenire, non secus profectò, ac de se ipso narrat, quē illicò, si piperis quantitatem ingessisset, singultus inuadebat. Proinde eiusdem Galeni sententia existimandū est, similem aliquem cerebro motum cōtingere, 'qualis interdum ventriculo à re quapiā molestato euenire solet. Quippe cum à ciborum mole grauatur, aut ubi corruptis cibis mordicus infestatur, tū singultu affici conspicitur. Quinimò acrem humorem non singultū modò affecto ventriculo, verum etiam conuulsionem per vniuersum corpus efficere sēpe numero vidimus; quæ denide, vomitu eiecto eo, quod mordicabat, statim quiescebat; quominus igitur mirandum est si nervorum principium huiusmodi motu concutiat, dum festinat à se propellere quidquid fuerit id, quod à parte primū affecta ad ipsum fertur. Cuius speciei epilepsia Gramaticus ille Galeni corripiebatur, quoties vel nimis vehemēter doceret, vel cogitaret, vel in ediam sustineret, vel demum irasceretur. Nam ob hac omnia læditur ventriculus, præsertim verò propter ipsammet in ediam, ratione curus in eo succi præui, ac recrementitij, maxime verò biliosi acres coguntur, iuxta Galeni, & Auicennæ sententiam, qui sui leuitate os ventriculi petentes, illud ita afficiunt, ut & cerebrum ipsum ducatur in consensum. Quem quidem Grammaticum pristinae sanitati Galenus restituit, proba concoctione primum accuratè procurata, & recta viuendi via instituta, ac quolibet anno bis, terue amaro ex aloe medicamento illi exhibito, quod sanè ventrem à superfluitatibus expurgat, & ad proprias actiones roborat, ut ali bi idem Galenus exarauit, nec non Dioscorides, qui tradit aloem adeo amicam esse ipsi stomacho, ut alijs commixta medicamentis purgantibus præster, quominus partem illam offendant, licet contrarium censeat

1. de facult.
narur. 1. p. 1.
mi,

In eom. qd
an. mi mor.
seq. temp.
corp. lib. 2.
c. 13.

De simpl.
med. c. 13.

Lectionum de Epilepsia

Mesue. qua de re infra in praxi agetur vberius. Sciendum verò dolorificam hanc qualitatem, quæ comitiales pariat, ab ore vetriculi superiore potissimū gigni. nam cæterarum partium dolor non videtur æque potens ad epilepsiam producendam; quandoquidem os vetriculi supernum admodum exacto sensu præditū esse fertur, miramq; cum cerebro societatem habet, ob neruorum à sexta cerebri propagine ad os illud descendium magnitudinem, per quos ventriculo facile cerebrum comparitur. A qua cerebri cum ventriculo affinitate Galenus varia symptomata fieri tradit, nimirū dyspnæas, apnæas, & demorsus, epilepsias, deliria, ac melancholias; ad quam etiam societatem respiciens Serenus de stomacho loquens cecinit.

1. de sympt.
causs. 7.

*Quin etiam nisi cura inuat vitare cerebrum
Fertur, & integros illhinc auertere sensus.*

vide lectio
nem postre-
mam libri
primi.

Huc tamen etiam facit illa epilepsiæ differentia, quæ multis ex coli dolore concitari refert Aegineta. Hæc de qualitate dolorifica dicta sint satis. Quantum uerò ad ueneficam spectat, ea sanè fit epilepsiæ causa, dum alteratis per continuitatem partibus ad cerebrum usq; attingit, non alia certè ratione, qua putant aliqui res quasdam solo tactu, per qualitatis uim, ea quæ sibi contigua sunt, alterare posse, ut ex marina torpedine abunde constat, cui tam uehemens est potentia, ut per piscatoris tridentem transmissa ad manum alteratione totam de repente torpidam reddat. Ex quo uidemus re uel parua molis tactu solo maximas alterationes inducere. Tale quidpiam in nostro corpore accidere aliquando posse medicorum ignorat nemo; In eo enim corruptio aliqua, quæ ueneni tum qualitatem, tum uires adæquet, omnium consensu nasci potest. Quod quidem etiam Pelopi Galeni magistro admodū probabatur;

babatur, cui possibile uisum fuit in corpore simile aliquam veneno generari essentiā, nulla accedente causa externa, quæ ubi neruosam partem occupauerit, ad neruorum usque principium alteratis per continuitatem partibus vim suam transmittat. Sic ergo epilepsia indicibilis hæc, praua; qualitas, ut alios etiam sanctissimos casus parere potest.

De præparantibus epilepsia causis internis.

Leet. X X.

IN superioribus lectionibus cum de efficientibus epilepsia causis agerem, de præparantibus etiam, disponentibusve internis eiusdem morbi causis, quæ sunt ætas, ac temperamentum, me verba facturū promisi: Quare in præsentī pollicitis standum, deque huiusmodi causis peragendum mihi esse duxi. Clarū est igitur pro ætatis, temperamenti; varietate, homines in varia morborū genera incidere, ut alias in vna, alias in altera ætate ac temperatura ægritudines perpeti cogātur. nā quāuis morbos omnes quibusvis ætatibus, ac temperaturis ob vitæ intemperantiam, innumera; in viuendi genere commissa errata contingere posse crediderim, nonnulli tamen in quibusdam magis fieri solent, veluti de anni temporibus tradidit Hippocrates. ^{1 aphor. 19}
Cuius quidem rei causa est, quoniam, ut ex vulgo iatratō Aristotelico axiomate constat, In habentibus sym- ^{2. de gener. & corrupt.}
bolum facilis est transitus. Hinc ideo fit, ut frigidioribus morbis senes, calidioribus iuuenes corripiantur. ^{25.}
Quò allusisse videtur Hippocrates, dūm acutas febres non similiter accēdi in senibus, ac fit in iuuenibus memorie prodidit. Frigidum est enim illorum corpus. ^{1 aphor. 20}

ncc

Lectio de Epilepsia

1. aph. 34. nec non cum dixit, in morbis eos minus periclitari,
2. aphor. quorum naturę, vel ætati morbus conuenit. Ea pro-
3. aph. 45. pter in ætatum, morborumque ipsis contingentium ex-
 plicatione diligens fuit, ut in Aphorismorum libris vi-
 dere facile est. Quid ergo de epilepsia dicendum? Ipsa
 quoque potest in omnibus fieri ætatibus, ac tempera-
 turis, propter prauam, inordinatamque in victu ratio-
 nis, sed quod in peculiari ætate insequi magis soleat, &
 in puerili maximè, ex eo patet, quod Hippocrates hæc
 ipsam egritudinem in pueris obortam, ob illorum ce-
 rebri humidiorē naturalem temperiem ætatis mu-
 tatione sanari perscripsit. Nimirum aliarum quidem
 ætatum, sed iuuentutis potissimum ingressu, cuius æta-
 tis temperies cum ad siccum vergat, puerili opponi-
 tur. Nemo enim non nouit, contrariorum contraria
 esse remedia. Inter ætates igitur puerilis imprimis epi-
 lepticos patitur insultus, à quibus etiam non raro comi-
 moritur, propter innatam cum cerebri, tum vniuersi
 corporis intemperiem humidiorē. Sed hinc oritur
 dubitandi occasio, an ex sola intemperie gigni possit
 hoc mali genus, nulla prorsus interueniente materia,
 quę res omnino ijs, quę à me supra ex Galeni mente
 fuere statuta, repugnat. Quare ante quam ulterius pro-
 grediar hanc ipsam dubitationem persolvere oportet.
 Constat ex Galeno intemperies modò cum affluxu vi-
 tiosę substantię, ut sanguinis, pituitę, ac utriusque bi-
 lis, modò sine affluxu, sed sola qualitarum alteratione
 noxam inferre. Videtur igitur Galenus existimare so-
 lam intemperiem absque materia morbum hunc pro-
 ducere, dico autem intemperiem propriam ipsius cere-
 bri, dum in hunc modum loquitur. Epilepsia oritur
 ex innata humida intemperie cerebri in puerulis, Vbi
 etiam paulò ante scripsit eam generatim fieri à frigida
intem-

intemperie cerebri sæpe quoq; humiditati adiuncta.

Contra hanc sententiam stat idem Galenus his verbis.

Apoplexia, & epilepsia ob pituitam in cerebri ventribus

accruatę multitudinem accidere videntur, proinde

horum symptomatum cum generatio, tum solutio su-

bitaria est, quod propter corporum dyscrasiam, seu in-

temperiem fieri haud quaquam potest. Quinetiam in

Aphorismorum commentarijs tradit neminem fieri,

podagricum, aut epilepticum ex sola partium cupa-

thia, seu patiendi procliuitate absq; humorum redun-

dantia. Ex quibus verbis sine materiali causa epilepsia

non erit. Quod Auerroes minimè ignorauit dicens:

habet paroxysmos, ergo non à mala cõplexione absque

materia, quę non citò recedit. Dicendum est igitur

pro solutione Galenum solam intemperiem frigidam,

& humidam epilepsię causam immediatam esse non

significare, ita enim cum sibi, tum rei veritati contra-

diceret, sed illam, seu innata sit, seu adquisita, præce-

dentem, ac veluti disponentem causam esse, quascili-

cet faciliè aggreget sibi qualitate similem humorem,

qualis pituitosus est, à quo plerunq; morbus; non au-

tem quod ipsa intemperies immediate per se affectum

pariat. Cõtrarium, dicet aliquis, videtur statuere Ga-

lenus, qui de morbis ab intemperie sola promananti-

bis per hæc verba loquitur. Cum verò morbus frigi-

dus est, calido quidem contrarius, in extremis quan-

doq; partibus vsque adeo patens dispositio contingit,

vt emortua decidunt membra. Nec minus vniuersum

aliquādo patitur corpus, sicuti iter gerentibus in valido

frigore accidit. Nam plerique ex his in ipsa via com-

moriuntur, plerique verò antequam animam expirēt

domum ad hospitium semianimes gelidique deferuntur.

In morbo autem attonito, & comitali talis sæpe acci-

dit

2. de causis
sympt. c. 7.
Idē repetit
li 3. de loc.
aff. c. 7. de a-
poplexia lo-
quens.

6. aphor. 28.

3. coll. c. vlt.

De diff. mor.
c. 5.

Lectionum de Epilepsia

dit passio: nam & ij, quos in itinere vsque ad mortem frigus oppressit talibus rigoribus corripiuntur, quales Græci emprosthotonos, opisthotonos, ac tetanos appellant. Nonnulli autem his passionibus, quas congelationes nominant, affliguntur. Alij quippiam apoplexiæ simile patiuntur. Idem Galenus nō multo post hunc sermonem veluti perorans tali modo concludit De morbis igitur, & calidis, & frigidis nulla confluyente materia iam dictum est. Ex hoc loco manifestum fit Galenum sibi ipsi nequaquam constare. Tuetur enim sententiam priori oppositam, nimirum apoplexiam, quod etiam de epilepsia dici potest, ab intemperie sola præter affluxum materiei fieri: Ad horum locorum controuersiam dirimendam asserendum est Galenum in de morbor. diff. de intemperie frigida extrinsecus accedente verba facere, ea videlicet ratione, quæ præ externo, eoq; vehementi frigore cerebri corpus, aut eius ventriculi tam arctè comprimuntur, & constringuntur, vt in cerebro fiat *σπινδα*, quæ est quando corpora in seipsa concidunt, aut ab adstringentibus coacta, aut à frigore constricta, aut ab exsiccantibus arefacta; In alijs verò locis sermo est Galeno de intemperie cerebri, vel capitis interna, quæ nec subito fieri, nec subito interire, vt nec etiam derepente tam acutos morbos gignere potest, vt apoplexiam, & epilepsiam fieri cernimus. Est enim huiusmodi interna intemperies ueluti causa disponens ad comitiales morbum. Nam quemadmodum qui podagra laboraturus est, pedes habeat imbecilliores oportet, ita cerebrum infirmius, qui epilepsiæ futurus est obnoxius; neutrum tamē his affectibus corripere est necessarium, si nihil in uita peccauerit, nempe si prauis succis alimentis usus non fuerit, eaq; nō patrauerit, ex quibus generentur, & acceruentur

tur in corpore superuacanei, recrementitijq; humores, qui in partes imbecilliores delapsi affectus præternaturam progignant. Quæ quidem pedum, capitisq; imbecillitas pro disponenti causa non efficienti habetur podagræ, aut epilepsiæ. Alioqui enim ubi humor non confluat, ex sola partium patiendi procliuitate, nec quispiam podagricus fiet, nec epilepticus. Quod verum esse ex intermedio accessionum tempore discere aperte licet, in quo prorsus non infestantur, quauis naturalis adsit imbecillitas. Intemperies igitur etiam in pueris, quam in alijs omnibus ut præcedens, atque disponens epilepsiæ causa censeretur debet. Quod similiter de ætate intelligendum est, quoties hæc huius symptomatis causa esse pronuntiatur. Puerilis vero inter ætates maxime omnium nos in hunc morbum pronos reddit, cui sanè adeò familiaris est, ut, vel in utero sætu existente, sæpissime oboriatur, & fiat, Hippocratis assertione. Cur autem ætatem illam præcipue infestet tam sæuum, horrendumq; symptoma iam dictum abunde est; nimirum ob naturalem cerebri illorum temperiem humidiorē, neruorumq; imbecillitatem, quam idcirco affectionem in his plerumque ætatis mutatione desinere Hippocrates affirmat. Humidiorē enim naturam cum siccori permutant. Animal nanque à prima sui constitutione humidum creatur, temporis verò progressu tantò ab humido temperamento declinat, quanto ætate processerit. Post pueros occupat etiam adolescentes, ac iuvenes, minime verò senes, & decrepitos, quemadmodum Paulus aperte docet, cui subscribit Aurelianus. Hæc de ætatibus, quæ etiam de temperamenti assuerari omnino posse quis ignorat, cum pro ætatum varietate diuersæ induantur naturæ. Pituitosis igitur, & melanchol-

In de sacro morbo.

Lib. I. c. 4.

P

cho-

Lectionum de Epilepsia

cholicis temperaturis continget id mali genus, con-
sanguineis perquam raro, an verò etiam biliosis am-
bigua res est, nisi confortij gratia à ventriculo, aliave
corporis parte progignatur. Sed quoniam aduersus
hæc ferè omnia vndique stare videntur haud negli-
gendæ rationes, & argumenta, propterea in proxi-
ma lectione, quantum in me erit, cunctis satisfacere
conabor.

*Dubitationes omnes ex antea acta lectio-
ne insurgentes persoluantur.*

Leç. XXI.

Permultæ sunt, magniq; faciendę obiectiones,
quæ ex superius disputatis euidenter insurgūt,
quæ quidem ferè omnia radicitus euertere pri-
ma facie videntur. Quapropter eas, quantum in me
erit, hac ipsa in lectione diluere contendā. Quod igi-
tur epilepsia e frigidiori, eaq; crassiori materia, qua-
lis pituitosa est, ac melancholica, producat, quod-
que idcirco in pituitoso, ac melancholico tēperamen-
to præditis maximè fiat, abunde satis à me demonstra-
tum fuit. Sed primùm aliquis in contrarium arguet.
In quibus calor viget plurimus, ijs epilepsia haud qua-
quam contingit: Huiusmodi sunt pueri, & iuuenes:
Ergò. Oppositam nihilominus sententiam tuentur
cum Paulus, tum etiam Hippocrates, qui ambo & pue-
ris, & iuuenibus id morbi genus accidere scribunt.
quoniam alibi Hippocrates (quod ad iuuenes refe-
rendum est) biliosis hominibus morbum hunc nequa-
quam euenire tradiderit, quam rem nos quoque su-
pra

Lib. 3. c. 13.
3. aphor. 29.

De sacro
Morbo.

pra docuimus. Quòd verò quicumque plurimum habent caloris nec epilepticum symptoma, nec alia huius generis affectiones pati debeant, inde verisimile fit, quoniam calidi est affectus frigidus, quorum in serie habendus comitialis, per sanare, non contraficere, ac generare. Calidum enim, Galeno auctore, crassa extenuat, concoquit, ad melius alterat, discutit, atque euacuat. Pueris autem, iuuenibusque plurimum inesse calorem, illis quidem innatum, blandum, ac vaporosum, his verò adscititium, insuauem, ac terreum, clarius est, quàm vt demonstratione indigeat, nec latet quempiam vestrum quæstio illa, vel ante Galenizum inter medicos agitata, de iuuenù, ac puerorum caloris exuperantia, de qua inter veteres Galenus, Auicennaq; inter moderniores Conciliator, Franciscus Vallesius, aliq; non pauci copiose disceptarunt. Præterea sipituitosa temperamenta magis obnoxia per me sunt huic ægritudini, quàm cætera omnia, hac ratione foeminæ multò frequentius, quàm mares, & senes, quàm pueri in comitiale symptoma incurrunt. Mulierum enim temperatura frigida est, & humida, veluti ipsorum senum. Aliter tamen, de mulieribus tradit Celsus, cui & ipsa fauet experientia. In his enim vix hæc affectio gignitur, & si forte fortuna generatur, per consensum potius ab utero, aut alia corporis parte originem trahit. Ipse verò de epilepsia essentialiter in cerebro genita sermonem facio. Senibus etiam hoc mali genus non contingere tradit Paulus, dum minime senes, decrepitosq; occupare prodidit. Cuius tamen summi viri assertionem refellere illud videtur, quòd si apoplexia, & epilepsia, de Galeni mente, in eo inuicem conueniunt, quòd eundem locum affectum, & eundem

aph. com.
12.

Luz. de eep.
c. 4. & aph.
com. 14. sen
1. prim. c. 8.
Differ. 6. li.
1. controu.
c. 9.

Loco citato

Lectiōnum de Epilepsia

humorem habent mali auctorem, iure dici potest, quemadmodum apoplexia circa ætatem senilem maxime accidit, eodem Paulo auctore, quo propter morbo nullum magis senibus familiarem esse Galenus affirmat, sic pariter epilepsiam in senibus frequenter fieri debere. Rursus quispiam nobis obijciat: Quicunque robustiores habent vires, magis resistunt alterantibus causis, difficiliusq; à morbis corripuntur, Idèò mares, qui robustiores habent vires, quàm ipsæ foeminae, minus quàm foeminae ægrotabunt. Ex qua re cōcludi posse videtur comitialē malum sæpius mulieres, quàm viros sollicitare. Quòd enim foemina sit mare imbecillior, & languidiores habeat vires, notissima res est. mulier enim quæ virago non sit, natura frigidior, & proinde etiam viro imbecillior existit. Quò alludens Hippocrates dixit mulierem ambidexteram non fieri, ob naturæ imbecillitatē. Quam sententiam corroborat nō parum belligerarum Amazonidum consuetudo, qua ab incunabulis mamma sibi dexteram adurere consueuisse tradit idem Hippocrates, ut scilicet copiosiori alimento ad propinquā manum perueniente, maior ipsi firmitas accederet, tanquam natura infirmæ, ac debili. Eandem ob causam alibi quoque dixit, Mares quidem in dextris, feminas verò magis in sinistris. Quòd enim mas validior sit, & sanguine calidiori præditus in causa videtur esse, quia locus, in quo concipitur, talis etiam existit. Idèò perquam rarò contingit, ut in dextro vulvæ sinulo concipiatur foemina, mas contrà in sinistro, Galeno auctore. Empedocles: Mas in calidiori terræ loco fuit, & ob id viri nigri robustioresq; & capillosi magis. Quare dispungenda omninò, atque delenda sunt verba illa, quæ temerè in Hippocratis commentarium

lib. 3. c. 15.

aphor. 31.

aphor. 41.

in de aere, aquis, & loc. & Gal. I. com. mor. c. i. aphor. 151.

aph. 48.

2. de fem. c. 5.

De morb. mul.

tarium irrepererunt: Foemina calidiorem sanguinem habet,quàm vir, propterea est viro calidior. Nisi fortasse dicatur mulieres esse viris calidiores, perinde ac dici solet pueros calidiores esse iuuenibus. Pueri namque sunt iuuenibus calidiores extensiuè, quia magis innato calido abundant: Iuuenes verò pueris intensiuè, quoniam eorum calor, sicciore materiae inhaeret. Vt propterea etiam Galenus de coctione loquens, quæ pueris fit in ventriculo, dixerit. Atque in coctionibus, quæ ad ventriculum pertinent, si humida, molliaque sumperint, ea perinde ac iuuenes coquere possunt, dura verò deterius conficiunt. Vbi ni mea me fallit opinio, Galenus non vult iuuenes æque digerere mollia, ac pueri, cum pueri tamen dura perinde ac iuuenes conficere nequeant, sed qua ratione probati iuuenes dura, & sicca melius concoquere pueris, eademmet ostendit pueros melius perficere mollia, & humida iuuenibus. Humidiora enim corpora humidiora, sicciore autem sicciore alimenta exactius elaborant. Sed hæc cata parergon. Sic ergo dici potest mulieres viris esse calidiores extensiuè, quoniam radicale humidum natini caloris pabulum, atque subiectum mulieribus laxum inest, ac molle, puerorum humido consimile. Tandem aliquis contra Hippocratem dubitabit, quomodo ab illo scriptum sit: Quicumque iuuenes comitiali morbo laborant, mutatione maxime ætatis, ac temporum, & locorum, & victuum liberantur. Quo in loco iuuenes epilepsia laborare tradit, in quibus tamen ætatis, vt pariter temporum, & locorum, victusq; mutatione desinat. Alibi verò morbum hunc post vigesimum quintum annum haud amplius homines detinere, nisi fuerit à pueris connutritus exarauit. Iuuenum enim ætas, vt produxit nobis est à Galeno,

3. de sy. pr. caus. 1.

2. aph. 45.

In lib. de sacro morbo.

3. aph. 30. & 31.

Lectionum de Epilepsia

s.aph.7.

In de salu.
dyata.cō.7.

leno, anno vigesimoquinto orditur, & in trigessimum quintum extenditur. Qua ratione igitur scripsit Hippocrates iuvenes epileptico morbo laborare? aut quo modo post vigesimum quintum annum nemini id mali contingere dixit, nisi a puero inceperit? Insuper alio in loco ad hunc modum loquitur: Quibuscunque epilepsia ante pubertatē fit mutationem recipit; quibuscunque verò vigesimo quinto anno commoritur. Quamobrem si florens, iuuenilisq; ætas à vigesimo quinto anno incipiens ad trigessimum quintum protrahitur, & ex Hippocratis sentētia, qui vigesimo quinto anno ab epilepsia aggrediuntur, ad mortem vsque morbo illo affliguntur, asserendum est iuvenes nequaquam ætatis mutatione hoc affectu liberari posse, quoniam qui vigesimum quintum annum fuerint prætergressi comitiales amplius non euadūt, ijs exceptis, quibus ab infantia connutrita sit affectio, & quæ in vigesimo quinto anno epilepsia fit, hæc hominem ad vltimum vsque vitæ diem concomitatur. Ad singulorum dubitationum solutionem deuenio. Quantum igitur ad primam attinet, respondetur non semper calorem frigidus, & humidus affectus sanare. Idipsum enim eo tempore solū præstat, quo siccitas eidem adnectitur; in pueris verò calor quidem plurimus est, sed vaporosus admodum, ac multa cum humiditate aerea iunctus. Calido enim, humidoq; temperamento puerorum corpus est, quoniam incrementum in aliud temperamentum incidere non potest, Galeno auctore. Cuius quidem calidi, & humidi temperamenti gratia fit, vt in illorum cerebro humiditas multa, multaq; pituitosa excrementa coacceruentur, quæ in ventriculos prolapsa epilepsiam pariunt. Qua de causa puberes etiam, & adolescentes ab hoc morbo pre-

prehenduntur, adauctis in cerebro humoribus, ob temperaturæ videlicet similitudinem. An igitur falsa dicunt Hippocrates, & Paulus, qui iuuenibus etiam id mali genūs accidere scribunt? Iuuenes enim calidi omnino sunt, & sicci temperamenti, qui autem huiusmodi sunt, non frigidos, humidosq; , sed calidos, & siccos morbos pati solent. Sibi enim cognatis quisque, & familiaribus morbis promptius corripitur.

Huc mentem profectò direxit Hippocrates, dum biliosis hominibus epilepsiam haud euenire scripsit. In de sacro morbo.

Quamobrem respondendum est pro Hippocrat. Pauliq; tuitione, iuuenes sæpe in morbos incurrere, non quidem secundum ætatis naturam, sed ex accidenti, propter ipsorum scilicet in viuendi ratione intemperantiam, qua de causâ scriptum reliquit idem Hippocrates. Magnam partem senes iuuenibus minus ægrotant. 2. aph. 19. Fit ergò epilepsia in quibusdam iuuenibus, quibus antea in alijs ætatibus minime acciderat, propter vitam, quam degunt, intemperatam, vt si humi cubet, Soli, imbrisque se exponant, ac alia his consimilia perpetrent. Quare concludendum ex accidenti iuuenes in comitiale symptoma labi, non primùm, neque ætatis ratione. Quoad secundam obiectionem nemo non faterur pituitoso temperamento prædita corpora comitali affectioni magis esse obnoxia cæteris omnibus, quo temperamento scæminæ constant potius, quàm mares, sed non propterea asserendum est mulieres magis epilepsia corripì, quàm viri. Id enim & Celsus negat, & à vero alienum esse experientia demonstrat. Quatamen in re notandum est hoc ipsum intelligi de mulieribus, quibus menstrua statuto tempore apparent, nam quæ tempus mensiû adhuc non attigerunt, tam comitiales euadere posse censeo,

Lectionum de Epilepsia

Iam multi
transiere me-
ses, quibus
aplius mor-
bo non
cessipitur
pulue ex
hiera piera
Gal. sapius
exhibito, vi-
noq; inter-
dicto, vice
culus aqua
ex pconia
radice para-
tam conti-
nuè assumit

seo, quàm mares ipsi. Quod verum esse vnusquisq;, qui medendi artem exerceat, pro comperto habet. Ita quæ mihi vnica est filia Helisabet nomine binosa- gens annos iam bis, terve horrendo hoc symptomate, maximo meo cum dolore, correpta est, quam Deus Omnipotens, eiusq; filius vnigenitus Iesus Christus Sanctissimæ Matris Virginis Mariæ precibus incolumem tueri dignetur. Præterquam quod altera etiam vix ternos agens menses seuisimo hoc morbo defuncta est. Eodem affectionis genere mille alias laborare conspexi, vt in summa non magis mares, quàm foeminae, dum in humida illa, tenellaq; adhuc ætate reperiuntur, comitiales euadant. Quam rem etiam ratio ipsa confirmat. Nam iccirco pueri epileptico morbo patent, quoniam, copiosa humiditate abundant, & quoniam cerebrum, vt etiam neruosum genus imbecillum habent, vnde ætatis progressu plerumque ab affectu liberantur. Sicciores enim, ac fortiores singularum partium temperaturam nanciscuntur. Modò eadem partium humiditas, eadem cerebri, & neruosi generis imbecillitas in foeminis, quæ puellæ sint, dubio procul adest. Itaque concludendum est non minus in foeminis, quàm in maribus in puerili ætate constitutis gigni posse epilepsiam. Pubertatem verò egressæ mulieres nulla alia, vt puto, de causa minus quàm viri hoc morbi genere laborant, nisi quia ab eo tempore semel in singulo mense, & nonnullæ etiam sæpius, à pituitosis, omnibusq; alijs excrementitijs humoribus, quibus illarum cum cerebrum, tum vniuersum corpus abundat, per vterum expurgari incipiunt. Ideo si forte menses cohibentur, iisdem epilepsiam non modò per cōsensum ab vtero ex venenatis halitibus, sed etiam per essentiam ex pituitosis, aut melancholicis

cis humoribus contingere posse crediderim. Quibus adde ex Hippocrate, mulieres atrabilarijs vitijs non laborare. Quod quidem sic dictum velim ab Hippocrate, vt non de omnibus loquatur, sed de maiori parte, & iuxta innatam mulierum naturam, quæ ad frigidum, & humidum vergit. Epilepsiam autem non solum ex pituitoso, sed etiam ex melancholico humore oriri copiose superius demonstratum est. Senes autem frigidi esse humidique temperamenti literis exarauit Hippocrat. in hunc plane modum. Senes verò sicciior victus plerunque decet, quòd id ætatis corpora humida sint, mollia, & frigida. Veruntamen senibus non item ac pueris hæc passio accidit, quoniã cerebri expultrix facultas in illis haud ita vigilans, & ad rem intensam percipiendam parata, vt in pueris ipsis adinuenitur. Quamobrem mirandum non est, si in senibus apoplexia magis sit, quæ à copiosiori gignitur materia, in pueris verò epilepsia, quæ à minori. In his enim virtus potens, validaque in cerebro tam copiosam materiam cogi non permittit, contrà quam postea insurgere nequeat, quod ætate prouectis contingit, quibus affluentium humorum copia virtus assatim obruitur. Vnde propterea seniores apoplexia, pueri, & adolèscèntes epilepsia inagis affici videntur. Non dissimili caussa lapidem pueris in vesica, senibus verò in renibus colligi quotidie videmus, licet senes multi calculum habeant in vesica. nam crassa, & viscida (materia lapidis) quæ cum vrina feruntur, in pueris quidem caloris multitudine, & expultricis robore fusa ad vrinarios meatus, & vesicam traducuntur, in senibus verò, aut ætate consistentibus, in quibus naturales vires tantum roboris minime obtinent, renes haudquaquam expurgantur, ibique diu moram tra-

De sal. dyz
rater. 7. lu-
pra tamen
ostensum est
senes esse
frigidos q-
dem, sed sic
cos.

Q

hens

Lectionum de Epilepsia

hens materia concrefcit, ac lapidis formam adipifci-
tur. Ex his igitur tam fecundę, quàm terțię aduer-
sus Aeginetam dubitationis dilutio elici potest.
Quarta autem obiectio breuibus euincitur; nā & eius
folutio ex iam habitis colligitur. Quandoquidem
etfi mulieres virium, partiumq. imbecillitatis ratio-
ne morbo huic multo magis, quàm viri obnoxieffe
deberent, nihilominus ad id generis affectus euitan-
dos fingulorum menfium exitura fuminopere condu-
cit. Ad quintam, feu poftremā dubitationem ex lo-
corum Hippocratis contradicitione ortam deuenio.
Pro cuius quidem folutione dicatur Aphorifinum il-
lum. Quicunque iuuenes, non recte, neque fecun-
dum auctoris fententiam à Leoniceno Gręcarum li-
terarum, vt etiam Latinarum alioqui per.iffimo lati-
nitate fuiſſe donatum. Gręcū enim illud *ῥεῖον* Leo-
nicenus ipſe iuuenibus interpretatus eſt, cum potius
nuper natis, aut pueris vertere debuiffet. Ita enim
etiam *ῥεῖον* ſignificare prodidit Hefychius. Quare Gu-
lielmus Plantius rectius ad hunc modum Aphorifmū
interpretatur. Epilepfia laborantes pueros cum loci,
viſtusq. tum maxime etatis mutatio liberat. Quo re-
ſponſo Hippocratem ſibi met conſtare facimus, alio-
qui v. x. tueri poſſumus virum ſapientiffimum, cum a-
lio in loco comitiales ante pubertatem etatis mutatio-
ne ab affectu etiam liberiari docuerit, qui ſi vltrā vi-
geſimum quintum annum, iuuenilis etatis initium
ab epilepfia corripiantur, curari magna ex parte non
poſſunt. Omnibus in hunc modum perſolutis dubi-
tationibus ad alia eſt properandum.

FINIS SECVNDI LIBRI.



LECTIONVM DE EPILEPSIA
LIBER TERTIVS.



*Quàm necessaria sit ea pathologia pars,
qua de signis morborum pertractat,
ΕΚΔΕΙΝΤΙΚΗ dicta. Lect. XXII.*

Primaria illa Medicinæ pars, viri Nobiles, παθολογικὴ vocata, quæ humani corporis præter naturam affectus expendit, in varias & ipsa partes deduci potest, in vna quarum morbi definitio, eiusq; probatio afferuntur, ὁριστικὴ nuncupata, in altera causæ enarrantur αἰτιολογικὴ appellant, quam statim insequitur σημειωτικὴ signa cuncta præterita, præsentia, & futura amplectens, rursus hanc θεραπευτικὴ dicta, quæ morbo triplici instrumento, manu, vultu, & medicamentis debellare conatur. Quamobrem cum vni, & alteri parti hucusq; , ni me philautia cecutientem reddit, abundè satisfecerim, ad tertiam, & vltimam transferenda est oratio. Sed quoniam therapeuticæ dicatum est volumen, ideo quæ ad hanc

Q 2 partem.

Lectionum de Epilepsia

partem spectant in aliud tempus distuli. Nunc enim
 fat secille mihi videbor, si quandam veluti theoresem
 presentis ægritudinis constituero. Modò igitur par-
 ti, quæ insalubria signa percurrit, summo studio, ac
 diligentia incumbendum à nobis est, à qua omnis re-
 ctè curandi ratio suppeditatur. Cum ars enim me-
 dendi nulli certæ demonstrationi, sed probabili tan-
 tum coniecturæ innitatur, vnde non sine ratione in
 numero earum censetur, quas Plato ille diuinus
 nominat, quæ artificiali cōiectura veritatem in-
 dagant, propterea ne clausis oculis cum morbis pu-
 gnaremus, Andabatarum more, inuentum est quod-
 dam tertium, cuius ope coniectura ipsa ad certio-
 rem notitiam deduci possit, nam de occultis morbis opi-
 nione potius, quàm arte indicatur; hoc autem omni-
 nò est illa pathologiæ pars, quæ de signis ægritu-
 dinum pertractat, cuius quidem exacta penitus, si fieri
 vnquam possit, cognitio habenda nobis est, cum per
 eam in affectæ sedis, causæ; speciei, & euentus mor-
 bi cognitionem medici deueniant, vt non immeritò
 in Med. Finitionibus definiatur signum esse id, quo
 cognito, aliud etiam cognoscitur, quod ignotū prius
 erat. Hinc morbi omnes per propria signa diagnosti-
 ca nobis innotescunt, quibus in hunc modum perspe-
 ctis non difficile admodum est obuiam ire contrariæ
 ex arte adhibendo. Quam rem non ignorantes Hip-
 pocrat. & post eum Galenustradunt, ineunda medi-
 co esse artis opera, initio ab affectuum dignotione
 accepto; curatio enim dignotionem, prænotationemq;
 consequitur. nam & dignoscat quod præsens est, &
 provideat quod ex eo futurum est oportet, qui nota-
 bilis efficacia remedio vti voluerit. Post causas au-
 tem de signis mox agere aggredior, quoniam à caus-
 sis,

In Philebo.

de offi-
 med.
 Met. c. 6.

sis, veluti effectus, qui cōtinuò suas causas insequun-
 tur, signa ipsa procedunt. Ideo quidquid ab aliquo
 tanquam à causa derivat, id etiam illius esse signum
 docuit Galenus, quo etiam auctore plerunque sym-
 ptomata causarum signa dicuntur. Vnde ex sympto-
 matibus morborum non modò indicia, sed etiā pro-
 priam, essentialēque formam persæpe colligimus.
 Verum multiplex est signorum discrimen. alia enim
 quæ sunt corpori euentura prænuntiant, ab aliquibus
 non temerè sub prognosticis comprehensa. nam ex
 Galeno ipso prognostica signa duplicia constitui pos-
 sunt, quædam futurum, vel imminens morbum,
 quædam eiusdem præsentis exitum prædicentia, cuius
 distinctionis mentio fit etiam apud Petrum Forestū.
 Alià verò iam præsentem egritudinem demonstrant,
 ab omnibus pathognomonica appellata, quæ à mor-
 bo non seiunguntur, sed perpetuò illum concomitan-
 tur. hæc enim cum adsunt, vnà etiam & affectus ad-
 sunt, cum vero cessant, morbi quoque solvuntur. alia
 non affectionem, sed affectionis differentiam deno-
 tant, assidentia vocata, quæ non semper, nec necessa-
 riò, sed vt plurimùm morbis eueniunt, quæ propterea
 communia sunt, ac separabilia morborum acciden-
 tia, vt illa propria, & inseparabilia. Alia signa pari-
 ter traduntur, quæ in morbis perpendi solent, vt quæ
 cruditatem, aut coctionem significant, & quæ ex vi-
 rium cum morbo collatione desumuntur; sed hæc
 potissimum observantur in morbis, qui cum febre
 infestant, de quibus ego in præsentī ne verbum qui-
 dem. Quare iam dicta solum accidentia, siue signa
 percurram, quæ quidem aut ad prognosin, aut dia-
 gnosin spectant. quarum quidem partium, quæ,
 & quanta sit utilitas in morbis omnibus ex arte
 curan-

5. de loc. af-
 fect. 7 & 6.
 aph. 16.
 De op. sec. 8

7. art. me-
 dic.

Li. 9. obser-
 uat. Schol.
 obser. 4.

Lectionum de Epilepsia

In Medico
c. 7. curandis perbelle docuit Galenus hisce verbis. Ad-
notatrix signorum pars medicinæ, curationi morbo-
rum per victum summe est necessaria. nam præterita,
& præsentia symptomata ad morbi causam inuenien-
dam diligenter inspicimus. Insuper maxima eius
necessitas est ad præfagiendum, mors, an salus expe-
ctanda sit. Pari modo medicina quæ manu mede-
tur, tum illa quæ medicamentis auxiliatur, sine indi-
ciorum obseruatione non absolvitur, quippe præsa-
gia eodem modo desiderant, quibus scias quæ cura-
tionem non admittunt, quæq; eam recipiunt quidē,
sed vehementer aut offendunt ægrum si curētur, aut
ē medio tollunt. Ex quibus patet cum diagnostica,
tum prognostica signa unicuiq; morbo profligando
summe esse necessaria, quæ propterea à medico ma-
gni sanè facienda sunt. Quæ cum ita sint æquum om-
ninò est, vt priusquam ad comitialis morbi therapia
deueniam, eiusdem signa cum diagnostica, tum pro-
gnostica examināda suscipiam. Verum quia tria sunt
tempora, quæ in epilepsia obnoxijis obseruantur, v-
num antequam à morbo adorianatur, alterum quo ac-
cessio ipsa inualefcit, postremum quo humi iacent
immoti, ab inuafione liberi, pro quorum quidē tem-
porum varietate varia etiam accidentia comitiales
adfigunt, propterea operæpretium me facturum pu-
to, si ordine seruato, ab his primū exordiar, quæ ma-
lum epilepticum tam primogenio cerebri affectu,
quàm consortij lege ab alijs partibus genitum ante-
cedunt, & minime longe abesse prænunciant, dein-
ceps ad illa sermonem conuertam, quæ cum morbo
incipiunt, & cum eo desinunt, demū ad ea quæ sym-
ptomate finito apparent. Quibus cum prognosticum
addidero, vniuersa, quæ ad epilepsia theoriā spe-
ctare

Etare possunt, abundè pro tempore absoluisse mihi videbor.

De signis imminentem epilepsiam per essentiam prædicentibus, eorumq. causis omnibus. Vbi Rondeletij opinio de causa ephialta rejicitur. Lect. XXIII.

QUæ signa, Auditores, quæ symptomata comitalem accessionem antecedere solent, quæq; illam breui hominem aggressurâ esse prænunciant, nunc primum aperire incipiam, initio sumpto ab his, quæ sunt eius mali generis, quod in cerebro per essentiam gignitur.

Quare inter cætera signa hanc epilepsiam prædicentia, quantum ex veterum monumentis colligere potui, præcipuè enumerantur hæc omnia, quæ mox adduntur, vertigo, ephialtes, corporis animiq. status minime arbitrarius, tristitia, & eorum, quæ iuxta sunt, obliuio, turbulentæ insomniorum imagines, capitis dolor, eiusq; repletio continua, ob iracundiam maxime pallor faciei, inordinatus linguæ motus, quam etiam nonnulli commordent. Quibus addatis aurium tinnitû citra febrim, vocis tarditatem, manuum, vel alterius partis, aut potius vniuersi corporis torporem, noctis, quæ accessionem antecedit, inquietudinem, & demum somnum Venereum, quem græci onirogonon appellant, in quo inanibus visis phantasie oblati seminis lapsu vexamur. Quæ omnia signa ea sunt, quæ tam horribilis tēpestatis aduentum haud procul abesse significant, quorum singulas causas

Ex Pauloll.
3. c. 13.
Celsi Aurelii libro 5.
chron. c. 7.
Hip. i. coar.
præst. & A-
uic. li. 3. fen-
i. trac. 5. c. 9.

Lectionum de Epilepsia

fas more nostro expendamus. Quantum igitur ad vertiginem spectat, hæc præindicat futuram epilepsiam, tam quæ primaria affectione in capite generatur, quàm quæ à ventriculo confortij lege provenit. nam si vertiginis generationem inspicimus, ipsa quoque, vt plurimum, est ab vtraque parte, Galeno auctore, cū videlicet crassiores flatus ab humoribus aut in ore ventriculi, aut in cerebri substantia contentis eleuantur, dum calor diminutus in eisdem agit humores. Sic ergo non semel fit, vt si materia illa, à qua vertigo, magna in copia augeatur, & in cerebri sinus mediū, aut postremum repat, vice vertiginis epilepsia succedat. Vnde cum vertigini obnoxij percurandi nobis offeruntur, vt promptius pariant, grauius hoc symptoma, quod sæpe solet vertiginosis obuenire, minamur adeo affines sunt inter sese hi duo affectus loco patiente, & efficiente causa. Vnde Galenus passim vertiginem comitali morbo proximam esse perhibet, & veteres, vt prodidit Aurelianus, summa cum ratione μικράν ἐπιληπτικήν τὸ σῆμα nuncupasse dicuntur. Ephialtes, alias incubo, quoddam veluti præludium epilepsiae ab Aetio dicitur. Inter hoc enim symptoma, & epilepticum tanta est affinitas, & similitudo, vt à Galeno ephialta quædam in somno epilepsia vocetur; nam quæ comitiales interdium, eadem ephialtici dormientes noctu patiuntur. Quare mirandum non est, si inter primaria impendentis epilepsiae signa incubo enumeratur. Sed ab ipsa rei natura istud modò ostendamus. Fit ergo ephialta, omnium ferè medicorum consensu, à vapore crasso spinalis medullæ exortum ita opplente, vt facultatem liberè per nervos transire prohibeat, in qua propterea sensus, & motus vnà cum respiratione oblaeduntur. quod symptoma

1. de loc. aff.
c. 8.

1. aph. 17. &
4. de vic. act.
c. 17.

In com. de
vita resp.

prima in his frequens cernitur, qui cruditarum collu-
uiem in ventriculo coaceruant, quos somni tempo-
re inuadit, quia calor tunc in viscera reuocatus su-
biecit amineriam decoquendam vndiq; circumdat,
e qua tamē, vt copiosiore, quā vis caloris perficere
omniū possit, diminutē concocta, vapores multi, &
crassi in caput expirant, qui aut iam dictum spinalis
medullæ initium, aut cerebri ventriculos, vt Possido-
nius autumat, obstruendo, facultati animali viam in-
tercludunt, qua intercepta musculi thoracis difficul-
ter adeo mouentur, vt præfocationis imago phanta-
siae offeratur, ac velut ingruentis, opprimentisq; ali-
cuius occupatio patientes detineat. Hoc affectionis
genus perbellè descripsit Hippocr. his verbis. Cum
pugnam committere, atque extimulari, aut vinciri
videmur: tūc aliquid superflui corporis functionibus
aduersari deprehenditur. Et Vatum sapientiss. cū ait

In lib. de ap-
som.

In medijs conatibus agri

Succidimus: non lingua valet, non corpore nota

Sufficiunt vires, nec mens, nec verba sequuntur

Quo quidē symptomate diutius perseuerāte, & noctu
iugiter inuadēte, magnopere timēdū de grauiore ma-
lo. denunciat. n. epilepsiā, & apoplexiā. A multa nan-
que, diuturnaq; infernarum partium euaporatione
cerebri humiditates supra modū augentur. Sed in-
terim vestrum aliquis secutus Fernelium, & Ronde-
letium, magni olim nominis medicos, transitum ab
ephiakta ad epilepsiā vix posse fieri crediderit, si qui-
dem viri illi aliummodum generationis incubi com-
menti sunt; nam hic ad plethoram venarum thoracis
refert, ille vero ad crassiores pituitas, aut melanco-
liam non cerebro, sed circum præcordia inhærescen-
tem, qua per crapulam, & cruditatem turgescēte,

De part
mor. & sym
pro. li. s. c. 1.
in met. eu-
rand. morb.
c. 44.

R dia-

Lectionum de Epilepsia

diaphragma, pulmonesq; premantur. Verum hanc ipsam obiectionem rejicere non ardua res est. nam quantum ad Rôdeletium attinet, miror sane aliqui ingenij acumine præpollentem virum hac in re tam crasse cecutire. Qua enim ratione fieri posse arbitrat, ut illarum venarum plenitudo, tam brevi temporis curriculo vnâ cum affectu, absque sanguinis missione, auferatur. Insuper si plenitudo est in thorace sensum grauitatis inducet in vigilia, non autem in somno, in quo mens aliò intenta est. Cuius viri sententia etiam si vera non sit, dicendum tamen est modo etiam, quo tradit genitum incubonê posse epilepsiam nunciare, si plenitudo illa, ut ipse refert, ad caput vsque perueniat. Quantum ad Ferneliû, quidquid sit de loco, in quo primariò vult generari ephialticum affectum, sat est mihi illum affirmare, à materia in eo loco stabulante vaporem crassum eleuari, quo in fauces, & cerebrum expirato, vox supprimitur, sensus, atque mens obturbatur, visisq; tristibus offunditur. Hoc pacto enim epilepsiam præfagire potest. Non igitur istorum auctorum assertio impedit, quominus incubo affectum hunc denunciet, ac sæpe ingrauescens in comitiali malum demigrat. Quod autem, (ut ad aliud signum me conferam, licet cum prædicto coincidere videatur,) tam corporis, quam animi status minimè arbitrarij epilepsiâ antecedit, in causa est nimia, superfluaque cerebri humiditas, ob quam huiusmodi cum animi, tum corporis status neutiquam voluntarius progignitur. Corporis quidem, ut eidem in austrina constitutione contingere Hippocrates assumat. Cerebro enim humefacto, quod est sensus, motusq; principium, sensus omnes, motusq; voluntarios torpescere, ac segniores

res euadere oportet. Vnde veluti solum scilicet, & languidum sentire hominem necesse est. Id ipsum milites in me sum expertus. nam ut in aquilonari tempestate meum corpus cogi, sumatque & ad motus arbitrarios promptius effici sentio, ita ex aduerso flantibus austris illud ipsum dissolui, membraque veluti efflaccescere mihi videntur. Animi vero, quoniam ubi cerebrum humidius, quam pro natura fuerit, necesse omnino est, ut præter consuetudinem moueatur, illo autem, in quo animæ sunt opera, commoto, neque auditum quiescere, sed alios alia & videre, & audire oportet, ut etiam linguam talia loqui, qualia singulis vicibus viderit, atque audiuerit. tandiu enim homo sapit, quandiu cerebrum quieuerit. Nisi ego non paucos, quibus linguæ motus in voces articulatae proferendo liber, & expeditus non erat, ob immodicam cerebri humiditatem, id quod ebrijs potissimum accidit, multo humiore cerebro madefacto, eiusdemque copiam prægrauato. Mestitia vero, si epilepsie obnoxios magnopere angat, accessionem haud longè abesse demonstrat. si quidem cum alijs temporibus moesti sunt epileptici, tum eo maxime cui appropinquat accessio, tristitia quædam illorum animos futuri mali præfagos excruciat, ut ego non semel in patruo, qui multis ab hinc annis tam sæuo morbo detinetur, & alijs non paucis, qui à tali uexantur ægritudine, manifestè obseruari. Hinc tamen oritur dubitandi occasio, unde nam sit, quod animi tristitia afficiantur comitiali morbo propinquis, cuius rei duplex afferri potest ratio, ueluti à gemino, seu duplici humore per essentiam epilepsia progignitur. nam si sermo est de his, in quibus id mali genus ortum trahit à pituitoso, dicendum est, totum animi illam tri-

Lectionum de Epilepsia

4. apb. 1. 1.

stítiam incidere; quoniam cerebrum perfrigeratur, & cum eo spiritus ipsi, & cordis temperamentum, cuius membri passio est mēstítia. Cerebro enim cor facile compatitur. Si uerò loquamur de ijs, quorum affectus ab atro, nigrove humore pendet, alia insuper de causis tristis, ac mēstos comitiales euadere à nobis asseri potest. nam de comitialibus à tali humore dicendum est, quod Hippocrates de melancholicis, Si timor, & mēstítia longo tempore perseuerauerint, ex eo melancholia significatur. Quandoquidem, ut iam factæ melancholix timor, & mēstítia manifesta sunt symptomata, ita uenturæ iam iam epilepsix, cuius causa sit melancholicus humor, possunt esse signa, præsertim verò si ingrauescant. nam huius generis epileptici serè semper timent, ac mēstítia quadam præter causam, & rationem excruciantur, qui propterea etiam solitudines amant, ac deserta loca persequuntur, melancholicorum more, ut Bellephontem melancholiæ vitio correptum olim fecisse constat, de quo, ut citat Aristoteles, poetarum princeps Homerus ita latine cecidit,

sect. prob.
30. prob. 1.

*Qui miser in campis mærens errabat aleis,
Ipse suum cor edens, hominum vestigia vitans.*
Verùm adhuc explicata causa nō est, ob quam adeo mēsti cernuntur epilepsix melancholicæ obnoxii. At eadem quæ & pavoris à Galeno asseritur est enim timor quædam veluti tristitia futuri mali, tristitia verò iam præsentis, aut cum omnino imminere præsentit animus, ut epilepticis contingit. Galenus autem pavorem ijs, quorum cerebrū, vel ab humore, vel etiam vapore nigro tentetur evenire tradit, non alia ratione, quàm pueris accadat in tenebris expauescere. sua enim natura tenebræ timorem iniiciunt omnibus, ut
contra

Contra lux securos omnes efficit. Melancholicis vero, quo nomine, tum proprie dictos melancholicos, tum etiam epilepticos ab humore melancholico factos intelligimus, vel in ipsa splendida luce pauores contingunt: nam sedes animæ ab eo humore nigro ita afficitur, ac si locus omnis tenebrosus existat. Sannè, inquit, quemadmodum externæ tenebræ omnibus ferè hominibus pauorem inducunt, sic atræ bilis color mentis sedem tenebræ more obumbrans timorem gignit. Contra quam Galeni sententiam obijciunt ferè omnes Auerrois locum, ubi sic loquitur. Et qui dicunt quod anima terretur propter humorem melancholicum nigrum, sicut terretur homo in obscuro dicunt verba cantatorum. Quibus verbis deridet causam metus, & mœstitiæ, quam Galenus colori adscribere videtur, argumentaq; in medium adfert, inter quæ illud contemnendum non est, quod videlicet color nihil efficere potest, nisi sentiatur: non est enim efficiens qualitas, sed solum potest instrumentum sui sensus alterare, alterandoq; dolorem, aut voluptatem inferre. Ergo nullo pacto humoris tenebrositas metum pariet, aut mœstitiam, nisi sentiatur. Vnde nec etiam lumen externum (quo exemplo vritur Galenus) nec tenebræ contristant, nisi videantur. Quare nigrities melancholici humoris illorum symptomatum causa statuenda non est, cum non sentiat. Anima enim non videt ea, quæ in corpore, nec ab ijs mouetur, sed ab ijs, quæ extra visibilia occurrunt. Vt nemo enim se interna cerebri intueri experitur, ita nec profecto colores intuebitur. Itaq; Auerroes prædicta symptomata non colori, sed intemperiei cerebri frigidæ, ac siccæ refert accepta. Respondent aliqui Galenum ab Auerroce nequaquam ea in

1. de causis,
symp. c. vii.
ac 3. de loc.
aff. 8.

3. coll. c. 40.

Lectionum de Epilepsia

Pen 3. tert.
c. de melan-
chol.

re dissentire, sed quandam attulisse similitudinem, ad
causam ostendendam, cur mala complexio frigida,
& sicca ab humore melancholico faciat hæc acciden-
tia magis, quàm ab alia causa. Alij verò, & ni fallor,
probabilius affirmant, spiritus animales, quibus ani-
ma pro instrumento vitur ad suas obeundas opera-
tiones, suapte natura lucidos esse debere. Ab humo-
ris ergo nigricie obscurato spirituum splendore, mens
deprauate mouetur, vitiato sibi proprio instrumen-
to. Ideo etiam Auicenna dicebat melancholiam, cu-
ius passionis propria symptomata sunt metus, & me-
stitia, fieri permutato spiritu splendido ad tenebras.
Sed rursus oritur dubitandi locus, cur scilicet pau-
ris, tristitiaq; causam in cerebro collocemus, cū sint
cordis, non cerebri passionis. Dicatis illas ex opi-
nionis mali originem habere, spiritumq; denigratum
imaginationem deprauare, ita vt mali iam præsentis,
& venturi opinionem excitet, eaq; ratione metum,
ac tristitiam inducere. Hac ergo ratione fit, vt comi-
tialium animos non modo mēstitia, vt Aegineta re-
fert, sed etiam metus paulo antequam ab exacerba-
tione adorianur summo opere angat. Quod intelli-
gendum est de comitialibus, quibus non à pituita,
sed ab humore nigro malum oritur.

Enarrantur cetera signa impendentis epilepsia per essentiam, in antecedenti lectione omissa. Lect. XXIV.

R Eliqua imminentis epilepsiae signa, quae in antecedenti lectione praetermissa sunt, quorum nempe causae, ne prolixior dicendo eua-derem, minime relatæ fuere, hoc mane proseguimih i in animo versatur. Quare signū, quod nunc princeps in ordine nobis sese examinādum offert, est eorum, quæ iuxta sunt, obliuio, cuius quidem signi causa, etsi percipi omninò possit ex abunde supra narratis, vbi rationem querebam, cur hoc morbo detenti fatui sint, ac immemores, nihilominus de eadem hic pauca quædam adijciam. In corripiendis ergo comitiali symptomate, obliuionis causa statuenda est, frigida cerebri intemperies, quam ex pituitosi, nigriue humoris copia contraxit. Hæc etenim animæ actiones veluti torpescere facit. nam frigus nulli functioni earum, quæ humanum corpus regunt, atque gubernant ex usu euadit, præcipue verò animales actiones seigniores efficit, vt ex animalibus per frigora delitescentibus, ac medicamentis, cibusve natura frigidis assumptis discere apertè licet, verum præter frigidam humidam quoque cerebri intemperies memorandi potentiam labefactat, quæ si vna iungantur, & vehementer intenduntur soporem, stuporemque inducunt, nedum rerum mox perceptarum obliuionem. Vnde si obliuio de repente hominem inuadit, ac diutius perseueret, non minus ac ephialtes comitiale sympto-
ma

Lib. I. Lec. 9.

Lectionum de Epilepsia

ma futurum præfagit. Ideo Auicenna. Et scias, inquit, quod quando incidit cum sanitate ægritudineſ nunci t cerebri fortes apoplexiam, epilepsiam, & lethargiam. Sic nuper factū est, vt sexagenarius quidam vir ex non ignobili familia oriundus, qui mecū sæpius de amissa memoria, ac dolore quodam grauitatis sensum inferente circa occipitis partes conque- rebatur, de repente in attonitum morbum incidit, vitamq; cum morte dicto citius mutauerit. Turbulenta insomnia epilepsiam præfagiunt, vel Hippocra- te auctore, qui propterea etiam non vno in loco tradi- dit insomnia qualia quis viderit spectandum à no- bis esse. intelligit autem insomnia vocata naturalia, quæ quidem, vtpote passionum animæ; & corporis in- dicia, à medico contemplanda esse Aristoteles pro- didit. Hæc enim, vt humori dominanti analoga, ad morbos curandos non parū sanè auxilij præstant. Ab illorum nanque obseruatione satis probabilem de morbi qualitate coniecturam inire, & qui humores intus lateant, quiq; ipsorum sint defectus, aut exupe- rantiq; dignoscere solemus. Ita Galeni tempestate cuidam, cum inter dormiendum crus alterum sibi fa- ctum lapideum visum foret, præter omnium opinio- nem crus illud paralyſi obtorpuir. Turbulentū verò insomnia epileptici affectus idcirco nuntius est, quia multitudinem vaporum in caput expirare ma- nifeste ostendit, à quibus quidem inordinate, ac tu- multuosè in cerebro vagantibus imagines obturban- tur, confuseq; mouentur, cuiusmodi sunt febrientiū, & eorum, qui se multo vino ingurgitarint, insomnia. Talia quoque pueris contingunt, ijsq; præsertim qui natura sunt helluones, quando ventriculus sentiendi quidem vi pollet exquisita, sed imbecillitate naturali labo-

In cons. præ-
not.

In lib. de In-
som. s. epid.
& li. de hu-
morib.
In de som.
& vlg.

Mirabiles
ex insom-
nijs prædi-
ctiones nar-
rat Alexan-
der ab Alex-
andro in
Dieb. Gen.

De præfag-
ex insom.

laborat, & in eo cibus corrumpitur. experientia tamen, non in puerulis solum, sed etiam etate perfecta, & grandi hominibus horribilas per somnum imaginationes fieri obseruatum est. cum & multi, & vitiosi humores ventriculum, & ipsius os præcipue grauarent, atque morderent. Rei autem, de qua loquimur, causam cum Aristotele, aquarum exemplo, patet facere possumus. Quemadmodum enim simulachra, quæ cernuntur in aqua immota, integre, & clare videntur, ex quo vates,

*Non sum adeo informis, nuper me in litorè vidi,
Cum placidum ventis staret mare.*

Quæ verò commota aqua apparent mutilatè, & confusè cernuntur. Ita profectò si à vaporibus, aut paucis, aut omninò placidis imagines moueantur, somnia tùm quieta fiunt, veluti turbulenta, monstrosa, ac distorta, vbi à vaporum multitudine sursum in caput elata agitantur. Hæc igitur insomnia, si alicui sepius eueniant, epilepsiam nunciare ex iam dictis fit rationi consentaneum. Capitis dolor si diutius aliquem, nedum comitiali vicio obnoxium acriter feriat, epilepsiam accersit, vt non modò signum, sed etiam causa huius ægitudinis esse possit; Dolor enim caput totum adeò afficit, imbecillumque reddit, vt naturales eius vires prosternat, quibus deiectis, permagna superflua humiditatis copia in capite cumulat, quæ ventriculis impertita comitiale parit, vt etiam aliquando apoplexiam. Verum capitis dolor, qui epilepsiam primogenio cerebri affectu constitutam antecedit, à plethora seu plenitudine oritur, vt inde elici potest, quod talis dolor grauitatis sensum inuehit, quem perferre epilepticos à capitis repletionem vnusquisque nouit, ac Paulus etiam testatur, dum addit,

S eiusq;

Dolorib. a. comuacit, prohibere membra à suis operationibus. Gal. auctore. 2. prog. com. 91. Lege Gal. 1. com. illius aph. quibus valentib. capitis de repente dolor oboritur. 6. Aph. 51.

Lectionum de Epilepsia

eiusq; repletio continua. Quia tamen qui à plenitudine inferitur dolor, per se fortis admodum non est, qualis à comitialibus perferri aliquando solet, dici forsitan potest, non à copia solum humorum gigni, sed à frigiditate simul humorum copiar adiuncta. Permagno etiam capitis dolore excrucii vixi sunt epileptici ab abscessu, vel aliquo alio vicio in cerebro existente. Cuius rei gratia liceat mihi quæso hoc in loco paulisper immorari, historiamq; iuuenis, ad cuius curationem accersitus ipse fui, in apertum breuib; proferte. Anno igitur proxime elapso, vir quidam in ætate florenti constitutus, post acerrimum dolorem, quem in capite circa musculi temporarii sinistrae partis regionem diutius pertulit, in miserandos epilepsiarum insultus, quales ego nunquam vidi, aut audiui, prolapsus est, ut vel octo supra viginti vicibus, die ante vigesimam quartam, quæ illi fatalis fuit, a tã horribilo symptomate aggressus fuerit. Quo emortuo, cum caput eius secandũ a consanguineis exorasset, vocatus est Iacobus à Vidua Francisci F. cuius quantã sit ingenij acies, ac in rebus ad anatomem spectantibus peritia norunt optime Veneti medici. Hic autem diligenter caput resecato, statim ad membranas se contulit. Vbi primũ, dura matre detecta, animaduersum est illam, yna cum pia, ab ea parte, quæ è directo musculo respondet, per quandam veluti callosæ carnis portionem coniungi, adhære scereque; ablata autem pia meningē deprehendimus cerebri substantiam subter membranarum coalitũ euidens satis abscessus initium pati. ex quo tetrum aliquem vaporem in cerebri ventres penetrasse rationi consentaneum fit, cuius causa epilepsiam per consensum ab ea parte incurreret. nulla enim serè humiditas in ventricu-

lis reperta est, exiguaq; admodum, cum decidebat, ex ore spuma exibat. quamvis magnis insultibus, me vidente, concuteretur. Hinc fortasse dolor ille diuturnus, vitio potius membranarum, ob inter natum callum, quàm vel ob plenitudinem humorum, vel aliquam frigiditatem in cerebro existentem, gignebatur. Vt cunque tamen sit de causa doloris, sat est nobis iuuenem patientem, post acerbum capitis dolorem, in comitiale malum incidisse, vt talis capitis dolor perseverans epilepsiam præfigere merito credatur, quemadmodum etiam eiusdem membri repletio continua, in qua quidem ab humorum copia gravari caput ipsum significatur. Repletio enim materiei præsertim pituitosæ, aut melancholicæ, qua inter humores nulla grauior, ponderosiorve existit, sensum grauitatis affert, à qua in comitialibus dolorem plerunque fieri dictum est. Continuæ verò repletionis causa, capitis videtur esse imbecillitas, propter quam vel ex leui occasione abundè repletur humoribus, aut ibi genitis, aut in illud tanquam imbecillam partem transmissis. ob quam plenitudinem fiunt grauitates tendonum, repletiones, ac distensiones venarum colli, hebetudines, atq; vertigines, quæ omnia epilepticum malum anteire tradit Aretæus. Ob iracundiam maxime pallor faciei. Ex cutis colore præpotentis cuiuslibet humoris speciem deprehendi docuit ante omnes Hippocrates, post quem Galenus hæc protulit verba. At uerò ex humoribus, qui redundet ex colore licet conijcere. Color enim in cute similis efflorescit humoribus contentis nisi intro refluxerint. Quorum quidem imitatione Auicenna, Mixti, inquit, colores mixtos quoque præferunt humores, & is superat, cuius color superior est. Colorem

1. de caus. &
fig. acut.
morb.

1. aph. com.
1. & 4. de sa
nituen.

2. pri. diff. 3.
c. 3.

S 2 autem

Lectionum de Epilepsia

cap. 50. art.
med.

Vide Hippat
que Gal. 6.
epid. com. 5
ser. 1. 17.

Cap. 11.

de vic. aur.
com. 4. 11.

epid. com. 5

autem intelligimus cum Galeno, quem totius corporis habitus in illis maximè partibus, quæ primæ oculis subiiciuntur, representat. è facie verò imprimis de vniuersi corporis habitudine cōiecturam inire solemus, vt etiam de omnibus, quæ introrsum in animo latitant, ideo non temere additum est à Paulo, faciei, iuxta illud Hippocraticum, oculi vt valent, sic & vniuersum corpus. Quò respiciens ego quoque quoddam in capite mearum Ephemeridum, quas olim, antequam grauiora medicinæ studia degustassem, in lucem emisi, pudoris sedem in vultu, & præsertim in oculis collocandam esse demonstravi. In facie enim, quæ in internis negotiatur, veluti in quodam speculo representantur, animaq; cum totum sane corpus teneat, in facie multò euidentius se prodit. Sic enim cordis affectus iram, timorem, mæstitiam, & hilaritatem pars illa declarat, vt non citra rationem humani corporis platea vocetur ab Ecclesiastico. in eam nanque sensuum omnium instrumenta locata sunt, omnisq; ad sentientem animam pertinens negotiatio elucescit. Quare Pythagoras auditorum animos, & ingenium ex vultu conijciebat. cuius partis mutationes medici in morbis diligenter intuentur, notaq; omnibus est Hippocratica faciei descriptio. Si ergo, vt redeat oratio vnde digressa erat, color & præsertim faciei delitescētem prodit humorem, pallidus sane, qui solet esse exandescētiū color, biliosum, à quo ira, significabit. Inter humores enim bilis sola citrinum illum, ac pallidum colorem præferret, quæ Galenus fieri vult ex permixta aquoso excremento pallida, & amara, & flaua bile. nempe flauus color quantum à rubro in albiores secedit, tantum à flauo pallidus. licet eidem Galeno, flaua bilis nonnunquā pallida

pallida dicatur. Comitiales igitur cum facie palleat
 in iramq; prorumpant, biliosi humoris prædominũ
 habent, merito cuius in hoc symptoma incurrunt? Id
 quod superius disputatis omnino re clamat. An quod,
 vt ex Galeno colligitur, non quiuis in cute efflorescēs
 color prædominantis corpori humoris nota existit? + de sanit.
tuen. c. 7.
 sed tunc solum modo fuerit, cum nec ambiētis vio-
 lentia calidi, frigidiue, nec vlla animi subit affectio.
 ob hæc enim vel in cutem violentius irruunt humo-
 res, vel intrò se recipiunt, vt qui color tunc in cute
 cernitur nequaquam inspicere debeat à medico. non
 enim semper vera dicunt colores. Vnde etiam per-
 peram nonnulli de simplicium & compositorum me-
 dicaminum facultate, ac viribus argumentum à colo-
 re ineunt, existimantes quæ medicamenta alba sunt,
 refrigerandi vim habere, quæ verò nigra calefacien-
 di. nam contrarium in plurimis animaduerti licet, vt
 in albo pipere, calce, & veratro albo ex vna, niue, ce-
 russa, & lacte ex altera, quæ simul omnia coloris sunt
 candidi, viribus autem vel maximè pugnant, quam
 pugnantiam sensus ipse dijudicat, vt exemplo niuis,
 & calcis docuit Galenus. De simpl.
med. fac. lib.
1. c. 2. Quamobrè vt color haud
 semper verũ dicitur, qui aut alicuius humoris corpori
 prædominantis, aut etiam medicaminum tam simpli-
 cium, quàm compositorum naturam inquirunt, ita
 pallidus faciei color in iam iam passuris epilepticam
 inuasionem, non biliosi humoris eorum corporibus
 prædominantis nota euadet, sed alia potius ex causa
 fiet, ob iracundiam scilicet, in qua, præ sanguine ad
 intima, & cor imprimis reuocato, facies de color re-
 manet, pallidaq; improprie vocatur, quod fortasse vo-
 luit Paulus, nisi aliquis contendat in iracundia bilem
 effervescentem similem sibi in vultu colorem indu-
 cere.

Lectionum de Epilepsia

cere. Sed qua de causa epileptici irascuntur, cum in natura pituitosos, aut melancholicos, quali plerumque sunt comitiali morbo obnoxij, vix ira cadat? In omnibus qui irascuntur duo sunt notatu digna, alterum est feruor quidam caloris, ebullitiove sanguinis in corde; alterum vlciscendae iniuriae cupiditas. Quicumque enim irascitur ex offensa aliqua irascatur oportet, unde nocendi appetitus illico iratum inuadit. Cum igitur comitiales ab aliorum consortio, utpote detestabili morbo affines, arceri; omnibusque hominibus contemptui se esse cognoscant, ingenti quodam animi dolore affliguntur, cuius vlciscendi cupiditate maxima tenentur in eos, a quibus sese offensam passos esse iudicant. Hoc autem iram verè; ac propriè non esse, sed cum ira potius aliqua ex parte conuenire, e demque accedere nemo non fatetur. Impropiè itaque irasci dicuntur epileptici, cum id illis accadat ob doloris ex contemptu percepti puniendi voluntatem. Inordinatus linguae motus, nonnulli ipsam quoque commordent, postremum est Paulo signum, quo imminentem epilepsiam praesagit, cuius quidè causam haud arduum erit adinuenire, si prius dixerò inordinatum linguae motum illud idem prorsus esse quod Hippocrates incontinentem linguam appellat hisce verbis Si derepente lingua incontinens, aut aliqua corporis pars attonita stupeat, signum est melancholicum. Vbi Galenus incontinentem linguam vocari refert, aut infirmam, incertam, ac titubantem, adeo ut inexplanatam, nec integrè dearticulatam vocem edat, aut immotam, & omnino solutam: cuiusmodi epilepticis fieri quotidie cernitur. Vnde verò id ipsum proueniat minimè gnorabit is, qui quo pacto a cerebro linguae motus accedat, optime teneat. Plenissi-

7. aph. 40.

nissimè autem hanc ipsam rē dōcuit Galenus, ex quo aperte constat mouendi vim linguæ aduenire à septima nervorum, qui à cerebro oriuntur, coniugatione, haud longè à spinalis medullæ initio. nam ex ipsa anatome luce clarius apparet nervorum à cerebro processus ad faciem, quidem à parte eius anteriore, ad partes vel o totius animalis sub facie omnes, ab altera parte, nempe posteriore fieri. A qua etiam eorum nervorum, qui ad linguæ musculos veniunt, coniugatio procedit, quibus ipsa motū ab electione perficit. Non abs re igitur cum anterior dūtaxat cerebri pars afficitur, sola linguæ motū vitio carebit, relique verò faciei partes omnes, in altera parte, dextra, aut sinistra, & sensum & motum ab electione amittunt. Quamobrem causā, cur inordinatum linguæ motum comitiales patiuntur, nimia erit cerebri humiditas, quæ nervos & præsertim anterioris eius partis humefacit, quominus lingua per suos musculos ab electione moveri possit. Vnde inordinate mouetur, quæ etiam de causā fit, vt eam plurimi commordeant, id quod eo potissimum tempore accidit, quo iam defatigatur à symptōmate cum in eo muscoli tam linguæ, quàm vnius illi corporis præter ordinem, atque naturam mbueantur. Quantum verò ad aurium tinnitū sibilumve spectat, ea prorsus ratione comitiales casus præcedit, quæ etiam vertigo. Ille enim similiter fit à flatulento spiritu, qui aut à cerebri corpore, aut à ventriculo originem trahit, qui dum quietum illū ætherem in auris cavitare congeniunt, quod Aristoteli sensorium est auditus, attingit, ipsumq; dimouet, pleonas reddit sonoribus aures. Obstat tunc mihi curandum Veneris mercator, qui continuo aurium tinnitu detinetur, quo aliquando ingrauescente, in nescio

+ de loc. aff.

Li. 1. de par.
anim. c. 10.
secus tamē
Gal. 1. de v. fa.
par. c. 4. & cū
eo Auer. li. 1.
collect. qui
volū nervū

Lectionum de Epilepsia

à cerebro ad
aures demis-
sum organū
esset dirus,
eo quia aer
non sentit
quidā tamē
ē. iuniorib.
vnicuiq; sen-
si, duo uines
se sensoria,
quorū vnū
recipiat, al-
terū vero di-
ludicet ostē-
dere nitun-
tur.

quos vertiginosos casus prolabitur, qui epilepsie in-
cipientis naturam sapere mihi videntur, quod quidē
non aliunde provenit, quā ab adaucta in 'cerebro
frigidiori illa materia, à qua diminutus illius partis
calor flatulentum spiritum tinnitus causam excitat,
eāq; cerebri ventribus medio, aut postremo quodā-
modo impartita. De vocistarditate quid sodes aliud
proferam, quā quod superius in linguæ motu inor-
dinato allatum fuit? quod etiam intelligi omninò de-
bet de vniuersi corporis torpore. Arguunt enim am-
bo nimiam neruorum principij humectationem, ob
quā neque lingua, neque corpus totum liberè, &
expeditè proprios motus edere valent. Verū hæc
ipsa his tantum epilepsiam præagire posse videntur,
qui à pituitoso humore tale symptoma patiuntur. An
verò etiam linguæ incontinentia, & pars aliqua ve-
luti stupore attonita morbum iam iam venturum præ-
nunciet ijs; quibus morbi causa est niger, aut melan-
cholicus humor, non adeò clara, apertave res est.
Quapropter non festinanti cursu percurrenda sunt,
quæ à Galeno, ac Philoteo afferuntur, in explanatio-
ne illius aphorismi, in quo ita loquitur Hippocrates.
Si derepente lingua incontinens fiat, aut aliqua cor-
poris pars attonita stupeat, signum est melancholicū.
Fit nanque sæpenumero obstructio circa apophyses
neruorum, quæ feruntur ad musculos linguæ, manū,
aut alterius partis, præ qua quidem cum non amplius
suppeditetur facultas, amittunt sensum, & motum lin-
gua, & manus, quarum partium in hunc modum af-
fectarum, hanc quidem stupore attonitam, illam ve-
rò incontinentem vocat Hippocrates. Parui verò re-
fert, si quis dicat alias etiam corporis partes præter
manus intelligi posse ab Hippocrate. Qua ratione

autem

autem linguæ incontinentia, & partis alicuius stupor melancholicam prænunciet, & consequenter ijs epilepsiam venturam præfagiat, qui tali vitio nigri humoris causa obnoxij esse solent, cum neutrum symptoma prædicta efficere posse videatur, ex Galeno ipso colligitur, qui scribit, quod quemadmodum in quarta febre succum melancholicum ipsius circuitus causam esse dicimus, sic etiam dictarum affectionū, linguæ scilicet incontinentiæ, & partis paralyseos eundem esse auctorem dicamus oportet. Fieri siquidem potest, ut propter humoris crassitiæ tales consequantur affectus, quales ex crassa, lentaq; pituita ortum habent. Neutrum igitur humorum absolutè melancholicum, aut pituitosum esse dicemus, sed pituitosum, & melancholicum simul. Nox quæ morbi invasionem præcedit comitialibus non parvæ molestiæ esse solet; quod quidem ijs etiam contingere observamus, in quibus futura ægritudinis iudicatio expectatur. Hanc enim antecedens nox difficilis est, *Idcirco* Hippocrates, Quibuscunque crisis id est iudicatio sit, ijs nox gravis ante accessionem, quæ subsequitur magna ex parte levior existit. Accidit enim naturæ quod athletæ, aut militi cum aliquo certaturo. nam ut hic impendēte certamine perturbatur & prius recte accingitur, cum secum cogitauerit qua ratione inuadendus, vel declinandus sit hostis, ita natura prius turbatur, excitatq; suas ipsius vires ad expellendum, & alterandum materiam morbum facientem, & hac de causa laboratur; In nocte vero magis, quoniam eo tempore non sine magna molestia somnus abruptitur. Onirogonos demum hoc est veneris ille somnus, in quo aliqua cum oblectatione semen elaboratur, antecedens sit epilepsiæ, ut etiam furoris, Græci ma-

T nian

Lectiōnum de Epilepsia

Lib. 5 cap. 7.
chronion.

nian vocant; aut cuiuscunque similis morbi, quoniam,
ut prodidit Celsius Aurelianus, vexatione non ostende-
re probatur, atque prae-moueri corpus, siue prae-tangi
accessione ventura. Quibus omnibus non negligenter
expensis, ac enarratis, ad ea mox signa migrandum
esset, quae comitialē malum cōlensūs gratia a ventri-
culo, alijsq; partibus genitum praesignificant, sed an-
tequam ad haec ipsa descendam, quibus notis de-
prehendatur vter humor pituitosusne, aut melancholi-
cus epilepsiam peressentiam progignerit, in proxima
lectiōne pro viribus patefaciam.

*Vter humor pituitosusne, an melancholicus
epilepsiam gignerit, quibus notis de-
prehendatur. Lect. XXV.*

In ar. Med.

De nat. hum.
commen. 1.
2. metaph.
6. 6.

INitium bene medendi a causarum morbi cogni-
tione desumendum esse, medicorum nemo non fa-
tetur. Causis enim cognitis, ac amputatis vna
etiam morbi rescinduntur. Cum verò causae corpus
alterantes, sanitatemq; contumpe-scentes in externas, ac
internas diuidantur, vix credam posse fieri, ut absque
intrinsicis exteriores quidquam efficiant. Loquor
autem de extrinsicis corpori necessario occurrenti-
bus, quae, vel auctore Galeno, per alias causas me-
dias, quae intrinsicae sunt, corpus immutant, sanita-
tisq; habitum corrumpunt. Sunt haec autem humo-
res quatuor, elementa secunda nostri corporis à Ga-
leno, ab Aphrodisio hominis materia nuncupati, san-
guinem dico, pituitam, geminamq; bilem, qui humo-
res à forinsecus incidentibus promoti affectiones pa-
riunt,

riunt, hoc asserente Hippocrate hisce verbis. Morbi ^{Idē Morb.}
quidem vniuersi sunt ex his quæ in corpore insunt,
tū a bile, tū a pituita, ab externis laboribus, vul-
neribus, & a calido, & supercalefaciente, a frigido,
& superfrigescente, a sicco, & superexsiccante, &
ab humido, & superhumectante. Et bilis quidem,
ac pituita vnā cum nascentibus gignuntur, & sunt in
corpore aut plus, aut minus. Morbos autem exhi-
bent partim a cibis, partim a potibus, & similibus.
Quomodo verò humores in nobis gignant morbos,
hinc disci facile potest, quod quemadmodum sanus
homo est, dum quatuor humores, vnde vniuersa eius
natura constat, tū quātitate, tū qualitate medio-
criter inuicem cōtemperati sunt, ita e contrario co-
gitur ægrotare, dum aut copia, aut facultate symme-
triam non seruant. De priori modo loquitur Gale-
nus dicens. Sanus homo est primis, vnde constat,
elementis, & secūdis, vnde formatus est, quatuor hu-
moribus, tū quantitate, tū qualitate medio-
criter inuicem cōtemperatis. De posteriori, ac priori ^{In introduc.}
mul Hippocrates per hæc verba. Corpus hominis ^{in li. de nat. hom.}
habet in seipso sanguinem, pituitam, & duplicem bi-
lem, flauam scilicet, & nigram. Atque hæc sunt ip-
sius corporis natura, atque per hæc ægrotat, & sanus
est; Sanus quidem maxime est, vbi temperamentū
hæc inter se habuerint moderatum, cum facultate,
tū copia, & vbi maxime permixta fuerint: ægrotat
autem, cum horum quid minus, aut amplius fuerint,
aut separatur in corpore, nec fuerit reliquis omnibus
cōtemperatum. Quamobrem cum morbi ferè om-
nes pro efficiēti causa, de qua potissimum sollicitus
esse debet medicus, quatuor habeant humores, ex his
quæ intra corpus assumuntur, progentos, & a me su-
perius,

Lectionum de Epilepsia

Hæc in re le-
ge Gal. ad
Hip. aphor.
lib. 1. aphor.
& lib. 4. aphor.

perius, ubi de causis epileptici affectus agebatur, ex Galeno, & alijs abundè ostensum fit, pituitosum, ac melancholicum humorem causas esse efficiētes illius ægritudinis per essentiam ortæ, vter amborum humorum affectionem progignerit diligentī cura per sua signa inquirendum est. Variat enim curatio pro varietate humoris morbum producentis. Ideo qui aliū à peccante in corpore humorem cathartico euacuāt, præterquam quod causam, & consequenter affectū minime tollunt, in maximum etiam vitæ discrimen patientem deducunt. Vt igitur à pituita, à qua frequentius affectio huiusmodi provenit, exordium sumam, iuxta coniectura ex sensibilibus per quæ intellectus appprehenduntur, excedentem in corpore pituitam argues ex albo colore in toto patientis ambitu apparente. A colore enim delitescentium in corpore humorum cognitio desumitur: nam color similis in cute efflorescit subiectis succis, nisi in profundum recesserint aut in ipsam cutē violentius irruant. Quare si quispiam ad epilepsia obnoxium accitus arceps, dubiusve sit de humore morbum producente attentè inspiciat, an patientis corpus ad album, candidumq; vergat, an sit comitialis ad somnum proclivis, & de capitis gravitate, ut etiam mentis, corporisque pigritia conqueratur. Hæc enim abundantis pituitæ indicium afferunt, ut similiter mucosa narium excrementa, ructus acidi, quando nimirum in ventriculo superfluitas adest. Ad quam quidem dignotionem facilius assequendam conferet non parum ætas, ac temperamentum, animi tempus, quod præsens est, regio in qua degit æger, eiusdem studia, & victus ratio. Hæc enim omnia inspicienda sunt à medico, qui exuperatis in corpore humoris indicia perquirat,

in

in his præcipue, in quibus humores retrocesserunt, & non sunt æqua portione per totū corpus diffusi. Quantum enim ad ætatem spectat, cū quatuor humores, ut inquit Soranus, per quatuor ætates dominantur, in pueritia pituitosus vnā cum parte sanguinis vsque in annum decimum quartum, post quod tempus incipit pubertas, dominatur. Ideo Hippocrates; Puer calidis, & humidis temperatus est, quia ex his constitutus est, & in his incrementum accepit. humidissima igitur, & calidissima sunt corpora proxima generationi, & augentur quamplurimum, & quæ his proxima sunt, eodem modo. Puerorum, ait Galenus, ætatem par est esse humidam, quod incrementum incidere in aliud temperamentum possit nullum. Propterea etiam lectum est apud Albertum Magnum argumenti tempus in ætate puerili potissimum vigere, propter vicinitatem quam habet cum tempore suæmet originis, quæ ex calido est, & humido. His adde inordinatam viuendi rationem, qua pueri ipsi videntur. nam præterquam quod edaces sunt, immo heluones, à cibo etiam ludentes, profilientesq; mouentur. vnde crudis humoribus abundant, & crudas etiā vrinas emittunt. Concoctio nanque fit corporis, ut etiam animi, quiete. Multis humiditatibus abundant senes, dispari tamen causa, & ratione. Ideo enim senes pituitosa excrementa congerunt, quoniam alteratrix illorum facultas ingesta alimenta debiliter concoquit. Id quod in ipsis per accidens fit, non proprii temperamenti ratione, quemadmodum in pueris. Senectus enim natura frigida est, & sicca. Vnde vigiles senes, quod eorum humiditatibus repugnat. quam rem doctè more suo enarrat Alexander Aphrodisæus cū scribit senes excrementis abundare, & nihil-

3. aph. com.

27.

De vicat.

Ibid. com. 7.

1. de an. ar. 6.

2. c. 6.

Quomodo
senectus hu-
mida, & sic-
ca dicatur
docet Gal.
in vict. rat.
com. 7. de 2.
de temp. 2.
1. probl.

Lectionum de Epilepsia

In sinclia.

dedif. feb.

hilominus vigiles esse. Illis quidem abundare tradit, quia frigidiore sunt, & debiliores, & ad concoquendum ineptiores præ longi temporis spatio redduntur. Vnde in eorum corporibus foramina, & meatus excrementis redundant. Vigiles verò sunt, quia sicciores parte corporis solida efficiuntur. Ex his ergo inferri quidam volet, tam senes, quam pueros posse comitalem morbum pati. Rē hanc superius explicavi, ubi quærebam cur pueri epileptici, senes verò apoplectici magis euadant. Quod verò pueri, antequam pubertatis annos attingant, comitali morbo obnoxij plerunque sint experientia docet, & Hippocrates ipse, qui talem affectionem in pueris abortam, pubertatis ingressu, ut plurimum in ijs desinere testatum reliquit. Quamobrem si patiens oblatus puer adhuc existat, de humore epilepsiam producente certā ferē, ac indubitatam ab illius ætate coniecturam inire omnino poteris. idem præstabit auxilium temperatura ipsa. Molles enim, candidi, & obesi pituitosum in corpore humorem dominari significant. tali temperamento præditæ plerunque sunt mulieres, quæ idcirco epileptico affectui propensiores, quam viri forent, iuxta illud Galeni: corporis passuriabilitas magnā in ægritudinum generatione partem obtinet, nisi per uterum, veluti per cloacam singulis mensibus excrementa deponerent. Sed qui alicuius temperamentū ad vnguem nosse discupit, ut per illud in exuperantis humoris cognitionem facilius deueniat, quoniā humanū corpus, ut ei plures facultates, functionesque conueniunt, ita plures partes dissimili modo temperatas omnino possidet, ex vna illarum partium temperie coniecturam facere de toto corpore non debet, sed ad eundem singulæ sunt, æstimandumq; quo tempera-

peramento ventriculus, quo pulmo, quo cerebrum, ac reliquarum per se vnaquæque Scorum sit. Ita. n. de vniuersi hominis temperamento probabilius iudicium feretur. quemadmodum enim totum nihil est aliud, quàm suæ partes vnitæ, ac simul sumptæ, sic temperamentum totius nihil aliud est, quàm temperamenti partium omnium vnio. Sed quia cuiuscunque partium substantiam, atque temperiem velle scrutari longum nimis foret, ad cerebrum imprimis, cor, & iecur mens ipsa dirigatur, à quibus cum omnium animalis partium temperiei, tum etiã corpori prædominantis humoris probabiles notæ desumuntur. si hæc enim membra in aliquo ad frigidum, & humidum inclinare signis à Galeno traditisprehendes, in illius corpore frigidum, & humidum humorem, qualis pituitosus est, peccare constanter affirmato. Ab anni tempore etiã manifesta sumuntur indicia humoris superabundantis. Communis est enim medicorum omnium sententia, quam vnicuique facile est videre apud Hippocratem, vere sanguinem, ætate bilem, autumno melancholiam, hyeme pituitam crescere, & corpori prædominari. Quare si hyeme aliquis hoc morbo corruat, aut etiã temporis constitutione, quæ hyemis naturam præseferat, nempe quæ frigida sit, & humida, ex hoc pariter asseuerabis pituitam potissimum esse huius morbi causam. Rarò enim visus est, in quo per ætatem abundet pituitosus humor, sicuti per hyemem bilis flaua. Quomodo autem in hyeme, quo tempore ventres ob caloris antiperistasis calidissimi sunt, pituita frigidissimus humor adaugeatur, non vno in loco plenissimè docuit Galenus. Regionem simul varios parere humores, hominumque temperamenta immutare, & cõsequenter etiã mo-

In art. Med.

In li. de nat. hum.

Vere etiã pituita in corpore adhuc valida manet, vt ait Hipp. in de nat. hum.

Iuxta illud Hipp. 3 aph. 16. in pluriarum multitudine magna ex parte sunt febres longæ, epilepsia, & apoplexia.

Nò modo in com. aph. 15. 11. sed etiã in de nat. hum. com. 15. tex. 37.

res,

Lectio[n]um de Epilepsia

In de aere,
aga. & loc.
2. de na. virt.
In lib. quod
an. mor. fe-
quilit. temp.
corp. & alibi
sæpe.
24. probl.
6. epid.
2. aph. 45.

De curat.
rati. ang. miss.

In li. de ple-
th. 3. de loc.
an. catasop.
li. 10.

3. de sympt.
caus. 2. & 3.
de temper. 1.
apho. 1. com.
30.

ies, Hippocratis est sententia, quam Galenus tercen-
tis in locis commendat. Quod pariter fatetur Aristo-
teles ipse. Ideo iure Hippocrates in morbis longis
terram mutare præcipit, ut etiam præsentī morbo de-
tentis. Loci nanque mutatio maximo persæpe est
epilepticis auxilio, quādo nimirum in calidior: m, ac
sicciorem locum migrant, quicumque pituitæ vitio
epileptici fiunt. Verū non per se regiones, & loci
corpora inmutant, sed aeris pro regionum varietate
alterati ratione. Quam rem superius quoque docui-
mus. Hinc discas non immeritō apud Galenum aer-
is tempericem in tempus, & regionem distributam
fuisse. Quærenti ergo an pituitosus humor epilepti-
ci casus efficiens existat, conferet non parū inter al-
ia considerare nūm regio, vel locus in quo patiens
degit, frigida sit, ac humidæ naturæ, cuiusmodi est pi-
tuita ipsa. augetur enim quilibet humor à simili. Cer-
tissima abundantis in corpore pituitæ indicia deprom-
es tum ex patientis studiis, ut si ociosam, ac sellala-
riam vitam degat. hic enim pituitosum acceruare
succum solet; tūm verò ex ipsa viuendi ratione, præ-
sertim cibo, & potu, ex quibus tanquam ex humori si
materia consuevit Galenus redundantis succi notas
excerpere, ut in dignoscendis plethora, & cacochy-
mia, sanguine melancholico, & ischiade. Quod cer-
tè multa cum ratione fieri dicendum est, cum in om-
nibus talis existat sanguis, quale est, quo vitur, ali-
mentum; quod propterea magnam corporis immu-
tandi vim obtinere cuncti liberè fatentur. Galenus
verò cum alijs in locis, tūm ubi dixit: cibus, ac potus
naturam aduentitiā efficiunt, maximè quidē in ven-
triculo, cū hoc verò, & in alijs partibus. Ad quā ali-
menti vim, & facultatē respiciens Hippocrates hæc
ipsa

ipſa memoria mandauit. Facultas alimenti peruenit & ad oſſa, & ad omnes partes, & in neruum, in venam, in arteriam, in muſculum, in pelliculam, in carnem, in pinguedinem, in ſanguinem, in pituitam, in medullam, & cerebrum, & ſpinalem medullam, & interanea, omneſq; ipſorum partes, & ſane etiam in caliditatem, & ſpiritum, & humiditatem. Quare ſi coſtitutalis, potu, & alimentis uſus fuerit, quæ pituitam gignendi vim obtineant, quali natura ſunt frigida, humidaq; & plerumque etiam craſſiora cibaria, merito conijcies illum à pituitoſo ſucco epileſiam pati. A ſpuma denique epilepticiſ circa os ipſum fluctuante, haud irrationabiliter deprehendi poteſt, à pituitoſo humore ſymptoma progenitum eſſe. In quibus enim ab acceſſione correptis multa, craſſaq; circa os ſpumofa apparet materia, hiſ morbus à pituita originem trahit. nam etſi in alijs etiam epileſia generibus ſpuma fiat, cauſſis paulò inferius adducendis, veriſimile tamen eſt, multo maiore fieri in hiſ, quorum cerebrum pituitoſo excremento magis abundat, quale omnino eſt patientium id malignum pituitæ vitio. Hæc de pituitæ, ſeu potius epileſia pituitoſæ notis dicta ſatis erunt. Accedo ad ea ſigna, quæ melancholicum in corpore humorem abundare, & ab eo conſequenter epilepticum ſymptoma oriri demonſtrant. Si patientis igitur color ad nigredinem tendat, nigrum in corpore ſuccum peccare aſſerendum eſt, eò quod quæcunque exuſta ſunt, nigriora ſunt. talis autem inter humores eſt melancholia, licet ea magis, quæ atræ nomen ſubit. Si terrore inter dormiendum, triſtibusq; imaginationibus afficiatur, ſi vigilæ potius, quàm ſomno deditus à melancholia

V.

epi-

Lectionum de Epilepsia

epilepsiam illum pati affirmari potest. Cuius etiam humoris prædominium ostendunt eiusdem patientis temperatura, ætas, & reliqua iam enarrata. Nam macri, & hirsuti, necnon quibus late existunt venæ, aptissimi sunt, ut huiusmodi in ipsis humor cumuletur. Habent enim hi iecur ad generandum hunc seculentum humorem perquam aptum, quibus propterea nisi splen validior insit, ut quicquid de illo generetur ad se trahere valeat, necesse omnino sit eorum corpora atro humore abundare. Inter ætates maximè atrabile detinetur, quæ est à vigesimo quinto anno, usque ad quadragesimum quintum, hoc asserente Hippocrate. Qui tamen videtur quoquo pacto contrarium affirmasse, dum de apoplexijs loquens ex sola atrabile genitis ita scribit: Apoplexiæ sunt maximè à quadragesimo anno ad sexagesimum. Responderi forsitan posset, quòd quemadmodum in ætate melancholicus humor adaugetur, ob exustionem in humoribus factam ab aeris calore, cum tamen morbi à melancholia in autumnò maximè fiant, ita etiam in iuuenili, ac viginti ætate, cuius initium est vigesimus quintus annus, terminus vero trigesimus quintus, attri, seu melancholici humores ab intenso illius ætatis calore coaceruantur, qui nihilominus effectus suos pariant, non in ipsa iuuentute, sed in primo senio, nempe à quadragesimo anno usque ad sexagesimum, quæ ætas autumnò naturæ proportionem respondet. Haud nego tamè tam in autumnò ipso, quam hac in ætate aliquam humoris melancholici portionem gigni. Quantum ad anni tempus, quis ignorat morbos à melancholia pendentes in autumnò potissimum promoueri? ita ut si epilepsiæ obnoxius hoc anni tempore maxime ab illa corripiatur, dicendum sit ab atro potius, quam villo alio

in de nat.
hum. cit. 5

Cap. 17.

alio humore idipsum produci. Sed si attentè perpè-
duntur quæ prolata sunt à Galeno in Aphorismorum
commentarijs, asserendum omninò est in autumnali
tempore non tantum ijs, qui ab atro, nigrove humo-
re epileptici sunt, istud symptoma contingere, verù
& ijs quoque, qui pituitosi humoris culpa comitiales
euadunt. Explicans enim quamobrem medicinæ pa-
rens sapientissimus exaravit in autumnno epilepsiam
generari, causam refert non in humorem melanco-
licum illo tempore redundantem, sed potius in repē-
tinam illius tempestatis in contrarium mutationem.
nam ferè meridianis temporibus calor, nocturnis, at-
que matutinis, & vespertinis frigus exuperat. nihil au-
tem æquè epilepticas accessiones gignere, atq; eius-
modi mutatio potest. Ab hoc eodem melancholi-
co humore excitatam esse comitalem inuasionē re-
gio pariter ostendit, quæ quidem calida sit, ac sicca.
Talis enim regio atros, melancholicosque humores
progignit. Vnde verisimile fit melancholiæ vitij pa-
tere magis Arabes, Mauros, Syros, & Indos, qui om-
nes feruida incolunt loca, quàm obnoxij sint Galli,
Britanni, Scythæ, Thraces, atque Germani, qui ge-
lidis in locis habitant. Quare vt in illis comitiale sym-
ptoma ex melancholia, ita in his expituita magis fiet.
Ideo cuilibet ipsorum mutatio in locum contrarijs
qualitatibus affectum mirum in modum ad morbi
liberationem conducet. Ex epileptici verò studijs
conijeies etiam an melancholicus humor affectionē
progignat, nempe si morui, ac labori deditus fuerit.
Labor enim melancholicum gignit humorem, præ-
sertim si fuerit diuturnus. Quantò etenim longior,
tantò erit ad atram bilem generadū magis proclivis.
Omnis nanque localis motus, (ad quē labor, & exer-
citium

Lectio de Epilepsia

Met. c. l. &
21. un.

lege Gal. 3.
de loc. aff. c.
17.

citium reducitur) calefactius est , ea prorsus ratione, quam apud Aristotelem vidimus . Nimirum, aut quia adducit calefaciens, vt coeli motus astrum supra hemisphaerium : aut quia per confricationem, aut concitatum medij diuisionem producitur . Quaecunque autem in nostro corpore calorem adaugent, haec ad atrae bilis generationem corpus ipsum aptissimum efficiunt . Demum ex viuendi ratione, praecipue vero cibo, & potu, si melancholicum humorem gignendi facultatem habuerint, indubitata serè coniectura assequi possumus, à tali humore morbum hunc progenitum esse . Quanam verò sint cibaria atrum humorem acervantia, in therapeutica abundè satis ostendetur . Ex his ergò omnibus non modò in comitiali, sed in omni alio morbo, diligenter expensis, ac examinatis, efficientem causam non difficulter inuenies, qua cognita, & ablata vnà etiam morbi ipsi auferuntur .

*De signis epilepsiae à ventriculo, caterisque
corporis partibus progeneratae*

Lect. XXVI.

Agamus iam, quæso, honestissimi Adolēscētes, de signis, quae comitiale symptoma confortij lege non à ventriculo tantum, sed ab alijs etiam corporis partibus genitum praenunciant . Magni siquidem refert, priusquam ad medica praesidia accedamus, non ignorare nūm affectio in cerebro per se sit, an verò ipsi aliunde communicetur . Cuius quidem rei vniuersalis aliqua nota inuestiganda est, antequam ad particulares descendam . Quamobrem

obrem signum vniuersale per consensum esse epilepsiam, actiones erunt cerebri haud profectò ita vitiatæ extrà accessionem, vt in epilepsia fit in cerebro per essentiam genita. Consensus enim propriam cerebri intemperiem, qua animales functiones omnes magnopere oblæduntur, per se non procreat. Exordiar verò, inter particularia, à signis, quæ malum per consensum à ventriculo factum significant. Hæc igitur sunt palpitatio ipsius ventriculi, tumultus, & erosio; Insuper ex inedia, seu cibo tardius assumpto, excandescunt, quibus à stomacho vitium, oritur. His adde cordis tremorem, capitis dolorem peracerbū, vociferationem, rugitum, stridoris, genitura, & vrinæ defluxionem, lenem morbi accessionem, eiusque facilem solutionem cum vomitu. Inter quæ signa recensentur aliqua communia potius, quam huius partis peculiaria. Quare hac in lectione propria tantum epileptici per consensum à ventriculo expendam, reliqua suo loco. Quantū ad palpitationem, quæ est partis quædam præternaturam dilatatio, retentricis facultatis ipsius ventriculi imbecillitatem præsert, præ quâ stomachus cibos amplèctitur quidem, sed cum vibratu quodam, atque tremore. Vnde concoctio debiliter peracta, crassiores, generat, flatus, quidam exitum quærent, palpitacionis motum efficiunt. Itaque si epilepticum huiusmodi ventriculi symptoma præcedit, verisimile certe fit, illum per consensum ab ea parte affectionem perpeti, ob quandam crassarum partium substantiam ab eodem ventriculo in cerebrum expirantē. Sed illud hoc, in loco prætereundum non est, palpitationem epileptici morbi non modò à stomacho, verū etiam ab alijs corporis partibus, quæ dilatari, distendive possint, originem

Ex Paulo li.
3. c. 13.
Ex Auic. c.
de epil.
3. de loc. aff.
5.

Lectionum de Epilepsia

l. 3. trac. 5.
t. 3. trac. 5. c.
18.
Vide Gal. de
symp. causis.
lib. 6. c. 2.

ginem ducentis signum nobis esse. Quam rem pariter docuit Auicenna cum scripsit palpitationem comitialis morbi in præcordijs geniti notam existere. Palpitatio enim fit non in ventriculo solum, sed in omnibus corporis particulis, in quibus dilatatio, distensioq; accidere possunt: neque enim os, cartilago ve vnquam palpitant, cum dilatarî nullo modo queat: atque hanc cuti subinde contingere sæpe videmus, nonnunquam verò etiam subiectis illi musculis. Insuper non ita rarò ventriculo, vesicæ, vtero, intestinis, iecinori, lieni, & septo transuerso accidere potest, atque omnibus quæ distendi, dilatariq; valent, ita ut cum arterijs, tum cordi ipsi contingere videatur, aliud quæ in his præter pulsum motus existat. Cum itaque tot partibus palpitatio accadat, iure merito dicitur eam esse notam epilepsiæ ab omnibus corporis particulis distensionem admittentibus emanantis, non tantum illius, cuius est à ventriculo prima origo. Illud sanè prætereundum non est, palpitationem, quæ comitialis symptoma per consensum ab hypochondrijs genitum significat, à melancholicis vaporibus creari. Proinde scriptum reliquit idem auctor, quod si huiusmodi palpitatio diutius protrahitur, aut melancholiâ hypochondriacam, aut epilepticum morbum præinducat. Hæc de palpitatione, venio iam ad tumultum, quem effici tunc Galenus ipse testatur, dum in ventre fluctuant ingesti cibi. Elicitur hoc manifestè ex eodè Galeno, ubi fluctuationes cum sonitu retentricis facultatis non probe vndiq; cibos amplexantis symptoma esse docet. nam tradit quod cum retentricis, & complectentis facultatis agendi probitas in ijs duobus consistat, ut tunc nullus ab ea locus relinquatur inter ventrem, & cibos vacuus, tum complectendi tempus

De symp.
diff. c. 4.

pus cum concoquendi tempore exaquetur, vel altero tantum non probe actionē obibit, vel utroque: symptomataq; consequuntur, imbecillo quidem completui. fluctuationes cum sonitu, quas Græci clydonas vocant, & flatulentia: In iusto autem completendi tempore excretio celer, & ciborum in inferiore ventre corruptela. Merito igitur fluctuatio cum sonitu, quam sub nomine tumultus Paulus ipse designauit, epilepsiam per consensum à ventriculo prouenire nobis ostendit. In tali enim stomachi vitio rationi consonum est copiosam flatuum multitudinem in cerebrum efferri, quæ ventres obstruendo epilepsiam pariat. Huius generis erosio quoque existit. Sed hæc illius tantum, ni fallor, epileptici casus à ventriculo originem trahentis nota euadit, qui non à crassa aliqua vaporosa substantia, sed à biliosis, mordacibusq; succis in os ipsius ventriculi confluentibus, leuemq; sibi etiam continui solutionem efficientibus, produci sæpe videtur: cuius modi epilepsia capiebatur Græmaricus ille Galeni, Quoties nimis vehementer duceret, aut cogitaret, aut irasceretur, aut in ediam sufficeret. Spectat hæc comitialis conuulsio eorum, qui à cibo ferius assumpto exandescunt, quales omnino sunt picrocholi Græcis nuncupati, in quorum ventriculo, præsertim si irascantur, aut diutius, quam illorummet consuetudo ferat, in ediam tolerant, biliosi humores acres coguntur, à quibus membri illius ore sensilij maxime affecto, mordicibusq; vellicato, tenis epileptica accessio inuehitur, ob affinitatem nimirum, quam cum cerebro per sextam cerebri propaginem stomachus ipse contrahit. Hoc sensu intelligendus est Galenus cum dicit epilepsiam concitari ob stomachi inanitionem. Patientes id mali genus

s. de loc. aff.

11

vide Gal. s. de comp. p. me. dic. sec. loc. c. 11.

De venæ c. tra. Erasmo, c. 11.

VEN-

Corde insu-
per comuni-
cat ob vici-
nitā: magnā
enim arte-
riā ventricu-
li corpus in-
hæret.

ventriculi vitio cordis etiam tremor adligit, siue hoc
dicatur de ipso met corde siue de ore superno eiusdē
ventriculi. De vitioque enim recte efferrī potest.
Notum siquidem est vnicuique vestrum tam ex cō-
sensu prædicitum esse orificium ventriculi superius, vt
in eius affectionibus, et ipsum affici videatur; hinc
passio cordis, quod ^{etiam} Greci os ventriculi nū-
cupauerint; quondam scilicet ipso laeso, eadem fere
symptomata, eademq; præpmodum animi deliquia
nōs concomitantur, quæ cordis lesionem conse-
qui solent. Vtrum non ventriculus solus, sed pars
quælibet, cui plurimus insit sensus, facultatem habet
animi deliquia, & syncope inferendi, corde ipso in
consensum ducto. In digiti punctura hoc sapius ac-
ciderē videmus. Hinc discas vel in ventriculum, nō
quia cordi propinquus, eidem proprias passiones cō-
municare, sed quia exactum possidet sensum. Nam
quancumvis vicina pars sit, vt pericardium, ni egre-
gium habeat sensum, huiusmodi accidentia inferre
nequit. Non semel autem ostensum est vim hanc
tam acriter sentiendi ventriculo accedere à sexto ner-
vorum pari, à quo quāmprius tum dexter, tum si-
nister recurrens vocatus retro ad orificium ventri-
culi iam dictum peruenit, in mēbris nervulos quasi
retis in morem diuiduntur, & eos illud amplexantur;
quam ob causam sensum tactus in superno ore ven-
triculi maxime vigere scriptum reliquit Galenus, quā-
quam alibi idem dixerit, non in omnibus eque exacti
sensus os ventriculi reperiri, quod sane, vt esse possit,
primā facie non intelligo, præsertim si de ventriculi
ore loquamur; qui secundum suam innatam habitu-
dinem se habeat, cum in omnibus eque nervorū iste
consensus existat. Addit Auicenna per acerbum ca-
pitis

LL. de vīa
par. c. 9.
3. de loc. aff.
9.
Lib. 1. c. 3.

pitit dolorem perſentiri ab his, qui per conſenſum à ſtomacho affectionem hanc pati coguntur. Cauſſa huius doloris nulla, vt puto, alia cenſenda eſt, quàm vapores à ventriculo eleuati, qui vel multitudine, vel acri qualitate cerebri membranas diſtendendo, aut moleſtè feriendo, ingentem capitis dolorem producunt. Sed quoniam talis etiam penè dolor ſentitur ab ijs, in quibus non à ventriculo, ſed per eſſentiam in cerebro ſymptoma hoc generatur, alia ſigna expendèda ſunt, quibus rem certius dignoſcere valeamus. Cætera ſigna ab Auicenna poſita omittuntur, quoniam partim cõmunia ſunt alijs epilepſiæ ſpeciebus, partim verò per ſe ſatis clara, atque perſpicua. Hucusque de ventriculo, ad alias modò corporis partes accedendum eſt. Prouenientem ab interanciſ epilepſiam, ob vermes in iſſis latentes, indicabunt frequens ſalix de fluxio, lumbricorum, & aſcaridum emiſſio, & demum punctio in imo ventre accèſſionis tempore percepta. Signa autem comitialis caſus per conſenſum ab hypochondrijs erunt eadem prorsus quæ melancholiæ hypochondriacæ adcribuntur, ructus nimirum acidi, inflatio, rugitus, & dolor in ventre nō ita breui tempore quieſcens, propter materie craſſitiem, quæ plerunque eſt melancholica, pituitosaq; ſimul. Quandoq; etiam in tali epilepſia perſentitur inflammatio in hypochondrijs iſſis ab humoribus calidioribus, vt bilioſis, vel alijs ibidè putreſcentibus. Ad hæc ſcribit Auicenna nonnunquam excitari dolor in inter vtraſque ſpatulas poſt cibi ramen aſſumptionem: qui dolor à celebrata concoctione quiete adinuenit: deinde, nouo cibo aſſumpto, reuertitur. Quod ſanè, vt puto, accidit, quoniam in ventriculo cibus ipſe corrumpitur, à quo acres, pra-

Lectionum de Epilepsia

uiq; vapores eleuantur, qui per œsophagum transeun-
tes spatulis, inter quas collocatus est œsophagus, do-
lorem inferunt. Si verò ab hepate pendeat epilepti-
ci insultus origo, deprehendes ex dolore, & gravita-
te illius membri, vt similiter ex leui tussicula sicca:
quod si à splene aderunt eiusdem membri durities,
& magna obstructio, nec non etiam dolor, & rugitus
in sinistro hypochondrio, præterquam quod vniuersi
corporis color ad obscurum, & melancholicum ver-
get. Signa epilepsie per consensum ab vtero desum-
mes ex mensium, aut spermatibus, aut aliarum humidi-
tatum, quæ per pudenda expurgari solent, vel omni-
moda suppressione, vel etiam diminuta purgatione:
quam quidem præcedit dolor in pectine, & in vtrisque
inguinibus, & partibus dorsi, quibuscum vterus col-
ligatur, & gravitas infundo ventris, aut alia demùm,
si quæ sunt, quæ illius partis læsionem attestantur.
Eiusdem comitialis morbi generis, quod à parte ali-
qua corporis, mediantibus nervis, originem trahit, cū
duplex omninò principium existat, alterum nempe
extrinsecum, quale est scorpionum, vesparum, atque
id genus animalium ictu venenum eiiculantium, mor-
sus, punctiove, alterum intrinsecum, vtrunque ex
noxij vaporis in caput delatione cognoscitur. Tunc
enim patientes sentiunt veluti auram quandam fri-
gidam eleuari, sensimq; in cerebrum adscendere, à
quâ eorum oculi obtenebrantur, & mox in terram
prolabuntur. Aretæus signa referens illius epilepsie,
cuius interna est mali origo, hæc ipsa in medium per
interpretem affert: Nonnullos verò & corripit à ner-
uis procul à capite positos incipiens, quicunque prin-
cipium affectus in consensum inducunt. Itaq; ma-
gni manuum, aut pedum digiti conuelluntur; vnde
& do-

& dolor, & stupor, & tremor sequuntur. atque in caput impetum faciunt, si & malum surrepens caput inuasit. His porro fragor quidam redditur perinde, ac si ab ligno, aut lapide verberentur. Cumq; ab humore surrexerunt, quædam tanquam si ex insidijs vapullassent, commemorant. hoc sanè pacto illi, quibus primò id malum incidit, decipiuntur. Quibus verò familiare, & consuetum est, simul atque morbus in digitum impetum dedit, aut inde exortus est, visitatos, qui adsunt, adiutores inelamant, futuramque ab experimento calamitatem prospiciunt; obsecrant quoque, ut membra, unde oritur, constringant, reflectant, dirigant. quinetiam ipsimet sibiip[s]is affecta membra, tanquam inde morbum eximentes trahunt, velluntque; atque ita sibi met auxiliantes, nonnunquam & nos ad ægritudinis notitiam impulerunt. Quod si ab Aræto tradita exemplo aliquo sunt confirmanda paucis ab hinc annis Venetus quidam iuuenis comit ali conuulsione per consensum à minimo sinistrae manus digito corripì per interualla solbat, à quo digito, præcipue verò ab ea parte, quæ inter vnguis radicem, & nodum versatur, nescio quid primū eleuari æger ipse affirmabat, ita tamen, ut antea vniuersus digitus leui quodā motu palpitaret. Adscendebat autem, quod eleuabatur, veluti psalliendo, per brachium in caput, ut patiens affectionis causam in cerebrum migrantem manu ostenderet; qui iuuenis, ut idem mihi retulit, ab hoc symptomate per sanatus est opera, & studio Bontij Leonis Physici, atque Chirurgici omni laude dignissimi, qui corpore prius diligenter purgato, cerebroq; corroborato, phenigma digito adhibuit, legato interim carpo, ut auræ adscendenti aditus intercluderetur: Qua arte etiam sanatu

X. 2. fuisse

Lectionum de Epilepsia

In de nat.
hum. c. 15

aph. 17.

epilepsiam illum pati affirmari potest. Cuius etiam humoris prædominium ostendunt eiusdem patientis temperatura, ætas, & reliqua iam enarrata. Nam macri, & hirsuti, necnon quibus latæ existunt venæ, aptissimi sunt, ut huiusmodi in ipsis humor cumuletur. Habent enim hi iecur ad generandum hunc seculentum humorem perquam aptum, quibus propterea nisi splen validior insit, ut quicquid de illo generetur ad se trahere valeat, necesse omnino sit eorum corpora atro humore abundare. Inter ætates maximè atrabile detinetur, quæ est à vigesimo quinto anno, usque ad quadragesimum quintum, hoc asserente Hippocrate. Qui tamen videtur quoquo pacto contrarium affirmasse, dum de apoplexijs loquens ex sola atrabile genitis ita scribit: Apoplexiæ fiunt maximè à quadragesimo anno ad sexagesimum. Responderi forsitan posset, quòd quemadmodum in ætate melancholicus humor adaugetur, ob exustionem in humoribus factam ab aeris calore, cum tamen morbi à melancholia in autumno maximè fiant, ita etiam in iuuenili, ac viginti ætate, cuius initium est vigesimus quintus annus, terminus vero trigessimus quintus, atrici, seu melancholici humores ab intenso illius ætatis calore coaceruentur, qui nihilominus effectus suos pariant, non in ipsa iuuenta, sed in primo senio, nempe à quadragesimo anno usque ad sexagesimum, quæ ætas autumno naturæ proportionem respondet. Haud nego tamè in autumno ipso, quàm hac in ætate aliquam humoris melancholici portionem gigni. Quantum ad anni tempus, quis ignorat morbos à melancholia pendentes in autumno potissimum promoueri? ita ut si epilepsiæ obnoxius hoc anni tempore maxime ab illa corripiatur, dicendum sit ab atro potius, quàm vlllo alio

alio humore idipsum produci. Sed si attentè perpè-
 duntur quæ prolata sunt à Galeno in Aphorismorum Lib. 4. cap. 21.
 commentarijs, asserendum omninò est in autumnali
 tempore non tantum ijs, qui ab atro, nigrove humo-
 re epileptici sunt, istud symptoma contingere, verù
 & ijs quoque, qui pituitosi humoris culpa comitiales
 euadunt. Explicans enim quamobrem medicinæ pa-
 rens sapientissimus exaravit in autumnno epilepsiam
 generari, causam refert non in humorem melanco-
 licum illo tempore redundantem, sed potius in repē-
 tinam illius tempestatis in contrarium mutationem.
 nam ferè meridianis temporibus calor, nocturnis, at-
 que matutinis, & vespertinis frigus exuperat. nihil au-
 tem æquè epilepticas accessiones gignere, atq; eius-
 modi mutatio potest. Ab hoc eodem melancholi-
 co humore excitatam esse comitalem inuasionē re-
 gio pariter ostendit, quæ quidem calida sit, ac sicca.
 Talis enim regio atros, melancholicosque humores
 progignit. Vnde verisimile fit melancholiæ vitij pa-
 tere magis Arabes, Mauros, Syros, & Indos, qui om-
 nes feruida incolunt loca, quàm obnoxij sint Galli,
 Britanni, Scythæ, Thraces, atque Germani, qui ge-
 lidis in locis habitant. Quare vt in illis comitiale sym-
 ptoma ex melancholia, ita in his expituita magis fiet.
 Ideo cuilibet ipsorum mutatio in locum contrarijs
 qualitatibus affectum mirum in modum ad morbi
 liberationem conducet. Ex epileptici verò studiis
 conijcies etiam an melancholicus humor affectionē
 progignat, nempe si motui, ac labori deditus fuerit.
 Labor enim melancholicum gignit humorem, præ-
 fertim si fuerit diuturnus. Quantò etenim longior,
 tantò erit ad atram bilem generadū magis proclivis.
 Omnis nanque localis motus, (ad quē labor, & exer-
 citium

Lectio de Epilepsia

citium reducitur) calefactius est , ea prorsus ratione, quam apud Aristotelem vidimus . Nimirum , aut quia adducit calefaciens, vt coeli motus astrum supra hemisphaerium : aut quia per confricationem, aut concitatum medij diuisionem producit . Quaecunque autem in nostro corpore calorem adaugent, haec ad atræ bilis generationem corpus ipsum aptissimum efficiunt . Demum ex viuendi ratione, præcipuè vero cibo, & potu, si melancholicum humorem pignendi facultatem habuerint, indubitata serè coniectura assequi possumus, à tali humore morbum hunc progenitum esse . Quanam verò sint cibaria atrum humorem acruantia, in therapeutica abundè satis ostendetur . Ex his ergo omnibus non modò in comitiali, sed in omni alio morbo, diligenter expensis, ac examinatis, efficientem causam non difficulter inuenies, qua cognita, & ablata vnà etiam morbi ipsi auferuntur .

Lege Gal. 3.
de loc. aff. c.
17.

De signis epilepsiae à ventriculo, cæterisque corporis partibus progenitæ

Lect. XXVI.

Agamus iam, quæso, honestissimi Adolescentes, de signis, quæ comitiale symptoma cõsortij lege non à ventriculo tantum, sed ab alijs etiam corporis partibus genitum prænunciant . Magni siquidem refert, plusquam ad medica præsidia accedamus, non ignorare num affectio in cerebro per se sit, an verò ipsi aliunde communicetur . Cuius quidem rei vniuersalis aliqua nota inuestiganda est, antequam ad particulares descendam . Quamobrem

obrem signum vniuersale per consensum esse epilepsiam, actiones erunt cerebri haud profecto ita vitiatæ extrâ accessionem, vt in epilepsia fit in cerebro per essentiam genitæ. Consensus enim propriam cerebri intemperiem, qua animales functiones omnes magnopere oblaeduntur, per se non procreat. Exordiar verò, inter particularia, à signis, quæ malum per consensum à ventriculo factum significant. Hæc igitur sunt palpitatio ipsius ventriculi, tumultus, & erosio; Insuper ex inedia, seu cibo tardius assumpto, excandescunt, quibus à stomacho vitium oritur. His adde cordis tremorem, capitis dolorem peracerbū, vociferationem, rugitum, stridoris, genituræ, & vrinæ defluxionem, lenem morbi accessionem, eiusquæ facilem solutionem cum vomitu. Inter quæ signa recensentur aliqua communia potius, quàm huius partis peculiaria. Quare hac in lectione propria tantum epileptici per consensum à ventriculo expendam, reliqua suo loco. Quantum ad palpitationem, quæ est partis quædam præter naturam dilatatio, retentivæ facultatis ipsius ventriculi imbecillitatem præsert præ quâ stomachus cibos amplectitur quidem, sed cum vibratu quodam, atque tremore. Vnde concoctio debilitè peracta, crassiores generat, flatus, qui dum exitum quærunt, palpitationis motum efficiunt. Itaque si epilepticum huiusmodi ventriculi symptoma præcedit, verisimile certè fit, illum per consensum ab ea parte affectionem perpeti, ob quandam crassarum partium substantiam ab eodem ventriculo in cerebrum expirantē. Sed illud hoc, in loco prætereundum non est, palpitationem epileptici morbi non modò à stomacho, verù etiam ab alijs corporis partibus, quæ dilatari, distendiue possint, originem

Ex Paulo li.
3. c. 13.
Ex Auic. c.
de epil.
s. de loc. aff.
5.

Lectionum de Epilepsia

I. 1. trac. 5.

A. 3. trac. 6. c.

18.

Vide Gal. de

symp. caus.

lib. & c. 2.

ginem ducentis signum nobis esse. Quam rem pariter docuit Auicenna cum scripsit palpitationem comitialis morbi in præcordijs geniti notam existere. Palpitatio enim fit non in ventriculo solum, sed in omnibus corporis particulis, in quibus dilatatio, distensioq; accidere possunt: neque enim os, cartilago ve vnquam palpitant, cū dilatari nullo modo queāt: atque hanc cuti subinde contingere sæpe videmus, nonnunquam verò etiam subiectis illi musculis. Insuper non ita rarò ventriculo, vesicæ, vtero, intestinis, iecinori, lieni, & septo trāsverso accidere potest, atque omnibus quæ distendi, dilatariq; valent, ita vt cum arterijs, tum cordi ipsi contingere videatur, aliud quæ in his præter pulsū motus existat. Cum itaque tot partibus palpitatio accadat, iure merito dicitur eā esse notam epilepsię ab omnibus corporis particulis distensionem admittentibus emanantis, non tantum illius, cuius est à ventriculo prima origo. Illud sanè prætercundum non est, palpitationem, quæ comitialis symptoma per consensum ab hypochondrijs genitum significat, à melancholicis vaporibus creari. Proinde scriptum reliquit idem auctor, quòd si huiusmodi palpitatio diutius protrahitur, aut melancholiā hypochondriacam, aut epilepticum morbū præinducat. Hæc de palpitatione, venio iam ad tumulū, quem effici tunc Galenus ipse testatur, dū in ventre fluctuant ingesti cibi. Elicitur hoc manifestè ex eodē Galenō, vbi fluctuationes cum sonitu retentricis facultatis non probe vndiq; cibos amplexantis symptoma esse docet. nam tradit quòd cū retentricis, & complectentis facultatis agendi probitas in ijs duobus consistat, vt tū nullus ab ea locus relinquatur inter ventrem, & cibos vacuus, tum complectendi tempus

Auicenna.

De symp.
diff. c. 4.

pus

pus cum concoquendi tempore exæquetur, vel altero tantum non probe actionē obibit, vel utroque: symptomataq; consequentur, imbecillo quidem complexui. fluctuationes cum sonitu, quas Græci clydonas vocant, & flatulentia: Iniuſto autem complectendi tempore excretio celer, & ciborum in inferiore ventre corruptela. Merito igitur fluctuatio cum sonitu, quam sub nomine tumultus Paulus ipſe designauit, epilepsiam per conſenſum à ventriculo prouenire nobis ostendit. In tali enim ſtomachi vitio rationi conſonum eſt copioſam flatuum multitudinem in cerebrum efferri, quæ ventres obſtruendo epilepsiam pariat. Huius generis erofio quoque exiſtit. Sed hæc illius tantum, ni fallor, epileptici caſus à ventriculo originem trahentis nota euadit, qui non à crassa aliqua vaporosa ſubſtantia, ſed à bilioſis, mordacibuſq; ſuccis in os ipſius ventriculi conſluentibus, leuemq; ibi etiam continui ſolutionem efficientibus, produci ſæpe videtur: cuius modi epilepsia capiebatur Græmaticus ille Galeni, Quoties nimis vehementer duceret, aut cogitaret, aut irasceret, aut in ediam ſuſtineret. Spectat huc comitialis conuulſio eorum, qui à cibo ſerius aſſumpto excaſcunt, quales omnino ſunt picrocholi Græcis nuncupati, in quorum ventriculo, præſertim ſi irascentur, aut diutius, quàm illorum met conſuetudo ferat, in ediam tolerant, bilioſi humores acres coguntur, à quibus membri illius ore ſenſilij maxime affecto, mordicuſq; vellicato, lenis epileptica acceſſio inuehitur, ob aſſinitatem nimiam, quàm cum cerebro per ſextam cerebri propaginem ſtomachus ipſe contrahit. Hoc ſenſu intelligendus eſt Galenus cum dicit epilepsiam concitari ob ſtomachi inanitionem. Patientes id mali genus

s. de loc. aff.

s.

Vide Gal. s.

de comp. me

dic. ſec. loc.

c. 1.

De venæ cō

tra trahē,

c. 1.

ven-

Cordi infu-
per cōmuni-
cat ob vici-
niā: magnē
enim arte-
rię ventricu-
li corpus in-
hæret.

ventriculi vitio cordis etiam tremor adfligit, siue hoc
dicatur de ipso met corde, siue de ore superno eiusdē
ventriculi. De vitio quē enim rectē efferrī potest:
Notum siquidem est vnicuique vestrum tam ex cō-
sensu præditum esse orificium ventriculi superius, vt
in eius affectionibus, et in ipsum affici videatur; hinc
passio cardiaca, quod *καρδιακή*. Greci os ventriculi nū-
cupauerint: quoniam scilicet ipso laeso, eadem fere
symptomata, eademq; præpmodum animi deliquia
nos concomitantur, quæ cordis læsionem conse-
qui solent. Verum non ventriculus solū, sed pars
quælibet cui plurimus insit sensus, facultatem habet
animi deliquia, & syncopas inferendi, corde ipso in
consensum ducto. In digiti punctura hoc sapius ac-
ciderē videmus. Hinc discas vel in ventriculum, nō
quia cordi propinquus, eidem proprias passiones cō-
municare, sed quia exactum possidet sensum. Nam
quantumvis vicina pars sit, vt pericardium, ni egre-
gium habeat sensum, huiusmodi accidentia inferre
nequit. Non semel autem ostensum est vim hanc
tam acriter sentiendi ventriculo accedere à sexto ner-
vorum pari, à quo quāprimū tum dexter, tum si-
nister recurrens vocatus nervus ad orificium ventri-
culi iam dictum peruenit, in multos nervulos quasi
retis in morem diuiduntur, & eos illud amplexantur;
quam ob causam sensum tactus in superno ore ven-
triculi maxime vigere scriptum reliquit Galenus, quā-
quam alibi idem dixerit, non in omnibus eque exacti
sensus os ventriculi reperiri, quod sane, vt esse possit,
primā facie non intelligo, præsertim si de ventriculi
ore loquamur; tui secundum suam innatam habitu-
dinem se habeat, cum in omnibus eque nervorū iste
consensus existat. Addit Auicenna per acerbum ca-
pitis

LL. de vitio
par. c. 9.
3. de loc. aff.
9.
Lib. 1. c. 5.

pitit dolorem perferri ab his, qui per consensum à stomacho affectionem hanc pati coguntur. Causa huius doloris nulla, ut puto, alia censenda est, quam vapores à ventriculo eleuati, qui vel multitudine, vel acri qualitate cerebri membranas distendendo, aut molestè feriendo, ingentem capitis dolorem producunt. Sed quoniam talis etiam penè dolor sentitur ab ijs, in quibus non à ventriculo, sed per essentiam in cerebro symptoma hoc generatur, alia signa expendenda sunt, quibus rem certius dignoscere valeamus. Cætera signa ab Auicenna posita omittuntur, quoniam partim cõmunia sunt alijs epilepsiæ speciebus, partim verò per se satis clara, atque perspicua. Hucusque de ventriculo, ad alias modò corporis partes accedendum est. Prouenientem ab interaneis epilepsiam, ob vermes in ipsis latentes, indicabunt frequens saluæ defluxio, lumbricorum, & ascaridum emissio, & demum punctio in imo ventre accessus temporis percepta. Signa autem comitialis casus per consensum ab hypochondrijs erunt eadem prorsus quæ melancholiæ hypochondriacæ adscribuntur, ructus nimirum acidi, inflatio, rugitus, & dolor in ventre nō ita breui tempore quiescens, propter materie crassitiem, quæ plerunque est melancholica, pituitosaq; simul. Quandoq; etiam in tali epilepsia perferitur inflammatio in hypochondrijs ipsis ab humoribus calidioribus, ut biliosis, vel alijs ibidē putrescentibus. Ad hæc scribit Auicenna nonnunquam excitari dolor in inter utrasque spatulas post cibi tamen assumptionem: qui dolor à celebrata concoctione quietem adinuenit: deinde, nouo cibo assumpto, reuertitur. Quod sanè, ut puto, accidit, quoniam in ventriculo cibus ipse corrumpitur, à quo acres, pra-

& dolor, & stupor, & tremor sequuntur. atque in caput impetum faciunt, si & malum surrepens caput inuasit. His porro fragor quidam redditur perinde, ac si ab ligno, aut lapide verberentur. Cumq; ab humore surrexerunt, quædam tanquam si ex insidijs vapulassent, commemorant. hoc sanè pacto illi, quibus primò id malum incidit, decipiuntur. Quibus verò familiare, & consuetum est, simul atque morbus in digitum impetum dedit, aut inde exortus est, visitatos, qui adsunt, adiutores inelamant, futuramque ab experimento calamitatem prospiciunt; obsecrant quoque, ut membra, unde oritur, constringant, reflectant, dirigant. quinetiam ipsimet sibi ipsis affecta membra, tanquam inde morbum eximentes trahunt, velluntque; atque ita sibi met auxiliantes, nonnunquam & nos ad ægritudinis notitiam impulerunt. Quod si ab Aræto tradita exemplo aliquo sunt confirmanda. paucis ab hinc annis Venetus quidam iuuenis comit ali conuulsione per consensum à minimo sinistrae manus digito corripì per intervalla solebat, à quo digito, præcipuè verò ab ea parte, quæ inter unguis radicem, & nodum versatur, nescio quid primùm eleuari æger ipse affirmabat, ita tamen, ut antea uniuersus digitus leui quodā motu palpitaret. Adscendebat autem, quod eleuabatur, veluti psallendo, per brachium in caput, ut patiens affectionis causam in cerebrum migrantem manu ostenderet; qui iuuenis, ut idem mihi retulit, ab hoc symptomate persanatus est opera, & studio Bontij Leonis Physici, atque Chirurgici omni laude dignissimi, qui corpore prius diligenter purgato, cerebroq; corroborato, phenigma digito adhibuit, legato interim carpo, ut auræ adscendenti aditus intercluderetur: Qua arte etiam sanatum fuisse

Lectionum de Epilepsia

fuisse iuuenem illum Galeni, cuius morbi origo à cru-
re incipiebat, medicorum nemo ignorat.

*De signis epilepticorum, qua pathognomo-
nica dicuntur. Et an oris spuma pe-
culiaris sit epilepsia nota, cum Paulo,
ac Altomario: ubi Erasius reprehendi-
tur.*

Lect. XXVII.

Philosophi singularum rerum summas habent
proprietas, quibus solis speciem necessariò
concludunt, ut risibile hominis, hinnibile e-
qui. Nam apud eos quicquid ridet homo, quicquid
verò hinnit equus iudicatur. At medici cum morbi
propria non habeant accidentia, quibus solis morbi
speciem demonstrare possint, ea propter ad signorù,
quam vocant, syndromè confugiunt, ut ex illis simul
iunctis, non segregatis, morbi speciem necessariò
conuincant. Non enim protinus pleuriticus existi-
mandus est, quicumque punctorium sentit in latere
dolorem, sed si vna etiam febriat, tussiat, ac difficul-
ter anhelat, certò pleuriticus habetur. Huius gener-
is signa appellantur medici pathognomonica, quasi af-
fectus demonstratiua, quæ perpetuò morbum conco-
mitantur. Ideo cum ipso morbo incipiunt, & cum
eo pariter finiunt. Hæc apud medicos vim illam ob-
tinere videntur, quam apud philosophos signa ^{τεμπέρα}
vocata, ex quib. fit demonstratio Aristoteli ^{τεμπέρα}
dicta, ex signis necessariò concludens. Postulat au-
tem iam incepti ordinis ratio, ut signis epilepticum
affectum præcedentibus propositis, ac enarratis, ad
ca

ea me signa conferam, quæ morbo præsentē apparēt,
 quæ nō modo pathognomonica, sed etiā alio nomine
 diagnostica appellantur. Hoc in casu, quamprimum Ex Pauloli,
3. c. 13.
 inuasit, egri concidunt, conuellanturque: tum im-
 potens quædam vox interdum suboritur. sed pecu-
 liaris admodum mali notā est oris spuma. Non de-
 sunt etiam quibus viina, & sterco præter voluntarē
 excernitur, nonnullis & genitura. Hæc Paulo præ-
 sentem faciunt morbū comitalem. Rhasis verō tria 9. ad Almā.
 tantum signa ponit epilepsiæ iam præsentis, nimirū
 cadere, contorqueri, & mentem intercipi; reliqua
 enim, quæ subiungit, inter alia dentia non necessariō
 morbum cōcomitantia enumerare videtur, quæ sunt,
 spumam emittere, & excrementa alui, & vesicæ, &
 seminalium vasorum excernere. Hæc enim, inquit,
 affectum grauiorem esse significant. A Paulo in eo
 differt, quod inter signa non necessaria oris spumam
 collocauit. Celsus etiam dixit huius mali indicia esse
 quando homo statim concidit, & ex ore spumæ mo-
 uetur: deinde interposito tempore ad se redit, & per
 seipsum consurgit. His addatur spirationis difficul-
 tas, quam tamen Auicenna deteriori solum epilepsiæ
 adserbere videtur. Hæc omnia iam relatā sympto-
 mata non in omnibus epilepsia correptis æquē cernū-
 tur, sed in his potissimum, qui tali morbo essentiali-
 ter cerebrum occupante laborant, vt hinc constet
 haud parū errasse Auicennā, qui epilepsiæ per con-
 sensum à ventriculo genitæ signa statuit rugitum, ster-
 coris, urinæ, ac seminis inuoluntariam emissionem,
 quæ certē, si peculiaris alicuius epileptici casus notæ
 vocandæ sunt, non aliū quàm in cerebro per essen-
 tiam productū nobis indicabunt. qui nanque ven-
 triculi, aut alterius infernæ partis consensu, comitia-
 les

Lectionum de Epilepsia

les euadunt, vix concidunt, leuiterq; conuelluntur, nec multa circa ipsorum labia spuma apparet, tantum abest, vt ipsis illa contingant accidentia, quæ scripta sunt ab Auicenna. Concidunt autem in ipso morbi insultu comitiales sensibus, ac mente capti, nec non etiam contorquentur, ex subita meatuum spirituum obferatione, & cerebri contractione. Cadere enim subito deperditæ animalis facultatis in membris nota existit: quod certe non aliunde provenit, quam ex repentina ventriculorum cerebri occlusionē. Contorquentur verò epileptici, motusq; vniuersi corporis vitiosos patiuntur, quoniam nerui cerebri motū imitantur, eandem noxam sentiēdo, quæ cerebrum afficitur. Mens verò, hoc est, omnis cognotricis animæ operatio læditur, imò aufertur, læso maximè primo eius instrumento spiritu animali, qui in cerebri ventriculis supra ostensis continetur, à quorum præcipue occlusionē id genus morbi inuehi demonstratum est. Quantum attinet ad oris spumam, Paulus, & post eum Altomarius contendunt eam esse peculiarem huius mali notam, vt alijs notis omnibus anteponenda sit; Rhasis verò inter assidentia signa enumerat, vt eam non semper in hoc morbo correptis apparere censeat. Atqui persæpe visi sunt, qui epileptico symptomate corruerunt, absque aliqua oris spuma. Præterea huiusmodi spuma recēsetur inter signa apoplecticorum. Ergo non erit propria, & peculiaris comitialium nota, vt Paulus, & Altomarius existimant. Proprius enim vocatur, quod vni perpetuò conuenit. Quare ad controuersiam hanc dirimendam, agendū prius nobis est de generatione spumæ in vniuersum, deinceps verò quomodo illam in epilepsia laborantibus fieri contingat, & an pariter eius mali peculiaris

ris nota statuenda sit, non difficulter docebo. Ad
 spumæ igitur generationem duplex efficiens, duplex-
 que etiam materialis causa concurret. Pro materia
 nanque spuma humorem, & spiritalem substantiam
 habet, pro agenti verò, vel motum, vel calorem, vel
 utrunque simul: Probantur hæc omnia ex Galeno,
 qui de spumæ generationis modo, & causis loquens, 2. aph. 41.
 tradit spumam duarum substantiarum mixtione per-
 fici, quarum spirituosæ una est, altera humida. Hæ
 autem inuicem, ait, permiscentur, in multas partes
 fractis utrisque, & comminutis, atque plurimas inter
 collidendum paruas bullas excitantibus. Quod si ita
 fractus humor (cuius cum spiritu complexu bullas ex-
 citari contingit) crassitudine viscidus fuerit, tum in-
 de nata spuma soluta difficilis, & cōstans euadit: cu-
 iusmodi maxime cursu fatigatis equis, atque iracun-
 dia permotis apris circa os colligitur. Substantiæ por-
 rò utriusque comminutionis, & permixtionis causa
 aliàs existit, vel utriusque, vel alterius tantum motus
 violentus, aliàs calor vehemens, nisi quis forte hunc
 suo quoque motu spumam excitare dicat. Verum
 rei euidentiā secutis cautius, & certius fuerit, si du-
 plici, ius generatione constituta, in mari quidē ven-
 to vehementius ingruente, propter verberatum ve-
 hementem excitari spumam, in feruente lebere ob ca-
 lorem fieri dixerimus: sicque corporibus animalium
 per conuulsiones epilepticas, & motus vio-
 lencia, in apris calore spumam nasci solere: equorū
 verò cursu, utriusque causæ vehementiam locum ha-
 bere. Cum enim inter respirandum aer intrò, ac fo-
 ras continenter feratur, tum saluam ipsis tenuari, tum
 ex pulmonibus vaporis instar elatum quiddam ipsi
 permisceri, & complicari accidit, quod gignendæ
 spumæ

Lectionum de Epilepsia

spumæ adaugeat substantiam. Quæ cum ita sint de
 spumæ generationis modo, & causis, nunc sciendū
 à vobis est, iure merito Paulum, ac Altomarium sta-
 tuisse oris spumam peculiarem epilepticorum notā.
 quandoquidem prædictæ duæ substantiæ spirituosæ sci-
 licet, & humida, ex quarum mutua mixtione, colli-
 fioneq; parvæ multæ excitantur ampullæ, & spuma
 pronascitur, in epilepticis dubio procul existunt: Hu-
 mida quidem ex salivali oris humiditate, nec non for-
 tasse etiam ex humidiori materia, præsertim verò pi-
 tuitosa è capite promanante, originem ducit. Vnde
 superius à me non ab re fortè dictū est à copiosa spu-
 ma indicari pituitosum humorem affectū generare.
 Copiosior enim spuma circa os eorū colligitur, quo-
 rum morbus à pituitosis humoribus gignitur, quam
 fiat in ijs, quorum mali causa sit melancholicus hu-
 mor (sicciior enim est) aut aliqua alia causa à subiectis
 partibus in caput eleuata. Spiritalis autem substan-
 tia è pulmone adscendit, quæ cum humida commix-
 ta, eamq; mutuò coll dens, spumā & ipsa progignit.
 Hinc ne credas Erasmo arguto magis, quā docto, qui
 ex aerea hac substantia arguebat materiam comitia-
 lium accessionum esse omninò tenuem, imò flatulen-
 tam, vt Galeno contradicet, qui epilepsiam fieri vult
 cerebri ventriculorum obstructione, quam lentus, &
 crassus humor producat. Nā quæ vaporosa substan-
 tia ad spumæ generationem in epilepticis concurrat,
 non ex materia morbum excitante generatur, sed à
 pulmone sursum expirat, quæ oris humiditati immi-
 sta, & à motu violento agitata, spumam efficit. Qua-
 re Erasmo cum suis argutiunculis prætermisso, dica-
 tur tandem ambas substantias, quæ ad spumæ gene-
 rationem vna conueniunt, in epilepticis eo sanè mo-
 do

do reperiiri, quo dictum fuit, quarum causa in ipsis spuma generari consuevit, non quidem ex immodico in illas agente calore, sed propter motus vehementiam, inæqualitatem, ac violentiam, quæ omnia comitialibus, propter cerebri, aliarumq; partium depravatam motionem contingunt. Merito igitur peculiaris epilepsiæ nota dicitur esse oris spuma, censeat quicquid velit Rhafis: neque enim contra facit, quod aliquando visi sunt epilepsia correpti sine spuma. nam hoc de spuria potius, & quæ tali nomine dignanda non est, comitali inuasionem intelligere oportet. qualis omnino eorum censetur, qui absq; manifesta partium iactatione procidunt, quæ nescio an rectè epilepsia dici possit. In legitima enim, & verè epilepsia necessario semper adest spuma, quam ex humida, & spiritali substantia excitat comitialium accessuum motus vehemens, & inæqualis. Quod si quispiam obijciat apoplecticorum etiam signum spumam haberi, dicendum est mea sententia, eatenus oris spumam inter apoplexia laborantium signa reponi, quatenus infausum illius morbi euentum portendit: iuxta illud Hippocraticum; Stragulari, aut suffocati, nondum tamen mortui, ad se non redeunt, quorum circa os collecta spuma apparuerit. Quamobrem diuersa ratione oris spuma in apoplexia obseruatur. In ea si quidem ut prognosticum, in comitali verò morbo, ut pathognomonicum signum consideratur. Verum aliquis quæret à me, cur spuma hæc pro lethali maxime signo in apoplexia correptis habeatur, non item in epilepticis. Respondendum, quoniam in apoplexia, non ex magna musculorum mandibularum, aliarumq; faciei partium concussione, quemadmodum in epilepsia, huiusmodi spuma creatur, sed om-

Y ninò

Lectionum de Epilepsia

In li. de fac.
morb.

In lib. de fla-
tib.

ninò ex pulmone vehementer affecto, propter ingē-
tem in respiratione laxionem, ob quam calor in cor-
de magis, magisq; feruescit, excrementumq; fuligi-
nosum adaugetur, quod totum pulmo violenter ad
exitum impellit, simulq; cum eo humiditatis pro-
riē aliquid expellit. Quare in apoplecticis exitiale signū
est oris spuma, utpote violentiæ, quæ cordi, & pulmo-
ni infertur, index, dum respiratione prohibetur ani-
mans. Sed hac in re legendus est Galenus in comm.
mox citati aphorismi, ubi de strangularis sermo fit,
per quos etiam apoplecticos intelligit. Hippocrates
verò de spuma epilepticorum loquens, videtur eun-
dem generationis modum statuere, quo illam in apo-
plecticis excitari demonstratum prius est. Hęc enim
illius sunt verba: spuma ex ore prodit epilepticis ex
pulmone: cum enim spiritus non ingrediatur in ip-
sum, spumescit, & ebullit, velut moriens. Auctor
autem libri de flatibus, qui vnam, & eandem omniū
morborum originem esse, aerem nempe, aut spiritū
contendit, causam spumæ epilepticorum in hunc sa-
ne modum reddit. Spuma etiam per os illis excur-
rit, neque id ab re est. Nam per iugulares venas aer
transiens, penetrat quidem ipse, adducit autem simul
secum quod tenuissimum est in sanguine, id ipsum
cum humidum sit, multa permixtione albescit. Te-
nues enim membranas purus permeans aer pellucet,
quapropter & albæ spumæ omnes apparent. Et hæc
de spuma epilepticorum sufficiant. Impotens autem
vox, quæ interdum auditur in comitiali insultu arre-
ptis, nil aliud certè est, quàm sonus quidā extraneus
absque ullo prorsus concentu, vel ordine profiliens,
ob difficilem aeris expirationem, à musculis interco-
stalibus conuulsis progenitus, qui boatus cuiuspiam
simi-

similitudinem habet. Sed in epileptico symptoma-
te, præterquam in inuasionis principio, vox omnino
intercipitur, vt muti penitus comitiales euadant, vf-
que donec à paroxifmo liberi reddantur: cuius rei
cauffam docuit Hippocrates per hæc verba. Murus <sup>In li. de fac.
in orb.</sup> quidem est, cum pituita derepente in venas delapfa,
aerem excluferit, & non admiferit neque in cerebrū,
neque in venas cauas, neque in ventriculos, fed occu-
parit refpirationem. Cum enim accipit homo per
os, & nares fpiritum, primum quidem ad cerebrum
venit, deinde verò in ventriculum magna ex parte,
pars etiam ad pulmonem, & pars ad venas. Ex his ve-
rò ad reliquas partes in venas difpergitur, & quantū
quidem eius ad ventriculum venit, perfrigerat, & ni-
hil aliud confert. Idem præftat & quod ad pulmonē
venit. Qui verò ad venas peruenit aer, confert ad vē-
triculos ingreffus, & ad cerebrum. Atque fic fapien-
tiam, & motum membrīs exhibet. Quare vbi fuerit
exclufus à venis aer præ pituita, cumq; non fufcepe-
rint, mutum, ac defipentem hominē reddunt. Qui-
bus in verbis Hippocrates non modo vocis, fed & fpi-
rationis impeditæ cauffam affert. Verum de læfa re-
fpiratione in epilepticiſ ſermo fiet in ſubſequenti le-
ctione.

Lectionum de Epilepsia

De laſa reſpiratione epilepticorum, & quã obrem ſenſus omnes in hoc affectu amittantur, probabilior cauſſa aſſertur, quàm factum ſit in ſuperioribus. Eraſti error, & quam doctè Lucretius pathognomonica epilepsia ſigna deſcripſerit, cum ſuis cauſſis. Lect. XXVIII.

Li. 1. de loc.
aff. 1.
Lib. 4. c. 2.

INter ſymptomata epilepsie patientem inſtantis recenſetur & ipſa ſpirandi difficultas, quod, præterquam quod experientia comprobatur, Galenus etiam aperte conſeſſus eſt, dum comitiali morbo correptos, ut ſimiliter & ſopore, & catalepsi, atque lethargo violenter admodum, ac vix reſpirare memoriaræ proditum reliquit. Neque enim vlllo pacto dicendum ſibi non contare Galenum, quia alibi ſcripſerit. Cum autem oſſe quoque terebraperforato, medius ventriculus fuerit attritus: caros hominẽ occupat. ſed neque, conuulſione, neque difficili facta reſpiratione, quarum hæc apoplexiæ, illa epilepsie propria eſt: haud ſecus, quàm catalepsi, & caro, ſeruata ſecundum naturam reſpiratio. Quo in loco ſpirationem difficilem in epilepticis negare videtur. Nam hoc ſanè verum non eſt, ſi ſummi viri mens rectè intelligatur. quandoquidem cum cenſeat epilepsiam medium quid eſſe carum inter, ac apoplexiam, ſententia illius eſt non adeo integram ſeruari reſpirationem in epilepsia, veluti in caro, nec adeo difficile fieri, quemadmodum in apoplexia: At hæc non repu-

repugnant superioribus, quibus difficilem in comitialibus respirationem fieri docet, si tamen æqua libra ponderantur. Quòd si Paulus de hac læsi respiratione non meminit, hoc ideo fecit, quia communiter alijs quoque affectibus accidat. ibi enim propria tantum epilepsiæ signa proponit. Erit ergo in comitiali morbo spirandi actio læsa, de qua in hunc modum Aræteus: Respiratio verò suffocatio quedam est, veluti in his, qui laqueo strangulantur. sed hæc respiratio apoplexiæ magis, quàm epilepsiæ conuenit. Quomodo autem spirandi actionem lædat epileptica passio, in præsentilectione aperire decreui, quoniã per huiusmodi potissimum actionem haud penitus resecatam, satis probabili argumento ostendere posse nonnulli arbitrantur, animalem facultatem hoc in symptomate ad membra mouenda influere, nedum ad sensuum instrumenta; quod ego supra fieri posse negaui, cum dixerim virtutem animalem, si in epilepticis influat, tantam non esse, quæ motum aliquem edere valeat, cum in ipsis deperdantur omnes sensus, qui multo minori facultate peraguntur: licet reuera cur in epilepsia sensus minimè operentur, probabilior à me hoc in loco sit afferenda ratio, quã factum sit in superioribus; sed antequam ad hæc ipsa deueniam, breuibus considerandum qui fiat respiratio. Primaria igitur organa, quæ ad respirationem efficiendam concurrunt, quatuor omninò sunt, septum transversum, alijsq; thoracis muscoli, pulmo, & cor ipsum: illa quidem vt agendi, hoc verò vt finis rationem habet. Ideo nanque fit respiratio, vt qui calor circa cor est euentiletur, eiusq; temperamentum, ac symmetria conseruetur: quæ utilitas etiam à pulsibus ei, qui per totum animal dispersus est, calori cōtingit.

Lectionum de Epilepsia

tingit. Aliiter enim animantis interitus necessariò succederet, cum neque breuissimo tempore vita pro-
teletur, respiratione deperdita, vt exemplo sciti bar-
bari constat, qui spiritu retento sibi mortem consci-
uit. Vnde merito Galenus viuentem non spirare, &
spirantem non viuere impossibile esse exarauit, adeo
necessaria est vitæ spiratio. Diaphragma autem, alijs-
que thoracis muscoli cum pulmone, in respirandi ac-
tione celebranda agend. vim habere idcirco dicun-
tur, quoniam vbi distenduntur, inspiratio, vbi con-
trahuntur, expiratio gignitur, ex quibus respiratio ip-
sa constatur. Pulmões enim ad septi transuersi, ac
thoracis motum vnà quoque mouentur, quod abun-
de Galenus vacui necessitate demonstrauit, quāuis
Aristoteles scripserit pulmones ipsos originem sui
motus à corde trahere, qui etiam nullum diaphrag-
matis vsum agnouit, præter abiunctionem spiritua-
lium membrorum ab inferioribus. sed Aristotele re-
lieto, illud potius enucleandum est, num partes enar-
ratæ ad spirandi actionem præstandam voluntariè
moueantur, an naturaliter, vel partim voluntariè,
partim naturaliter. Hoc enim ad rei nostræ facilio-
rem solutionem magnopere conducit. Verùm ne
longius præsens lectio extendatur, quàm vestra ipso-
rum, siucnes egregij, humanitas fert, pro conclusio-
ne habeatur Galenū, cuius sub disciplina militamus,
voluisse respirationem omninò esse voluntariam, nò
partim voluntariam, partim etiam naturalem, vt in-
ter alios sentire videtur Conciliator. Suam verò de
hac ressententiā ex eo satis, superque probat, quod
cūlibet in manu sit respirationem cohibendi, vt pa-
riter illam citius, aut serius, crebrius, aut rarius facien-
di. Galeni verba habentur ad hunc modum. Ete-
nim

4. de loc. aff.
7. ibi. s. c. 1.
& 6. c. 4.

In de motu
thor. & pul.
3. de par. a-
nim. c. 6. &
i li. de resp.
c. 4.

nim si quæ fiunt, sedare potes cum vis, & quæ non fiunt, facere, idest motus voluntarius. Si præterea citius, aut tardius, crebrius, & rarius ea faciendi potestatem habes: non ne omnibus modis manifestum est, actiones eas seruire voluntati? Arteriæ certè motum & cordis, neque cohibere, neque excitare, neque crebriorem, neque rariorem, neque tardio rem, neque velociorem voluntas facere potest. Idcirco ne animæ quidem opera huiusmodi esse dicunt, sed naturæ: motum autem trurum in ijs omnibus ratio regit. nam & sedare dum fit, & rursus excitare quiescentem, & velociorem, & tardio rem, & rariorem, ac frequentio rem efficere potest. hæc eadem & in respirationis motu fiunt, quæ actio quidem est septi transuersi, & musculorum thoracis. Animæ autem non naturæ est opus. Siquidem mouere musculos, animæ officium est. Ex quibus Galeni verbis, qui non videt respirationem esse voluntatis actionem? Quod enim ad libitum, & ex voluntatis imperio cohibere spiritum possimus, exemplo serui barbari irati demonstratur, qui spiritu retento voluntariè sibi necem intulit. Non obstat autem, quod in oppositum de dormientibus affertur, in quibus seruatur respiratione, cum somni tempore cessent animales actiones. nam Galenus hanc ipsam instantiam primus omnium vidit, cui etiam eodem in loco abundè satisfecit. Vnde magnopere errauit Conimbricense Collegiū, In com. de resp. c. 1. quod disputans num respirationis motus magis voluntarius, quàm naturalis dicendus sit, naturalem magis esse contendit, quàm voluntarium. Ab ipsa ergo voluntate pender huiusmodi spirandi actio, ut respirationis causa nulla alia vocanda sit, quàm vis animalis à cerebro thoracis musculis communicata, quæ

Lectionum de Epilepsia

quæ quidem ex voluntatis iussu partes illas movet, quarum motum insequitur & pulmo. Quæ cum ita sese habeant, iam constare unicuique potest spirandi actionem vitari, aut vitiatis partibus, quarum propria, & peculiaris est actio, aut animali tantum virtute læsa, nullo in eius organis manifesto vitio existente. In actionibus enim animalibus evenire solet, ut absque proprio partis affectu amittatur actio; unde aliquando visio læditur, nullo prorsus in visionis instrumento vitio apparente, læso tantummodo spiritu animali, qui ad videndi actionem efficiendam à cerebro defluit. Quod si Galenustradit, nullam affici actionem, nisi pars, quæ illam facit, una etiam lædatur, sciat is id ipsum intelligi solum de naturalibus functionibus, in quibus semper ex lesione actionis membri, proprius eius affectus significatur. Quamobrem in epileptico symptomate ægrotantes difficulter admodum spirant, non quidem ob aliquam partium spirationi inservientium affectionem, sed animalium spirituum, qui à cerebro thoraci movendo impartuntur, imbecillitate, ob eiusdem cerebri ventriculorum occlusionem, præ qua fieri supradictum est, quominus functio animalis in sensuum domicilia effundatur, nedum ad motum aliquem præstandum, qui maiori spirituum affluxu indiget. Verum negari nullo modo potest, spiritum animale in epilepsia ad partes cerebro subditas permeare, cum per eum respirationis motus celebretur. Quod verisimile inde quoque fit, quia ex semiobstructione tantum ventriculorum huiusmodi passio procreatur, non integra, veluti apoplexia. Unde relinquatur locus pervius spiritibus ad nervos, qui viam motricem ad musculos thoracem attollentes deferunt. Quinimo etiam in apo-

apoplexia, in qua facta comparatione cum epilepsia, integram fieri obstructionem asserimus, aliquo ex pacto seruetur respiratio, si adeo integra obstructio non est, quæ ventres omnino occludat, aditumque omnem spiritibus impediat: tum enim respiratione prorsus priuatum animal præocatur. Vnde merito Galenus magnitudinem periculi in apoplecticis, à magnitudine noxæ respirationis coniiciendam esse docet. Quamò magis igitur affluet in epilepsia spiritus, in qua eorummet sedes, ac domicilium magna ex parte patet. Hinc tamen arguendum non est commitialium motus à virtute mouente progigni, ac si secundum naturam essent, & voluntarij, quemadmodum præter Rondeletium, & Mercurialem, quorum opinionem iam expugnaui, Thomas etiam Erasmus perperam contendit. nam motus epilepticorum magni Li. 4. in Pat. fac. sunt, ac vehementes, sed inuoluntarij, quoniam cerebri motum insequuntur; quod membrum dum se contrahit circa rem noxiam, & insensam ventriculos obstruentem, aut vellicantem, sicuti in epilepsia fit per consensum, trahit vnà neruos omnes, nerui musculos, musculi verò pertendines membra ipsa: quare vniuersalis partium concussio excitatur. Ideo Loco mox citato. Galenus, cæterum, ait, velox eius discussio crassum humorem spiritus meatum in cerebri ventriculis obstruentem hunc maximè affectum peperisse declarat, neruorum principio seipsum quatiente, quo excutiat id, quod noxum est. Mirum autem videri cuiquam nõ debet, quod motorij spiritus ad thoracis partes mouendas deferantur, sensibus tamen omnibus careant epileptici, cum minori spirituum copia egeant sensus ipsi. Nam in epilepsia amittuntur sensus, non ob omnimodam spirituum animalium ad sensum in-

Lectionum de Epilepsia

Instrumenta prohibitionem, cum cerebri ventres spirituum sedes integrè non occludantur, sed magna ex parte ipsis spiritibus patefiant, verùm potius quoniam sensuum alterationum perceptio à principe facultate excipitur, quæ cum in epilepticis vitrà modum vexata sit, & occupata in re noxia à se quàm longè fieri potest, expellèda, sensibus oblatas alterationes minime sentit; ideo etiam si pungas, vel exuras ægrum, non conqueritur: multo minus audiet, licet eum altius appelles, & videndi sensu exteriora objecta percipiet. Colligitur hæc ratio ex Hippocratis, & Galeni verbis, dùm comitiales neque recordari, neque audire, neque videre, neque vlllo in summa sensu vñ scripserūt, quoniam videlicet cum memoriæ viribus ratio pariter afficitur. Accidit enim epilepticis, quod mente ægrotantibus, qui etsi aliqua corporis parte dolendi causam habeant, dolorem tamen minime sentiunt, de quibus in hunc modum Hippocrates. Quicunque parte aliqua corporis dolens, dolorem non sentiunt, his mens ægrotat. Respiratio autem, propria musculorum thoracis actio, ab animali virtute pendens, seruat in epilepticis, in quibus aliæ animales actiones feriantur, quoniam natura adeò sollicita est de vitæ animantis conseruatione, ut hoc in affectu vim omnem, atque conatum ad respirationis rationem adhibeat, sine qua viuere animal non potest: nam si eam alicui adimes, quam citò mortem afferes, Galeno auctore. Cordis enim temperamentum soluitur, quò fit tandem, vt animalis etiam necessario succedat interitus, eiusdem vini sententia: Id ipsum profectò mirandum magis est in apoplexiatentatis, in quibus, alijs omnibus musculis stupentibus, & immotis, soli thoracem atrolentes, & dilatantes musculi

In de vfu
resp. c. i.

s. de loc. aff.
7.

sculi saepe mouentur, quamuis id vix, agere que fiat. Quod sanè, inquit Galenus, propter necessitatem ^{zaph. 41.} respirationis vim neruis concentram excitantis ad actionem, accidere videtur. Ob eamq; causam omnino in apoplexia, qui thoracem attollunt musculi omnes agunt: quamuis autè raro omnes, exempli gratia, in vehementissimis corporis exercitationibus agerent. Siquidem propter eiusmodi motus vehementiam respiratione opus est quam maxima: secus habet in apoplectis: neque enim quia respirandi aucta sit necessitas, sed propter virtutis imbecillitatem mutuò auxiliari coguntur omnes musculi thoracem diducentes, quemadmodum alioqui in ijs etià, qui propter febres imbecillam virtutem habent, sese eadem de causa omnes mouere coguntur, singulorum actiones in summam vnà colligentes illam certè quidem minimè contemnendam. Et hæc de læsa respiratione epilepticorum, vt eorundem etià sensum amissionis causa sufficiant. Denique audiendus est Lucretius præclarissimus philosophus, qui symptomata cuncta epilepsiæ iam patientem molestantis tam aptè, ac ex arte descripsit, & enarrauit, vt quemadmodum apud omnes, ex his, quæ tam ingeniosè de natura disseruit, insignis philosophi nomen adeptus est, ita mihi, ex his, quæ de comitialibus adeò exactè cecinit, tanquam pereximius medicus utiq; commendandus videatur, in cuius etiam de natura libros spero me, Deo annuente, philosophica commentaria æditurum. Lucretij hæc sunt carmina:

i. de nat.

Quinetiam subita vi morbi saepe coactus
 Ante oculos aliquis nostros, vt fulminis ictu
 Concidit, & spumas agit, ingemit, & tremat artus:
 Desipit, extentat nervos, torquetur, anhelat:

Z 2

Incon-

Lectio de Epilepsia

*Inconstanter, & in iactando membra fatigat.
Nimirum, quia vis morbi distracta perartus
Turbat agens animam: spumantes aquore salso
Ventorum ut validis feruescunt viribus unda.
Exprimitur porro gemitus: quia membra dolore
Afficiuntur: & omnino quod semina vocis
Eliciuntur; & ore foras emerata feruntur;
Quas quasi consueverunt, & sunt munita viai.
Desipientia fit, quia vis animi, atque animai
Conturbatur, & (ut docui) dimisa seorsum
Disiectatur eodem illo distracta veneno.
Inde ubi iam morbi reflexit causa, reditq;
In latebras ater corrupti corporis humor
Tum quasi vacillans primum consurgit, & omnes
Paulatim redit in sensus, animamq; receptat.*

*Quæ symptomata circa finem epilepsiae, &
ea iam finita cernantur. An in para-
lysim hic morbus desinat, & quò mate-
ria illius causa trudatur. Vbi Ferne-
lij, & Mercurialis errores deteguntur.*
Lect. XXIX.

CVM meum sit consilium, Adolescentes,
hoc mane symptomata, quæ in comitiali-
bus, iam finita inuasionem, cernuntur, in
medium afferre, minime abs te fore existimaui, si ea
quoque nunc enarranda proponerem, quæ circa ac-
cessionis finem in plurimis epilepticorum apparere
solent. Hæc autem nil aliud certè sunt, quàm urinae,
geni-

genituræ, & stercoris inuitæ excretiones, quæ morbi remissionem non minus turpē reddunt, quàm eiusdem inuasionis initium terribile efficiant superius tradita accidentia. Triste mediis fidiis comitialis inuasionis spectaculum, turpis & eius desinentia cum semine, lotio, & spontina ventris solutione, inquit

Aretæus. Horum verò trium symptomatum vnica tantum videtur esse causa, nimirum totius corporis concussio, quæ verè comitiales perpetuò concomitatur. nam quantum ad alui, & vesicæ inuoluntariam excretionem spectat, in hunc prorsus modum fieri solet: Musculus, qui vesicæ ambit ceruicem, eam adeò stringit, vt nihil humoris ex vesica in meatum ingredi possit; quam etiā actionem, ac vtilitatem præstat musculus, qui recti intestini extremam partem ambit. Ipsis ideo in epilepsia musculis conuulsis, neque vrinam vesica, neque stercora alius retinere potest; & vtique præter voluntatem excernuntur. Confert horum excrementorum solutioni musculorum abdominis compressio, à valida comitialium concussione producta. Genitura autem epilepticis inuiè exit, spermaticis vasis tensis, atque contractis. Quemadmodum enim, hoc in affectu nerui conuelluntur, sic & vasa seminalia, in qua conuulsione expellunt. Id quod ante nos vidit Matthæus Curtius.

Lib. i. c. 4.

Verum si vniuersalis partium concussio, motus in comitali morbo tētatis generatur ex eo, quod nerui cerebri motum violentum, musculi neruorum, musculorum tendines, horum verò mēbra insequuntur, dubitabit aliquis nūm seminis excretio fieri possit, quæ à vasibus tantum seminalibus absque vllō musculorum usu celebratur, quamuis in naturali seminis ei aculatione musculosa quædam substantia circa penem

In Anato.
Mund. c. 23.

nis

Lectio de Epilepsia

his meatum sita, quam semel, & bis ostendit mihi in
 corporum dissectione Flaminius Rota vir apprime
 doctus, & in hoc ubiq; decantato Gymnasio per ce-
 lebris Anatomiae professor, iuuet ad eiusdem penis
 dilatationem, ne fortè coniuueat, pro faciliore cum
 feminis, tum etiam lorij exitura. Perquam facilis ef-
 set responsio, si vera foret opinio affirmantium pluri-
 titiam geniturae partem à capite per venas iuxta aures
 in femora, & testes descendere: sed quoniam hanc
 ipsam opinionem à vero alienam esse omnes Anato-
 miae procères vnanimiter testantur, dicendum po-
 tius est mea sententia, semen externi in epilepticis,
 non musculorum conuulsione, vel in alui, & vesicae ex-
 cretionibus accidit, sed quia vnà cum alijs corporis
 partibus conuulsis, atque contractis, vasa quoque se-
 minis contrahuntur, comprimunturq; ex quorum
 compressione genitura ipsa excernitur. Causam
 hanc obsecisse videtur Aretæus, qui scripsit: nonnul-
 lis etiam adstrictis, compressisq; vasculis semen ex-
 cernitur. Quod si aliquis harum trium excretionum
 causam in retentricis facultatis imbecillitatem refer-
 ri debere contendat, non absurda fortasse loquetur,
 Ob huiusmodi enim retentricis functionis infirmi-
 tatem, neque musculus qui vesicae collum, neque qui
 recti intestini extremam partem ambit, neque de-
 mum oblique vasorum seminarium fibrae, quas ad re-
 tinendi officium natura deputauit, proprio fungi mu-
 nere valent. Quam sententiam illud confirmare vi-
 detur, quod hae symptomata, nisi prope accessionis
 finem, minime cernuntur, cum diù, multumque iam
 dictae partes à magna concussione fuerint defatigatae,
 nam veluti eneruatae, quae intra se continent, spontè
 egredi permittunt. Hae prope accessionis finem pa-
 ti so-

Fuit hæc o-
 pin. Hip. ill.
 de genit. &
 de off. nat.

Cap. 5. lib. 1.

ti solent epileptici, ea verò iam peracta, veluti sopor quidam illos occupat. Remanent enim tunc non modò sensibus, vt antea, sed omni etiam motu destituti, immo tanquam emortui aliquo temporis spatio videntur. De hoc sopore intelligendus Paulus, qui Lib. 1. c. 9. earum inter, atque lethargum discrimina ponens, Varus, ait, al' quot alijs affectibus superuenit, febriù, exempli gratia, accessionibus, comitialibus. Nisi de cæro fortasse loquatur Paulus, quo multi è comitialibus infestari solent, priusquam ab accessione tententur: Vidi enim & ego nuper Venetijs quadrum puellum Bononiensem alto somno adeo oppressum, vt immobilis, insensibilisque per binos fere dies extaret, pro cuius curatione vix remedia excogitare aggredior, dum repentè in comitalem demigrat affectum, à quo etiam vitali aura priuatus interijt. Quidquid autem Paulus intelligat, pro indubitato habendum, epileptici, inuasiõe peracta, soporem contingere; grauiorem quidem his, quibus per essentiam affectio orta est, leniorem verò, quibus eum que p. r. consensum euenit. Vnde iure merito Aup 1. ter. trac. 9. c. 9. cenna, prauæ epilepsie notas referens, hæc præfert verba. Signa verò eius, quæ prauior est, sunt difficultas anhelitus, & prolixitas agitationis, deinde longitudo quietis post ipsam. Vbi per longam quietem quid, obsecro, aliud intellexit Arabum medicorum princeps, quam soporem, qui post transactum epilepticæ exacerbationis concussuum motum patientes inuadit? non alia, puto, ratio, quam longus, & profundus somnus eos, qui nimium vigilarunt, ac citius pondera, & labores pertulerunt. Ideo nanque eos occupat somnus, vt qui spiritus cum vigilijs, tum laboribus fuerint defessi, ac resoluti, reſciantur,

Lectionum de Epilepsia

tur, denuoque regenerentur. Galenus enim vigiliæ comparabat epilepsiam, in qua etiam vehementissimo motu defatigantur ægrotantes. Verum dicit aliquis perperam Auicennam longam quietem (si per eam soporem intelligit) inter prauas epilepsiæ notas collocasse. nam qui sopor præ longavigilia, aut labore ex spirituum defatigatione, resolutioneve originem habet, qualem etiam comitialibus superuenire existimandum est, suavis admodum & naturæ perquam gratus esse consuevit: quæ autem naturæ grata sunt, eadem & vtilia, tantum abest, vt maius ex illis naturæ periculum impendat. Dicerem ego idcirco Auicennam velle quietem longam, aut soporem esse prauæ comitalis accessionis notā, quia vehementem præcessisse insultum significat, vt patientes non nisi post longum tempus ad se redire, & proprijs vti functionibus valeant, amissis viribus, & spiritibus resecti. Duo remanent discutienda, vt nostra intentio in hodierna lectione absoluator.

Vnum, an in paralyfim finiatur epilepsia: Alterum, quò extrudatur materia tam horribili symptomatis causa. Quod ad primum attinet, in dubium eade causa vocatur, quia Galenus in hoc non modò Auicennæ, sed etiam, quod magis refert, sibi ipsi contrariari videtur. Si quidem, apoplexiæ, docens, epilepsiæ, soporis, & cathochi differentias, tradit epilepsiam ab apoplexia differre, quod hæc in paralyfim finitur, illa verò non item. oppositam verò sententiam tueri visus est, dum ita loquitur. Nam quod eas, quæ apoplexia, vel epilepsia ad aliquam ex non præcipuis partem irruunt, paralyfes, idest resolutiones, Hippocrates ita appellet, est demonstratum. Interdum quoque & facta absque conuulsione epilepsia

4. de loc. aff.
2.

4. de rat. ac.
est 17.

lepsiā nonnullis morbus in partis resolutionem fini-
uit, qui paraplexia vocatur. Quod enim hoc in loco
legendum sit epilepsia, non apoplexia, quemadmo-
dum textus omnes præferunt, scriptum reliquit
Mercurialis, ea forsitan de causa, quia sine conuul-
sione apoplexia fit, & quia ferè semper, non inter-
dum in paralyfim degenerat. Aliquando autem epi-
lepsiā absque conuulsione apparere demonstra-
tum à nobis est in superioribus. Patet ergò sibi non
constare Galenum, per quem finiri, & non finiri in
paralyfim hæc affectio posse videtur. Insuper Auicenna manifestè scribit epilepsiam in paralyfim deli-
nere hisce verbis: Et quemadmodum apoplexia ver-
titur ad paralyfim, ita plurimùm epilepsia conuertitur
ad paralyfim. Et multoties, addit, resoluitur epi-
lepsia ad paralyfim, & ad melancholiam. Pro contro-
uersia hac dirimenda responderunt aliqui in Auicen-
næ verba mendum irrepisse, & vbi multoties, repo-
nendum aliquoties. Sic enim Galenum Auicennæ
posse conciliari existimant. Mercurialis, cuius nu-
per facta est mentio, & quem semper ego, ob singu-
larem eius eruditionem, magni feci, duplicem dari
epilepsiam refert, vnā quidem sine conuulsione,
alteram verò cum conuulsione, atque illam in para-
lyfim posse finiri, hanc verò non item. Cuius tamen
viri sententia ea de causa mihi non vnde quaque sa-
tisfacit, quia epilepsia, quæ sine conuulsione ægrotan-
tes inuadit, non ab humore pituitoso frigido, & cras-
so cerebri ventres obstruente, sed à blando potius
vapore à ventriculo in cerebrum elato, aut etiam ab
humore, qui tamen adeò paucus existat, vt, quemad-
modum legitimam non parit epilepsiam, ita nec vilo
pacto paralyfim inducere valeat. nam quantum spe-

In Præleſt.
Patav. c. de
epilepsia.

pt. 3. trac. 5.
c. 8.

Loco cit.

A a &at

Lectionum de Epilepsia

4. de loc. aff.
3.

stat ad Galeni locum paulo supra allatum, vbi videtur affirmare epilepsiam, quæ conuulsione carcat, in paralyfim quandoque finiri, puto ego illum non continere mendum, & si aliqua in parte correctionem expostulat, vbi interdum est, reponendum plerumque, aut multoties; iuxta ipsius Galeni mentem, qui alibi dixit. Solutæ apoplexiæ creberrimè succedit paralyfis. Vera nanque causa, ob quam non sic in paralyfim terminatur epilepsia, veluti apoplexia, cum tamen vtraque passio communem habeat vnum, eundemque humorem, nulla certe quidem esse potest, quam conuulsiva cerebri motio, dum noxiū humorem à se protrudere nititur. Eo siquidem motu, & est alterum quæsitum, humor comitialis morbi causa ad nares, & ad palatum expellitur. Vnde non semel obseruaui ex epilepticorum ore pituitam multam, crassam, & frigidam excerni, quam si in longum trahas, veluti filū ipsius multitudinem adduces. Stertor præterea, qui ingens aliquando in ipsdē perfertur, non ne clarè ostendit illius humoris partē in thoracē, & per oesophagum in ventriculū delabi? Vt hinc pateat, quā leuis, inanisque sit illa Fernelij ratio, qua conatur probare apoplexiam, & epilepsiam haud eo nomine differre, quia hæc ex non integra obstructione ventriculorum illa verò ex omnimoda creatur. Inquit enim, si hæc foret causa, in diffensione paroxysmi succederet ei paralyfis, veluti succedit apoplexiæ. Quandoquidem asseram ego, idcirco paralyfim attonito morbo superuenire, quoniam cerebri ventres in eo affectu integra obstructione, occlusionēve laborant, ac tota eiusdem membri substantia vehementer opprimitur: Ex qua re fit, ut obstruentem materiam insita virtus non modo vndequa-

dequaque excutere, sicuti in epilepsia fieri cernitur, sed ne contra insurgere queat. quod maxime accidit forti apoplexia correptis: in his verò, qui non adeo forti laborant, ad alterum latus, quod est spinalis medullæ initium, à cerebro ipso materia, quamvis debilius, excutitur: vnde paralytis. Quamobrem de apoplexia loquens Rhasis; Cum alicui, ait, ob summam spirandi difficultatem spuma ab ore prorumpit, nullis remedijs ipsi subueniri potest: verum si leniter stertit, & liberius æger respirat, morbus leuior, & mitior existit. Et præsens quidem affectus, aut mox oppressum suffocationis modo iugulat, perimitque, aut noxio humore è cerebro in nervos delapso, in illorum resolutionem desinit. His ita disputatis concludendum mea sententiâ, in paralytim nunquam terminari epilepsiam, quæ talis verè existat, hoc est, quæ ex adeo magna ventriculorum obstructione nõ pendeat, vt ad apoplexiæ naturam potius accedat, in qua propterea leuis fiat contrulsius motus, humoris multitudinem penè obruta expultrice facultate. In huiusmodi enim epilepsia apparere quandoque posse resolutionem, neque ipse negauerim: Et hoc sensu, arbitror, dixit Auicenna in paralytim morbum comitiales finiri: Quò pariter si Mercurialis respexit, laude potius, quàm reprehensione est prosequendus. Ad prognosticum descendamus,

sac Alm. 4.

sac 4.

Lectionum de Epilepsia

De Prognostico epilepticorum.

Lect. XXX.

Acturus hodie manè de comitialium prognostico; exordiendum mihi esse duxi à prognostico in genere, an videlicet epileptica passio curatu omnino contumax existimanda sit, deinceps ad prognosticum iam præsentis accessions, eiusque differentiarum sermonem conuertam. Fuit medicorum quorundam opinio epilepsiam medicinalibus auxilijs profligari nunquam posse, cuius rei gratia Herculeum morbum vocari contendunt, quia nimirum ut Hercules inuictus fuisse perhibetur, ita hic nulla medicorum ope tolli, euincive queat. Horum hominum sententia confirmari ex eo posse videtur, quod si ante viginti unum quintum annum alicui hæc affectio contingit, sola ætatis mutatione curatur, si postea, insanabilis euadit, veluti scriptum reliquit Hippocrates. Celsus præterea id genus mali longum esse dicit, usque ad mortis diem, & vitæ non periculosum, interdum tamen cum recens est, hominem consumere, & sæpe id si non remedia substulerint, in pueris venenis, in puellis menstruorum initium auferre: iuxta illud ab Hippocrate prolatum: Morbi, qui non finierint maribus in pubertate, feminis cum menstrua erumpunt, consensescere consueverunt. Epilepsiam tamen expugnari posse non minus, quam alij morbi existimo, quorum origo ab his causis pendet, à quibus & hunc ipsum induci supra satis abunde probauimus. Quod si quispiam obijciat curatu esse perdifficilem, concedam hoc,

3. aph. 7.
Lib. 3. c. 23.

3. aph. 18.

hoc, ardua enim valde est eius curatio. Verum rei
 difficultas minime arguit rei impossibilitatem, ut om-
 nis epilepsia prorsus insanabilis censenda sit. Plures
 enim visi sunt epileptici, qui diutius graui hoc sym-
 ptomate detenti suere, in integram sanitatem resti-
 tuti. Hippocrates tradit esse quidem epilepsiam cu-
 ratu contumacem, sed cum iam etatem adepta fue-
 rit, altiusq; suas egerit radices. Tunc enim haud am-
 plius curari affirmat, quoniam cerebrum à pituita ero-
 ditur, & colliquatur. Id verò quod colliquatur aqua
 fit, & foris cerebrum ambit, & circumalluit, propte-
 reaq; frequentius, ac facilius à morbo hoc prehen-
 duntur. diuturnus verò idcirco morbus est, quia id,
 quod ingult venis, tenue est præ multitudine, & sta-
 tim superatur à sanguine, & calefcit. Sed nec ista
 vniuersam dubitandi occasionem adimunt, quando
 nemini non patet initium veneris in pueris, men-
 struorum in puellis morbum posse auferre. Id enim
 temporis est, quod Hippocrates ante pubertatem
 vocabat. Vnde orta est controuersia, an puerulorum
 epilepsia curatione indigeat, vel ne. hac enim in re
 minime conuenire videntur vetusti medici. Quan-
 doquidem Hippocrates primum videtur spem om-
 nem liberæ omnis puerorum ab huiusmodi affectio-
 ne in sola ætatis mutatione collocare. nam ætatis
 processu immutuantur crassi humores, extenuan-
 tur, & exsiccantur, & ideo cessat morbus, accedente
 etiam aliqua in victu correctione: adolefcētes enim,
 & iuuenes non sunt adeo voraces, ut pueri. Paulus
 in super infantibus epilepticis totam curationē aper-
 te interdicit, qui victum solummodo conuenientem
 præscribit, expectans & ipse ætatis mutationem. Ita
 enim scripsit. Quod si laborans fuerit etiamnum in-

In lib. de
mor. fac.

Lib. 3. c. 13.

fans,

Lectionum de Epilepsia

fans, nihil oportet circa illum facere. Etenim ætate mutata ad biliosius, & aridius, & victu ad temperatius, sua sponte plerunque passio cessat. Actius tamen indistincte pueros omnes curare præcipit, & senes pariter, vitatis euacuationibus per medicamenta, sed vsu clysterum, gargarismatum, errhinorum, frictionum, & sinapismorum. Celsus quoque concedit in pueris curationem. Sed cum eum, inquit, remedia non sustulerunt: in pueris veneris, in puellis menstruum initium tollit. Controuersiam dirimit Galenus per hæc ipsa verba. Fit autem & oberrata hæc eadem passio pueris, medicorum curatione indigens: cum verò ob humorem sit, infantes statim inuadit, desinitque ætatis conuersione, cum nihil nos fecerimus. quapropter quibuscunque pueris non à prima statim ætate, cum adhuc sint infantuli, sed in progressu inceptit, proculdubio ob peccata in victus ratione commissa, aut ob aliam quampiam externam causam exortus est. in quibus ætatis mutationem expectare non expedit, sed factum morbosum affectum in ipsis curare. Ex his Galeni verbis manifeste constat, quæ illius sit de hac reseruentia. Vbi illud vnum mihi non vnde quaque probatur, epilepsiam, quæ puerulis adueniat, opera medici non egerit, sed sua sponte cessare; cum puerulos infinitos hæc affectio perdat, & medicorum auxilio quamplures liberentur. quod si perdurant, non semper ætatis mutatione sanantur, sed aliqui perstant, & commouentur, vt Hippocrates assentiat. Dicamus igitur non omnibus ab ætate pubere expectandam sanationem eiusmodi affectus, neque enim id vult Hippocrates, sed quandoque ad medicæ auxilia confugiendum, habita tamen ratione infantilis ætatis, quæ grauiora medica-

ser. 1. tetrab.
de 4. 19.

6 epid. sec. 1.
com. 5.

de 2. 21.

226

dicamenta non sustinet. Id quod intelligi velim non solum de ijs, qui ex errore in victus ratione, aut alia externa causa in id genus mali inciderunt, verum quoque de puerulis recenter in lucem edicis, etiam si ex parentum senine illud contraxerint. Est enim & hic morbus hæreditarius, ut paulo inferius sum ostensurus. Quod verò addit ibidem Hippocr. de his, qui viginti quinque annorum sunt, non eum habet sensum, quem vulgares medici existimant. Amplectenda nanque potius est altera lectio, quam Galenus ipse affert, quæ eiusmodi est. Quibus verò sit vigesimo quinto anno epilepsia, serè commoritur, adverbio serè idem quod magna ex parte significante. Ex quibus omnibus concludi posse videtur, nullum epilepticum morbum esse prorsus curatu impossibilem: nam & qui ultra vigesimum quintum annum protrahitur, licet maiori ex parte præsidij medicis renitatur, utpote qui altius fundaméta iecerit, quandoque tamen debellatur. Vidit rem hanc Paulus in his verbis: Nam si non pubertate, vel menstruorum initio, vel puerperio solutus fuerit, vel si post hoc tempus remanserit, sæpe, inquit, usque ad mortis diem protogatur, nisi congruum medici curationem fuerit affectus. Ad prognosticum accessionis, differentiarumque accedamus. Quicumque igitur accessio-
nis initio multum commouentur, diuque perseue-
rant, postea verò ab agitatione cessant, neque tamen releuantur, sed potius stertor, & alia apoplexia acci-
dentia superueniunt, iam in paroxismo mori est pe-
riculosum. deiectione nanque sunt vires pugnando. Insuper si crebrius repetit accessio, causam perma-
nentem esse demonstrat, sicque posse epilepticum in-
terimere: idque eò magis, si ea adsint grauiora sym-

pto-

Lectionum de Epilepsia

Cap. de epilepsia.

In li. de car.

ptomata, quæ à nobis supra fuere narrata. nam quæ magnitudinem morbi significant, eadem & mortem coindicant. Eiusmodi epilepsia velocis admodum motus est, & proinde vitium acutum. Vnde per sepe exitum non modò citò habet, sed etiam patientem iugulat, paroxysmorum frequentia, & symptomatum vehementia: De quo genere epilepsiam intelligendi sunt Galenus, & Auicenna, quoties acutum morbum esse testantur. Contrà, quibus rarò contingit accessio, & ab ea quamprimum resipiscunt, cum symptomatum imbecillitate, ita ut etiam ab inuasionem liberi verecundentur, hi minime omnium periclitantur. Horum hominum epilepsia tardi motus est, & chronica; de qua Celsus loquitur, cum dicit, morbum hunc longum esse usque ad mortis diem, & vitæ non periculosum. Difficillimè epilepsia vincitur, quæ in capite per essentiam generatur, quippe quæ, Auicenna auctore, fundatur super debilitate digestionis in cerebro. Per consensum verò ab alijs infernis partibus orta, præsertim verò à manibus, pedibusque maximè sanari potest. A melancholia factum comitiale symptoma, cæteris paribus, semper est periculosius eo, cuius causâ sit pituita. Nam humor ille in capite peccans, maiorem arguit recessum à naturali statu. Cerebrum enim cum propria natura frigidum sit, & humidum, leui de causâ similem qualitate humorè, qualis pituitosus est, coadæruabit. Immo ab Hippocrate sedes, & metropolis frigidi, & glutinosi cerebrum vocatur. Melancholicum autem humorem cerebrum, nisi ex vehementi causâ, non congerit. Quare qui melancholiæ vitio epileptici euadunt, periculosius ægrotant ijs, qui ex pituita hoc pariter morbo laborant. Quartana febre detenti, epilepsia non corri-

corripiuntur, & si prius capiantur, quartana superue-
nienteliberantur. Hippocrates. Iuxta quam inten-
tionem dictum quoque fuit ab eodem Hippoc. Fe-
brem convulsioni superuenire melius est, quam fe-
bris convulsionem. Nec non cum scripsit. Si ebrius
quispiam repente obmutuerit, convulsus moritur,
nisi febre corripiatur. Quorum locorum vi, ac au-
thoritate in epilepsia, apoplexia, convulsionis, alio-
rumque consimilium morborum frigidorum curatio
ne contendunt aliqui excitandam esse febrem. Sed
hæc opinio quam vana sit, ac temeraria ostenditur
à nobis in therapeutica. Infelix enim medicus, qui
nescit morbum nisi morbo depellere. Mulier comi-
tialis vel vtero gerens, aut mensium suppressione la-
borans, à partu edito, & mensium educationeli-

6.epid.tiron
fuerit.
2.aph.16.

5.aph.5:

beratur. In subsequenti lectione disputa-

bitur, an soli homines inter animan-

tes epilepsia laborent, & cur in-

genio præpollentes viri

maxime omnium

huic vitio

ob-

noxij sint. Nam & hæc ad pro-

gnosticum spectare vi-

dentur.

*An soli homines, inter animantes, epilepsia
laborent, ut sentire videtur Aristot. &
cur ingenio prapollentes viri maxime om-
nium epileptici evadant. Lect. XXXI.*

In Probl.

In com. de
Mor. sacro.

In Probl.

Ponitur in controuersia, an soli homines ex communi animantium genere comitiali morbo corripiantur, quoniam Aristoteles huiusce sententiæ fuisse videtur. Causam enim querens, ob quam homini potissimum oculi deprauantur, in hunc modum loquitur: An quod homo vel solus, vel maxime morbo capitur comitiali in puerili ætate? Contrà quam sententiam pugnat quotidiana experientia. Multas nanque, præter hominem, animantes id genus mali perpeti in dies obseruamus. Vnde Hippocrates oues, & capras epilepticum malum sentire, imprimisque capras ipsas memoriæ proditum reliquit. Si quidem cum vitium hoc ex calida præcipue, humidaque aeris intemperie progigni doceret, id ipsum ouium, caprarumque exemplo per hæc verba demonstrat. Cognouerit autem hoc quis maxime ex ouibus hoc malo capris, & præsertim capris: hæc nanque frequentissime hoc morbo corripuntur: si enim caput ipsorum dissecueris, cerebrum reperiens humidum esse, ac sudore refertum, & malè olens. Sic verò res sese habet & in homine. Plutarchus etiam rerum naturalium haud minus profectò, quàm historicarum peritus, capram hac affectione tentari refert: Cuius summi viri verba apponere libuit. Quid est quod capella sacerdotem

tem

tem adeo abstinere voluerunt, vt non modo attingere, sed ne appellare quidem liceret. An quod capram tanquam morbidam timerent. Videtur enim præter cætera animalia comitiali morbo tentari, & qui gustarint, aut attigerint, huius morbi aliquid intrare. Huius rei causam assignant poros angustos, quibus clausis etiam spiritus sapissime includitur. Quod arguit vocis tenuitas. Quicunque enim hoc morbi genere tentantur, similem capellæ vocem edunt. Plinius autem tradit coturnices solas inter animalia, homine excepto, comitiali malum sentire; quam ob causam eas damnauere mensæ, non tantum ob veratri semen, quod illis gratissimus est cibus. sed an coturnices à mensis remouendæ sint, ne vitium, quo laborant, æstantibus communicent, inferius in curatione discutietur. Vbi etiam, an quia venenato semine vescitur, an verò propriæ, insitæque substantiæ ratione hoc volucrum genus conuulsiones pariat, copiose docebimus. Interim ne à re suscepta longius abscedam, Albertus cognomento Magnus passeres quoque comitialiter prolabi affirmat, præsertim verò si hyosciami semen, quo magno opere delectantur, comederint. Quinimmo & Strabo iumentis omnibus in alium hoc, aut quidpiam aliud huic per simile, ex cuiusdam arboris æsitatione, accidisse testatur. Arbor erat, inquit, lauro similis, qua gustata iumenta omnia cum spuma in morem comitialis morbi emoriebantur. Hieronymus Montuus se non semel psitacos, canes, simias, & cercopitecos ab epilepsia conuulsos inspexisse fatetur. Non ergo solus homo inter animantes epilepsiâ patitur, nec solæ coturnices, præter hominem, comitiales euadunt, dicant quidquid lubet cum Aristoteles, tum Plinius.

LI. 10. c. 33

In Morb. A. nascitur c. de epil.

Lectio de Epilepsia

Quæritur modò, cur inter homines, hi potissimum comitiales euadant, qui cæteris ingenio, menteque antecellunt. nam ita rem hanc sese habere, veterum, modernorum que auctorum historiæ, ac monumenta satis superque propallant. Imprimis enim constat Herculem illum, quem ob singularem virtutem, qua reliquo santeibat, in Deorum numerum ethnici cooptarunt, comitiali morbo fuisse correptum, quem Hippocrates ab Antyciræo expurgatum veratro fuisse, atque inde conualuisse scribit. Plinius refert Liuium Drusum, qui Tribunus pl. fuerat, cum epilepsiam pateretur, Antyciram nauigasse, ibique helleborum potasse, & ex eo incolumem à morbo euasisse. Cambyses etiam, ut videre est apud Herodotum, epilepticus cadebat, ut similiter Damocrates Atheniensis, quem ferunt, cum plerique ei offerrent amuleta aduersus morbum hunc, Delphos ad oraculum migrasse, ut quoniam ex eis uti posset à Dæmone intelligeret, cui sic Pythia respondisse fertur.

In epist. ad
Græcū heri-
bar.

Lib. 3.

Ex Trallia
no.

*De grege sume capra maiores turis alumna
Ex cerebro vermes, & quis dato tergora circum
Multiplici vermi pecoris de fronte reuulso.*

Iulius Cæsar inter res gerendas bis correptus est comitiali morbo, quem etiam C. Caligula in pueritiâ expertus fuit, Suetonio referente. Plotinus quoque magni olim nominis philosophus hoc morbi genere miserè cadebat, ut affirmant Suidas, ac Volaterranus; cui affectioni & Franciscus Petrarcha obnoxius fuisse dicitur. Quod similiter de Carolo V. Imperatore, alijsque ex inuictissima Austriaca familia oriundis me legisse recorder. Mahumet etiam ille, qui magnam Orientis partem sedissima religione confurcavit, eodem morbo laborabat: Quod cum am-
maduer-

In amborū
vitis.

Kunap apud
Volaterr. 17.
Antrop.

mādvertisset vxor, & ea de caussa plurimum quoque
 indignaretur, ac subinde rogaret, quid nam esset,
 Desine, inquit, mirari. Morbus abest; sed cum ad-
 uentantis numinis vim pati non possim, mente col-
 labor, membraque stupeant: Communis est hæc
 Prophetarum affectio, quorum me esse vnum scias
 velim. Qua fraude mulier delinita, quem odisse ce-
 perat, commenti versutia, vt diuinum suspicere vi-
 rum coacta est, atq; eousque tandem prorupit fraus,
 vt moriens mulier illum ex asse heredem instituerit,
 vel ut legitur apud Cælum Rhodigium. His igitur, In An-
Leq. 1
 & alijs exemplis abunde patet epilepsiam summis po-
 tissimum viris ingenio, menteque pollentibus con-
 tingere. nunc ideo huiusce effectiois causa inue-
 stiganda. Vnaqueque pars in nostro corpore, quò
 exactiorem sensum obtinet, eò magis à sensibili, &
 re præter naturam afficitur. Læsionem enim, sen-
 tiendi acumine, facilius per sentit. Quamobrem cū
 omnes, qui ingenij subtilitate cæteris præstant, ob
 subtilem cerebri substantiam, exactam admodum
 habeant illius membri sentiendi vim, & facultatem,
 verisimile sit eos futuros magis epilepsie obnoxios,
 vtpote quorum expultrix cerebri virtus vel ex leui-
 ori causa ad contra pugnandum irritatur, quod sanè
 haud contingit his, qui rardo præditi sunt intellectu,
 in quibus ob cerebri crassitudinem ægrè suscitatur
 facultas. Hæc enim videtur esse causa, quamobrè
 Florentini perspicacissimi ingenij viri, inter alios
 Italix populos, comitiali morbo maximè laborare
 cernuntur. Prætereundum verò hoc in loco non
 est, ingenio, menteque alijs præstantes epilepsiam
 per essentiam pati ab humore melancholico potius,
 quàm pituitoso. Quicunque enim ingenio charre-
 runt,

Lectio de Epilepsia

Arist. sect.
probl. 10. p.
ble. 1. Gal. in
lib. quod a-
nimi mores
a. 4.
Apud Gell.
lib. 18. Att.
Noct. 6. 7.

In eo. prob.

a. 5. aph.

aph. 1.

a. de rat. vic.
Acut. com.
35. Met. 7. &
alibi.

6. epid. sec. 3.

3. de loc. aff.
7.

runt, vel in studijs philosophiæ, vel in republ. admi-
nistranda, vel in carmine pangendo, vel in artibus
exercendis, melancholici omnes, fuisse dicuntur, ita
ut etiam vitij atræ bilis infestari soliti fuerint. Sic
Phaüorinus, Scitote, inquit, intemperiem istam quæ
melancholia dicitur, non paruis, nec abiectis inge-
nijs accidere, sed esse heroum pathos. Ita Socratem,
atque Lyfandrum inter sapientissimos, & melan-
cholicos enumerat philosophus. Galenus noster
melancholicus fuit, si Mosi credimus. Hercules, vn-
de huic morbo nomen, atrabilarius fuit. Mentis
igitur acie præpollentes viros melancholicæ habitu-
dinis esse constat, in quibus melancholicus humor,
à quo ingenij dexteritas emanat, abunde augetur,
non tantum innati temperamenti ratione, sed etiam
ob immodicas vigilias, quibus die, nocteque defa-
tigantur, quorum propterea corpora desiccantur, ac
sicciore, terrestrioreque humores euadunt. Vigi-
liæ siquidem vniuersum corporis habitum exsiccant.
Quod si quærat aliquis causam, ob quam melanco-
licus humor ad cerebrum delatus melancholiam mor-
bum non potius generet, quàm epilepsiam, Respon-
debo cum Hippocrate, Melancholicos interdum co-
mitiales effici, & comitiales melancholicos, atque
horum vtrumuis magis accidere, prout vel in hanc, vel
in illam partem morbus reipit. si enim in corpus co-
mitiales, si in mentem melancholici euadunt. Quæ
Hippocratis sententiam explicans Galenus ita loqui-
tur. Hoc sermone primum quidem declarauit, quod
non semper, sed magna ex parte horum affectuum
alter in alterum transit, quippe non solum nigra bi-
lis, verum etiam pituita (vti iam præceptum fuit) mor-
bum epilepticum producit. Epilepsia igitur, quam
nigra

nigra bilis constituit, in melancholiam morbum nuncupatum pertransit, quæ verò à pituita orta est, in aliam affectionem permutatur, melancholiam verò haudquaquam efficere potest.

Quamobrem epilepsia hæditario quodam iure in filios, & quod mirum magis est, in nepotes, parentibus illatis, ex auis descendat. **Lect. XXXII.**

Permulta morborum genera, Auditores, ab auis, & parentibus ad prolem ipsam descendere, cum alij & medici, & philosophi affirmavere, cum verò imprimis Aphrodisæus testatù reliquit, cui subscribens Damascenus non modò animi vitia, corporisque lineamenta, sed etiam morbos diuturnos, præsertim membris principis parentibus hæditari perscripsit. Rationi insuper consonum fit, plerisque morbis, inscitari, quibus prædecessores fuerint correpti, nam qualis causa, talis plerunque effectus est, cum omnis causæ in agendo intentio sit, sibi pro viribus simillimum generare. Vnde sperma, inquit Avicenna, habentis membra laxa rarò generat sanum. Quapropter ex sanis sani, ex infirmis infirmi creantur, quoniam semen, ut Hippocrates autumat, de omnibus, & viri, & mulieris partibus progreditur, secerniturque à toto corpore, & à solidis, & mollibus partibus, & ab omni humido in uniuerso corpore: A quo fit, ut foetus parentibus similes oriantur, qualesque

In prob. ab initio.
In aphorismis.

Fen 20. li. 3. c. 13.

In lib. de generatione.

fuc-

Lectionum de Epilepsia

fuerunt parentum morbi, tales etiam plerumque liberis implantentur, fiantque iuxta hoc multi podagrici à podagricis, hydropici ab hydropicis, tabidi à tabidis, epileptici ab epilepticis. Quod enim epilepsia inter eos, qui hæreditantur, morbos connumeranda sit, nemo non sateretur, cum quotidie multi ex comitialium parentum semine comitiales euadant. Quam rem pariter docuit Hippocrates, qui morbos inter hæreditarios præsentem adhibet tum alijs in locis, tum ubi nulla re ceteris morbis diuiniorem epilepsiam esse demonstrare nititur. Ibi nanque, epilepsia, ait, incipit velut alij morbi secundum genus. si enim ex pituitoso pituitosus, ex bilioso biliosus progignitur, & ex tabido tabidus, ex lienoso lienosus, quid prohibet, ut cuius pater, aut mater hoc morbo laborarit, etiam posterorum, ac nepotum aliquis eo corripatur? Verum ad hanc ipsam rem magis illustrandam illud summopere facit, quod Hippocrates de populis quibusdam macrocephalis nuncupatis memorie mandat, qui populi capitibus nascebantur oblongis, cuius effectus causam vult Hippocrates primum fuisse consuetudinem, quæ deinceps in naturam conspiraret, ob genitale semen ab omnibus corporis membris proueniens, aitque prorsus ad hanc modum. A principio quidem consuetudo in causâ fuit, ut tam longis capitibus essent, nunc autem natura ipsa cum consuetudine conspirauit. Si quidem generosissimum apud eos putatur caput habere quam maxime longum, consuetudinis autem hoc initium fuit. Cui recens infans natus est, caput eius adhuc tenerum, & molle existens quam celerrime constringunt manibus, coaptantesque cogunt in longitudinem augeri, quin & vinculis connectunt, ac aptis instrumentis colli-

a. Proethet.

In li. de fac.
morb.

in li. de aere,

aq. & loc.

in li. de aere,

in li. de aere,

colligant, quò capitis rotunditas prohibeatur, & longitudo augeatur. Hactenus Hippocrates. Hanc eandem consuetudinem, oblonga nimirum capita faciendi, apud Galatas adhuc hodie vigere ab hominibus fide dignis, & qui ea loca peruagati sunt, intellexi. A quibus fortasse populis eundem morem transtulere Genuenses nostri, qui olim his gentibus dominari suere. Si quidem & ipsis iam multis ab hinc annis talia capita faciendi mos est, quod etiam Piorius Valerianus obseruauit. In Alexo-
glyph. sed cum his temporibus multi illa in Vrbe longis oriantur capitibus naturæ, non artis opificio, quia scilicet parentes ipsorum huiusmodi ferant capita, dicendum omnino est de his, quod Hippocrates de macrocephalis, consuetudine videlicet effectum esse, ut eiusmodi natura capitum permultis existat. nam temporis progressu natura quoque tales producit, ut priore consuetudine uti amplius necesse minime sit. Huius autem effectus causam haud aliam esse tradit Hippocrates, quam semen ipsum ab omnibus corporis partibus emanans, de quo Lucretius.

Semen, adulta ætas cum primam roborat ætas,

Per membra, atque artus decedit corpore toto.

Quod quidem semen, quoniam, ut dicebamus, ex fanis sanum, ex morbidis morbosum profluit, ideo fit, ut ex caluis calui, ex cæsis cæsi creetur, & ut plurimum distortus distortum generet, eademque ratio sit circa reliquas formas. Quid prohibet igitur, ut ex macrocephalis macrocephali non gignantur? Ad rem nostram. Si male affectum semen à capite, & cerebro, ut alijs corporis partibus procedit, verisimile certe fit, ut nati cum aliæ partes, tum etiam caput ipsum male affectum ex semine tali reddatur, equius rei gratia morbos pro-

Cc

geni-

Lectio de Epilepsia

genitoribus familiares, vtpote epilepsiam, & alios
faciliter admittat. Quod si vera est Hippocratis sen-
tentia, plurimum semen à membro illo principe ef-
fluere, tantò maiorem capitis & cerebri læsionem na-
tus contrahet. Probat autem rem hanc Hippocra-
tes ex eo, quod quibus prope aures venę inciduntur,
eos actu quidem semen effundere adinuenies, verũ-
tamen modicum, debile, ac infecundum. Plurima
enim, inquit, geniturę pars à capite per venas iuxta
aures in spinalem medullam defluit, quibus cicatri-
ce obductis seminis transitus intercipitur. Id ipsum
& alibi apud eundem habetur, vbi Scythas incisis,
quę sunt retro aures, venis infecundos euadere tra-
dit. Quam rem latuisse Galenum putat Auicenna,
verũ ego censeo potius Galenum id ipsum dissi-
mulasse, tanquam sensui reluctans. Alcmeon philoso-
phus semen esse partem cerebri existimabat. Du-
bitabit verò hoc in loco aliquis ingeniosus de via,
per quam è cerebro, & spinali medulla semen ad va-
sa spermatica ducatur. Eam nos pariter docuit Hip-
pocrates, licet eius opinioni Anatomicorum nemo
assentiatur, vbi venas ex capite iuxta aures per cerui-
cem sphagitides hoc est iugulares appellatas, intrin-
secus iuxta spinam, ab vtraque parte iuxta lumbos in-
testes, & femora procedere exarauit. Vnde, ex Hip-
pocratis sententia, venis penes aures resectis, aut etiã
excistis, potiori seminis parti transitu intercluso, fecun-
ditatem adimi necesse est. Opinio hæc de semine
plurimo à capite manante finis, etiam rationibus
confirmari potest. Coeuntes enim in spermatis ef-
fusione oculis nictant, imò ea perpeti videntur, quę
cadendo epileptici, vt hinc videre liceat, quàm verè
dictum sit à Democrito, concubitum esse veluti par-
uam

In de aere,
aq. & loc.

Lib. j. Fen
20. c. p.

De off. natu-
ra.

Apud Gal. 1.
epid. com. 4.

uam epilepsiam. Præterea qui frequentiori videntur
venere, ac salaciori sunt natura citissime caluescunt,
Ideo Aristoteles ex nimio rei venereæ vsu caluitium
prouenire scripsit. Quò spectat scõmma illud à Ro-
manis olim in Casarem Dictatorem proclamatum.
Romani seruate vxores, mecum caluum adducimus.
Quæ pauca plurimum semen è cerebro decidere o-
stendunt, licet de infecunditate ex incisione illarum
venarum, arteriarumque pene aures proueniente,
secus ac fecerit Hippocrates, decernendum esse vi-
deatur. Vnde alij in cerebrum imbecille redditum,
ob vitalium spirituum influxus prohibitionem, alij in
incisionem neruuli vnà cum venis, quem Vessalius
à sexta neruorum propagine in testes, ac seminaria
vasa descendere in multis vidisse fatetur, libèrius re-
ferunt. Sed, vt vulgo iactatum est prouerbio, suam
vnusquisque sponfam. In dubium vertitur etiam,
num semen ab omnibus partibus defluat, veluti ego
ex Hippocrate, atque Lucretio paulò ante affirmaui.
Nam Galenus ipse in hoc, Hippocrate relicto, peri-
pateticorum principi adherere videtur, quippe qui
semen aptum natura non esse ex omnibus recedere,
sed ad omnia accedere scriptum reliquit, cum quæli-
bet feminis portio totius vim habeat, qua vniuersa
membra conformet, licet ab vniuerso corpore non
manarit. Demùm quæquæ sit huiusce dubitationis
veritas, illud certè apud omnes receptum est, semi-
nis materiam ex tribus principibus membris cerebro,
corde, iecinoreque prouenire, & plurimam fortas-
se ex cerebro ipso, vt Hippocrates contendit.
Quamobrem verisimile sit, vt cerebri epilepsiam pa-
tientis vitiatum semen, in nato cerebrum quoque
eidem morbo obnoxium progignere valeat. Hu-

Lectionum de Epilepsia

4. aph.

eusque igitur patet, causam, ob quam filij parentum vitia, agitudinesve non raro pari cognoscitur, ingenitale semen reijciendam esse, quoniam videlicet secū vitia eorum, in quorum corporibus genitum fuit, semper affert. Nunc modò inuestigandum, ac latius explicandum, qua ratione patrū vitiatum semen committiales, alijsque hæreditarijs morbis obnoxios filios progignere valeat. Nulla alia ratione, arbitror, male affectum parentum semen morbosos filios parit, nisi quoniam ab ipso spermate vitiatum partium imbecillitas contrahitur, cuius gratia partes ipsæ excrementa tūm congerunt, tūm & cæterarum partium recipere coguntur, vnde postea morbosæ euadunt. Satis clarè docuit nos rem hanc Galenus, ubi tradit pleurosque hominum podagra corripi, quod parentes, & auos podagricos habuerint, in quibus vitiatum erat semen, ex quo posteriores maiorem traxere partium imbecillitatem. Vt enim qui podagra laboraturus est, pedes habeat imbecilliores oportet, sic cerebrum infirmius, qui futurus est epilepticus. Quare, ut pedum imbecillitate in morbosum parentum sperma podagricis conciliant, ita cerebri debilitatem futuris epilepticis. Quæ partes debilitate contracta prauorum, ut dicebam, suæ copiam non modò congeriunt, sed etiam cæterarum, præsertimque vicinarum excrementa, si quæ in illis ob errata in victus ratione fuerint accumulata, suscipere coguntur, quorum excrementorum causa morbosæ fiunt. neque enim podagricus, aut epilepticus ex sola partium eupathia, seu patiendi procliuitate his affectibus corripitur potest. Quæret autem fortasse aliquis, in quemadmodum filius, cuius podagricus fuerit auus, sanus verò & omnino exerts podagra patet, ipse tamen podagra affinis

nis

nis generatur, ita pariter epilepticus euadat is, cuius
 parens ab hoc affectu liber omnino vixerit, auus at-
 tamen eo laborant. Huic pro me respondeat expe-
 rientia; visi sunt enim multi epilepsiam pati ex au-
 rum potius semine, quam patrum. Quod cum verū
 sit, iure merito quaeritur à me causa, ob quam ex vi-
 tiato auorum semine morbis obnoxij futuri sint ne-
 potes, quorum parentes incolumes fuerint, cum tam
 epilepsia, quam podagra, ceterorumque morborum
 hereditas genitali semini adscribatur, & à parentum
 semine filij oriantur, non auorum, quod iam euauit.
 Huiusce dubitationis solutio sub ea quaestione com-
 prehenditur, quæ peripateticorum, nedum medico-
 rum animos magnopere torquet, cur interdum filij
 altero parentum, interdum verò amborum neutro,
 sed auo, & ab auo similes gignantur. Siquidem, vt
 ait Aristoteles, redditur post plura genera similitudo,
 idcirco ex Helide, quæ cum Aethioperem habuit, non
 filia Aethiopi colore similis genita est, sed ex filia na-
 tus, seu Helidis nepos Aethiops euasit. Ita etiam
 Nicæus vates Bysantius à candido virilisque paren-
 tis colore in auum Aethiopem degenerauit. Vnde
 Zenon Citieus semen ad hunc modum definit. Sper-
 ma est hominis spiritus, quem cum humido emittit,
 partis animæ spoliū, & generis probauorum permix-
 tio. qualem enim ipsum erat, tale permixtum extermi-
 tur. Qua in re pariter Lucretium vatem vnā, & phi-
 losophum sapientissimum audiamus.

Lib. de gen;
 anim. l. c. 19.

Lib. 4.

*Fit quoque vt interdum similes existere auorum
 possint, & referant progenorum saepe figuras,
 propterea quia multimodis priuordia multi-
 mista, suuclant in corpore saepe parentes.*
 Quæ ratione autem ordo in intermedia generatione
 inter-

interrumpatur, qui deinceps in posteris pullulet, ac reuiuifcat, ita vt nepos morbo epileptico, siue podagrico, siue demum quolibet alio hæreditario morbo laboret, quo auus quidem fuerit correptus, sed cuius patrēs omnino expers vixerit, nō vndequaq; constat. Ego tamen interea meam super hac dubitatione sententiam libere pronuntiabo. Ad immutandam in melius, deteriusq; rationem conceptus concurrunt externa, internaq; multa. Non enim parum refert an quis tranquillo cœli statu, vel conturbato, ob varios ventorum status oriatur, & an mense frigido, vel calido, Lunaq; an crescente, vel decrecente. Ad quod similiter spectat ipsius genitricis natura, idque, aut secundum eius vniuersum corpus, aut secundum vterum ipsum. cum altera nanque muliere secundi, cum altera verò steriles multi extere, & ab vna sanos, ab alia morbosos procreari saepe videmus. Ad quam etiam in generatione diuersitatem efficiendam maxime omnium internę causę valent, nempe si corpus bene, maleve se habet circa concoctiones, & cruditates, circa bonorum, prauorumque humorum plenitudinem, vt similiter circa reliqua omnia, quę sub victus ratione continentur. causę etenim, quę in animalis generatione vnā conueniunt, non adeo necessarię sunt, vt ab externis, internisq; occasionibus impediri, immutariq; minime possint. Nam ex aliquibus causis auterri impedimenta possunt, & robur addi naturalibus generationis principijs, vt intermedia aliqua generatio prorsus quidem vitiorum, ægritudinumq; expers euadat, quę priorem, posterioremq; generationem adfligant, sed cuius semen labem, infectionemq; à patre susceptam seruet, quę deinceps in nepotis generatione, vtpote qui fuerit ijs auxilijs destit-

destitutus, quæ in eo vitium illud, velut in parente, celare potuissent, denuò pullularit. Quare licet aurum semen ad nepotis generationem minime concurrat, utpote quod iam evanuit, in patre tamen aliqua remanet labes, infectioq; ex cui male affecto semine relicta, cuius gratia nepos, in cuius generatione ea non adfuerit auxilia, quæ in patris conceptu conveniunt, vitium illud patietur, quod ab auctore patre contraxit, ita ut nepos auctore magis, quam parenti in hoc quasi hæres succedat, quanquam labes illa in paterno semine insignis admodum non fuerit. Accidit enim in hoc, quod scripsit Aristoteles; parva facta in principiis transmutatio, in illis magna, conspicuaq; apparet, quæ mox ab eis oriuntur. Ex quibus omnibus elici posse arbitror, quamobrem ex vitiato parentum semine filij, & quod magis admirandum est, auctorum nepotes, quorum sani vixerint patres, non tantum epileptico; sed & alijs omnibus hæreditarijs morbis obnoxij nascantur.

4. de gen. 2. nim.

PERORATIO.

Hæc ea sunt, Lector Candide, quæ circa Epilepsie naturam mihi dicenda occurrere, iuvenilia fateor, sed quæ à Medicis legantur, non indigna fortasse. Multa namque continent, quæ haud scio an alij, qui de tam sævò, horribiliq; morbo scripserunt, observaverint, præter ea, quæ à magno morbo sumpta occasione, ex Medicorum, Philosophorumq; fontibus hausta, non impolitè disputantur. In quibus quidem si aliqua offenderint nescio qui delicatuli, vnguentisque delibuti Medici, quæ præpurgatis illorum auribus non vnde quaque satisfaciant, sciant hi iuniori ætati

Lectionum de Epilepsia

etati aliquid condonandum, quæ si, Deo permit-
tente, ulterius protrahetur, non modò hæc, sed etiam
alia quamplura ornatiora, magisq; ab erroribus vin-
dicata, (non errare enim est supra hominis naturam)
in lucem proferet. Interim hæc veluti præludia emit-
tuntur, à me olim in Bononiensium Musæo ad Me-
dicinæ candidatos superiori è loco habita, deinceps
verò Venetijs succisuiis horis, quibus ab agrotantium
visitatione ferari mihi licuit, expolita, atque etiam
adaucta. Qualiæcunque sint, ne, quæso, negligas, ve-
sis mihi calcar ad maiora.

Si quid hoc in Opere scriptum adinuenies, quod
Sanctæ Romanæ Ecclesiæ præceptis vel minima qui-
dem ex parte reluctari videatur, iam pro non dicto
aut scripto habeas. Temerè enim potius, & inconsi-
deratè, quàm ex animi sententia à me prolatum fuit.
Eum nanque me esse profiteor, qui præcepta illa, ut
pote è sacris fontibus hausta, reuerenter colam, quæ
pariter in me adeò sunt firma, adeò certa, & explora-
ta, ut pro eorum seruanda veritate, vitam etiam pro-
fundere sim paratus.

**Finis Librorum trium de Epilepsia, seu co-
mittiali morbo Vincentij Alfarij à
Cruce Medici Philosophi.**

Venetijs, Apud Danielem Zanettum.

M. D C. I I I.

